

3 2425 000735

Mecmua-i funun /
AP95T8M42

001
NO1-12

STATE UNIVERSITY BOOK DEPOS

D AISLE SECT SHLF SIDE POS ITEM C
8 07 09 03 7 03 001 1

OHIO STATE
UNIVERSITY
LIBRARIES

AP95

T8M42

no. 1-12

10551205

مجموعه سنون

۱۸

جمعیت علمی عثمانیه

برنجی پنه

ماه محرم

نومرو ۱

استانبول

چاپخانه ده طبع اولنمشر

مجموعه سنون

اثر

جمعیت علمی عثمانیه

برنجی پنه

ماه محرم

نومرو ۱

استانبول

جریده خانه ده طبع اولنمشد

۱۲۷۹

مواد مندرجہ

جمعیۃ نظاماتی	ہیئت جمعیۃ
مقدمہ	منیف افندی
موازنہ علم و جہل	ولہ ایضا
قدمای مصریین تاریخی	خلیل بک
علامہ سما	قدری بک
سرعت عمر	منیف افندی
ظہور تصویر افکار	ولہ ایضا

جمعیۃ مہریلہ ممہور اولیان مجموعہ فنون نسخہ دلی پتہ ساختہ نظریلہ
باقیلہ رق طابع و بایعلری مسئل طوتیلہ جقدر



(جمعیت علمیہ عثمانیہ نظامنامہ سیدر)

(فصل اول)

جمعیتك مقصدی

برنجی ماده جمعیت علمیہ عثمانیہ کتاب تألیف و ترجمہ سی و عمومہ درس
اعطاسی و الحاصل ہر درلو و سائط ممکنہ ایلہ ممالک محروسہ شاہانہ دہ
انتشار علوم و فنونہ سعی و اقدام ایدہ جکدر
ایکنجی ماده جمعیت علوم و معارفہ و تجارت و صنایعہ دائر مجموعہ
فنون عنوانیلہ بہرماہ ابتدا سندہ بر غزتہ چیقارہ جق و اشبو مجموعہ لا اقل
اوتوز ایکی صحیفہ دن عبارت اولہ رق اعضا تک جملہ سنہ مجانا بر
نسخہ سی اعطا اولنہ جقدر

اوچنجی ماده جمعیت مسائل دینیہ و زمان حال پولتیقہ سی مباحثدن
احتراز ایدوب کند و سنہ قدیم اولنان لایحہ لکدخی مواد مذکورہ دن عاری
اولسنہ دقت و اعتنا ایدہ جکدر

(فصل ثانی)

جمعیتك صورت تشکلی

در دنجی

در دنجی ماده جمعیتک می‌کزی استانبولده اوله جق و بونک ایچون بر محل مناسب اتخاذا قلنه جقدر

بشجی ماده جمعیت علیه عثمانیه اعضای مداومه و اعضای غیر مداومه و اعضای مراسله دن مرکب اوله جق و بونلرک اتخابنده اختلاف دیانت و جنسیت به باقلیه جقدر

التجی ماده اعضای مداومه و غیر مداومه نك اوصاف لازمه آداب و اهلیت ایله متصف اولدق دن و ترکجه یی و یاخود عربی و فارسیدن برنی لایقيله بلد کدن بشقه فرانسز و انگلیز و الامان و ایتالیان و روم لسانلرندن بریسنه دخی و قوفلری اولق لازم کاه جکدر فقط جمعیتک محکملک و کاتب ترکیه و طبعه لرینی ایضا ایتمک اوزره انشای ترکیه مهارت کامله سی اولان بعض ذواته لزوم کورندیکی حالده هر تقدرد ذکر اولنان السنه خسته اجنبیه دن برینه و قوفلری اولمزه سده عربی و فارسی و ترکیه مدطولیلری اولق شرطيله یالکزیدی ذالک جمعیته دخواننده بآس اولیه جقدر

یدنجی ماده اعضای مداومه نك تبعه دولت علیه دن اولسی مشروط اوله جق و بونلر وقت و اقتدارلری مساعد اولدیغی مرتبه مجموعه فنونه بند و یرمکه و یاخود و قوفلری اولان فنوندن عموم ایچون بر درس او قوتغه مجبور بولنه جقدر در کتاب تألیف و ترجمه سنه وقت و اقتدارلری اولان بالجه صنوف اعضا طرفلرندن همت اولنه جقدر

سکزنجی ماده جمعیتده اعضای مداومه و غیر مداومه رای اعطا ایدجک و اعضای مراسله مذاکره بولنه بیله جکلرایسده رای و یرمکه صلاحیتلری اولیه جقدر

طفوزنجی ماده جمعیتک هر هفته عقدی مقرر اولان مجلسنده قراری معتبر اولق ایچون مذاکرات عادیه حقنده اون و اعضا قبولنده یکر می و اعضا

اخراجنده اوتوز ذات بولمسی لازمه دن اوله جقدر

اوتنجی ماده جمعیه یکی دخول ایده جك اعضای مداومه و غیر مداومه
اول امرده اعضانك بریسی طرفندن قومبسیونه عرض اولنه جق وقومبسیون
مناسب کوردیکی حالدہ جمعیه بیلدیرمرك مجلس آئیده آرای حضاره
مراجعتله اکثریت حاصل اولدیغی حالدہ قبول قلنه جقدر

اون برنجی ماده اعضای مراسله اعضای مداومه و یاغیر مداومه دن
بریسی طرفندن جمعیه عرض اولنه رق واسم و شهرت و اهلیتی بیان
وتعریف قلنه رق اکثریت آرا وقوعی تقدیرجه قبول اولنه جق و صورت
قرارمجلس آئیده اعلان قلنه جقدر

اون ایکنجی ماده جمعیتک بررئیس وایکی رئیس قائممقامی وایکی
تحریرات ترکیده و برتحریرات فرانسیویه کاتبی و برصندوق امینی و برحافظ
کبی اوله جقدر مأمورین مومی الیهم اعضاالق صفتی اوزرلرنده قالمق اوزره
جمعیتک اعضای مداومه سندن انتخاب اولنه جقدر و بونلر بلا معاش
ایفای مأموریت ایلیه جکلر ومدت مأموریتلری برسنه اولوب سنه ختامنده
انفصال ایلیه جکلردر و بر مأمورک تکرار انتخابی جاز اوله جقدر

اون اوچنجی ماده مصارف حصه معینه سنک بلا عذر مقبول اتی
ماه تا خیری و یاذا تنک و ترک جمعیتک شرف و ناموس سنه مخمل برحال
و حرکت و یاخود برجنایت ارتکابی اعضاالقدن انفصالی مستلزم
اوله جغندن اسباب مذکورده ن طولایی اعضادن برینک جمعیتدن
اخراجنه لزوم کورینورایسه کیفیت اول امرده قومبسیونده تذکر اولنه رق
اخراجنه قرار ویرلدیکی صورتده جمعیه عرض اولنه رق حضاردن اوچ
ربعنک موافقتی حاصل اولدیغی حالدہ اخراج اولنه جقدر

اون دردنجی ماده اختیاری و یا اضطراری جمعیتی ترک ایده جك
اعضانك

اعضائك جمعيت نقود و اشياى موجوده سندن برشى اخذ واستردادينه
صلاحياتلى اوليه جقدر

(فصل ثالث)

جمعيتك صورت ادارهسى

اون بشنجى ماده جمعيتك اداره امورى ايچون بر وجه آتى اون بش
كشيدن مركب بر قوميسيونى اوله جقدر

نفر

جمعيتك رئيسبله قائم مقاملى

۳

جمعيتك كاتبلى

۳

حافظ كتب

۱

صندوق امينى

۱

اعضاي مداومه دن انتخاب اولنه جق اعضا

۷

۱۵

اشبو قوميسيون هر سنه مجدداً تشكيل اولنه جق و چيقه جق اعضا تكرر
انتخاب اولنه ييله جقدر قوميسيون مذكور لا اقل اون بش كونده بر كره
عقد انجمن مشورت ايدى جك وهب مامورلر بلامعاش ايفاي ماموريت
ايله جكلردر

اون التنجى ماده جمعيتك تسويه مصارف ايچون اعضاي مداومه
وغير مداومه نك بهرى بر حصه اعتبار يله شهرى يكرى غروش اعطاسا
ايدى جك و ايچلرندن اعلاه صورتيله ايكي اوچ ودها زباده حصه و پرنلر
اولديغى حالده مع المنونيه قبول اولنه جقدر اشبو طوپلنيلان اقچه
مصارف واقعه يه كفايت ايلرسه فضله مصارف جمعيتك راي و تنسيبيله
بين الاعضا تقسيم و تسويه قلنه جقدر

اون یدنجی ماده اعضای مراسله حصهٔ مصارف اعطاسنه مجبور
اولیه جقدر

اون سکرنجی ماده جمعیت مناسب اولایق و برکونه شرط تحتند
بولغامق اوز ره هرکیم طرفندن اولورسه اولسون جمعیت و یریلان
هدایا مع المنویه قبول اولنه جقدر

(فصل رابع)

وظائف مأمورین

اون طقوزنجی ماده رئیس اولان ذات لدی الایجاب وقوع عبوله جق
جمعیات غیر معتاده یه وسنه ختامنده عقد اولنه جق مجلس عمومی به
کلیمک اوز ره اعضایی دعوت و هر وقتده جریان ایدن مذاکره
نظارت و حضارک حسن آدابہ رعایت ایتمسسه و نظامنامه ل احکامک
تمامی اجراسسه دقت ایلایه جک و آراک عددنده مساوات اولدیغی حالده
رأیله قرار یر یله جکدر

یکرمنجی ماده رئیسک برمانعی ظهور ایدرک اجرای مأموریت
ایده مدیکی حالده برنجی رئیس قائم مقامی و اودخی اولدیغی صورتده
ایکینجی رئیس قائم مقامی طبق رئیس کی وظائف معینه مذکوره اوزره
اجرای ریاست ایده جکدر رئیس اجرای ریاست ایلدیکی حالده رئیس
قائم مقامی سائر اصحاب آرادن صکره رأی ویره جکدر

یکرمی برنجی ماده تحریرات ترکیه کاتب اولی مجالسک مضبطه سنی تنظیم
و قرائت ایده جک و جمعیتک ترکیه تحریراتی انک معرفتیه تسویه اولنه جقدر
و بازدیغی تحریراته کندوسی دخی وضع امضا ایده جکدر

یکرمی ایکینجی ماده ایکینجی کاتب کاتب اول ایله بالذاکره اوراق مصالحی
پنلرنده

یہاں لکھنا ہے تقسیم ایدہ جکار و کاتب اول حاضر اولدیغی حالده انک وظائفی
ایضا ایدہ جکار

یکرمی اوچنجی ماده، تحریرات فرانسوبہ کاتبی فرانسہ ترجمہ اولہرق
جمعیتہ ورود ایدہ جک اوراقی قرائت و اقتضا ایتدیکی حالده ترجمہ
ایدہ جک و بولسان اوزره یازلمسی ایجاب ایدن محرراتی تحریر ایدہ جکار
یکرمی دردنجی ماده صندوق امینی اعضا طرفندن ویریلہ جک اچقہ پی
اخذ و اسلیف و قومہسیونک تنسیب ایلدیکی مصارفی تسویہ ایدرک
دفتر مخصوصہ قید و املا ایدہ جک و مقبوض سنداتی امضا ایلہ جکار
رئیس و یا خود قائم مقاملرندن بریسنک امضاسیلہ ممضی رخصتی حاوی
بوصلہ اولدقچہ بر محلہ براقچہ جسرف ایتیمہ جک و بومقوله ممضی
بوصلہ لری ایجابی تقدیرندہ امضا ایتک اوزرنده عنندنده حفظ ایلہ جکار
مجلس عمومی وقوعندن مقدم محاسبہ دفتریلہ اقتضا ایدن اوراقی قومہسیونہ
تقدیم ایدہ جک و قومسیون مطالعہ و تدقیق ایلہ حسابی یولنده بولندیغی
حالده زبردفتری تصدیقاً تمهیر ایلہ جکار اشہ بود دفتر مجلس عمومی یہ
تقدیم اولنہرق اکثریت آرا ایلہ قبول اولندیغی حالده کاتب اول صندوق
امینہ کیفیتی تحریر ابلاغ ایدہ جکار

یکرمی بشنجی ماده حافظ کتب نظامنامه مخصوص موجبہ ایضای
مأموریت ایلہ جکار

یکرمی التنجی ماده قومہسیوندن جمعیتک کافہ امور و خصوصاً
و انتظام حالہ دقت و نظارت و بہر ماہ صندوق حسابی راؤیت و تحقیق ایلہ
سنہ ختامہ طوعری مجلس عمومی وقوعندن مقدم دخی بتون سسنہ
حسابی کوروب دفترک زیر بنی تمهیر ایلہ جمعیتہ عرض ایدہ جکار
یکرمی بدنجی ماده قومہسیون مأمورلرندن بعضلری کیفسرلک و یا خود

سائر گونه مواعید مبنی دوام ایده مدکری حالدیه یرلرینه قومسیون
اعضاسندن وایجابی تقریرنده جمعیتک اعضای مداومه سندن دیکرلری
انتخاب اولنده جقدر بره امورک غیابی ممتد اولدیغی ویاخود بالکلیه ترک
مأموریت ایلدیکی تقدیرده قومسیون کله جک مجلس عمومی یه قدر
اجرای مأموریت ایلک اوزره یرینه بر دیکرینی انتخاب ایده جک وبومقوله
حقیقان مأمورین یرینه انتخاب اولنده جق ذوالک مأموریتلری سلفلریچون
معین اولان مدتی تجاوز ایتیه جکدر

(فصل خامس)

جمعیتک صورت حرکت و مشغولیتی

یکرمی سکرینجی ماده رک لسانی جمعیتک لسانی اوله جقدر فقط اعضادن بولسانه
کرکی کی واقف اولیانلرک السنه سائره اوزره تقدیم ایده جکری لایحه ترک
ترجه وتنظیمه جمعیت معاونت ایده جکدر

یکرمی طقوزنجی ماده جمعیت علیه عثمانیه بهر جمع کونی عقد مجلس
ایده جک ومؤخر اقتضاسنه کوره مجلس کونی تحویل اولنده یله جکدر
اعضای مداومه دن هر هفته دوام ایده سیانلر برمانع قویلری اولدیغی
حالده هفته اشوری کلکه غیرت ایده جکدر در مجلس معتاده ده
اولا مجلس سابق مضبوطه لرینک قرائتی

نایا مقصدک حصولی ایچون اتخاذ اولنده جق وسائلک واعضا طرفندن
وقوع بوله جق افادات وتکلیفاتک مذاکره سی ثالثا فنونه متعلق تقدیم اولنان
لوا یحک قرائت ومطالعده سی رابعاً کتب واشیای سائره تسلیم وتسلیم
خصوصلریله اشتغال اولنده جقدر

اوتوزنجی ماده هر سینه مایسک اون بشنده بر مجلس عمومی عقد اولنده
وبودخی مجلس معتاده دن بر یسنک یرینی طوته یله جکدر

اوتوز برنجی ماده مجلس عمومیده

اولا جمعیتك احوال عمومیده سنه و سنه سابقه طرفنده وقوع عیولان محمولات
علیه سنه دأرقومیسون طرفندن تقدیم اولنان راپورطك قرائتی
ثانیا جمعیتك اول سنه طرفنده وقوع عیولان واردات و مصارفات دفترینك
قرائت و مذاکره سی

ثالثا مواد مهمه دن اوله رق حل و تسویه سی مجلس عمومی به محول بولسان
خصوصاتك تذکری

رابعا امورین ایله قومیسون اعضاسنك مجدداً انتخاب و تعیینی ماده لر یله
اشتغال اولنده جق واشبو مجلس عمومیده اعضادن بریسی جمعیتك حاله
مناسب برنطق رسمی ایراد ایلیه جکدر

اوتوز اینکجهی ماده بعض حالات مهمه وقوعیله فوق العاده مجلس
عمومی عقدی اقتضا ایلدیکی حالده اعضای مداومه نك برثلشی بونی
تحریراً طلب ایده جکدر

اوتوز اوچنجی ماده جمعیت علیه عثمانیه نشر فنون ایله اشتغال ایدر
جمعیتلر ایله مراسله ایدرك یکدیگر یله مبادله تألیفات خصوصنی تکلیف
ایلیه جکدر

اوتوز دردیجی ماده اشبو نظامنامه نك مواد اساسیه سندن معدود اولان
برنجی و اوچنجی ماده لرله اشبو اوتوز دردیجی ماده دن ماعددا موادك
بریسنك تغییرینه لزوم کورندیکی حالده کیفیت مجلس عمومی وقوعندن
لااقل درت ماه مقدم قومیس-هونه عرض اولنده جق و قبول اولندیغی
تقدیرجه صورت حال کله جك مجلس معتادده درمیان و در سعادتده مقیم
کافه اعضای مداومه طرفه اعلان اولندقدن صکره مجلس عمومیده
حضارین اوچربغنك موافقبه قرار ویر یله جك و بووجهله وقوع عیولان

تعدیلات و تغییرات اساس ممتنع الاندراس عداولان سالف الذکر ماده
 احکامه قطعا منافی و مناقض اوله میه جقدر
 اوتوز بسنجی ماده جمعیت علمیه عثمانیه خدا نکرده لاسبب من الاسباب
 منفسخ اولدیغی حالده متروکاتی بین الاعضا تقسیم اولنمیوب موجود اولان
 نقود و کتب و اشیای سائر رسمی فروخت اوله رق اکثریت آرا ایله منفعت
 عمومیه ایچون برامی خیره صرف اولاند جقدر

جمعیتك

(جمعیتك اصول اداره داخلیه سی نظامنامه سیدر)

رئجی ماده مؤسس جمعیت اولان هر بر اعضایه اعضای ساره مؤسسه طرفلرندن ممضی و جمعیت مهر یله ممهور بر قطعه رؤس اعطای اولنوب بودخی صورت آیه ده تنظیم اولنه جقدر

فلان ذاک ممالک عثمانیه ده نشر علوم و فنون نیت خیریه سیله بیک ایکوز یتیمش یدی سنه هجریه سی ماه رمضانده تشکلی این جمعیت علمیه عثمانیه اعضای مؤسسه سندن بولندیغنی تصدیقاً اشبور رؤس تمهیر و اعطای اولندی حررالی آخره

ایکنجی ماده اعضای مؤسسه نیک غیری اولان کافه اعضانک بهرینه رئیس و کاتب اول طرفلرندن ممضی و جمعیت مهر یله ممهور بر قطعه رؤس اعطای اولنه جق و بودخی صورت آیه ده تنظیم قلنه جقدر

ممالک عثمانیه ده نشر علوم و فنون نیت خیریه سیله بیک ایکوز یتیمش یدی سنه هجریه سی ماه رمضانده تشکلی این جمعیت علمیه عثمانیه فلان تاریخده منعقد مجلسنده فلانی اعضا لعه انتخاب و تعیین ایتیمش اولدیغنی منبر اشبور رؤس تمهیر و اعطای اولندی حررالی آخره

اوحنجی ماده جمعیتك هر کونه اثار مطبوعه سندن اعضایه مجانیاً بر نسخده اعطای اولنه جق ایسه ده بر کتاب و یا خود رساله نیک مؤلف و یا خود مترجمه بولدن بشقه الی نسخده مکافاة و یر یله جقدر

در رئجی ماده جمعیتك مطبوعاتی ایکی نوع اوزره اولوب بریسی اوقات معینه ده و دیگری لاعلی تعیین ممکن اوا بیلدیکی وقتلرده جیقار یله جقدر

بشنجی ماده اوقات معینه ده جیقار یله جق (مجموعه فنون) مواد آیه بی مشتمل اوله جقدر

اولا کرک اعضا و کرک خارجین بذاک آری اولق اوزره مجلسنده

قرائت اولنه جق مواد

ثانیا جمعیته دخول و خروج ایدن اعضایه متعلق وقوعات
 ثالثا جمعیته تقدیم اولنه جق هداياتك جنس و مقدار یله مهدیله ریتك
 اسملی

رابعا هر سینه ختامنده جمعیته محصولات علمییه سی و اعضای
 موجوده سنك اسامی و واردات و مصارفاتك خلاصه دفتري
 التبحر ماده لاعلی التعین جمعیته طرفندن طبع و نشر اولنه جق کتب
 و رسائلك حاوی اوله جنی مواد

اولا السنه سائر ده بولان کتب نافعہ ترجمه لری
 ثانیا مکاتب شاگردان و عموم ناسك قرائت لرینه مخصوص اوله رق ممالك
 محروسه شاهانه ده انتشار علومه مداری اوله جق هر درلو تألیفات
 یدنجی ماده كرك قوم بیونده و كرك جمعیته مجالس معتاده و غیره معتاده سنند
 مذاکراته قبل الشروع مجلس سابق مضبوطه سی قرائت اولوب یولنده
 کورایه کی حالده بر دفتر مخصوصه قید اوله رق رئیس طرفندن امضه
 قلنه جقدر

سکرتنجی ماده هر مضبوطه بالاسنه مجلسه ریاست ایدن رئیسك و محرری
 اولان کاتبك اسمی یاز یله جق فقط قوم بیون مضبوطه لرنده اعضای
 موجوده نك مقداری دخی کوستریله جکدر

طقوزنجی ماده ویریلان قرار معتبر اولق اوزره قوم بیوننده رئیس ایله برابر
 لا اقل یدی ذات بولنه جق و اتخاذا اولنه جق قرار بشیك غروشی متجاوز
 بره بلغك صرفنه متعلق ایسه اولخالده طقوز ذات حاضر بولنق ایجاب
 ایده جکدر

اوننجی ماده هر مجلسده کلان اعضا اسمنی تحریرایتك اوزره بر قطعه
 دفتر

دفتر حضار طوئله جقدر

اون برنجی ماده اجساب ایدن خصوصاً اعطای آراخفياً اوله جقدر

اون ایکنجی ماده جمعیت امورده تقویم جدید دستور العمل طوئله جق
اولوب فقط مناسب اولان حالاتده تاریخ هجرت دخی استعمال اولنه جقدر

اون اوچنجی ماده جمعیت ریاست ایدن ذالك اعضای موجوده نك حسن
ادب رعایت ایتسنه دائماً دقت و نظارت و معایرنده بولانلری اخطاره حق
اولدیغی درکار ایسده یولسبز حرکتده بولانلری تکرید دخی ایده جك
و وقوع بولان یولسزاق اغرجه اولور ایسه کیفیتك او کونکی مجلس
مضبوطه سنه درج اولمسنی دخی امر ایده بیله جقدر

اون دردنجی ماده جمعیت متعلق اوراقده القاب رسمیه تحریر اولمیه جقدر

اون بسنجی ماده جمعیت بعض آثار عتیقه اهدا اولاندیغی حالده قبول
اولنه رق بولردخی حافظ کتبك تحت اداره سنده بولنه جقدر

(جمعیت کتبخانه سی نظامنامه سیدر)

برنجی ماده کتبخانه ده بولنه جق کتابلرک ایلاک صحیفه لری ارقه سنه جمعیت
مهری باصبله جق و ممکن اوله بیلدیکی حالده جلدلری اوزرینه دخی جمعیت
عنوانی طبع اولنه جقدر

ایکنجی ماده جمعیت اعضای مداونه و غیر مداوم سنک کتبخانه
کتابلرینی بلاجرت استعاره و مطالعه یه صلاحیتلری اوله جقدر

اوچنجی ماده حافظ کتب اوچ دفتر طوطه جق اولوب بونلرک بریسنه
کتابلرک تاریخ تدارکلری ترتیبیه اسم و بهاری و یا خود اهدا این ذواتک
اسملری و ایکنجی سنه حروف هجا ترتیبی اوزره کتب مذکور و یا مؤلفلرینک
اسامیسی یاز یله جق و اوچنجی سنه هر فقه متعلق کتب بشقه جه بر جدول
مخصوصه قید اولنه جقدر

دردنجی ماده جمعیت اعضا سندن بریسی کندو خانه سنده مطالعه ایتمک
اوزره کتبخانه دن برکتاب استعاره ایتمک استدکده کتابک و کندوسنک اسمنی
شامل اولق اوزره مؤرخ و ممضی حافظ کتبه بر قطعه سند و یره جک و اشبو
سند حافظ کتبک عندنده حفظ اولنوب کتابک اعاده سننده صاحبنه رد
اولنه جقدر و استعاره اولان کتابلر ایچون دخی مخصوص بر دفتر طوطیه جقدر

بشنجی ماده اگر مستعیر الیغنی کتابی کیرلر و یرتار و یا خود ضایع ایدر ایسه
کندو کپسه سنندن بر جدید نسخه سنک تدارکیلر کتبخانه یه تسلیم
مجبور اوله جقدر

التنجی ماده ال یازوسی و زیاده قیملر اولان کتابلر جمعیت محلندن خارجه
چیقار یله مزایسه ده حافظ کتبک تکلیفی اوزرینه بعض حالات فوق العاده ده
او مقوله کتب معتبره نك چیقار یله سنه قومپسیون رخصت و یره یله جقدر
یکنجی ماده اگر مستعیرک قصوری اوله رق نسخ نادره دن بر کتاب

بوز یلور و یا خود ضایع اولورده یرینه بر عینک تدارکی ممکن اوله مزایسه
 قومیسبونده تقدیر اولنه جق بهاسنک و یادیکر بر مناسب کتابک اشتراسیله
 کتبخانه یه تسلیم ایلمسینه قومیسبون طرفندن حکم اولور
 سکزنجی ماده هر بر مجلدک استعاره مدت عادیه سی برماه اولوب فقط
 مستعیرک استدعاسی وحافظ کتبک موافقتی اوزرینه اشبو مدت برماه دخی
 تمدید اولنه ییله جکدر

طغوزنجی ماده استعاره اولان کتابی مدت معینه نک انقضاسند نصکره
 اعاده ایتمیانلر مدت مذکورده دن زیاده بانلرنده قالمش اولان مدت ایچون
 جمعیت صندوقه عائد اولوق اوزره هفتده باشنه یکر می غروش جزای نقدی
 اعطاسینه مجبور اوله جقلردر

اوتنجی ماده کتبخانه یه ورود ایدجک هدایا جمعیتک مجلس آتیسنده
 اعلان اولنه جق ورئیس جمعیت طرفندن مهدی اولان ذاته بر قطعه
 تشکرنامه تحریر وار سال قلنه جقدر

حرر فی اوائل شهر شوال المکرم لسنة سبع وسبعین ومأتین
 و الف من الهجرة النبویه علی صاحبها افضل التحید

جمعیت علمیه عثمانیه نك، تأسيسی حقننه بالاسنيدان اراده سنيه حضرت
پادشاهی شرفعلی بيورلديغه دأرسنه ۱۲۷۷ نى القعه ۲۴ تاريخيله
مؤرخاً و جمعیت مذکورہ رياستنه خطا با شرفصردور ايدن تذکره
ساميه نك صورتي در

سعادتلو افندم حضرتلری

سابه معارفوايه حضرت پادشاهيده علوم و معارفك نشرو تعمی
مقصديله بعض ارباب دانش طرفلرندن جمعیت علمیه عثمانیه ناميله
تشکیل اولمش اولان مجلسك اجرای وظائفی و مرکز جمعیت اتخاذاولنمق
اوزره مناسب محل تعیین حقننه اولان تذکره سعادتلریله ملفوف نظامنامه
واعضای مداومه و غیر مداومه نك اساسی مبین دفتر مطالعه قلندی
اشـ جو جمعیت مسائل دینیه و پولتیقهیه مسئلنا طویله رق هر درلو علوم
و معارفه دأر کتب و رسائل تألیف و ترجمه سی و ایام مخصوصه عمومه
درس اعطاسی کی وسائط مقبده نك اجرا سنه اقدام ایده جکندن و بوا یسه
تربیه عامه حقننه درکار اولان مساعی جلیله جناب ملوکانه یه موافق
بوندیغندن جمعیت محلیك بوندن بویله تعیینله شمديلك مجلسك اجرای
وظائف ایلمسی خصوصنه بالاسنيدان امر و فرمان معارفیان حضرت
ملوکانه دخی اولر کزده متعلق و شرفصردور بیورلش اولغـ له و مذکور
نظامنامه ايله دفترك برر قطعه صورتی لغأ کوندر لکله بر منطوق امر
و فرمان هما یوز اجرای ایجاب حاله همت ایلملری سیاقنده تذکره محبی
ترقیم قلندی

(مقدمه)

سرمایه سعادت دارین اولان علوم و فنون نافعه نك ممالك محروسه شاهانه ده
نشر و تعمینہ سعی ایلك نیت خیریه سیله مقدمه بعض ارباب معلوماتن
مرکب اولمق اوزره در سعادتده (جمعیت علمیه عثمانیه) عنوانیه بر جمعیت
تشکل ایتمش و بودخی سلطنت سنیه نك تربیه عامه حقنده سزاوار بیوریلان
مساعی جلیله سنه موافق بولندیغی جهتله نزدعالیده رهین تحسین
اوله رق اولبایده اراده مکارم عاده حضرت پادشاهی شرف تعلقی بیورلمشیدی
اشبوج جمعیت بعض محال موقتده بر قاچ ماه عقد مجلس ایدرك نظامات
لازمه سنی وضع و تأسیس ایله بعض آثار نافعه تهیئه سنه چالشمقده بولتمش
ایسده اکثریا بودقوله تشبثات خیریه بدایت حالده دوچار انواع مشکلات
اولدیغندن دائمی صورتده مرکز جمعیت اتخاذا اولمق اوزره هنوز بر محل
مناسب تدارکنه دسترس اولانه مدیغی جهتله شمعی به قدر بروجیه مقرر
اجرای مقاصدینه شروع ایلك مبسر اوله مامشیدی مجدد بنیان سلطنت
وناشر انوار بر وعالفت اولان ذات فضائل سمات حضرت پادشاهی
اجداد کرامتری تخت معالی بختنه شرکتبخش جلوس اولدقلری روز

فیروز دین و صوف تبعه و وزیر دست انلریك هر وجهه انتظام و سعادت
 حالری و سائرلك استحصالی اخص اعمال جناب شهریار یلری او اوراق
 محمد تعالی موقوف اعصار سلف اولان ایام سعادت اتسام سلطنتلری
 قاروز بازار ترقی و عرفان ایکن جمعیت مذکورہ لك شو حالده قلمسی
 كرك اعضاسك و كرك حصول امالی آرزوایدن سائر ذوات حیت سماءك
 زیاده موجب تأسی او اوراق قدرتلی مساعد اولدیغی مرتبه فداکارلق
 اختیار یله عهد قریده لازم کلان محل مخصوص تدارکی اسبابك
 استحصانه عبرت و حسیبای مساعد التقدير خدمات متصوره سلك ایفاسنه
 بخلاوص البال بمباشرت الملك بوكره عزیم و جزم انتمش اولماریله جمله
 وظائفین بولنان اشبو (مجموعه فنون) عنوانیله معنون آریك دخی
 سنه جدیده ابتداسندن بدأ ایله نشرینه مبادرت ایلمشدر

اشبو مجموعه فنون لا اقل اوتوز ایکی صحیفه دن مرکب اوله رقی بهر ماء
 ابتداسنده بر کره جیفاریله جق و هر کسك اکلا یه جغی صورتده سهل العبارة
 اولیق اوزره دیانت و زمان حال پولیتیکه سیندن ماعدا كافة فنون
 و صنایعه متعلق معلومات نافعه دینی مشتمل اوله جقدر تحریری بالکرجعیت
 انضاسنه مختصر اولوب دائرة وظیفه سی داخلنده هر در او مباحثه
 دأر خارجدن و بر یله جك مواد مناسبه دخی بالمسئونه درجه مسارعت
 اوله جقدر

دیاده هر شی معروض نظر تقدیر و استحصانلری اولسان ذوالك درجه
 میل و رغبتی نسبتیله کسب ترقی و کمال ایلمکندن بمنه تعالی ایلروده اشبو
 اثر ناچیزانه مر حقه عامه طرفندن مجزوم الظهور اولان علام قبول
 و رعیت تاز یانه شوق و غیرت او اوراق برفاندها اصلاح و اکمال قصانه
 اعتنا ایله سایه معال بوایه حضرت پادشاهیده عموم اهالی حقنده و مثالو

بر اثر باهر المنافع احداثه حسن موفقیتمز الطیاف الهیة من مسئول
ومستعداد

مجموعه فنونك احداثه اجناسارایند ذوات ممالك سائر مطبوعات
علمیه سینه مقبس بر مکمل شی میبدانه قومق ادعاسنده اولیوب قلت
بضاعه لری بنی اعتراف الیه برابر حسب الاستطاعه ایثنای وطنه برخدمت
ایمك نیت خالصانه سنده درل اشبو غرتة مملکتزده بو وادیده ترکجه
مطبوعاتك برنجبسی اوله جغندن حسن ترکیب وانتظامی شمدیك آرزو
اوله جق درجده کوریلله مزایسه ده هرشی حال طفولیت و بدایت ظهورنده
نقص وقصوردن سالم اوله میوب اصلاح واکمالی مرور زمان ومساعدته
دورانه محتاج اولدیغندن مطالعه سینه رغبت ایدن هنر سنجان روزگارک
خلیده نظر مروت پرورلری اوله جق سهو وخطایاسی هدف طعن
وتعریض اولمقدن ایسه محررلرینك خلوص نیتنه مقابله رهین عفو
وعنایت و بوبولده وقوع عبواه جق هر درلوا خطارات کمال سکرانیتله تلقی
وقبول اولنه جغندن اسئلدیکی حالده تلایغی حقه ده دخی لطفاً اختیار زحمت
بورملری متضرعانه تمنی و نیاز اولنور * الا ای هنرمند پاکیزه خوی
هرمند نشینده ام عیب جوی

منیف رئیس ثانی مجلس تجارت

نوع انسان شرف نطق ایله حیوانات سارهدن نقدر ممتاز ایسه عالم اولنرك جهلایه نسبتله علوقدر و سترلتلری همان اودر جدد بوقیاس بالکز افرادتاس حقنده جاری اولیوب ملل و طوائف عالم دخی بوقاعدهیه داخلدر افریقا و امریکا و قطعات سارهدده عمای جهل و بدویته بولنان اقوام الزیاده ضروری و طبیعی اولان احتیاجاتلرینك دفعنده عاجز و اسباب تمتع و خوش گذرانیدنك ازشیه مالك اولدقلری حالده ملل متدنه علوم و صنایع مکنسبه لری ثمره سی اوله رقی اراضیلرینی کوزلجه زراعت و خام محصولاتلرینی ایشلرینه پرایه جق صورته افراغ ایتدکدن بشقه اولبحرأ ممالك بعیدهیه عزیمتله ائله مخصوص اولان هر درلوار زاق و اشیا جلیله تمتع اولورلر اشته رفاه حال و فراغ بال جهتیه عالم و جاهل بیننده شوقرق عظیم شویله طورسون طوائف جاهله همان دائمال متدنهك مغلوب و اسیری اولوب انکلتز لوکی برطانیفه صغیره مجرد فنون صنایعده بد طولامی اولق حسیه مملکتلرینك یکر می فائیدن متجاوز ممالك اجنبیه پی ضبط و استیلا و دنیانك هر طرفنده از جوق نفوذینی اجرا ایلدیکی صدق مدعایه دلیل واضحدر

کافه قبایح و فضائل و مضرات و منافعك منشائی علم و جهل اولوب چونکه جاهل اولان شخص خالق تعالی و علی مراتبهم ابنای جنسی و حتی کندونقی حقنده رعایتی لازم اولان و طائف و واجباتدن بی خبر اوله رقی خالق و مخلوق نظرینده مردودیت و منفوریتنی موجب حرکات ارتکابیدن و وخامتی طوفریدن طوعری به کدو شخصیه عائد شهواتدن اجتناب ایتدیکی مثللو طبایع و خواصندن غافل بولدیغی حیوانات و نباتات و سارهمك مضراتندن نفسنی محافظه ایدمه بیدرك هلاک و باخود دوچار عمل و اسقام اولور و عالم اولان ذات علم و تمیزی واسطه سبله او مقوله حرکاتندن

مجانبت و پرهیز ایله دنیا و آخرتده ممدوح و عزیز اولور

جهل حیوانیت خواصندن و علم الوهیت صفاتندن اولدیغندن انسان
جهالتدن تبعیدی و علمه انسانی نسبتیه صفت حیوانیتدن خلاص
و قرب الهیده مظهر فیض و اختصاص اولور و حق تعالی حضرتلری
حیوانات سائرته کما فوقنده انسانه قوه عقل و ذکا و انوار کما شایسته
استعماله صالح الراحسان یورمش اولسنه نظراً انسانک حال جهل
و نادانیه قالمیوب تحصیل علم و صنعت ایله مخلوقات سائرده کسب غیر
ایلمسی مقاصد الهیه دن اولدیغی ارباب البایه خفی دکلدر حیواناتدن
بعضلری بیله تربیه و تعلیم نمرسی اوله رق تعبدیل مزاج ایله انسانه قرب
و ابناهی جنسی مبانده سنده تمیز ایلدیکندن علم و ادب نوع شریف انسانک
اصلاح نفس و تهذیب اخلاقده نمریه مدار اوله بیله چکی ادنا ملاحظه
ایله معلوم اولور

بعض آدم لر بدویت و سادک حالی مدینه ترجیح ایدرلر سبحان اه بونه فکر
فاسددر اشבודع وای باطله تصدی ایذله حقیقه غرضکار و یا خود
مخل الشور اولقدن بشقه معنا ویریه من شواعتقادک فسادی اتیان
دلالتدن مستغنی ایسده حقیقتدن نه درجه مباحثتی اولدیغنی کوستریک
ایچون ارباب بدویت و مدینتک حالرینی بر کره قیاس ایدهلم بقدم نوع بشر
حقنده قنغیسی خیر لودر انسان فطرت اصلیه سنده تصور اولدیغنی
حالده بیایاده کرن بهایمدن یک از فرقلی اوله رق حتی باطلدن و حلالی
حرامدن تمیز ایتمز و دفع احتیاجات و تسکین شهواتدن بشقه برشی دوشمز
گاه تأثیر حرارتدن و کاشدت برودتن متأثر و مضطرب اولوب یذله رنده حق
تلاکده دخی رعایت اولدیغنی جهته کند و ثمره سعی و غیرتیه تحصیل
وتدارک ایلدیکی اذواق و اشیاک تمعی کند و سنده عائد و منحصر اوله جفته

امینی اولم یغندن وقت وسعتده الیه کچن غدا بی چیک اوله رق همان
 سوده سی الهیلدی کی قدر اکل ایوب قصورینی برنده تر که مجبور و تحصیل
 معیشته مساعد اولیان مواسمه کمال ضرورت و مضایقه دوجار اولور
 و برار کک ایله برقادین پیسنده الفت و انسیت حاصل اوله رق رفاقت
 و معاشرته اتفاق ایلمش اولسه رخا اذکک قادینی کندوسندن قوی
 اولان اشخاصک تسلطندن محافظه یه مقتدر اوله میوب از وقتده شیرازه
 اتحادری کسته مفراض افتراق اولور و مسکن و مأوای اولم یغندن
 کوندلری صحرا ده و اورمانده سرسری طولاشوب هر نروده اخشام
 اولور ایسه اوراسنی مسکن اتخاذ و دائم حیوانات مؤذیه شرنیدن امین
 اولیوب کاه قوشن کی اغاجلر ایز رنده و کاه حیوانات کی مفاره دلیکلرنده
 بیتوت ایدر و الحاصل راز وقت هزار رحمت و سفالت ایله یشایوب اکثریا
 هنوز نعمت حیاتدن دلیر اولمق سرین ضعفاسی اقویاسی یئنده وایکبسی دخی
 دهاقوی اولان و حوش بجه سنده هلاک اولور کیدرلر اشته برنجی مرتبه
 و حشیت و خشونتده بولان آدم لک حالی بولدن عبارتدر ایکنجی مرتبه سی
 بدویت حالدر که بادیه نشین اولان عرب و کرد و ترکان قبیله لری اولصورته
 تعیش ایدرلر بودخی و حشیت حالنه نسبتله اهون ایسه ده ایکنسی یئنده اولان
 فرق یک بولک دکلدر لکن بالای استعداد انسانی یه مخصوص قبای زیبای
 مدینه له خرامان عرصه شهود اولان اقوام رفیع المقام کک حسن اخلاق
 و آداب و کک سعادت حال جهت لریله او برلرینه هیچ نسبت قبول ایتمیوب عاداتا
 برنوع آخر دیکه شایان بولنور اشبو صنف جلیل المحامد دیگر لری مثلاً
 عقل و ادراکجه انسانک مادوننده بولان و حوشک زبون پنجه غدر
 و تسلطی اولمقدن یشقه انلری تحت ضبط و اسارنده الهرق بعضیسنک
 لحم و جلد و سود و منافع سارهنندن تمنع و بعضیسنی دخی رکوب و نقل

انقالده و حیوانات وحشیه صیدنده استعمال ایدر و بونکله دخی قناعت
ایتمیوب هوا و صووانشی تحصیل معاش و تسهیل امور اتعاشنده بر مقیم
و صادق خدمتکار کی قوالا نوب نیجه بیک آدمک اجتماعیه حصولی
ممکن اولیان عملیات جسمیه بی انلره اجرا ایتدیرر و برمنوال محرر حسن
صورته وجوده کتوردیکی خام محصولاتنی اصول صنایعیه ایله الک منفعتلو
بر صورته تحویل ایتد کدن بشقه ممالک سائریه مخصوص اموال و اشیا جلبنده
دخی دسترس اولورلر و مساکن و ملاسلرینک مضبوطیت و انتظامندن
ناشی شدت حرارت و برودت و مضرت برف و باران غائله سنندن و ارسنه
اولدقلری مثلاً و ریمورتل واسطه سیله صاعقه کی آفات سماویه دن مصون
و هینک قوانین موضوعه سی سایه سننده افراد اهالی یکدیگرینک مال
و جانده تعرض و تسلطندن مأمون اولورلر و نوع بشر حقیقه مهملک
و مضراولان انواع علل و اسقامک اوله یلیدیکی قدراندفاعده چاره پرداز
اوله رق شو عالم فایده و نلیدیغی مدنیجه ممکن مرتبه سعادت حال استحصالده
سعی و غریب و تیمور یول و واپور سفائی ایله برا و بحرا از وقت ظرفنده
مسافات بعیده بی قطع و تالیدن برخط واسطه سیله برقاج ثانیه ظرفنده
کره ارضک بر طرفندن دیگر طرفی ایله عادتاً همجلس کی محابره
و مصاحبت ایدرلر و سفرده دخی حضر کی کمال امن و استراحت اوزره وقت
یکچوررلر اگر چه بعض بدو بلرا جانب و مسافرینه رعایت واکرامده مبالغه ایدوب
شوفضیلتلری انکار اولنده مزایسه ده مسافر یوله چیققدن نص کره بلکه
مسافر اولدیغی خانه صاحبی یولنی قیطع ایدرک اوزرنده هر نسی و ارایسه
غصب و مخالفت اولندیغی تقدیرده قتلنه دخی اجنسار ایدر کر وه غریبا
ممالک متمنده اولقدر حرمت واکرامد تائل اوله منزل ایهده بر کونه غدر
و ظلم دخی کورمه ریک کمال امن و سلامته استدیکی رلرده سیر و سیاحت ایدرلر

و قطع طریق مخاطره سندن این اواند قلمی مثلاً و ارد قلمی محارده اسباب
رفاه و راحت دخی مکمل بولید بکندن یا نلر نجه بر طاقم اسلحه و اشیا
نقلیه مجبور اواند قدن بقشه حتی اغراق اولماق اوزره افجه لرینی دخی
برابر کوتور محبوب عزیمت ایده جملری محار اوزرینه پولیجه الورل و اشسته
بوصورته کند و خانه لرنده اوتورر کبی کمال امن و آسایشله محال بعیده ده
کشت و گذار ایدرل

بدوی ایله مدینک عسکر یجه دخی ینلرند کلی فرق اولوب بدویلرک
اگرچه سرعت حرکت و مناعب و مشاقه تحمیلجه مدینه به بعض مرتبه
تغوی اولسه دخی مدینلر آن وسلا حار بله ینه بالسه و له انلره غلبه ایدرل
بدویلرک قوه باصره و ساهه لرنده زیاده جه حدت و ارایسه ده مدینلر بعض
آلات استعمالیه بویاده دخی انلره مسابقت ایلدکلی درکاردر

هله بعض جهلک علم فساد اعتقادی منجمد دیملری محض خطا در
انجق دینک عقلسز دوستلری بومقوله تفوهاته تصدی ایدرل زعملر نجه
دیانتی استصحاب مراد ایدوب حالبو که حقیقتده اساسندن تحزیب
ایدرل ازه جق ملاحظه اولسه بوند دیندارلق جاهل و خفیف الاعتماد
اولغه محتاجدر دینک اولزمی بعض ساده دلان مجرد شوفکر فاسده مبنی
خاصه بهایم اولان حال جهلمده قالمغی ترجیح و دائمی علمه امنیسزلک
نظر یله باقوب طب و تحصیلنه سعی ایدنلری دخی تقبیح ایدرل حکمای
منقدمندن فرط ذکا و درایتله شهرت شعار اولان سقراط و بقراطه
دینسزلک اسناد اولور بونلر جمله دن زیاده خالق تعالی حضرتلرینک کمال
قدرت و عظمتنه و کاشانک هر برزده سنده نیجه یکسر و حکمتنه واقف
اولدقلرندن بهمه حال معاصر لرندن زیاده تام الاعتقاد اولدقلرند شیهه

موازنه علم و جهل
موازنه علم و جهل
موازنه علم و جهل

موازنه علم و جهل
موازنه علم و جهل
موازنه علم و جهل

موازنه علم و جهل
موازنه علم و جهل
موازنه علم و جهل

اولنده من جمله ايسه اهل تقايد اولوب بوسورتمه اعتقادلى بر اساس قوى
اوزرنده اوله ميه جفندن اصل بونلر چورك اعتقادلو عد اولمليدر هيچ
عقلا جهلادن اشاغى قالورمى وازه جق انصافى اولنلر بوكافائل اولورمى
اكر مدنيت موجب صلاح اوله مزاييسه احوال سابقه ولاحقه دن واصل
ايدنه دن غفلتمى بوكامدار اولور كورلك مخاطره دن وقايه ايتديكى مثلالو
جهل دخی بر درده دوا اوله من و خطايي اصلاح ايدنه من

اهل مدنيت بينده مشهود اولان بعض قبائح و سوء حال مدنيتك
تأثيرى اولمليوب بلكه انك غير مكمل بولميسندن ناشيدر مثلاممالك متمدنه
نفوس تكثرايدوب بودخی بعض اهاليك ايشمزلكدن طولايي دوجار
فقرو سفالت اولسنى مؤدى اولور ايسه ده شو حال هيتت مجموعه اهاليك
مالك اولديغى اسباب ثروت و تمتعك بين الافراد انقسامنده ممكن مرتبه
طريق تسويه بولنه مامسندن نشأت ايدوب يوخسه خيرون شر
تولد ايدنه ميه جكي مثلالو دائرة معلوماتك توسعي موجب فقر و ضرورت
اوله من مدنيت ايلر ولد كجه بونك دخی دفع وازاله سى اسبابك استحصالي
ممكنا تندرطن ايدرم اليوم كمال ثروت و مدنيتله برابر كثر فقرا ايله معيوب
اولان لوندره شهرنده گروه محتاجينك تسكين اضطر ايلرينه مدار اوله جق
بك چوق آثار خيريه تأسيس وانشا وكونا كون طرق ووسائل تصور و اجرا
اولمشدر كه ممالك غير متمدنه ده او مقوله خيراندن هيچ برشى اولمقدن
يشقه خاطر و خياللرينه دخی كلز بالفرض اوبله ممالك متمدنه ده كوريلان
فقر و احتياج مدنيتك سوء نتيجه سى اولسه بيله مقصد عمومك سعادت
حالي اولديغندن يوزده بر و يا خود ايگيسنك دوجار سفالت اولميسنده نه
باس واردر ممالك غير متمدنه ده عموم اهاليك مظهر اولديغى انواع محن
و مشاق و يا خود محروم اولدقلى نعمات ايله موازنه اولسه ممالك متمدنه

فقراسی لاشی حکمنده قالور

عالم اولان ذات حکومتک لزومنی واولی الامرہ اطاعت و انقیاد حقندہ
اولان واجبات دینیہ و عقلیہ بی بیایدیکندن علم حاشا ارباب حکومتی اضرار
و نفوذ لرینی اخلال ایتمز فقط ظلم و اعتسافک و اعتقادات باطلہ نیک
خصم جانبدار ہر نہ شی حقندہ اولور ایسہ اولسون علمک مضرتی نصل ادعا
اولنہ یلور چشم بصیرتک اچلمسی دیوانہ لکی کتورر یونخسہ جوق بیلمک
آدمی احمقنی ایدر بر عالم آدمہ شو صفات مذموم بولنہ بوالہ علمک
نتیجہ سی اولہ میوب بلکہ ذاتا کندوسندہ وار ایمش دیمکدر فقط اول
آدم جاہل فالش اولسیدی اصلاحی دہاکوج اولور ایدی اولوجہلہ
اہل علم اسارت و حقارتی قبول ایتمدیکندن اکثرا ازمنہ سابقہ دہ
اولدیغی کی منافع حقیقیہ لرندن غافل بولنان جبایرہ حکام مجرد تبعہ لرینی
قبول سور یسی کی قوللائق و حق لرندہ اغراض نفسانیدہ لرینی اجرا
ایتمک ایچون انلرک ظلام جہل و نادانیدہ قالمسنی استرہلم جناب حقک
کدوصفاتندن اولہرق انسان حقندہ اولان عطا یاسنک اجل و اعظمی
اولدیغی حالده مجرد اغراض فاسدہ لرینک انفاذندن بر لحظہ متلذذ اولوق
ایچون شو قدر یلک نفوسک مادی و معنوی و دنیوی و اخروی سعادت
حائل لرینی موجب اولہ جق اولہ بر نعمت عظمیادن محرومینی روا کورمک
نقدر مروتہ سز لکدر اما صفات ممدوحہ عقل و مروت ایلہ متصف
اولان سلاطین عدالت آیین ز درستانلرینک بالعکس ممکن اولہ یلمدیکی
قدر صاحب معلومات اولمسنی ار ز واید و ابر دولتک قسوت و عظمتک
و شان و شوکتک اساس حقیقیسی بلا شبہ علم و معرفت اولدیغندندن
هرشیدن اول بوتک تکر و انتشارینہ سعی و اہتمام ایلر پر ملتک علوم و معارفدہ
ایلر بولملری متبوعلرینہ موجب فخر و شرف اولدیغندن اور و پاتک

الكوكبك حكم دارلرندن بریسی بلاشبهه افریقك الكیوك حكم
 وحشیه سندن بریسیله بحایشه قائل اولیوب موافقت ایتسه دخی مجرد
 تبعه جدیده سنی طریق مدینه سوق ایله اکتساب شرف و شان مقصودیه
 ایدر ایلمی اوتوز بیک قدر اوروپا لوبرقاچ آیلق مسافه بعیددی قطع
 ایدرک وسعت مملکت و کثرت اهل یجه دنیا ده نظیری اولیوب اوچبوز اللی
 ملیوندن متجاوز نفوس و برقاچ ملیون عسکری شامل بولان چین
 دولته کمال سهوات ایله غلبه و پای تختیه قدر کیدرک استدکاری وجهله
 عقد معاهده ایتدکلر نه چین امپراطوری اولان ذات عسکرینک اصول
 جدیده حریبه ده جاهل بولاندقلرندن البته ممنون اولامشدر اگر چین اول
 اصول قدیمه و مدیت غیر مکمله لری محافظه سنده اصرار ایتسامش
 اولسه لر ایدی برقاچ بیک اجانبک شو حقارتیه دوچار اولورلر میدی اشبو
 چین مسئله اخیریه سی مناسبتیه دخی برقاچه ها تا کد ایلدیکی وجهله علم
 اجسام ثقیله نک بالسهوله تحریرکنده استعمال اولور کوسکی مشابه سنده
 اولوب از بر همتله الکیوک دولتری بیه اساسندن قالدیره یلور
 بعض کوتیهینان علمی جلب رخاوت و سلب جسارتله انهم ایدر حاش
 شاهد معجین علم و تمدنک شو تقصیده دن دخی برائی مسلم ارباب تحقیق در
 اشبو اوصاف ایله متصف اولمسی لازم کلان اوروپا لور امریه
 اجزاء بحر محیط دن برحقو محارده فطرت اصالبه و جسامت طبیعه
 اوز ره بولان اهل بی حجر و شجر قیلندن عدا ایدرک هربری بولردن اون
 ودها زیاده عقابله و غلبه ایلدکاری کورلمشدر اسلحه و اصول حربیه جه
 قریقین بشد درکار اولان تفاوتک دخی بریاده مدخل کابسی واریسه ده
 واهل تمدن شجاعت ذاتیه جه اقوام وحشیه نک مادوننده دکالردر
 طوائف متدنه دن رخاوت و عدم جسارتله متصف اولور واریسه
 اشبو

اشبوا و اوصاف مذمومه مدینتک تأثیری اولیوب بلکه سفاهت و سوء تربیه دن
متولد اولدیغی بی اشتباهدر ملل متقدمه دن رومالور اوائل ظهور لر زنده
حین طفولیتدنبرو تعلم وادمان ایله نه درجه قوت و شجاعت کسب
ایلدکاری تواریح اشیایه روشنا اولدیغی مثلاً الیوم اور و پاده دخی محال
مخصوصه ده معلم واسطه سبله آتد بک و هر درلو سلاح قوللانمق
اصولدن بشقه اجسام ثقیله قالدیرمق و یوکسک اغاجه صار یلوب
چیقماق و هجر امق و امثالی تراید قوت و خفت حرکتی موجب کونا کون
زور بازقلر تعلم اوله رق حال بدو یته مخصوص شیلرده ییله انلره تفوق
ایده یورلر خلاصه کلام مدینت اولوجه ییله رخاوت و تحافتی مستلزم
اولدقدن بشقه بالعکس انسانک روحانی و جسمانی قوت و قدرتک
ترایدینی موجب اولدیغی امور مسلمه دندر

تاتارلرک چینلوره و مغوللرک هندلوره و واندالارک مرکز مدینت اولان رومایه
غالبه سی کی بعض طوائف وحشیدنک اهل تمدنی قبضه نسخیره الیدیغی
کورلمش ایسه ده یونلر جهلک علمه غلبه سی عداولنه میوب مجرد طوائف
متدینک تنعمات جسمانیه و لذذات نفسانیه په کمال انهماک ایله صفت
رجولی غائب ایدرک دوچار ضعف و رخاوت اولمزلندن نشأت ایتمش
اولدیغی درکاردر

هند برهمینلرک کوشه عزلتده لایق قطع تحصیل علم ایله اشتغال ایلدکاری
حالد اکثر یا اهالی ساره دن زباده معمر اولمزلرینه نظرأ بعض جهله نک
اعتقادی وجهله علم موجب عدل و اسقام اولیوب بالعکس امتداد عمر
و عافتی مستلزمدر چونکه تحصیل ایله اشتغال بعض مرتبه دفع هوم
واکداره مدار اوله رق دائمی برشی تعلم و کشفی انسانه موجب
سرور و ايساط اولور و ارباب علم بالسهوله عزات و قناعتی اعتیاد

ووطر یق ایله هادیم بنیان وجود اولان شهواتدن اعراض ایدیه بلورونهایت
حکمای متقدمین ومتأخریندن برچوغمی کی محاسن آداب و فضائل اخلاق
جهتیه واصل درجه کمال اولور

جاهلک اوقات خالیله لرده بالکز چبوق ایچمک و یا خود کندوری کی
بعض آدمیله هواپی و بارواقر دیلرایتمک و امثالی عبت و مضر شیلره مشغول
اولمقدن نهایت جانلری صقیلوب سرمایه عمر یرنی نصل اتلاف
ایدیه چکلر بنی بملزلر ایکن عالم اولنرمطالعده و ملاحظه ایله کان اسلافک
معاصری و همدمی کی امم سالفهک احوال و کیفیاتنه و دواتلرک صورت
تشکل و اسباب انقراضلرینه و بین الملل تکنون ایدن محاربات و منازعات
هال و نتایجنه چشم عبرتله نظر ایدر و برسیاح چابکیای جهانگرد کی روی
ارضک بحر و بر و کوه و دشت و کرم و سردینه و اوزرنده ساکن اولان نوع
انسانک الوان و اشکال و اخلاق و عادات و السنه و ادیانلرینه و محصولات
ارضیه و صناعیه سنک انواع و اوصافنه مطلع اولور و برقطره صوده
تام الاعضایجه بیک حیوانات و مکمل التركیب نباتات مشاهد ایدر و کرة
ارضک بالکز سطحی سیر و تماشا ایله اکتفا ایتمیوب گاه درونه دخول ایله
صورت تکنون و تشکلی و حیوانات و نباتات و معادنک ترتیب خلقتنی صحایف
طبقانده مطالعه و گاه سلم رصد ایله اوج سمایه عروج ایدرک ارضندن
شوقدر میل بعد مسافده واقع و ایدن نیجه یک کره جسیم اولان اجرام
فلکیه نک بعد وجسامت و قواعده سیر و حرکتلرینه و یکدیگرینه اولان
ارتباط و انجذابلرینه و شمس و قمرک نیجه یوز سنه لر صکره وقوع عیوله جق
خسوف و کسوفلرینه کسب وقوف ایله و الحاصل جهلک حس
و ادراکلری ماوراسنده واقع بشقه برعالمده سیران و هیران بر صورتله متلذذ
اوله رق بر دقیقه وقتک یهوده کچمسندن متأسف اولور

فی الحقیقه انسانک ساحل سلامتده اولدیغی حالده بازیچه امواج قضا
اولان ملل واقوامک احوال هولناکنه و انقلابات کونییه چشم عبرتله
اوزاقدن نکران اولق نه کوزل تماساشار و شوقدریک آدمک افنای عمر
واتلاف ماملک ایله ظفر باب اولدیغی تحقیقات و اختراعاتندن استفاده
ایلمک نه بیوک نعمتدر

وقتیه مقناطیسک خاصیتی کشف اولنمسیدی امریکا و اوسترالیا ودهاسا
نیجه ممالک کشف اولنده بیلور و اسفار بعیده بحریه یه شمدیکی کی سهولتله
کیدبله بیلور میدی هله باروتک ایجادی اصول حریره پی و بو مناسبتله
هیئت عالمی تغییر ایلمدی دینله بیلور

طوائف متمدنه افرادی بالکر معاصر اولدقلری زمان دفع مضرت
وجاب منفعت امرنده تعاون و تظاهر ایدرک یکوچود اولیوب بلکه تعلم
علم و صنعت و توسع ذهن جهتیه دخی اولین و آخرینی شخص واحد
مثابه سند اوله رق اخلاف دائماً اسلافک تجاریب و معلومات مکاتبه سندن
حصه مند منفعت اولور چونکه عمر قصیر انسانی امور هلیه و صنایعده دن
الزیاده سهل الحصول اولان برینک ایجاد و اتقانده وفا ایتمیوب مسکرمه دن
کلنرا اولکیلرک و اصل اولدیغی درجه دن بدأ ایله اصلاح و اکماله سعی
و اهتمام ایلرلر و ایوم مشهور و مزا اولان کافه فنون و صنایع بو صورتله مرتبه
حالیله ریشه رسیده اولمش و مراجع هیئت عارضه انحرافدن مصون
اولدیغی حالده بو کیدشله دهاز یاده ایلر ولیه چکی مجرورم بولنمشدراشته
بو تقدیرجه انسان عمر طبیعیدن کذارا ایدرک نیجه یک سنه لر معمر اولور
دیملر حالبوکه اهل بدویت شوق فواید عظیمه دن محروم اولوب هر برینک
تجربه و معلوماتی شخصیه برابر تلف و ضایع اولور

اگرچه علم تراید عقلی موجب اولمزا یسه ده انسان کند و تجربیه و دقتیه

کسب وسعت ایلدیکی مسلم اولدیغی حالده شوقدر بک زمانده شوقدر
ادملک تجارت و تحقیقاتندن دهانقدر توسع ایلسی لازم کله جکی
ادنا، لاحظه ایلله معلوم اولور

اهل تمدن برمنوال محرز برقاچ بک سنه لک حاصلات ذهنییه سندن مستفید
اولدیغی جهتله او قدر زمان بر حیات اولور حکمنده اولدقدن فضله چونکه
یشامق تمتع ایتمکدن عبارت اولدیغندن بدو بلر قطع مسافه ایتمک و دفع
احتیاج و تسکین ارزو ایتمک مثلاً و هر نه اولور ایسه اولسون براهرک وجوده
کامسیچون صرف واضاعه ایلدکلی اوقاتک مدنیلر تحصیل ظفر یاب
اولدقلری وسائط تسهیلایه سایه سندنه انجق اونده بر جز وینی استعمال
ایدرك حصول مرام ایلد بکام اولدیغندن بش اوقات زیاده شجره عمر و اقبالدن
بر خوردار اولور دینلمسی دخی بک نابجا دکادر

علمک فوائده عظیمه سندن بریسی دخی انسانی اعتمادات باطله دن وقایه
ایتمسیدر چونکه عالم اولان ذاتک چشم بصیرتی کشاده اولدیغندن
ماهیت اشیا یه کسب اطلاع ایدرك حال جهل و نادانینک لوازمندن
اولان افکار فاسده دن امین اولور مثلاً علم هیئت بعض مرتبه وقوقی اولور
خسوف و کسوف و قوهی وقور و قلی بلدی طلوعی کبی علام سماوییه
حرب و وبا و قحط و غلام مثلاً و درلومعنا و برهرك بیهوده خوف واضطراره دوچار
و حرکات و تشبثاتلرنده اشرف ساعات انتظار یله اکثر یا فرصتی فوت
ایدرك انواع و خامت و نحوسته کرفنار اولزلر و تحلیل و ترکیب اجسامدن
عبارت اولان علم کیمیا به مطالع اولور قورشون و باقر کی معادن خسیسه یی
التون و کوشه قاب و تعویل ایتمک سودا سیله مالارینی اضاعه و اتلاف
ایلزلر و حقیقتی وجه له علم منطق ییلر کند و مطالعات و افکارلرینی خطادن
وقایه ایلدکاری مثلاً و حقا و غرضکارانک سفسطه و من الطه قیلندن اولان

افسادات و اغفالاته جهلای بی تمیز کی قولایقله الدائموب قضیه نک
فساد و بطلانی زه سنده اولدیغنی در حال درک و اذعان و عقلا و خیر خواهانک
موافق مصلحت و مقارن حقیقت اولان نصائح و تأمینانی سائرندن
تفریق و تقدیر ایدرلر

علم ادعاسنده بولنان بعض اشخاصک اقوال و حرکاتلری نتیجه علم و معرفت
اولقی لازم کلان محاسن و فضائلدن عاری کورالیدیکی صورتده شو حال
هناک حسن تأثیری حقنده اشباه حصولی مؤدی اولما ملیدر چونکه
کرم علوم و کرمک السنه نک یالکز پیغا کبی بعض قواعد
و اصطلاحاتی تحصیل ابلک کافی اولمیوب موضوع و غایتی و صورت استعمال
واجراستی او کرمک لازم و لابددر یوخسه او مقوله سطحی تعلمک بر فائده سی
کور یله میوب اربابنک جهلادن چوق فرقی اولیه جغی در کاردر

بعض ارباب ثروت علم و معرفت مجرد تحصیل مال و جاه ایچون بر آلتدر
فکر فاسدینه ذاهب او اهرق تعلم و اکثسابنه لزوم کور مرز بالاده بسط
و بیان اولندیغنی اوزره علم و صنعتک رفاه و آسایش حاله کلی مداری اولدیغنی
در کار ایهده مقصدی بوکا منحصر اولمیوب ضمیمه لایعد و لایحصی
فوائد و لذائد وارد اکر چه اغنیای صاحب مروت و عطا اولدقلری حالده
خلفک بعض مرتبه محبت و حرمتنه مظهر اوله ییلورلر ایهده شو توجه
اوصاف جلیله علم و فضیلت ابله منصف اولنلر حقنده کوسه تر بلان
تعظیم و تکریمه مقبس اوله میوب جهل اهر حالده اصحاب فضل و کمال
زنده منظور نظر حقارت اوله جغنده اشباه یوقدر چونکه خالق تعالی
حضر تلری انسانی یالکز یشامق ایچون خالق ایتمیوب بلکه هر کور
فطرتی اولان فضائل و قوا دائره سنی توسیع و شن انسانیتته شایان
صورتده قدر و مرتبه سنی رفیع ایلدی مقاصد الهیه دن اولدیغنی رهین

رتبہٴ یقین (وما خلقت الانس والجن الا ليعبدون) نظم جلیلی دخی
بومعنا یہ اشارت اواردیغی متفق علیہ کبار مفسریندر

زیادہ اعز اشیا اولان علم و معرفتک شد و ستایشندہ ہر نقدر اطرا و طاب
و تحصیلندہ ہر ندکلو ترخیب و اغرا اولنسدینہ از اولور ایسدہ مطالعہ سی
موجب کلال اولور خوفیلہ بوندن زیادہ تطویل مقالہن صرف نظر
اولنہرق شدیلک بو قدرلہ اکتفا مناسب کورنشدہر همان جناب حق
جلہ مری علوم نافعہ و اعمال صالحہ یہ موفق بیورسون آمین * بہر کوش
زانکہ در عالم * شرف از است کوهنزدارد * کرتو نعمتی از ورسد * نام
جہل آخر از تو بردارد

منیف

رئیس ثانی مجلس تجارت

ملل سالفہدن نہایت قدمای مصر ینک اخباری مضبوط صحیف آثار
اولوب اندن اوتہ سی ظلام ریب وظونہ مستور بولندیغندن اکثر یا اور وپا
مورخ لری توار یخ عموم یہ لری اورادن بدأ ایدر لر بزم دخی علوم سائرہ
صرہ سندنہ مجموعہٴ فنونہ درج ایڈہ حکمر مواد تار یخیدہ اشبو ترتیب طبیعیہ
رعایت اینک لازم کلکالہ ملت مذکورہدن بدأ ایڈہ تار یخ متقدمین تحریرینہ
ابتدار قلمشدر

(قدمای ملوک مصر یہ تار یخی)

دینک قطعات خستہ سندن افریقہ قطعہ سی اوتہ دنبر و آثار مدینتدن
محرورم بولندیغنی حالہ مصر واسکی زمانہ فارتاز تسمیہ اولنہان تونس
وطرا بلس غرب ملک کنری مسٹا اولہرق بولنک اہالیسی ازمنہ قدیمہ
معاصراری بولنہان دیگر ملتہرک جملہ سندن زیادہ متمدن اولوب باخصوص

مصر او قدر وسیعی دخی یوغیکن پک چوق مداین و غوسی حاوی
 اوله رق زیاده سیله معمورایدی الکی مذکور شرقاً شاب دگری دینلان
 بحر احمر و شمالاً اق دگز و غرباً لیبی تعبیر اولانان صحرای کبیر و جنوباً بلاد
 سودان الیه محدود و درواهل پسند سبب حیاتی دنیله که شایان اولان نیل نهری
 جنوبین شماله طوغری ایکبوز ساعتک مسافه ده جریان ایدر

قدمای مصرین اصول اداره مملکتک نتیجه سی عامه نک حصول امن
 و آسایش حالری قضیه سندن عبارت اولدیغنی جمله دن اول فهم
 ایتدکلرندن امر حکومتی ممکن مرتبه درجه کماله ایصال ایتدکلر ایدی زمام
 حکومت وراثت طریقله ملوکلری خاندانی یدنده اولوب جالس مسند
 حکمرانی اولان ذوات دخی هوا و هوسلرینه تبعیت ایتدک افعال
 و حرکاتلرینی قوانین موضوعه یه توفیق ایتدک مجبور ایدیلر و بونلر
 خدمتلرنده اسیرا و اجانب استخدا م ایده میهدک بواستیار یالکر ملت
 اصلرادکاندن احباب حیثیت و معلوماته مخصوص ایدی و هر رشی اصول
 و نظام تحتند اولوب حتی ملوکک اطعمه و اشربه لرینک جنس و مقداری
 محدود اولدیغنی مثلاً کوندرلری نه مقوله اورله اشتغال ایتلری دخی معین
 اولوب شوبله که حکمدار اولان ذات هر کون کونش طلوعندن بدأ ایله
 مصالحه متعلق اوراق معروضه یی قرائت و اوزر لرینه ایجاب ایدن رأینی
 تحریر و اشارت ایتدکدن صکره و کلا و سرایی خلقیله برابر اجرای آیین
 دین ایتدک اوزره عبادتگاهه کبراییدی اورادن عودتند دینت و اخلاقه
 و اداره مملکتک متعلق کتابلر مطالعه و و کلاسیه احوال حاضره یه دأر
 مذاکره ایدر و بونی متعاقب حکومت مصر یه نک مشتمل اولدیغنی اوتوز
 جیم شهر دن مبعوث اوتوز حا کدن مرکب بر محکمه ده دخی ریاستله اجرای
 عدل و داد ایلر ایدی و مجلسه ختام و یرلدکدن صکره اخشامه قدر

خالی قلان وقتده دخی تعلیمات عسکریه ایله اشتغال ایدر ایدی و حکمدارانک
 اقدام وظائف احقاق حق رعیت و اخلال آسایش سکنه یه منجاسر
 اولنلرک دفع مضرتیه اجرای احکام قوانینه تقید و وقت ایتمک قضیه لرندن
 عبارت اولدیغندن حین وفاتلرنده جنازه لری بر میدانه وضع و اطرافنه
 عموم اهالی جمع اولوب زمان حکومتنده وقوع عبولان کافه افعال و حرکاتی
 یکان یکان یادوتد کار و عادتار محکمه حضورنده محاکمه سی اجرا اولور کی
 بین الحضار خبلی مذاکرات و مباحثات جر یا نند نصکره ملک و ملت حقنده
 خیر لو صورتده حسن اداره یه موفق اولدیغی تحقیق ایندیکی حالده
 جنازه تحنیط اولنلر ق یعنی بعض بهارات واسطه سبله چوق زمانلر
 چورومبه جک بحاله قونیلر ق غایت مکلف بر مرز ده دفن اولور ایدی
 و بالعکس ظلم و تسبب و شهوات نفسانیه سنه تبعیتله سوء اداره سی تبین
 ایلدیکی صورتده طعمه و حوش و طیور اولق اوزره بیابانه القا اولنق قوانین
 موضوعه اقتضاسندن ایدی و قوانینک تمامی اجراسی عموم ناس عندنده
 اساس تربیه دن معدود اولس سبله صغیر و کبیر اخلاص و قایه سنه تقید
 و اعتنا ایدر و تبدیل و تعدیلی امور مشکله دن ایدی قتل نفس و خلاف یره
 عین ایتمک جرأت ایدنلر و مقتدر اولدیغی حالده تهلکه ده بولانان برکسه بی
 خلاص ایتمانلر قتل جزا سنه گرفتار و مغتری اثبات مدعا ایده مدیکی
 تقدیرده عز و ایتدیکی جرم جزا سنه دوچار اولور ایدی و افراد اهالی یه بوش
 کرمک ممنوع اولدیغندن کیفیت واحواللری حکومتک معلومی اولق
 ایچون هر کس اسم و شهرت و محل اقامت و صنعت و صورت تعیشلرینی
 حکومت محلیه ده دفتر مخصوصه قید ایتدی مکه مجبور اولوب بویابد ار تکاب
 کذب و خلاف ایدن اولور ایسه قتل ایله مجازات قلنور ایدی و اصول
 مر عبده لرنک بریسی دخی اولاد پدر لری وفات ایتد کده جنازه سنی

نحیط الیہ حفظ ایلدکلرندن اکثریا منشأ سفاہت اولان استقراضک
 منعمہ مدار اولق اوزره بورجلو مبلغ دین مقابلند پیرینک اولوجہلہ زدندہ
 محفوظ اولان جسدینی رهن طر قیلہ دایند و پروب از مدت ظرفندہ
 ایغای دین ایلہ استردار ایلامسی دخی بیوک قباحت عد اولدیغی جہتلہ
 مدیون بواثادہ وفات ایلرایسہ جنازہ سی بیابانہ اتیلورایدی وافراد ناسیجہ
 تعداد نسا جائز ایدہ بت پرستلکدن عبارت اولان دینلرینک رهبان
 طاقی بومأذونیتدن محروم اوله رق یالکز برز وجہ ایلہ اکتفا ایتکہ مجبور
 ایدیلر واول عصرده کافہء دلائل مستغرق اولدقلری حال جہل و نادانی یه
 نسبتلہ مصر اولر نصاب مدیتدن زیادہ سیلہ بہرہ دارایکن برآدم قرقرنداشنی
 نأهل ایلمک عندلرندہ قانوناً و دیناً جائز و بیلکہ مستحب ایدی و اصول
 آداب انسانیہ و حقوق نان و نعمتہ کمال درجہ دقت و رعایت ایلہ مثلاً
 کبچلر من آدملر حضورندہ قیام ایتمک و لھر بردہ انلری کندولرینہ تقدیم
 ایلمک کی حق لرنده حرمت ایدرلر ایدی و شہوات نفسانیہ زیادہ میل و رغبت
 اولنمایدنندن برجہیت و ضیافت وقوعندہ فکر نماتی خاطر دن چیقارماق
 اوزره سفرہ اورتہ سہنہ برانسان اقفاسی وضع اولنمق دخی اصول
 مرعہ لرندن ایدی (بقیہ سی صکرہ)

تحلیل

سفیر پتر مسبور غ

حکمت طیبہ بدین علامہ سماویہ دائرہ برخواجہ ایلہ برشاگردیلندہ

محاورہ در

(خواجہ)

جناب واجب الرجودک حیرتبخش عقول بشریہ اولان مصنوعات عجیبہ

الهیہ سندن اولق اوزرہ دأعما شهود چشم اعتبار من اولان باغمور وقار
وروزکار وقوس قزح وشمشک وکوک کور ایسی و یلدریم مثالو کره نسیمده
طهوره کلان علامم سماویہ ک اسباب وقوعی اره صرہ سوال ایلدیگزدن
یویلده سزہ بعض مرتبه معلومات ویردک استرم

(شاگرد)

اصابت یوررسکز حقیقه علامم مذکورہ ک اسباب مولده منی اوکرنگ
استرم و بوچوقدنبرومر اقدر

(خواجه)

علامم مذکورہ نک روزکار کی بعضیسی هودن و باغمور وقار کی بعضیلری
صودن وقوس قزح و هاله مثالو بعضیسی ضیادن وشمشک و یلدریم کی
بعضیلری قوه الکتریقیه یعنی قوه کهر بایه دن نشأت ایدر و بوقوه
الکتریقیه نک نه اولدیغنی مؤخرأ سسز بیان ایدرم

(شاگرد)

بوصورتده علامم مذکورہ درت قسمه منقسم اولق لازم کلور

(خواجه)

أوت درت قسمه منقسمدر هوان نشأت این علامتلره علامم هوایه
وسبب مولدی صوا اولتلره علامم مائیه و ضیادن متولد اولتلره علامم ضیائیه
وقوه الکتریقیه دن حصوله کلنلره علامم ناریه و یاخود علامم الکتریقیه
تعبیر اولنور

(شاگرد)

هوا الیه صو علامم سماویه دغنی معدود در بن بونلری عناصر اربعه داخلنده

یلوردم

(خواجه)

خير بونلرنه علامت مذكوره دن ونده عناصر دندر چونكه عنصر ديمك
جسم بسيط ديمكدر وجسم بسيط شول بر جسمه اطلاق اولور كه عمليات
كيمويه واسطه سيله مركب اولديغى اجزاسنك تحليلي ممكن اوله ميه
يعنى اجزاسى برقاج نوع جسمدن اوليوب بالكر درلو جسمدن عبارت
اوله هر قدر متقدمين صوايله هوايى جسم بسيط ظنيله عناصر دردن
عدايت مشرايسه ده متأخرين بونلرى تحليل ايله هر برى برقاج درلو جسمدن
مركب اولديغى ظاهره حيقارديار وشمدي به قدر كشف اولنان اجسام
بسيطه نك عددى الشمس ايكى به بالغ اولمشدر بو بحث علم كيميايه متعلق
اولوب صدمزدن خارج اولغله شديلاك بزه لزومى يوقدر

(شاگرد)

دمين علامت مذكوره كره نسيمده ظهوره كلور ييورديكز كره نسيم
نه ديمك اوليور اول امر داطفا بونى تعريف ييور بكن
(خواجه)

كره نسيم كره ارضى هر طرفدن احاطه ايدن كره هوا در
(شاگرد)

اويله ايسه كره نسيم هوا ديمك اوله جفندن كره نسيم يرينه هوا ديسك
اولمزمى

(خواجه)

هر قدر بعضاً صاحب اثناسنده هوا ايله كره نسيم يكد يكرندن تفريق
اولمزايسه ده بونلرى برندن تمير ايتك لازمدر كره ارضى احاطه ايدن طبقات
هوا صافى هوا دن عبارت اوليوب ايچنده برچوق ادرخنه و ابخره دن
بشق برطاق غازار و طوز و طپراق و بوجكلر و هوا ده طوره ييله جك دها سار
خفيف جسملر موجود اولغله اشته بونلرك جله سى برلكده اوله رق كره

ارضی محیط اولان طبقات هوایه کره نسیم اطلاق اولور و هوادینلدیکی
حالده اجسام سائرهدن مبرا صافی هوادیمک اولور
(شاگرد)

قوشلر و بالون ایله هوایه چیقان آدم لر و یک یوکسک طاغیرک نپه لری دخی
کره نسیم ایله محاط میدر

(خواجه)

اوت محاطدر چونکه کره نسیمی نجـاوز اید یله جک مرتبه مرتفع
طاغ اولدیغی مثلاً و ذی روح اولمیده کره نسیم داخلند، بر درجه محدودده
قدر صعود اید یلوب اندن اوندیه کیده منزل
(شاگرد)

امریقا طبورندن قوندون نسیمه اولوب یدی آر شون قنادی اولان قوش
طقوزیک آر شون قدر صعود اید ییلدیکنی و طبیع بوندن موسبو کیلوساق
نام ذاتک بیک سکز یوزدرت سنه میلادیه سی ایل اولانک اون التجی کونی
بالون ایله اون یک آر شون و مشاهیر اهل هیئتدن موسبور یوسکی کذلک
بالون ایله اون بر یک بشیوز آر شون مقداری صعود ایتمش اولدقـلرینی
ایشتیم بونلرینه کره نسیمی تجاوز اید ما، شلمیدر

(خواجه)

خیر اید ما مشلردر طبیع بونک بعضیسی کره نسیمک ارتفاعی طقسان
یک و بعضیلری ویوز بیک یوز اون یک ودها زیاده تخمین ایدر لر مع مافیه
طبقات کره نسیمک کثافتلری یکدیگرینه مساوی اولسه موسمی الیمما
دها یک چوق زیاده صعود اید یلور لر ایدی فقط او یله اولیوب طبقات هوا
عادتا بربری اوزرینه وضع اولتمش بر چوق کاغد پیراقلرینه مشابه
اولدیغندن اوستده بولنانلرک تضییق مناسبتیه کالتده بولنان طبقه

جمله سندن

جمله سندن کثیف و اغر درانک اوسنده بولان بر از خفیف و بونک اوسنده
بولان دها خفیف اولوب وقس علی هذا کتد کجه خفیفلاشدیکندن
صکره لری طبقات هوا بر درجه یقدر خفت و اور که قرش لری و بالونی چکه من
اولور و بوندن بشقد اول درجه خفیف اولان هواده ذیروح یسایه من
اون ایکی یسک آرشوندن یوقاریده بولان هوا ایچنده انسان تعیش
ایده میده جکی نرد طبیعه بونده محققدر و مرتفع محکک هواسی خفیف والحق
یرک هواسی ثقیل اولسیده بوندن نشأت ایدر

(شاگرد)

یار بیوردیغکره کوره هواده ثقلت ظاهر در فقط هیچ بر وفته اغر لغنی حس
ایده مبورم

(حواجه)

هوانک اجسام سائر مثلاً و عاداتاً طاریتیلور بر جسم کثیف اولدیغی امور
معلومه دندر چونکه هوا طولو بر شیشه یی وزن ایله مقدار ثقلتی
یلند کدنصکره مخلیه الهوا دینلان آت واسطه سبيله ایچنده اولان هوا
بعد الاخذ شیشه تکرار وزن اولندقدده هوانک مقدار نجه نقصان ظهوز ایدر
شمدی سر باشیکرک اوسنده هوادز بر عمود کونور یوسکر که قوت بشریه نک
متحمل اوله میده جغی درجه اغر شیدر ایلروده سزه بیان ایده حکم وجهله
حامل اولدیغکره هوانک اغر لغی وجود کرک قاللغنده و اون وچ یچق آرشون
ارتفاعنده بر صو عمودی اغر لغتیه مساوی اولدیغی و وجود انسانی
هر طرفدن تضییق ایدن هوانک اغر لغی دخی تقریباً اون ایکی یسک قبه
بولدیغی حساب قلمشدر

(شاگرد)

نیچون بوقدر اغر لغی بز حس ایتمبورز

بو آغراق بری هر طرفدن تضییق ایدرک موازنه حاصل اولدیغیدر مثلاً ذکره
 کیرلد کده آدەك اوز رنده خبلی صو بولندیغی حالده اصلاً آغراق حس
 اولمز دکرک تاقع رینه واصل اولوب اوز رنده برقاج یوز قولاج صو بولان
 طالقچیلرد کزده ایکن متحمل اولدقلری صویک طیشارود عشر معشرینی
 کوتوره میه جکلری آشکاردر و بر شیشه نك آغری مشین ایله قیاقوب
 مشینك اوستند بر از حیوه وضع اولنسه شیشه نك ایچنده هوا بولندیغی حالده
 آلتدن دخی تضییق وقوع بولدیغی جهته حیوه مشینك مساماتندن اوتیه طرفه
 تجاوز ایدیه مزو فقط شیشه دکر بر محاندن دلوب ایچنده اولان هوا آلت مذکوره
 ایله آلدقده اولوقت حیوه نك اوز رینه بالکر بر طرفدن تضییق وقوع بولمسیله
 موازنه یوز بله رق هواك ثقلتندن حیوه مشینك مساماتندن اوتیه طرفه
 تجاوز ایله غایت ایجه یا غمور طاهله لری شکلنده شیشه نك ایچنده طاهله
 باشادیغی بالتجربه ثابت اولمشد و بوندن قطع نظر هواك اولوجهله
 هر طرفمزدن تضییق اجرا ایتمسی لوازم حیاتمزدنر چونکه اشبو تضییق
 هوا اولمسیدی انسانك قانی کوز و برون و قولاقلردن و دوداق کی ایجه
 در یلو محللردن طیشارو نفوذ و جریان ایدر ایدی بالون ایله زیاده خفیف
 اولان طبقات هوایه صعود ایدنلر ذکر اولنان مخاطرده بولنورلر اشته
 موسیو کیلوساق و موسیو بریوسکینك ذکر اولنان مقداردن زیاده صعود
 ایدیه میدرک مضطرب اولمغه باشلدقلری برده توقف و نزوله مجبور اولدقلری
 بوسیله منیدر

(شاگرد)

کره نسیم نه دیمك اولدیغی اکلام فقط اصل هواندن عبارتدر تعریف
 بیورمکری رجا ایدرم

خواجه

(خواجه)

شمديلاک بوقدر يئشور سز ذکر اولنان شيلری ايوجه ضبط ايتکه غيبرت
ايدير کلدجک در سده هوانه اولديغنی سزه يان و تفهيم ايدرم

مجلس والا مترجم نندن

قدري

(سرعت عمر)

عمر انسانی فی المثل بطريق قدر که نهايتی برور طه هولنا کدر وخامت عاقبتی
اول خطوه دن کوش هوشمزه القا اولور ايسده تقدیر ازلی یرینی
بوله جفتدن مجبوراً ایلرویه کیدیلور در عقب آرزوی رجعت مرآت متخيله ده
روغا اولور اما سائق قدر مساعد اولوب دائماً ایلرویه سوق ایدر اثنای
راهنده مهلاکه مذکور دن اجتناباً اختیار اولنان انواع تکلف و مشاق
باعث کمال تعب و اضطراب اولور ايسده مينه افتان و خیران سمع معهوده
شبان اولوق لازم کلوب اشته هرور سنين واعوام بوندن عبارتدر اگر چه
ار القده دلکش چترار و اقارصور ورنکارک چيچکاره شالو بعض مرتبه
موجب نشاط و تسليتمز اوله جيق شيلره تصادف اولنوب بومقوله یرلرده
براز توقف و لنمق استیلور ايسده بر لحظه سکون و آرامه رخصت اوليوب
هاتف غيبدن لایق قطع یوی یوری نداسی کلور ووراده ترك اولنان نقایس
اشیا به نظر محسره نگاه اولند قده انلردخی پايدار اوليوب نقش بر آب کبی
از وقت طرفنده محو و نابید اولديغنی کوریلور

اومثالو کذر کاهلردن چیده دست آرزو اولان بعض میوه و شکوفه برابر
الغله کب تسليت اولور ايسده چيچکلر صباحدن اخشامه قالميوب
پرمرده و یریشن و ميوه لذب بخش دعاغ اولور اولر نظر دن نهان
اولد قلردن جله سی وهم و خیال قیلندندر اشته بوصورتله دائماً سائق

تقدیرك سوقيله اول مغاك هلا كه تقرب اولنور اولخالده هرشیده آثار
 زوال وانقلاب نمودار اوله رق باخچه لرده اولکی رونق و طراوت و ازهاده
 اولکی لطافت و صورده اولکی صفوت قالمق و مقدمات اجل بی امان
 نمایان اوله رق اول ورطه خطرنا که یقیندیغی حس اولنور اما چه فائده
 کنار وحشت مدارینه قدر وارماق تحتم اولدیغندن یرقاج قدم دهایلرو
 کیدلکدن امتناع اولنه مز و اول آئاده خرف و دهشت حواس و قوایی
 اخلال ایدرک باش دور و کوزار قارار ایدده ینه یور یک لازمدرکیرو
 دونمک مراد اولنور ایدده هیسات امکان مساعد اولمز و درحال ظل
 زائل کی جمله سی محو و مضحل اولور * برب چونشین و کذر عمریین *

کین اشارت زجه پان گذران مارابس

(منیف)

(بوسونه)

ظهور تصویر افکار

مجلس معارف اعضاسندن عزت او شناسی افندینک بر از وقتدنبرو تنظیم
 و تهیه سیله اشتعال ایلدیکی غزته اشبو سنه هجریه ابتداسنده (تصویر
 افکار) عنوانیله صفحه پیرای ظهور و منتظری اولان دلشنکان حوادث
 و اخباره باعث حظ موفور اولمشدر محررینک اهلیت و فطانتندن دخی
 مأمول اولدیغی وجهله غزته مذکورک حسن ترتیب و انسجامی شایان
 تحسین و ارباب همت و حیت طرفلرندن مظهر تشبیح و تشویق اولدیغی
 حالده ایلروده برقاندھا کسب وسعت و انتظام ایدجکی نزد عاجزانده
 رهین رتبه علم البقیندر

غزته مذکور ایله اشبو مجموعه فنونک حدوثی بروقت تصادف ایلدیکی
 مثلاً وایکسی دخی ابنای وطنه بر خدمت عاجزانہ ابرازی نیت خیره سندن

متولد

منولد اولدیغی جهته شو حال بونلرک ایکی برادر توأم کی حسن امتزاج ایله
مقصداری اولان تریداً عامه حقنده بکایکریه معین و ظهیر اوله جقلرینه
برکوزل فال عدا اولور

اشبوا یکی غرته ایله الیوم در سعادتیه ترکیجه اوله رق اوقات معینه ده
طبع و نشر اولمقده اولان غرته لک مقصداری بش اولوب بونلرک الکاسکیسی
رسمی اولان تقویم و قایمدر که واکیر المحامد جاب شهر یاری جنتکان
سلطان محمود خان غازی حضر تریک جله آثار محاسن نشرلندن اولوق
اوزره بک ایکیوز قرق بدی سندسی جهادی الاولیک بکرمی بشنده هفته ده
برکریه جیمقی اوزره احداث اولمشدر اوائل ظهورینده حسن تحریر
و تنظیمه اعتنا اولمقده امور داخلیه و خارجیه دأر حوادث و مواد مفیده یی
شامل اولدیغی حالده صکره لری یا کز رسمی و بعضی داخلی وقوعاته مختصر
اولوب اکثر یارقتنی دخی شاشردیفندن انظار عامده اولکی قدر اعتباری
قالامش ایدی فقط مؤخرأ نظارتی معارف نظارت جالیله سنه علاوه
عطوفت اوکال افندی حضر تریک عهد استیباله احواله یورلدیفندن
اولوق تدبیر و خیالجه کسب رقی ایتیش و کتد کجه دخی دول سائر رسمی
غرته لری کی شان سلطات سیدییه چسبان صورتده درجه مطاوبه یی
حار اولمی دأول بولمشدر

ایکنجیسی جریده حوادیدر که بک ایکیوز الی الی سنه هجریه سنده اصدقای
سلطنت سیدییه انکلیز موسیو ویلیام چرچیل مهر فیله تأسیس اولمشدر
بودخی هفته ده برکریه جیمقاره رق اکثریسی ممالک اجنبیه یه متعلق مفید
واکنجه لو حوادث انتخاب و تحریر ایلدیکندن و او ائاده بو یولده بشقه غرته
دخی اولمقده خالق کال رغبتی جاب ایله برابکی سنه یه کلنجیه قدر
یلامعارض و مرآاحم بکه تاز میدان قرد و اشتها اولمیدی جریده حوادث

بوجمله ایشنی یوانه قوید یغندن اصلاح حال آرزوسنی خاطر کداری بیله
 دکل ایکن اکثر احوالده رقابت و غیرت منشأ فیض و رفعت اولدیغی
 مثلاً و ترجان احوالک ظهورینی متعاقب اکا نسبت کنندوسنده
 مایه تفوق و عزت اولق بیله بوفقیق بجریده کتابینی اتاسنده ینده هفته
 جریده سی بردوام اولق اوزره هر کون بیر پیراقدن عبارت اوله رق روزنامه
 جریده حوادث اسمیله برورقه جیقاروب مؤخرأ بر پیراق دخی علاوه
 ایلشدر

اوچنجیسی سالف الذکر ترجان احوالدرکه البوم یوسته مدیری یوانان
 عزت لول آگاه افندیك اثر همتی اوله رق ایلك نومروسنی بیک ایکیوز یتیش
 یدی سندسی ربع الآخرک التیسنده جیقمشدر ابتدای ظهورنده بش التی
 ماه قدر بیوک قطعده اوله رق هفته ده بر کره و بعد کوچک اوله رق
 اوچ دفعه جیقمه یاشمشدر تبعه سلطنت سنیده دن الاول ترکیجه غرنه
 احداثده موفق اولان افندی مومی الیه اولدیغندن الفضل للمتقدم
 شرفنی حاز اولدیغی جای اشکال دکادر

در سعادتده (الجوائب) اسمده عربی بر غرنه وارددرکه مطبعه عامره
 عربی باش صحیحی احمد فارس افندیك اثر راعه یاهر الباعده سی اوله رق
 یتیش یدی سندسی ذی القعدة سنده نشر یتیش شروع قلمشدر افندی مومی
 الیهک علوم ادیده کمال مهارتی و بعض السنه اجنبیه و قوقی جهتیه
 عزته مذکورک اسلوب ادیان و طرز بلغانده سی فوق الغایه شایان
 تقدیر و استحسان بولمشدر فقط در سعادتده اربابک ندرنی و ممالک عربده
 غرنه قدر و قائده سی هنوز کرکی کی بیلمدیکندن خلایق بوکا عدم رغبتی
 جهتیه وارداتی عصارفاته مقابل اوله مدیغندن افندی مومی الیه
 چند ماه مقدم ترک و الفاسده مجبور اوله رق * اذاکان البلیغ بغیر خط * بدت
 حسنه

حسناته الکبری معارب * لقد تبت يدى عن نيل طرس * اخط به من الخطط
الغرائب * نشيد سيله اطهر اناسف ونحسر ابلديكى حالده ممالك
محروسه شاهانه ديو مللو بر عربى غرتك درجه وجوب واهمىنى تقدير ايدن
بعض ذوات كرامك معاونت خير خواهانه رينه مظهر اوله رقى الى الان
دوام ايلكده در

چونكه اصل غرته بر واعظ كرسى نشين و خالق عالم لك مستمعين
مشبه سنده اولوب نقل و اراد ايلديكى مواد حقنده كند و افكار و مطالعاتنى
علاوه و بيان و وقوعات سابقه دن حالات استقباليه استدلال ايله عامه به
موجب عبرت و انبيا اوله حق نصائح و اخطارات ذكر و اتيان ايلديكندن
اكر چه شديلاك سالف الذكر در سعادت غرته لرندن هيچ بريسى
بو وظيفه ينى ايفا ايتيوب بالكر مسموع و مشهود لرى اولان حوادث
كونيه ينى نقل و روايت ايله اكتفا ايتكده ايسدرده * اذار ايت من الالهلال
بدوه * ايقنت انه سبصير بديراً كالاً * مفهومى اوزره محسنات عصرية
حضرت پادشاهيدن اوله رقى بالكر تركجه غرته لك مدت قليله ظرفنده
بو قدر تعدد و تنوع ايلروده اصلاح و اكمال قصائده براعت استهلال
واهل انصاف و مروت و خير خواه دولت و ملت اولانلر عندنده شديلاك
بودخى اترقى عديله جاي تسكر و ممنونيت اوله جعنى و ارسته قيد استدلالات

براز و قد نبر و ترك در سعادت و كرك ممالك محروسه لك اكثر محملارنده
على العموم خلق غرته لك فوائد و محسناتى فهم ايدرك كمال خواهش
و رغبتله طالع اولند بيقندن بر مقتدر ذات طرفندن هر كون حقيق
اوزره بوجك قطعده بر منتظم غرته احداثد دجى همت يورلسه ارق
مطبوعا نجه شديلاك آرز و اولنه حق شى قالمز ايدى اسكى و قنلرده جائز

اوله یالور ایسده شمدیکی زمانده پواتیقده غرتهلرینه کوره سیرک چیقماق
 باقشق المر بومقوله غرتهلر شکوفه قیلندن اوله رق مقبولیتی تازه لکی حالنده
 اولوب یوخسه تقویم یارینه کبی اعتباردن ساقط اولور چونکه تلغرافک
 حین ایجادندبرو ممالک بینده اولان مسافات محسوس و زائل و روی زمین
 بر شهر حکمنه داخل اولدیغندن خفایای الهیه دن اولان اشبو واسطه
 عجیبه ایله برقاج آیلقی مسافه ده واقع محارندن آن واحده النان حوادث
 مهمه نك غرتله چیقماق قدر برقاج کونلر تأخیری آثار مدنیّت حقنده برنظم
 صریح اولدیغی درکار دراورو پا پواتیقده غرتهلرینک همان کافه سی هر کون
 چیقماق قدن بشقه اکثری صبح و اخشام ایکی کره باصیلور فقط اشبو
 مجموعه فنون قیلندن اولان فنون وادیات غرتهلری اویرلرینه مفیس
 اولوب • این کلاستان همیشه خوش باشد * مفادی اوزره دائماً
 تروازه و مطالعہ سی هر وقت و حالده باعث فوائد بی اندازه اوله جیخی
 آشکاردر

(منیف)

مجموعہ فنون مرہاہ عربی ایشیائہ چیتار یاہور

در سعادت ایچمن ہامی

غروش

۶۵ برسہ لک

۴۵ التی ابلق

۶ رسد

رسد اکبر و باخودانی ایشیائہ مشرقی اولیٰ ایشیائہ کی جامعہ جریدہ خانہ
و باخودانی جدید قریبہ ایشیائہ احوال و طباعت و مراجعت اوانہ

بالاندہ مشرقی اولیٰ ایشیائہ قریبہ ایشیائہ کورہ اوزاریہ مسالہ مسہ کورہ
ایچمن ہامی ایچمن ہامی ایچمن ہامی ایچمن ہامی ایچمن ہامی
حالیہ اوقات معینہ مسہ ایچمن ہامی ایچمن ہامی

مشرق صاقلان محلل

جریدہ خانہ
ایچمن ہامی ایچمن ہامی ایچمن ہامی ایچمن ہامی ایچمن ہامی
ایچمن ہامی ایچمن ہامی ایچمن ہامی ایچمن ہامی ایچمن ہامی
ایچمن ہامی ایچمن ہامی ایچمن ہامی ایچمن ہامی ایچمن ہامی

نجمہ افغانہ درجی مراد اللہ اللہ مراد اللہ مراد اللہ مراد اللہ
طبع شدہ ایشیائہ ایچمن ہامی

مجموعه فنون

۱۳

جمعیت علمیہ عثمانیہ

برنجی پستہ

صفر

نومبر و ۲

استانبول

جمعیت علمیہ عثمانیہ مطبعہ سندنہ طبع اول نمشادر

۱۴۷۹

(مواد مندرجه)

التفاتنامه	عالی پاشا
قره طاغ	منیف افندی
مقدمه علم ژئولوژی	واله ایضاً
مدخل علم ژئولوژی	ادهم پاشا
قدمای ملوک مصریه تاریخی	جیل پاشا و خلیل بك
علائم سماویه	قدری بك
علم ثروت ملل	اوحانس افندی

جمعیت مهریله ممهور اولیان مجموعه فنون نسخدهلرینه ساخته
نظریله باقیله رق طابع و بایعاری مسئول طو تیه جقدر



حالا امور خارجیه نظارتی مسند جلیله رونق افزا ابهت و دولتی
محمد امین عالی پاشا حضرتاری مجرد جمعیت مزاعضا سنی تلطف
و تشویق مراد مکارم اعتیاد یله مجموعه فنونک ظهیرینی تبریک
و مؤسسی اولان توهوسان علم و معرفتک شوق تبذیرینی محسین ایل
برابر حسن موفقیتمزه مدار اوله جق بعضی اختطارات حکمت ایا
مثلاً جمعیت خطاباً بر قطعه انتقامنامه تحریر و احسان بیورمش
اولا ایل تبرکاً صورتتک زبیده درجیه تزیین سر لوحه مقال ایدرز
سلطنت سنیده واصل اقصای درجات عز و اجلال اولمش بر ذات
معالیسمات طرفندن بو وجهه تلطف و صحابه مظهر یتمز بالطبع
موجب کمال مسار و مفتخرتزا اولوب بالخصوص مشار الیه
حضرتلرینک اعلای مراتب اولان رتبه علم و عرفان ایل مشار
بالبنان بولنمسی شوالیفات عالمیه انک نزد عاجزانه مزده بر قاتدها عزت
و اعتبارینی مؤدی اولمشدر بو وجهه فوق المأمول ساحه پیرای
حصول اولان آثار وطن پروری و عاطفندن طسولایی ایضاً

وجیهه تشکره مسارعت واشبو عنایت علیه لرینه کسب استحقاق
الملکه سعی و غیرت ایده جگر درکار اولغاله هر حالده حق
ناچیزانه مزده حسن نظر اکسیر اثرلرینک شمول واستقرارینی
استرحامه جسارت ایدرز جمعیته اس الحركات اولق اوزره لطفاً
ارائه وتعیین یوریلان طریق سلامت رفیق بختنه کلنجه حسن
اخلاق کلمات سائره یه مقدم اولدیغی امر مسلم اولدیغندن
هر سیدن زیاده بوناک نشر وتعمیمی جمعیتک اجل مقاصدندن اولسوب
یمده تعالی طرق ووسائل مناسبه ایله شو وجیهه نک حسن ایضاسنه
السن کلدیکی مرتبه سعی واعتماد اولنده جغی درکاردر * از خدا جوییم
توفیق ادب * بی ادب محروم ماند از لطف رب * بی ادب تنهانه خود را
داشت بد * بلکه آتش در همه افاق زد *

(التفاتنامه مذکورک صورتیدر)

مائده فائده سی کر سنکان علم و ادب ملته شامله وعائده وعلت غائیة
تأسیسی بیت الشرف تسهیل انتشار عاوم ومعارفه اساس وقاعده
دیخکه بایسته وهر درلومدح وستایشه شایسته اولهرق بود فعه
منفعت بخش ظهور اولان مجموعه فنون لسان و ملتزده بوجنس اثر نافع
ورسائل مفیده عوقتندک برنجیسی اولدیغندن بوجمله انتظام یافته
سلاک اللال سطور و موضوع دستگاه طبع و صدور اولسنه
همت ایدن ذوانه حقیقه تبریک و تسکر اولنق وانشاء الله تعالی
سایه فیض رایة حضرت ملوکانده ده دوام وتوسیعته موفقیتلری

از دل و جان تمنی قلمی اعظم وظائف حب وطن و ملت عهد اولنور
 و اشبه و جیبه نك اداسی صبره سنده متبادر خاطر قاصر اولان بعض
 خواطر خلوص ما نترك دخی یسکاه نظر تدقیق و محکمه علا حظه
 و تعمیق جمعیت علمیه عثمانیه به عرض و تقدیمه ابتداء قلمش و شویله که
 معلوم ارباب مطالعه و ادب و مجرب حقایق جویان حکم جلیله
 حضرت رب اولدیغی اوزره نوع بنی اذم بالطبع مدیدر و بو طبیعتک
 طبیعت اصلیه سی ایسه دائماً ترقی مدیتی مستلزم و مستدعی
 اولدیغی درکار در زیر امر تمدن جمعیت بشریه بی ترکیب ایدن
 افرادک هر یوزدن مظهر امنیت کامله و متمتع نعمت اسایش و رفاه
 اولسی دیکدر ایمدی دائرة امنیت و رفاه بر حال و وسعتده قاله میوب
 بالتدریج توسع ایتمک ایستر و بو توسعه ترقی اطلاق اولنور
 و مایه السعاده انسانیه و مقتضای خلقت بشریه اولان مدیتک حصول
 و تمادیس ترقیات متوالیه منوط اولدیغی بو وجهله دخی ثبوت
 بولسور و هر بر جمعیت انسانیه نك درجه تمدن و ترقیسی کندوسنی
 ترکیب ایدن اجزا و اعضا نك هر تبسه تربیه و وقفنه کوره اولق امور
 ضروریه دندر بناء علیه هر بر ذی روح غذا سز معمر اولق ممکن
 اولدیغی مثلاً و مدنی بالطبع بولسان انسان دخی غذای روحانی
 اولان علم سز حیات تمدن محروم اولق مقرر در فقط هر بیان
 ملل و اقوام ایچسون اذهان خلق سوق ایده جکاری طریق تربیه
 و تحصیل انکسابی بحسنه دنیوی و اخروی بر عظیم مسئولیت اولغله
 اشبه و فرقه ممتازه نك اول منزله دهشت فرما و فلاکت انقادن حفظ
 ارجل اجناسار ایلماری اهم مترتبات ذمتاریدر ترقی مدنیته جهل
 ندره مانع ایسه سوء تربیه دخی او قدر مزاحدر هر شبیه نك

افراط و تفریطی عین مضرت اولدیغی قضیه مسلمه سی
دائماً پیش نظر بصیرتده طوطلمق الزمدر جهل ايله
یکلش بوله کوتوریلان تربیه نیکه سی بر اولدیغی تجارب
کیره ايله مثبتدر جهلک مضرات لایحساسنک بری بلکه الکیوکی
جهلانک خود اندیش و خود پرست اولسی ماده سیدر و بودخی
هر کس کندی منفعت ذاتیه سنه باقوب سائرک حقوق مشروعه سی
هیچ صایقندن عبارتدر واقعاً منفعت عمومیّه منافع مخصوصه نیک
اجتماعدن ترکیب ایدر بوجه تله خلق فائده ذاتیه سنه اصلادقت
ایتموب عمومه خدمت ایتمون دیمک یالکز طبیعت بشریه بی دکل
ایجابات مدنیّه بی دخی طانیماق اولور منفعت ذاتیه تازیانه سی
اولسه علوم و فنونک و حرف و صنایعک مشهود اولان ترقیات
عظیمه سی نردن حاصل اوله بیلور ایدی اتیمق منفعت مخصوصه نیک
مشروع و ممدوحی و مضر و مقمذوحی اولغله شومقالادن مراد
بونلرک تمیز و تفریقیدر یعنی هر بر منفعت ذاتیه که سائرک حقوق
صحیح سنه تجار و زایمه و اندن بشقه لری دخی مستفید اوله بيله
اول منفعت مشروعه و مرغوبه در مثلاً سیاله برقیه بی مخابرات
انسانیه ده قوللا نمغی ابتدا کشف ایدن ذات بوندن ذاتیه بیوک
فائده کورمیدر لکن بتون ابنای جنسه دخی تهریفه کلز بریوک
خدمت ایتمیدر و هر بر فائده مخصوصه که آخرک حقوقک ازاله سندن
ایلر و کله انک نه در جدارده مضر و مهلاک و مخرب اولدیغی ادبی
تأمل ايله معلوم اولور اشته تربیه عمومیّه الکیاده کوزه دیله جک
قضیه بودر یعنی چرخ اداره بشریه نیک محوری و کافه هیئات
متمدنه نیک روحی حق و وظیفه اولوب قنغی جمعیتده بوقاعدهیه

رعایت زیاده ایسه انك حالى انار معهوریت و عمران ايله مالی اولدیغی
تجربت کرده اهل خبرتدر و بونك خارجده تعزینی هر مملکتک
قوانین و نظامات مرعیه سنك تأمین ایتدیکی حقوقدن استفاده
ایتک هر فردك حق واکا اطاعت ایلیمك وظیفه سی اولدیغی
ماده سیدر حقوق و وظائفی طایب و نیوب مراعات ایتک ایسه اول بول
اصول حسن اخلاقك انتشار یله اذهان عمومیده یرلشمسینه موقوفدر
اخلاق حسنه سبز معلومات موجب مضرات بیغایات اولدیغی
مسلمدر حتی علم بلا عملدن جهل اهنودر دینلمسی دخی بوسبیه مبنی
اولسق کرکدر چونکه ایو خلق ايله متخلق اولیان ادم تحصیل
ایتمش اولدیغی علوم و فنونی ابنای جنسنك شر و مضرتنه و افساد
احواله صرف ایدر و علمی جهتیله فساد و ضلالتك عوامه زیاده
تأثیری اولور جاهلک مضرتی ایسه اوله اعم اوله مزیرا کدوستنه
کیسهك متابعت ایتسی احتمالی یوقدر اگرچه تربیه ايله بالجه
افرادك اخلاقنی علی السویه تهذیب قابل دکدر و انك ایچسون
بونجه قوانین و محاکم و ضوابطه احتیاج حاصل اولمشدر لکن ممکن
اولدیغی مرتبه تعهیم اخلاق حسنه الك ابتدا اعتنا اولنه حق
مسئله در برجه میتك کیردیکی مسلاک تربیهك اولکی منزلی بوماده
اولز ایسه یولنی غائب ایده جکنده و صکره یوک ندامت چکیله جکنده
شبهه یوقدر بورازی بروجه محرر جمعیت علمیة عثمانیهك محاکمه
دقیقه ثنا سبسنه حواله ايله بوقدر حق اولسون عاجزانه عرض خدمته
ودینلان شیلرده خطا کورلدیکی حالده عنوی رجاسنه مبادرت
قاندی

قره طاع من القديم دولت علیه نك اجزای متممه سندن اولدیغی حالده
 برازماندن برواها ایسی موقعه لرینك صر بلغنه اغتراراً کریوه سیرکشی
 وعصیانہ سالک اولوب سلطنت سنیه جده دخی متوالی الظهور اولان
 بعض غوائل تأدیبات لازمه لرینك اجرا سیله دائره اطاعت
 واتحاده ادخالرینه حائل اولمیشدی بوجیهله جبل مذکور اها ایسی
 برحال تفرد و بیکانکیده قاله رق صورت احوال وحشت اشتمالاری بزجه
 همان بالکلیه مجهول بولمش ایسه ده برقاچ سنه دنبرو توسیع دائره شقاوته
 قیام ایله همجوارلری بولسان ایالات سلطنت سنیه یه پای انداز تسلط
 وخسار اولملری کرکی کی تربیه وتادیبلرینی استلزام وبودخی حقتده
 هر کسك نظرد قتی جاب اتمکله جبل مذکور واهالیء وحشبه سی
 احوال وکیفیاتنه و اخلاق وعاداتلرینه دائر بعض معلومات ویرلمسی
 مناسب وقت و حال کورلمشدر

قره طاع ازمنه قدیمه ده چام اغاجی ایله مستور اوله رق هر طرفدن
 سیاه کورلد بکندن شوکیفیت قره طاع تسمیه سنه سبب اولمشدر
 کندولسانلر بجه دخی ینه بومعنائی متضمن اولق اوزره چرنا غورا
 تسمیه اولنور

قره طاع غربا هر سك سنجاغی و شمالاً بر مقدار اوستریا مالکندن
 دالماسیا ایله محدود اولوب قصوری اشقودره سنجاغی ایله محاطدر شمالدن
 جنوبه طوغری اولان طولی تقریباً کرمی بش و شرقدن غربه طوغری
 عرضی اون ساعتهك مسافه اولوب مجموع اراضیسی یتیش سکسان
 مربع ساعت وسعتنده در اکثر اطاغلق محللرده اولدیغی مثلاً واهالیسی
 متفرق و پراکنده اولدیغندن مقدار نفوسی صحتیه قریب صورتله

بیانده میوب فقط یوز یگرمی بیک قدر اولوق اوزره تخمین اولسوز
 عموماً رجالی حرب و قتال ایله مألوف اولوب اسلحه و ادوات حربیه لری
 ماهیتلرین جزو مشابه سنده بولند یغندن پک صتی یه کلد کلری
 حالده اون بش یگرمی بیک قدر عسکر چیقاره بیلورلر ویرلرینک
 غایت صعیتی جهتیه برقاج قات دشمنه مقابله ایدرلر هر طرفی
 زیاده طاغلق و طاشلق اولوب حتی اهالیسی یاننده شوو جهله
 بر اعتقاد باطل وارد رک کویا حق تعالی حضرتلری حین خلقت عالمده
 دنیانک هر طرفنه بر مقدار دو مک اوزره بر چواله طاش طولدیره رق
 کره زمینک اطرافنده طولاشدیرر ایکن قره طاغ موقعنک اوزرینه
 کلد کده چوانک دبی دلیندرک پک چوق طاش دو کلس داشته بوو جهله
 دنیانک محصولدار و بطاقلق اولان محالری طاشسز قله رق انلرک
 حصه لری کاملاً قره طاغه اصابت ایلشدر

قره طاغده درت ایرمق اولوب بریسی ریقو و چرنویج نهریدر که
 جبالک جانب شمالیسنده واقع بعض دره لردن چیقدرق و برقاج محلدن
 یکدرک چتنبه جوارنده ینه بو اسم ایله معروف برکول تشکیل ایدر
 واورادن دخی چیقدرق اشقودره کولنه منصب اولور بو ایرمقده پک
 چوق باق وارد

ایکنجیسی شیمچا نهریدر که بعض یوکسک طاغلردن چیقمان اوچ
 چابک بئبسی نام محله برلششدن حاصل اولدرق و سن بایل مناسری
 جوارندن مرور ایدرک موراچه نهرینه منصب اولور

اوچنجیسی زیتادر که منبجی جبالک جانب غربیسنده اولوب پودغوریچه
 قریه سی پیشکاهنده بودخی مذکور موراچه یه منصب اولور
 دوردنجیسی سوچا نهریدر که بو طاغک جانب غربیسنده ظاهر

ایدرك بو دینه نام محل جوارنده كذلك مورچه یه دوکیلور
قره طاغك قابل زراعت اولان محارنده ارنبودلق و یونانستانه مخصوص
محصولات وجوده کلوب فقط كرك اكثر اراضیسی قابل حراشت
اولدیغندن و كرك رجالی ارتکاب کلفت زراعت ایتیوب بونی نسا
طائفه ضعیفه سی عهده سنه تحمیل ایلدکلرندن اهالی کمال درجه
فقرو سفالت اوزره تعیش ایدرلر و ذکوری بوسنه وهرسك
اهالیسی كبی علی العموم غایت ایری و توانا اولدقلری حالده
اولوجهله امر زراعتی و نقل انقال مثلوا امور شاقه یی زوالوقاریلره
کوردیردکلرندن بونلر اکثریانیحیف الوجود و چرکین و کیروا زورلر
واغنیالری ییله ذیقیت احجار ایله هر صاع کمر و سائر کونه قیمتاو
تزیینات ایله برابر یوکدن کولك تلبس ایدوب اصلا ییقا منزل
و برحق زمان استعمال ایدوب ارتق محافظه سی ممکن اوله مینجیه
یعنی وجودی ترك ایدنجه قدر ارقه لرندن چپقارمز لرو تأثیر
حرارتدن یوزلری لکه دار و آسمر اوله رق سنلری كماله
ایرکمزین اختیار اولورلر وار ککلری غایت قسقا نچ اولوب ادنی
مرتبده عرضنه رخنه ایرات ایدنلرک قتلله اکتفا ایتدکلری حالده
بیچاره فادینلره اسیر معامله سی ایدرك اولوجهله امور شاقه ده
استخدام ایتدکدن بشقه شان رجولیته فوق الحد تعظیم
و توقیر ایتك اوزره اجبار ایلرلر شویله که برقادین صاحب و مالکی مقامنده
اولان فوجده سنك کمال تذل ایله النی اویمدکجه یانه یقلشه مز
و کافیه اهالی الذیاده ظلام جهل و نادانیده اولوب ایچلرنده
اوقور بازار اسم هج بولمز کیدر وقاریلر ایدجه دن زیاده حصه دار
جهالت اوله رق بهایم کی یشارلر

قره طاغ سکن ناحیه یه وهر ناحیه دخی بر قاج قبیلہ یه منقسم
هر قریه نك كتنخدا سی مقامنده براختیاری وهر ناحیه ده بر كنز
و برویوده و بر بیراقدار وارد در حال عصیانده بولندقلاری زمان
رئیس مذهبلی اولان ولاديقه زمام حكومتی دخی اله المشار
ایكن شمدیكى ولاديقه نك سلفی اولوب بوندن ایكى سنه مقدم ینه
همچنسلرندن بریسنك ایله قطاروده بولندیخی حالده مقتولا
وفات ایدن دانبلوا بتدای حكومتده قوه روحایه یعنی ریاست
دینه یی بشقه سنه ترك ایله یالكر حكومت جسمانیه یی تقلد اتمیش
وشمدیكى دخی بومسلكه كتمشدر

قره طاغلورلك نه مذهبده اولدقلاری حقیقی اوزره تعین اولنده
اكرچه روم مذهبیه یقین كورینور ایسده چونكه كندوزی
نیم وحشی بر طائفه اولدقلرندن دیانجه دخی انجیق نیم خرسنلرند
مذهبلی بر طاقم اعتقادات باطله ایله مالی اولوب از جمله جاك
صاحب و حامیسی اولق اوزره ویلا اسمنده بریری توهیم واکزی
عبادات و مناجاتلرنده انی یاد و تذکار ایدر لر یینلرنده اوتوز قدر
مجرد کشیش وایکبوز قدر عادی پاپاس اولوب بونلردخی همان
کافه جهات و حاقنده اهالی سائر نك مادوننده دكلارد

قره طاغ ولاديقه لغی اوتیه دنبر وار نبودلقده واقع اپك بطریق لغی
ملحنا نندن اولدیغی حالده بوندن یتیم سنه مقدم مذکور
بطریق لغك اواخری بطریق لغی ایله برابر لغوی وقوعنه مبنی قره طاغ
ولاديقه لغی در سعادت بطریق لغنه الحاق قلمش ایسده مؤخرأ
حین عصیانلرنده کویا دولت علیه ایله انعطاع مناسباً تارینه علامت
اولق و مذهبلی اولان روسیه دولتی طرفه میل و انجند ایلرینی

کوسترمک اوزره روسیه کلبه ساسنه تبعیت ایتیشلردر
قره طاغلورستلا ون جنسندن اولوب استانبولک فتحندن متدبجه
وندیک کورفرزندن قره دکزه قدر ممتد اولان صرب دولتی داخلنده
ایدیلر جبل مذکور سلطان مراد اول حضر تلرینک اثار فتوحات
جليله سندن اولوب بیک درتیوز یتیش سکن سنه میلادیه سنده ابوالفتح
والغازی سلطان محمد خان غازی حضر تازی وندیکلوریدنده بولنان
اشقودره قلعه سنی حصر و اخذ ایلدیکی وقت قره طاغی اشقودره
ایالتہ الحاق ایلشدر بر زمان اول حالده قالدقندن صکره برار وقت
دخی هر سک سنجاغی مضافاتندن اولشدر میلادک اون بشنجی
قرشده قره یوان نام ولادیکه زماننده قره طاغلور بر هیئت مستقله
تشکیل ایله وندیکلور ایله متفقاً خیل وقتلر همجوار اولان ممالک
دولت علیه ایله حرب وقتاله مباشرت ایلشلردر

شمیدی حکومتده بولنان سلا له پتروویچه منسوب اولوب بونار
تقریباً ایکوز سنه مقدم زمام حکومتی الہ المشدر مومی الیه
پتروویچدن مقدم اشقودره والیه سی بولنان سلیمان پاشا قره طاغی
کاملاً اسایلا واهالیه سنه ویرکو طرح ایتیکله بونک اوزرینه
سکسان سنه قدر لوازم تبعیتی ایفا ایتیشلرایدی پتروویچک
ولادیکه لغی زماننده طاغلور علی الغفله قیام ایله جبلده بولنان
اهل اسلامی قتل عام ایلشلردر اول اثناده روسیه امپراطوری
بولنان دلی پترو سلطنت سنیه ایله محارب بولند یغندن مخصوص
نامه وایلیچی ارسالیله دولت علیه علیه طاغلورک عرق
تعصلارینی تحریک ایتیش ایسدهده چوق کچمکسزین پروت نهری
کنارنده وقوع بولان هریمنی اوزرینه عقد مصالحه اولند یغندن

طاغلولر اجرای حرکات خمدانه به میدان بوله مامشردر
 ذکر اولسان حرکت غدارانه لرندن طولایی تأدیب و تربیه لرینه
 مأمور بیوریلان احمد پاشا کرکی کی حصارندن کله مدیکندن
 وزیر اعظم کوپرلی نعمان پاشا کلیتاً و عسکر ایله اوزر لرینه
 کبدرك بروفق مرام اخذ انتقام ایله عصاة جلی دائرة اطاعته
 ادخال ایلدی قره طاغ اوزرینه درکار اولان مشکلات موقعیه
 مناسبته جزوی عسکر ایله واریله میوب بیوک اردو سوق
 اولدیغی حالدده دخی لازم کلان ذخائر و مهماتک تدارک و نقلی
 کلی زحمت و تکلفه محتاج اولدیغندن و برده باشلری
 پک صقلدیغی حالدده چورچوبدن عبارت اولان قریه لرینی
 یاقه رک و حیواناتلرینی برابر الهرق شواحق جباله چکدکلرندن
 شو حالره اغتراراً قره طاغلولر دائماً رفع الوای عصیان ایلدکلری
 مثللو پک چوق دفعه دخی قوه قاهره سلطنت سنیه ایله تأدیب
 و تنکیل قلمشردر

قره طاغلولر علی العموم غایت جسور و بهادر ایسه لرده حین
 محاربه ده شیء انسانیتک ماوراسنده حرکات غدارانه ارتکاب
 ایدر لر و اسیر طوطقلری ادملره امان و یرمیه رک در عقب باشنی
 کسوب المخی بیوک شرف و افتخار عدایدر لر و اللرینه کچن
 دشمن کلله لرینی مرکز حکومتلری اولان چتیه یه کوتوروب
 مخصوص برقله اوزرنده مزراقلره دیکه رک خلی وقتلر او حال
 اوزره براغورلر و مذکور قلله اوزرنده دائماً اوتوز قرق قدر
 ادم کلله سی اکسک اولمز اشته اولو جهله حین محاربه ده باش
 کسمک اخص امالری اولدیغی مثللو کند واردن دشمنه باش

كسد يرما مكه دخى او قدر غيرت ايدوب حتى ايچلرندن بريسي
 ياره لسوب يوريمكه مجالى قالمديغى كورلدكده دشمن اليه
 دوشمامك اوزره در حال كله سنى كسوب برابرالورلر بيك
 سكر يوزالتى سنه ميلاديه سنده طاغاولرله برلكده محارب اولان
 روسيه عساكرى ضابطانندن بريسنك نقل وروايتنه كوره
 بر محاربه ده روسيه لور فقا سندن بريسنك حر كته مجالى قالمد قده
 بر قره طاغ اوليانه يا قلمشوب كويا كندوسنه موجب ممنونيتى
 اوله جق بريوك خدمت وانسانيت ايتك اوزره باشنى كسوب
 المقلغى تكليف ايلش واولد دخى جوابنده لطفكزه شكر ايدرم
 شمدليك حاجت يوقدر ديه رك و شو تشويق غريب بالضروره
 كندوسنه موجب غيرت اوله رق قالمشوب يوله روان اولمشدر
 بيك سكر يوزالتى سنه ميلاديه سنده ناپوليون زماننده فرانسرلر
 قاستل نو و اجوارنده بولند قلرى حالده ستورينه ليمايه چيقمش اولان
 روسيه لور ايله اون بيك قدر قره طاغاولر اوزرلر ينه هجوم ايله مغلوب
 و بريشان وراغوزه يه قدر تعقيب ايله شهر مذكوري ضبط واسنيلا
 ايتديلر و شهر اهاليسنه ويركو طرح وراغوزه نك ليمايه اولان
 غراوزه يى كاملا احراق ايدوب محل مذكور تكرار اعمار اولنه مديغندن
 الى يومنا هذا اشقياي مذكوره نك اثار خرابيتلرى مشهود در فقط
 شهر مذكوري چوق وقت محافظه ايده ميه رك تركه مجبور اولديلر
 برنجى پترو بيك يديوز يديده زمام حكومتى الهالوب تمام الى اوچ سنه
 ولاديفه لى ايلدى و مملكتك اصلاح احوالنه خيلى سعي ايدوب
 دائما يكدى كرندن اخذ انتقام و انواع شقاوته اقتحام كى اوتدنبرو
 مألوف اولد قلرى اوضاع غذا رانه لر ينى تعديل و تسكينه

اهتمام ایلدی وزیرده بعض مواد اساسیه سی بیان اولنه جق
 برقانوننامه تنظیم ورؤیت دعاوی به مخصوص بعض محاکم و مجالس
 فتح و تأسیس ایتدیکی مثالواشی اصولی و الیوم باشلیجه
 محصولاتلری اولان پتاس زراعتی ادخال و برنجی دفعه اولق اوزره
 صبیان مکتبی کشاد ایلدی خانی اولان ایکنجی پترو اولد قجه
 تربیه لی و نه اولماتلی برادم اولوب اوروپاده دخی برازوقت سیروساحت
 ایلش اولد یغندن قره طاعه عودتنده سلفی مسالکله سا اولد ایل
 مکتبلر کشاد و جتنده بر طبعخانه و بعض کتابلر جلیله بر کتبخانه
 تنظیم ایلدی و بو طریق ایل قره طاعه لوری من القیم مألوف
 اولد قلری سقاوت وجهالتدن تخلص و مساک مدیت و انسایت
 سوق ایلک اخمن اعلی اولدیخی حالده عمری وفا ایتوب یگرمی سنه
 ولاد یقه لق ایتد کدنصکره هنوز کنج ایکن وفات ایلدی
 بونک اخلا فی اولان کرک متوفی دایا و کرک شمیدیکی نقوله داعیه
 استقلال و حرص جاه و اقبال غائله سیله اشتغال ایدرک
 طریق تربیه و تمدنی بالکلیه اهمال ایلش اولماریله ایکنجی پترو بونک
 کتوردیکی کنایار الیوم طاق نسیانده متروک و بسمه خانه و مکتبلر
 مسدود بولمیشدر

قره طاعک باشلیجه قراسندن بریسی چتینه در کد نیاده اندن اصغر
 واحقره مقر حکومت اولماق کر کدر یگرمی قدر خانه دن عبارت اولوب
 بونلرک دخی انجق ایکسی و یا خود اوچی خانه اطلاقنه سزاوار
 اولد رق قصوری قابوبه در و بر کلیسی ایلوب سالف الذکر
 برنجی و ایکنجی پترو در وننده مدفوندر و ولاد یقه سرایی بیله
 اخور شکلده بر بنا اولوب فقط در وننده انار مدیتدن اولق اوزره

قنبه و صندالیه کی بعض اور پام فروشائی و بریلار دوو هیچ
ال دکامش معهود کتابخانه موجود در ولادیکه نك فامیلیاسی
منسوب اولدیغی نیغوس نام محله دیگر برخانه سی دخی اولوب
محل مذکور کو یام لکتک ایکنجی شهری اوله جقدر سائر قراسی
محنه کلنجه جمله سی متفرق و پریشان برطاق قلموبه لردن عبارت
اولوب هم بنجره و هم قوبو و همده باجه لق ایتک اوزره یالکز
بردلکری وارد

بالاده دخی ذکر اولندیغی وجهله قره طاغ اولر امر زراعت و حراشی
قاریارینه کوردیروب کندولری اکثر یا بوش کزدکلرندن
همجوار بولنان ایالات دولت علیه اوزرینه غفله هجوم ایله قتل نفوس
و غصب امواله اجنسا رویا خود ادنی وسیله ایله قرا و قبائل اها لسی
یکدیگر لایله مقاتله و سفک دمایه ابتدار ایتک واجانب علیه نه
حرکت لازم کلدکده موقتاً بیلریده ترک معادات ایله جمله وثیقه بند
اتفاق اولمق اوتدنبرو عادت کریهه مستمره لریدر

ولادیکه بر طرفه عسکر سوق ایلک مراد ایتدکده کلی تدارکاته
تسبب ایلک و امر نامه لر اصدار یله عسکر جمع ایتک و موازنه دفترنده
معاش و مصارف لری تسویه سی چاره سنی ارامق کی تکلفاته
محتاج اولوب او یله بر شیه قرار و یردیکنی اهالی قرا ایشدک لری کی
در حال هر کس سلاحنی قاپوب و بر طوبوره دروننده بر مقدار ایتک ایله
براز بازوت و قورشون الهرق باشنه طوپل نورلر معاش لری
تغذکر بیک و یا خود بچاقلرینک اوجنه حواله اولمشدر میدان محاربه
مزرعه لری و غلبه ایتدک لری دشمن شکار لری و کسدک لری باش
علامت مغفرتاریدر محاربه ده تلاف اولملری قبله لرینه موجب شرف

اولديغىندىن فاملىلار مقتوللار يىنه بر طرفدىن اغلدىقلىرى خالده دىكر
طرفدىن انك جىسارت و شىجاعتيله مفتحىر و مباھى اولورلر و حىتى
برقره طاغلو اوغلنلار منفعلى اولدقده سنى كىدى آلچىق نىھایت سنى
شوادىسىزلكك جزاسى چكه جكسن و يتاغلكده اوله جكسن
دىو توپىخ ايلك معتاد خىثات اعتيادلر يدر

قره طاغلك امور ملكيه و ضبطيه سى بر مجلسه محول اولوب
بودخى سنا ناميله اون التى اعضادىن مى كىدر و اشبو اعضاىك
هر بر يىنه شهرى ايكى يىك غروش معاش و يرياور بونك زير
اداره سنده ضبطيه نفقاتى مقامنده در تيوز كوچك ما مورلىرى
وار در كه بونلر قريه لرده سناىك حكم و قرارلرى نى انفاذايدرلر
مجلس مذكورك مى كرى چتىنه اولوب كاه اداره و كاه ضبطيه
مجلسلىكى ايدر برادىك قتلنه حكم اولدقده بعدده مقتولاىك
فاملىلار سى قتل ما مور اولان حقنده اخذ انتقام داعيه سنى قىام
ايتماىك اوزره قتل اولانه جق شخص بر صحرايه كو توريلهرك يوز قدر
ادم بونك اوز يىنه بردن قور شون اتوب اولد يرلر اشبو تدابير
متوقى برنجى پترونىك وضع ايلدىكى اصولدندر

ولاديقده انك وارداتى فاملىلار باشنه جزئى بر مقدار و ير كوايله طوز
وبالق و توتون و بصديرمه اوزر يىنه انسان رسوماندىن عبارتدر
بونلر نىھایت اوتوز يىك مجار اتوننه بالغ اولوب مصارفارى ايسه
بك جزئىدر

(منيف)

مترجم اول باب عالى

اوزرنده بولنديغمن كره ارض نه مقوله مواددن هر كيدر وابتدا
نصل تشكلى ايتمشد و زلزله و يشارطا غلر و ايليجه لرندن نشأت
ايدراشته بولردن بحث ايدن علمه (ژئولوژی) تسميه اولنور كه
بعضى علم طبقات الارض دخی دیرلر حقیقه شو مسائل زیاده
مراق اولنه جق شیلر اولدقدن بشقه مبدأ و معادمن و مسكن
و هر یز اولان ارضنه تعلق جهتیله تعلم و تحقیق اهم امور دندر
آدم بولنديغی خانه ك وضع و بناسندن و آغوش تربیه سنده
نشوو غما بولنديغی دایه ك صورت حالندن بیخبر اولمسی لایق
اولنديغی مثالو علم مذکور دن غفلت انسانه موجب عار و خجلت
اولماید

علم تاریخ واسطه سیله نهایت ایکی بیک سنه مقدمه قدر اهم
سالفه وادوار سابقه احواله کسب اطلاع اولنه بیلدیکی حالده
علم ژئولوژی نیجه بیک قرنار مقدم ظهوره کلان محالات
و انقلابات کونیه بی ارضك صحایف طبقاتنده اراءه و اثبات ایدر
وبرده علم تاریخ سلفدن خلفه متواتراً انتقال ایتش بر طاقم
روایات و حکایاتدن عبارت اولوب حالبوکه علم ژئولوژینك منی
علیهی اومقوله صدق و کذب احتمالی اولان روایات و اخبار اولیوب
دائماً پایمالر اولان طاش و طوپراق و قوم و تکارینی ساعره ك
لسان مقالدن اصدق اولان زبان حاللری شهادتیدر

ایسته بو وجهله مودوع کنج خاك اولان آثار دلالتیهله كره ارضك
اعصار مختلفه سی احوالنه و نباتات و حیواناتك ترتیب ظهور
و انشازی تاریخ صحیحینه کسب و قوف اولنور

اشبو علم غایت یکی اولوب ظهور ایده لی انجیق یوز سنه
واردر شو مدت قلیله ظرفنده زیاده کسب توسع ایتش و هیچ
بر علم بونک قدر اعتقادات باطله اندفاعنه و خطایا اصلاحه
مدار اوله مامشدر

ارغشک ماده اصلیه سی اولان مایع نارینک سطحی هرور زمان
ایله قبوق باغلیوب معادن و احجار و امثالی مواد صلبه مختلفه دن
مرکب اولان طبقات واحدا بعد واحد بوصورتله تگون ایلشدر
طبقات اولاسی اجسام نباتیه و حیوانیه تولید و تربیه سنه
غیر مستعد اولدیغندن بدایت خلقتده روی زمین خلی زمان
اجسام مذکوره دن بالکلیه خالی قالدقدنصکره اشبو طبقات
اولینی تعاقب ایدن طبقه لرده اولان نبات و بعده حیوان ظهوره
کلمشدر بونلردخی ابتدای حالده یوصون و اختاپوت بالخی
قیانندن تناسب و انتظام و مفاصل و عظامدن عاری اوله رق
غایت ساده و غیر مکمل بر صورتده بولنمشدر ایسته اقدام سکنه عالم
اولان مخلوقات مذکوره انقلابات متوالیه یی متعاقباً صور
و قوالب مختلفه ده رونمای ظهور اولدقدنصکره البوم بولندقلری
حسن ترکیب و تقویم درجه سنه و اصل اولشدر

نباتات و حیوانات عتیقه دن یک چوغشک نسلی بالکلیه منقرض
ویا خود صورت آخره متحول اولدیغی مثلاً اوار متأخره ده
امثالی سبقت ایتماش نباتات و حیوانات دخی وجوده کلمشدر یا لکن
اور و یا قطعه سنه شمعی به قدر او مقوله جنسی منقرض اولمش
یکرمی یکدن متجاوز حیوان و ایکی یک قدر نبات کشف
اولمش رقعات سائر هنوز لایقوله حفر و تخری اولندماش

ایستاده اندر ده دخی بونک برقچ مثل خزان آثار عتیقه مدخر
و مدفون اوله جخی وارسته قید ظنون بولمشد

انسان بقایا و آثاری الیوقاری قاتلرده بولندیغنه نظراً اشبوتوع
شریف مخلوقات متقدمه مذکورده ذوق زمان مسکریه جلوه کر
ساحه شهود اولمشد

حیوانات منقرضه مذکورده صره سنده غایت جسم الجشه
و عجیب الهیکل فیل و کمر و قیلومبغه و یراسه موجود اولوب
حتی یوزیکرمی قدم طولنده کمر و اون سکنز قدم طولنده و سکنز قدم
عرض و ارتفاعنده قیلومبغله و قرتال جسم منته یراسه کیملری
بولمشد

الیوم غایت صغوق بولنان قطب شمالی طرفلنده بلاد حاره یه
مخصوص فیل و امثال حیوانات اسنان و آثاری بولندیغنه نظراً
اورالری ادوار سابقه ده بالعکس اسیمچاق اولدیغی استدلال
قانون و سیرده و قطب مذکورده جوار بولنان سائر محالرده
الی یومنا هذا یردن کلیلو فیل دیشی چقار یابوب اوروپایه نقل
و فروخت اولنور

الحالده قاره بولنان بعض محالرده دریایه مخصوص اصداق
و احجار بولندیغی جهته بونلرک ازمنه قدیمه ده میاه بحر ایله
مهور اولدیغی اکلاشلدیغی مثلاً وینه آثار دلالتیه دکن اولان بعض
یرلرک دخی وقتیه قاره اولدیغی استنتاج قانون

استه علم ژئولوژی قواعد اساسیه سی دائماً مشهود چشم
عبرتیمز اولان بو مقوله سوابق تکوینات مثلاً و دلائل و انحصه
ایله مثبت و مدلل اولوب مایل مبالغات و ناقل انواع غرائب و خرافات

اولان شعرا و مؤرخينك رواياتي كي اوهام و ظنيات اوزرينه
مبنی دكلدر

علوم سائره صره سنده اشبوفن جلیله دائر هر كسك اكلايه جغی
صورتله بعض معاملات نافعه ویرلسی اخص آملز اولدیغی حالده
مجلس والای احكام عدلیه اعضای کرامندن دولتو ادهم پاشا
حضرتلری علم مذکورہ دائر کشیده سلك سطور بیورمش
اولدقلری بعض اثار معارفشارلرینك مجموعه عاجزانه مرزہ درجنه
مساعده بیورمشلردر فقط علم ژئولوژینك بالسہولہ فہم مزایای
حکمت طبیعیہ و کیمیا و معادن فنلرینك بعض مواد اساسیہ سنی
بیلککہ متوقف اولدیغندن مقصوده شروعدن مقدم
ینہ پاشای مشارالیه حضرتلرینك اثرخامہلری اولہرق علوم
مذکورہیہ متعلق مقدمات لازمہك تسطیر وازبارینہ مبادرت
قلمشدر
(منیف)

(مدخل علم ژئولوژی)

قشر ارضہ و عبارت بولندیغی مواد معدنیہ و حجریه یہ چشم امعان
ایله نظر و ملاحظہ اولنسه عداد جنسی و انواعی و بری برلرینہ
نسبتله وضعلری موجب حیرت و استغراب اولہ جغی درکاردر
علم ژئولوژی واسطہ سیلہ حل مراد اولنان مسائل
مشکلہ الاستخراج مواد مذکورہك سبب تنوع لایعدی و احجارك
سبب وضعیتلری نہ مقولہ قوانین و قواعدہ تابع بولندقلری
مسئلہ لیدر علوم طبیعیہك فروعات عدیده مختلفہ سی بینندہ

مناسباً کثیره و نقاط مشترکه بولمنسیله علم مذکورک مبانی اولدیغی
علوم سائرله ایله مسائل مشکله مذکوره حل واستخراج
اولندیغدن علم ژئولوژی مقاصدینه شروعدن اول حکمت
طبیعیه و علم کیمیا و علم معادنن بعض معلومات مجمله اعطاسی
مناسب کورلمشدر

علم حکمت طبیعیہ عالم موجودات جادیه دن بحث ایدوب تغیر
وتبدللرینک قوانین وقواعدینی تتبع واستکناه ایلر و علم مذکور
ایله حل مراد اولنان باشلوجه مسائل اجسام صلبه واجسام
مائیه واجسام هوائیه نک حقیقت و خواصنی کشف وتحقیق
واجسام مذکوره نک تغیرات وتبدلاتنی بالفعل تحقیق وخارجده
تطبیق وحرکاتدن دخی ظهور و حدوث ایدن اثار وحادثاتی تعین
وتدقیق ایلک مسئله لرندن عبارتدر علم کیمیا ایسه اجسامک ترکیب
وتحلیلندن بحث ایدوب اصول ترکیبک تابع اولدیغی قوانین
وقواعدینی واجزای مترکبه جسمانیه یی بررلرندن بانتفریق ماهیت
حقیقتلرینی وترکیباتنک اسباب تحدثنی بیان ایدر
علم معادن دخی بر علمدرکه معادنی منفرداً بیان ایدوب احوال وکیفیات
متنوعه سندن بحث ایدر

(حکمت طبیعیہ)

هر جسم قابل تجزیه اولوب اجزای مترکبه نک قوه ارتباطیه سی
درجه مختلفه ده بولندیغدن ناشی اجسام حالات ثلثیه یعنی
اجسام صلبه ومائیه وهوائیه یه منقسمدر معادن واحجارک

اکثری متصاب ایسده کره ارضک سطحی میاه و غازات ایله
 مستور و متجاوز در و اجسام صلبه دن بعضی حرارتی عرض
 اولدوقده مایع و بعده هوایه متحول اولدیغی و اجسام مایعه
 دخی صغودقده صویک انجمادی کی کسب صلابت ایلدیکی
 و بعضاً دخی اجسام هوایه دنک اجسام مایه یه تحول و تبدل
 ایلدیکی جمله نک معلوم و مشهودیدر بر جسم مائی و یا خود بر جسم
 صلب غازه متحول اولدقدن صکره تبرد ایلسه انیقده اولدیغی
 مثلاً قطر ایدرک حالت مایته رجوع ایدر اجسامک حالت غازیته
 تحوالرینه تبخر و حالت غازیته دن مایته تحول و رجوع لرینه
 قطر تسمیه اولنور و لقبانلرده اشبوسکی فیتلر کلیت
 اوزره وقوعبولور

اجسام مذکورنک کیفیات مخصوصه لری بیانندن اول خواص
 عمومیه لری یعنی اجسامک کافه سی قابل الامتداد و قابل الحرکه
 و غیر قابل التنافذ و قابل الانقسام و ذومسامات اولدقلری
 و نقلت طبیعی و عطیات خاصه لریله متصف بولندقلری تعریف
 و بیان اولنور شویله که جمیع مکونات ابعاد ثلاثیه یی جامع بر مکان
 ایله متخیر و متصفدر و بر جسمک احاطه ایلدیکی مکانه اول جسمک
 حجمی تسمیه اولنور و زیزده بیان اولنه جغی و جمله اجسامک
 جمله سی ذومسامات اولوب مسامات خالیه مذکوره دن
 صرف نظر ایله اجزای مترکبه دنک جمله سی اعتبار اولنور ایسه
 مجموع مذکوره جسمک جوهری اطلاق اولنور که مساوی حجملرده
 بر جسمک اجزای ماده سنک مقداری یعنی جوهری غیر جسمه
 قیاساً مختلف و غیر مساوی اولور

اجسام ارضیه نك نقلتاری هر كز ارضه میل و توجه و سقوطاری
خاصه سیدر مثلا رمی اولانان حجر سطح ارضه سقوط ایله
خاصه مذکوره بر حادته بسیطه و عادیه کی کورینور ایسه ده
مسائل مهمه حکیمیه بی انتاج ایلر کی واجسام ثقیله نك حرکت
و سقوطارینه دائر اولان مسائل دخی مسائل هندسیه مثلاً
قواعد و قوانینه مربوط ایدوکی درکاردر بالتجربه اثبات اولندیغی
اوزره بر جسم ثقیل سرعت سقوطی محک ارتفاعیه تراید ایدوب
لکن بر محک هوایی تخلیه اولنسه اول محله هر درلو اجسام
مثلاً پنبه و ریش طیور کی اجسام خفیفه و تیمور و قورشون کی
اگر جسملر جمله سی بر سرعت مساویه ایله سقوط ایدرلر و هوا
دخی سقوط ایدن اجسامك وزنلرینه نسبتله حجماری هر تقدیر
بیول اولور ایسه اولقدر سرعتنه حائل و مانع اولور

(بیان کثافت) مساوی حجمده مثلاً مکعب شکله اوله رق
مختلف الجنس ایکی جسم وزن اولنسه اکثراً وزنلری مختلف بولور
اکابناء برینك وزنی واحد اعتبار اولوب اجسام سائره نك
وزنلری وزن مذکوره قیاس ایله تعیین اولور و واحد اعتبار
اولان مقدار جسمك وزنندن هر مقدار ایسه اولقدار
جسمك کثافتی و یا نقت اضافیه سی تعیین ایلش اولور و واحد
اولق اوزره درت درجه حرارته بولان ماء مقطر اخذ اولوب
جمع اجسامك کثافتلری اکا نسبت ایله تقدیر و تعیین اولمشدر
تعییر دیگرله حجماری مساوی اولان جسملرک جوهرلری برندن
زیاده اولوب اشبو زیاده لکه کثافت تسهیه اوله رق بو تقدیرجه
ذهبك بر قدم مکعبك جوهری صویك بر قدم مکعبی جوهرندن

اون طقوز کره زیاده اولغله ذهب ککشافتنک صو کثافتنه
نسبتی بر عددک اون طقوز عدده نسبتی کی اولوب یعنی التونک
ثقلت اضافیه سی اون طقوز اولمش اولور اجسامک ثقلت اضافیه لری
تقد برایلک ایچون تعددالات ایجاد اولمش اولوب تعریف و تفصیل لری
علم حکمت طبیعیہ کتابلرنده مسطوردر و معدنی لایقوله تشخیص
و بربرندن تفریق و تمیز ایلک ایچون اکثرا ثقلت اضافیه لری نه
مراجعت اولندیغنه مبنی خاصه مزبورہ علم معادن کتابلرنده
مفصلا بیان اولور

هر جسمک کند و طبیعتیه قالمسی و حرکت وانتقالی و یا خود
حرکتده ایکن سکونته تحولی انجق علل و اسباب طبیعیه دن
نشأت ایلمسی خاصه سنه یعنی هر بر جسم کند و نفسنه تأثیره
مقتدر اوله میوب جسملرده وقوع عبولان تحولات و انفعالاتک جمله سی
قوه خارجیدایله اولوب هر جسمک بولندیغی حالده قالمغه میلی
خاصه سنه عطالت اطلاق اولور مثلا معادن و احجار سکونت
دائمیده بوانوت خارجدن بر قوت و علتک ورود و ظهورینه دکن
حالت مذکورده قالورلر * جیع اجسام ذومسات اولوب حتی
التون و معادن سائره دخی بوندن خالی دکلدر یعنی اجسامک
عبارت اولدیغی اجزا بربرلرینه تلاصق مطلق ایله متلاصق
اولیوب بیلرنده مسافات خالیدن عبارت اولان مسافات وارد
بو صورتده هر جسم مسافات ممتلئه و مسافات خالیدن عبارتدرکه
بالاده بیان اولندیغی اوزره مسافات ممتلئه ایله مسافات خالیه مجموعنه
جسمک حجمی ویاکنز مسافات ممتلئیه یعنی اجزای مترکبه مجموعنه
جسمک جوهری تسمیه اولور

نخوت والاسنیقیت خاصه لری دخی اجسامك خواص مشهوره سندن اولوب جسم صلیب و یا خود جسم ثخین دیوشول جسمه اطلاق اولنور که خارجیدن تأثیر ایدن بر قوته اولدقجه مقاومت ایله و مقاومت مذکوره اول جسمك اجزاسنك بری برلرینه درجه تقریری وقوه ارتباطیه سنه منوط ومتوقفدر معلوم اوله که هر درلو اجسامك السرت و سختی الماس اولوب بودخی قاربون خالص یعنی فحم خالص اولدیغی مشتملدر اجسام لینه بونك عکسی اولوب تصادمده و یا تواطننده یعنی بر جسم اخرا یله باصلسندده شکل جهتیله تغیر وتبدل ایلر احجارك صلابتی لایقیله بیلنك بو محله لازم اولدیغندن شویله تفصیل اولنور که مثلاً بر چاقق طاشنك زاویه حاده سی یعنی سیوری گوشه سی جام اوزرنده کزد رله مذکور جام چیزیلوب لکن حجر مذکورك یرینه بیاض تباشیر استعمال اولنسه جام اوزرنده اگرچه بر خفیف اثر حاصل اولور ایسده اثر مزبور سیلاند کده محو و غائب اولدیغندن چاقق طاشنك صلابت و تخونی تباشیردن زیاده اولدیغنه حکم اولنور و الماس ایله تباشیرك بیننده صلابته مختلف نیجه درجات اولوب اجسامك درجه صلابتی بری یرینه نسبتله در قوآرس یعنی در النجف طوپاز تعیر اولنان زبرجد هندی ایله چیزیلوب کندوسی دخی فلسپیاتی یعنی بورسانا طاشنی چیز دیکندن در النجف سر تلکده زبرجد ایله فلسپات حجری بیننده واقع اولشدر كذلك ملح قاربون کلس یعنی کرج طاشی ملح فلیوکلس نام طاش ایله چیزیلوب کندوسی دخی ملح کبریت کلس یعنی الچی معدنی چیز دیکندن مذکور کرج طاشی سر تلکده بو ایکی معدنك صلابتری

پيننده بولمىشدر الماسك درجه صلابتى اون و طلق ديتلان حجر ك
 صلابتى دخى براعتبار اولنسه سرتلا كده بوايكى معدنك پيننده
 واقع بعضى اجسامك اساميسى صره سيله زيرده كوسترلمشدر

طلق ۱ فلسيات ۶

جېض يعنى الچى ۲ قوارس ۷

ملح قار برن كلس ۳ طوباز ۸

ملح فليور كلس ۴ ياقوت ۹

ملح فوسفور كلس ۵ الماس ۱۰

اجسام معدنيدك دخى صلابت اعتباريله اساميسى بوجمله در
 چليك تيمور پلاتينه نحاس ككش التون توتيا انيمون
 قلاى قورشون

جسمك تصادمنده و يانوا طئنده يعنى بر جسم آخر ايله باصطدامنده
 شكلى تبدل ايدوب تصادم ووطئك تاثيرندن قورتلديغى كې
 ينه شكل اولنه رجوع ايدرايسه اول جسمه جسم الاسبق
 تسميه اولنور

معادله مخصوص اولان قوه تطرقيه و قوه انجرايه و سائر
 بوندن بويله معادن پيچنده تعريف اولند جغندن بومحمد بيلاندن
 صرف نظر اولمىشدر (ادهم)

عن اعضاى مجلس والا

(افندى صكره)

(قدمای ملوک مصر په تاریخی) (مابعد)

(مصرایم)

کافه مؤرخینک نقل وروایتونه کوره مصرک بر بچی حکمداری حضرت نوح علیه السلام حفیدی اولان حاکم اوغلی مصرایم اولوب مملکتی کندو اسمنه منسوباً مصر تسمیه ایلشدر.

اشبوحامک کوش وکنعان وقوس ومصرایم اسمنده درت اوغلی اولوب بوتلردن کوش حبش وکنعان بریه الشام طرفلرینه کیمش ومصرایم مصر الکاسنی وقوس دخی الکای مذکورک جهت غریبه سنده واقع محالاری استیلا ایتشیدی مصرایمک زیر حکومتده بولسان محالارده بت پرستاک دیننی وضع و احداثدن بشقه اثری معلوم دکلدرو بونک خلفلرندن تب شهرینک بانیسی اولان یوزیریس مسنتنا اولق اوزره اوزیماندیاس نام ملکه کلنجیه قدر اولان حکمدارلرک اسامی واحوالی بالکلیه مجهولدر.

(اوزیماندیاس)

اوزیماندیاس اسیا قطعه سنده مقدما بقتره وشمیدی بلخ تسمیه اولسان مملکته بالذات کندوسی رئیس الجیش اوله رق درت یوزیک ییاده ویکرمی بیک سواریدن مرکب برجسیم ارد و سوق ایتش اولمسیله عصرینده مملکت مصریه نک کسب معموریت و اقتصاد ایتش اولدیغی استدلال اولور بلخدن عودتنده غایت مکلف اینه

انسانیه دیوارلرینه محاربات و اقعه سنی نقش و ترسیم ایتدیرمش
 و برجسیم کتبخانه تنظیم ایله قیوسی اوزرینه (خزینہ دواى روح)
 کلماتی یازدیرمشیدی و کندوسنه فوق العاده برمنار بنا ایدرک
 اطرافنده برارشون وسعتی و اوچ یوزالتش بش ارشون محیطی
 اولق اوزره التوندن مصنوع بردائره اوزرینه کونشک طلوع
 وغروبى و قرك سیر و حرکتی نقش ایتدیردیکنه و اولوقته
 مصر یونک سنه یی اون ایکی ماهه و هر ماهی اوتوز کونه تقسیم
 ایدرک اون ایکنجی ماهه بش کونالتی ساعت علاوه ایتلرینه نظراً
 علم هیئتده مهارتلی اولدیغی اکلا شیلور ملک مشار الیه متدین
 و حق شناس اولدیغندن بین الاهیالی زیاده ممدوح و محترم ایدی

(اوخوریوس)

اوخوریوس سالف الذکر اوزیماند ییاسک اخلافنددر مقیاس نیله
 برقاج ساعت اولوب مدت مدیده مصرک مرکز حکومتی بولسان
 منفیس شهرینی بو بنا ایتشددر شهر مذکور محیطی یدی ساعت
 اوله رق غایت وسیع و خندق و سور ایله محاط و مستحکم اولوب
 منتظم یوللرایله مزین ایدی جیره قریه سی جوارنده واقع فرعون
 تپه لری تعبیر اولسان مشهور اهرام ایله سقاره نام قریه ده غایت مصنع
 اوله رق الیوم اناری موجود بولسان معابد و سرای و مزارستان
 ملک مشار الیه منسوبدر

(مریس)

مریس میلاددن بیک یدی یوز سنه مقدم حکومت ایدوب فیوم ناحیه سنده حالا آثارى مشهود اولان غایت واسع حوض بورك بنا کرده سیدر مؤرخین متقدمه نك بیاننه کوره حوض مذکورک یوز سکسان ساعت محیطی و اوچیوز قدم عمقی اولوب نیلک درجه معتاده فیضانی اثناسنده دروننه صوطولد یریلوب ونهر مذکورک حد مطلوبه واصل اوله جق قدر ارتدیخی سنه لرده اراضی اندن اسقا اولنور ایدی فی الحقیقه حوض مذکور مملکتک معموریتی واهالینسک کثرتی متضمن بر اثر عظیم اولوب مشارالیه بوجمله ابقای نام ایلشدر .

مریسک وفاتندن صکره بعض اجنبیلر مملکتی ضبط واستیلا ایله ایکی یوز سکسان سنه اجرای حکومت ایتشلرذر انجق بواجنبیلر عربیدر یوخسه اولوقت فنکه تسمیه اولنان طرا بلس شام سکنه سندن بر طائفه میدر معلوم اولوب عندالمؤرخین منکوک و مشبهدر ملوک مصریه نك کافه سنه فرعون اطلاق اولاند یغندن بواجنبیلردن ظهور ایدن ملوک دخی فرعون اسمیله معروف اولوب حضرت ابراهیم علیه السلامک مصری تشریفلری بو فرعونلردن برینک زماننده وقوع بولشدر

(موزیس)

اموزیس اچانب مذکوره ایله محاربه ایدرک انلری مصردن طرد

واخراج ايله اجدادی مثالو خطه مصر يه يی کاملاً تحت تصرفه
ادخال ایتشیدی

بوندن مسکرة الی سنه مدته الکای مصرده اجرای حکومت ایدنلرک
نام ونشانى مجهول اولوب فقط بوانشاده ينه فرعون لقبيله
معروف بر ملکک ایام حکومتده حضرت يوسف علیه السلام
وقعه معلومددن مسکرة مصره کتور یایوب مسندنشین حکمرانی
اولمش وحسن تدبیر یله مملکتی قحط و غلادن تخلیص ایتشدر

(امس میاموم)

ملک مشار الیه میلاددن بیک بشیوز یتش یدی سنه مقدم حکمدار
اولوب التمش التی سنه اجرای حکومت ایتش و بونک زماننده
یهودیله مصرده بولندیغندن بوزلره اشوری اذا وجفا ایدرک فیوم
وملک مشار الیه اسمنه منسوب رامسبس شهرلرینک بناسنده
استخدام ایلشدر

(امینوفس)

سالف الذکر رمسبسک امینوفس ونوریرس نامنده ایکی اوغلی
اولوب وفاتنده امینوفس جانشین پدر اولمش و برمدتنبرو مصرده
تمکن ایتش اولان بنی اسرائیل قومنی کلیاً محو واسئصال ایتک
اوزره حقلرنده زیاده جور واذا ایدوب ينه تناسل وتکثرا یتدکثرینی
کوردکده یکی تولد ایدن اطفالک اعدامنی امر ایتش ایدی اول

انواده حضرت موسی علیه السلام ولد تباری وقوع بولوب
 اول امرده والده لری اخفا ایلده تخلیص ایتک استمش ایسه ده
 کنی ممکن اوله میسرق نهایت شیوعندن احترازاً چوجغی
 بر سیده وضع ایلده نیله القا ایتشیدی مقتضای قدرت الهیه
 امینوفسک قزی نیلده استحمام ایلدیکی حالده مذکور سیدی
 اوزاقدن کوره رک یانسه جلب ایتدرمش و دروننده بولنان
 چوجغی الوب سراینده تربیه ایتدرمشیدی ملوک مصریه دن
 صورت احوالی مؤخرأ بیان اولنده حق مشهور سیر و ستیریس
 اشبو امینوفسک اوغلیدر

(محمد جیل)

(خلیل)

سفیر پارس

سفیر پترسبورغ

(بقیه سی صکره)

(ما بعد)

(علائم سماویه)

(خواجه)

بکن در سده بیان ایلدیکم وجهه هوا عنصر یعنی جسم بسیط
 اولیوب مرکب و بی رنگ و بی رایحه و شفاف و سیال و رقیق
 و قابل الوزن و غیر قابل اللمس و قابل الانوطا و الاستیق بر جسمدر
 و حیوانات بحریه بک یشامسنه مقتضی اولدیغی مثلاً هوا دخی

نوع انسانك لوازم حیاتیه سندن در وانقباض وانبساط جهتیه
برحد معینی وشکل مخصوصی اولیوب بولندیخی موفعك خالی
اولان هرطرفنی اشغال ایدرك اكاكوره تغیر شكل وهیئت ایدر

(شاگرد)

شو تعیراتكرك اكثر یسی بكا بلمدیكم برلسان كبی كلد یكندن
طوغریسی هیچ برشی اكلایه میورم

(خواجه)

بو تعیراتی بردن بره اكلایه مدیغكزی استبعاد ایتم بونلر اصطلاحات
مخصوصه ددن اولغله همه حال تعریف وایضاح اولنق لازم كلور
جسم بسیطایله جسم مركب نه دیمك اولدیغنی كچن درسه
سویلمش ایدم تكراره حاجت یوقدر دیکرلرینی بیان ایدیم
جسم بی رنك دیوشول بر جسمه دینلور كه هیچ برلون ایله متلون اولیه
هوایه جسم بی رنك دینلمسی مقدار جزئیسی هیچ برلون ایله
متلون اولدیغنی اعتباریه درفی الحقیقه برابطه ایچنده بولسان
ویا خود بزه قرینتی اولان طبقات هواده هیچ برلون ورنك مشاهده
اولنمز انجق ایچقلاق اولدیغنی وقت كره نسیمه نظر اولندقدده
مائی كورندیککی دخی معلومدر

جسم بی رایحه شول بر جسمه اطلاق اولنور كه اصلا قوقوسی
اولیه هوا دائما غمزدن و برونزدن کیروب چیقدیغنی حالده
قوه شامهزك هیچ بر قوقو حس ایتمدیکی امور معلومه دندر

جسم شفاق شول بر جسمدر کہ دیگر ایکی جسمک اراستہ وضع
اولدقدہ جسمین مذکورینک یکدیگرینی کورمسندہ مانع
وحال اولیہ مثلاً جام کبی فی الحقیقہ هریرده هوا وارایکن انشیای
موجودہ بی رؤیتہ اصلاً مانع وحال دکدر

جسم سیال دیو شول بر جسم مرئی ویا خود غیر مرئی یہ دینلور کہ
جریان وسیلان ایله کندوباشندہ بر محلدن دیگر بر محله متقل اولقی شانندن
اولہ صو و سائر مایعات و بخار و هوا و مؤخرأ بیان ایدہ جگہز غازل
هپ اجسام سیالہدن معدود در وایارودہ بر تفصیل بیان اولنہ جغی
وجہلہ روزگار هوانک جریان و تموچندن حاصل اولان
بر علامتدر

جسم رقیق شول بر جسمہ اطلاق اولور کہ کنیلکنندن دیگر
بر جسمک ایچنہ دخول و نفوذ ایدہ بیله هوا یہ جسم رقیق دینلسی
ذو مسامات صغیرہ اولان اجسامک دروننہ بیله دخول ایدہ بیلدیکنہ
مبیدر زیرا حیوانات و نباتاتدن بشقہ اکثر معدنیات درونندہ دخی
از چوق هوا بولندیغی بالتجربہ ثابت اولمشدر

جسم قابل الوزن شول بر جسمہ تعبیر اولور کہ طارقلسی ممکن
اولہ کچن درسده بر نبذہ بیان ایتدیکم وجہلہ بر ادمک اون
ایکی یک قیدہ یقین هوا متحمل اولدیغی هوایی وزن ایدرک
بولمشدر

جسم قابل التمس شول بر جسمہ دینلور کہ طویلوب طوقلسی
ممکن اولہ ہوا و هواک بولندیغی ایراد اولدن مستغیدر
جسم قابل التضييق یعنی صغیردیغی وقتدہ کوچلسی ممکن اولان

و جسم الاستیق قابل انوطا و ابساط اولان یعنی بر قوت خارجیه
مصادف اولدیغی وقتده کوچیاوب بیویه رک قوت مذکور
زانل اولدیغی حالده اولکی حانه رجوع ایدن جسماره اطلاق
اولنور

شاگرد

شیدی بك اعلا اکلام انجیق هوانك قابل انوطا و الاستیق
اولدیغی نصل بلمشدر و غیر قابل المس اولدیغی حالده نصورتله
وزن اولمشدر

(خواجه)

هوانك قابل انوطا و الاستیق اولدیغی و نصورتله طاریله یلدیگی
قولایچه فهم ایلکز ایچون سزه بعضی مثاللر ایراد ایده یمکه کندی
کندیکنه ییله تجربه ایده یلور سکر مثلاً بر صوقد حنی
اغزی اشغی اوله رق عوداً یعنی دیککه بر قوغه صویک ایچنه
ادخال ایتدیکن حالده قدحك ایچنه صو کیر ایدده قدح تمامیه
طولیوب دینه طوغری بر پارچه یر بوش قالمش کورینوراشته بو
بوش کورینان یرده هوا صقیلوب قالمشدر چونکه قدح
صوبه ادخال اولمزدن اول حال طبعی بنده بولسان هوا ایله
مماو اولوب صکره ایچنه کیرن صو هوایی تضییق ایله جمنی
کوجلمشدر هر قدر قدحی صویک ایچنه زیاده صوقار سکر

بالطبع قدحك ایچنه صوزیا دهجه کیره جکندن بوش کورینان
براولقدر ککوچیاور

استه بوندن معلوم اولور که هوا قابل انوطا در یعنی صقلدیغی حائده
حجمی تناقص ایدر واکر قدحی صویه ادخال ایتزدن اول
دروننه برسکک قویمش اولسه کز قدحك ایچنه صودخونه
باشلا دقده ککوریلور که سکک دائماً قدحك بوش کورینان
یرینه قاجوب اوراده بولسان هوانك ایچنده یشار قدحك ایچنده
هوا اولسه سکک یشا مامسی لازم کلور

بو حالده قدحك دیندن برکوچك دلك دلسه کز خفیف برصددا
ویره رك منوطی اولان هواء مذکور دلکدن خروج ایله یرینه صوکلوب
قدح اولوقت تمامیه طول فقط قدحك ایچنده هوا موجود ایکن
بتون بتون صویه ادخال ایتسکز بیله تماماً صوایله طولیوب بهمه حال
بر بارجه یری صودن خالی قالور بو صورتله تجربه دن صکره
هوانك قابل انوطا اولد یغنده شبهه کز قالمز ظن ایدرم

کلام الاسبق یعنی قابل انوطا وانبساط اولسی بحثه بر قدحی
تمامیه صویك ایچنه ادخال ایتدکن صکره اوسندن الکزی
حکمه کز کور رسکز که قدح کویا بر منظار پارچه سی کی شدتله
صویك اوسنده چیقار بونك سببی هواده کی الاستیقیت خاصه سیدر
چونکه قدحك اوسندن ال چکلدیکی حالده صو واسطه سیله
هوایی تضییق ایدن قوت زائل اولغله هوا اسکی حالده رجوع
ایتنک اسیدرک منبسط اولغده و بوجهته اولدن مستوعب اولدیغی
مکانی استیعاب ایتکه باشلیوب قوه انبساطیه سی سیبیه بر طرفدن
قدحی و بر طرفدن صویي ایتدرك قدحی صویك اوسنده چیقار مغه

سبب اولور هوانك قوه انبساطيه مذكوره سي اولسيدي
 قدح صويك اوسنه چيقيوت قوغدك ديدنه كتمسي لازم كلوردي
 نه كيم قدح صويه عموداً ادخال اولنر سه وقوعبوله جغني كي
 چونكه اول حالده قدحك ايچنه صوكير مسيله برابر ديكر طرفدن
 دروننده كي هوا خروج ايدرك قدح صويك اوسنه چيقاره جق
 قوت زائل اوله جغندن قدح الدن براغلديغي تقديرده صويك
 اوسنه چيقيوب بالعكس قوغدك ديدنه ايتز

(شاگرد)

بود يديكر نجر به يي بليدرك بر قاچ دفعه يامش ايدم بيورد ينگز كي
 صو قدحني جوق كره درينجه قوغه ايچنه ادخال ايدردم صكره
 اليمي چكد يكم وقت قدحك كندى باشنه صويك اوسنه چيقد يغني
 كوروب متخير اولوردم وبوكا بر معنا ويره مزدم شمدى
 سيني اكلا يوب دفع مراق ايلدم وهوانك قابل انوطا والا سنيق
 اولديغنده دخي هيچ شههم قالمدي فقط لمسي ممكن اوله ميان بر جسم
 نصل وزن اولنه بيلور

(خواجه)

هوانك بر قاچ صورتله وزني ممكن اولوب فقط سزه غايت
 سهل الفهم وكندى كنديكزه ياپه بيله جمكن بر صورت بيان
 ايدم كروي الشكل واغزي موصلي بر شيشه اخدايله موصلي

اجتی براغدرق شبشه یی ایصتغه باشلا یگز سببی مؤخرا سزه
 بیان ایدہ جکم و جمہا شبشه ایصند قجہ ایچندہ کی هوا خروج
 ایدہ جکندن لایقہ ایصندیغی حالده درونندہ هیچ هوا قالن
 اولوقت موصلغنی قیایہرق صیماق اولدیغی حالده شبشه یی
 بر مضبوط ترازو ایله طارتوب قاچ درهم کور ایسه بر محله
 اشارت ایدیکز بعدہ شبشه یی صغودوب موصلغنی اچدیغکرزده
 سدرک شبشه نک ایچندہ هوا دخوله باشلا رسس کسلدیکی حالده
 شبشه هوا ایله طولش اوله جغندن اولوقت تکرار طارتکر البتہ
 اولکی مقدار دن زیادہ کلور و مقدار ین ینشدہ اولان فرق
 شبشه نک حاوی اولدیغی هوانک اغرلغی دیمک اولوب هوانک
 قابل الوزن بر جسم اولدیغی بوصورتله ثابت اولور .

معلوم اولدیغی اوزره اجسام موجودہ نک اغراقلری مختلفدر .
 مثلاً هپ بریوکلکده اولهرق برقاق نوع جسمدن بررکله یایلوب
 وزن اولسه یکدیگردن پک چوق فرقلی ظهور ایدر . جسماتجہ
 مساوی اولدیغی حالده اخشا بدن معمول بررکله ایله تیمور ویا خود
 قور شوندن یا بلش بررکله نک اغرلقجہ ینلرنده اولان فرق جمہیہ
 معلوم بر کیفیتدر . بنا برین جسملرک یکدیگرینه اولان نسبت
 ثقلیلرینی حساب ایتک ایچون درت درجه حرارتده بولسان ماء
 مقطر اساس قیاس اتخاذا اوله کلشدر و جسملرک نسبت ثقلیلرینی
 حساب ایتک اساس اتخاذا اولان جسم ایله ینلرنده اولان ثقلت
 وخفت فرقنی میدانه چیقارمق دیمک اولمغله اگر هوا ایله صو
 ینشدہ اولان نسبت ثقلیلرینی بولمق استرسکزدکر اولسان
 شبشه نک ایچنہ بر منوال مشروح درت درجه حرارتده بولسان

ماء مقطر طولاً یروب وزن ایدرسکز اولوقت معلوم اولور که هوا
صودن یدی یوزیتش تات خفیفدر یعنی اول شیشهدنك طولوسی
هوانك اغرلغی بر درهم کلش ایسه ینه او شیشهدنك طولوسی
صویك اغرلغی یدی یوزیتش درهم ظهور ایدر

یوکا بنأ ثقلجه هوانك صویه نسبتی برک یدی یوزیتشه نسبتی کبدر
دینلوب نسبت مذکوره ریاضیه کابارنده $\frac{1}{77}$ صورتنده یازیلور
اجسامك ثقلت و خفتی کیفیتلرینك و نسبت ثقلیهلرینی بولق
ایچون درت درجه حرارتده بولان ماء مقطرک اساس اتخاذ
اولمنسك حکمتی مؤخرأ معلومکز اولور اگر بر جسمك صودن اغر
ویا خود خفیف اولدیغنی وهاء اولیده بیلک استرسکز جسم
مذکوری صویه القا ایدرسکز اگر باترسه ییلورسکز که صودن اغر
وباتمز ایسه خفیفدر

(قدری)

(بقیه سی صکره)

(علم ثروت ملل)

حرف وصنایعك صورت ظهور و تشکلی و علم ثروتك احوال اساسیسی
بیانندهدر

بنی ادم مقتضای صفت بشریه سندن اولان حوایج متنوعه سنی
تحصیل ایچون عقلاً و بدنأ بذل وسع و قدرت ایتکه محتاج
اولدیغندن اول باؤل اجلق و صوسزلقدن و شدت هواندن
تلف اولیده حق قدر ما کولات و مشروبات و لباس و مسکن تدارک
تصدی ایدر ایسهده حیوانات سائره بیننده مابه الامتیازی اولان

قوه عقليه سی و تبدیل و اصلاح احواله استعداد و قابلیت
 اقتضا سنجیده اسباب ضروریه تعیشنی استحصال ایتد کده ما کولات
 و دلوسانجه تفنن و تزینه میل و رغبت ایلر و بو وجهله بر طرفدن
 دائره حوایجی توسیع و دیگر طرفدن دخی بولرک وسائل تحصیلیه سی
 تدارکنه سعی ایله تالذذات جسمانیه و علوم و فنون مثلاً و کمالات
 انسانیه ک اکساینه مائل و راغب اولور و حال مدنیته
 نسبتله ترقی بولان حوایجی کونا کون علوم و فنون احداثی
 استلزام ایتدیکندن صنایعک بدایت حدوشند مبالطبع درکار اولان
 نقص و قصور آثار علیه و مخترعات متوالیه ایله کتدکجه اصلاح و اکمال
 اولنده رقی احتیاجات انسانیه نسبتله نفع و قیمتی اولان شیلر
 مبدول اولور زیرا صنایع مختلفه اربابی کند و احتیاجات
 مخصوصه لرندن چوق زیاده شی حاصل ایتدکلرندن اشبو
 فضله اولان حاصلاتک بر مقدارینی تحصیل امنیت و محافظه
 حقو قلمری ضمنده جانب حکومته ترک ایله باقبسینی تصرف قاعده
 مر غوبه سی ایجا بنجه احتیاطاً حفظ و ادخار و یا خود اراضی
 اعماری و آلات و ادوات اشتراسی و مناسب اولان صنایع و معارف
 تعلم و تحصیل مثلاً و اقتضایدن شیلرک اکساینه یعنی تزید سرمایه به
 صرف ایتدکلرندن احتیاجات بشریه ک دفعه مدار اولان هر درلو
 شیلرک یعنی اسباب ثروت و سامانک کون بکون متراید اولسیله
 ثروت مخصوصه کتدکجه ترقی بولوب ثروت عمومیه دخی بونسبت
 اوزده تکراید و الحاصل انسانک ثمره سعی و همتیه وجه ارضک
 کسب مهوریت ایتدیکی کی اسباب تعیش و یسر و رفاهک ترایدی
 دخی نوع بشرک تکرر و انتشار انسانی مستلزم اولور

ایندی هیئت اجتماعیه دن سعی و عملك دفع احتیاجات مقصده یله اختیار
اولندیخی و ثروت و سامانك محضه علوم و صنایع واسطه سیله حصوله
کلدیکی بدیدار اولوب انبج حرف و صنایع بعض اصول عمومیه
اوزره ظهوره کلوب بعض شرائط اساسیده مبنی انتشار و کسب
توسع ایتدیکدن بوزاره مطاع اولق فائده دن خالی دکلدی شریله که
جمعیت بشریه نك اوانل ظهور و تشکله هر بر قوم تحصیل
حوایج ضروریه سی ضمنده صید و شکار و یا خود امر حراست ایل
مشغول اولور ایسده کافه افرادی برلکده چالیشهرق اشبو
مساعی مشترک نك ثمره سی جله یه تقسیم و توزیع و بوجوه
اسباب تعیش و لوازم امنیت عمومیه هیئتجه تحصیل اولور مثلا
بر قومك کافه افرادی اراضی مشترک لری برلکده زراعت و دفع اعدا
ضمنده جله محاربه یه مباشرت ایشدک لری حالده هر بریسی
مشاغل متنوعه ابله اشتغال ایدرک مأكولات و ملبوساتی
یلله تدارك ایتدکدن بشقه امور ملیه و عسکریه و طبابت کی
خدمات مختلفه یی بر برده اجرا ایتمی لازم کلدور فقط بوجال چوق زمان
متمد اوله دیوب چونکه اول قومك حوایجی تراید ایتدکجه
هر بر فردی کافه احتیاجانی کندو باشنه تدارك ایده میه جکی
درکار اولدیغدن کندو سیله عیال نك قدر حاجت لرندن زیاده اوله رق
حصوله کنوره یلادیکی اشیایی بر آخیرینك فضله اولان اشیاسیله
مبادله یه باشار مثلا ترلاسی حاصلاتی اولان بغدادی بر دیگرینك
اعمال ایلدیکی لباس ایله دکشدیکندن مبادله اشیای اصولی ظهور
ایدر ایسده حوایجك ترایدی حاصلاتك دخی تراید و تنوعی
استقام ایتدکله اول قوم امر مدنیته ترقی ایتدکجه اصول مبادله

توسع وانتشار ایدر ومبادلات تعدد وتکثر ایتدیکجه امور ومشاغل مختلفه نك دخی تفریق وتقسیمی لازم کلور بوجهتله رفته رفته هر بر شخص بر مشغولیت مخصوصه اختیار واتخاذ ایله بالذات حاصل ایده مدیکی حوایجی آخرندن اخذ ایتکی فائده لو بولور مثلاً اهل حراثت قیونلرندن قرقدقلری پیانغی پی وترلارنده حاصل اولان کانی اول یابدقلری کبی کندولری نسج واعمال ایتوب قدر احتیاجلرندن زائد اولان مقدارینی زراعت وحراثتله مشغول اولوب بالکز قاش والیسه اعمالنه حصر اوقات ایتش دیگر بر شخصه ویروب مقابلنده کندوسنه لازم اولان البسه پی نور وانسته بوجهتله هر بر صنعت تشعب وتفرد ایدر کثرت حوایجیه نسبتله کسب وسعت واهمیت ایتدیکندن درلو درلو حرف وصنایع تحدث ایدر حالبوکه مشاغلک بوجه مشروح انقسامی طبیعتیه اشیانک بر مچلدن دیگر محله نقلی ایجاب ایتدیروب ارباب حراثت وصنعت ایسه ایشلرینی براغدرق بوامر جدید ایله مشغول اولهمیه جقلرندن برطاقم اشخاص دخی تسهیل مبادلاتی صنعت اتخاذ ایدرک بوصورتله امر تجارت دخی ظهوره کلور وعر قومک حوایجی ارتدقجه فنون وصنایع متنوعه ارباب مخصوصه سنه منحصر اوله رق مقدملری اجراسی هر کسه عائد اولان خدمات ومشاغل تقسیم اولنوب اصول مبادله قاعدهء عمومیه درجه سنه واصل اولور انجق مبادلهء اشیا اصولی هیئت اجتماعیه نك بدایت ظهورنده مشهود اولوب احتیاجات وحاصلات براز تکثر ایتدیکی ومشاغل مختلفه کرکی کبی اربابنه تقسیم وتخصیص قلندیغی حالده ارتق اشیانک عیناً مبادله سی ممکن

اوله میوب مثلاً درزینک بری اتمکچی وقصابتدن اخذ ایتدیکی اتمک
وات مقابلنده البسه ویرمک استرایسه بوزلرک بلکه کندولرینه
اقتضا ایده جک مقدار لباسلری اولوب فقط قوندره یه احتیاجلری
اولدیغندن ات واتمکی مجرد قوندره جی یه ویروب قوندره المق
املنده بوزلورلر حالبوکه قوندره جینک دخی لزومی قدر
ات واتمکی اولوب کوسله یه احتیاجی اولدیغی تقدیرده بوزلر
یئنده عیناً مبادله ممکن اوله میدجغی بدیدار اولور بوضورتجه کافه
صنوفک حاصل ایتدکلری اشیا و اموال مقابلنده یکدیگره قبول
اشدیره جکلری برمال مخصوص احداثی لزومی ظاهر اولدیغندن
اولوجهله تسهیل معاملات ضمننده اشیا ی سائر یه واسطه
مبادله اولق اوزره برقاچ نوع اشیا تعین و تخصیص قلمشدر
هر کس حاصل ایتدیکی اموال و یا خود ایفایه مقتدر اولدیغی
خدمات مقابلنده وسائط مذکور یی اخذ و قبول ایدرلر و بو
اشیا نك قیمتی دخی بالجمله اشیا ی سائر نك و یا خود اعمال
و خدماتك قدر و قیمتیه اولدقجه صحیح بر مقیاس اولور اشته
الحق استعمالی دخی بوجهله تحدث ایدوب اوانلده تیمور وقلای
و مشین و طوز و دخان و اصدا ف بحر یه و سائر بعض اشیا
جانبجا الحق مقامنده قوللا نلمش ایسده برشیاك واسطه مبادله
اولدیلمسی بر قیمت اصلیدسی اولق و هوا و صویك تأثیرات کیمویه سندن
مختل اولماق و اقسام جزویه یه تقسیم اولنه ییلوب نقلی دخی
آسان اولق کبی بعض خواصی جامع اولمغه متوقف اولدیغندن
سیم وزردن معمول مسکوکات اشیا ی سائر نك تقدیر
قیمتلی و تسهیل مبادله سی ضمننده انوب ویرمک اوزره

اشیای سائریه ترجیحاً علی العموم قبول و اتخاذ او الممشر
 جمعیت انسانیه سعی و عمل و مبادله اشیا و تقسیم اعمال ایل
 اخذ استعمالی اصول مشروحہ سی اوزرینہ مؤسس اولوب
 افرادینک ایفای حوایجی ضمنندہ بنی نوعنہ احتیاجی درکار
 وسائرلرک حاصل ایتدیکی اشیا ایلہ ایفایہ مقتدر اولدیغی خدماتی
 مجرد کندو اعمال و خدمات مقبولہ سی واسطہ سبیلہ تحصیل
 ایدہ بیلہ چکی بیدار اولمغله هرکس کندو منفعت مخصوصہ سی
 اقتضاسین اولق اوزره ابنای جنسیچون عقلا و یابد ناچالشمغی
 اختیار ایتدیکی حالده **ک**رک بالطمع حائز بو لندیغی و **ک**رک سعی
 و عملیله طوغریدن طوغری یه و یاخود بالواسطه تحصیله موفق
 اولدیغی شیله تصرف و انلردن استفاده و تمتع ارزوسی امر جبلی
 اولدیغندن هیئت اجتماعیه نک اساس و مبنی علیهی اولان حقوق
 ملکیت و ادبیت شخصیه و عمومیه و حاصلاتک تشویقیله تسهیل
 مبادلات ضمنندہ اهم و الزم اولان طرق و وسایل نقلیه ایلہ منبع
 ثروت اولان حرف و صنایعک سربستی اجراسی اهلینک
 اوصاف ممدوحه تصرفکارانه سنه منظم اولدوقده جمعیت
 بشریه تکثیر رفاه و یساره مظهر اولور

بنابراین علم ثروت تعلمدن مقصد انسانک حائز اولدیغی
 قوه صنایعیه سی اثری اولان کافه افعال و اعمالک صورت انتظام
 و مربوطیتی ونه قواعد عمومیه یه مبنی وقوعه کلدیکنی تحقیق ایلہ
 اسباب ثروتک **ک**رک هیئتک و **ک**رک افرادینک منفعتنه موافق
 اوله رقی نصل تحصیل و توزیع ونه صورتله صرف و استهلاك
 اولندیغنه کسب و قوف ایتکدن عبارتدر و ملل

واقوام متدنه می‌اننده هر کس حوایج ذاتیه‌سی مبادله طریقیه
استحصاله مجبور اولوب اجرا ایتدیگی صنعت و یا خود بولندیگی
موقع و مأموریت اقتضاسنجه مقاسمه اعمال اصولنده مشارکتی
اولدیگی مثالو اچه سزدخی هیچ برایش ~~کوره~~ میه جکی درکار
اولدیغندن علم مذکورک اشبو قواعد ثلثه عمریه اقتضاسنجه
کارخانه عالمده صرف سعی و عمل ایدن کافه انامه منسوب
و متعلق و فائده‌سی جله‌یه عائد و راجع ایسه ده بین الناس مجرد
مقابله شرطیه وقوعه کلان اعمال و خدماتک مطالعه‌سنه
مقصور و منحصر اولوب مقتضای دیانت و انسانیت اجرایی
درجه وجودیه اولان افعال صالحه و خیریه شمولی یوقدر
والحاصل صنایع متنوعه‌نک و بونلردن طولایی بین الاهی
تکون ایدن معاملات و مناسباتک ثروت عمومیه جه اولان تأثیرات
مختلفه‌سی بو علم واسطه‌سیله تحقیق و تحری اولدیغندن ثروت
نه مقوله شیلره اطلاق اولنور و کیفیت و اوصافی ندن عبارتدر
تعریف و توضیحه آتیده ابتدار قلنور

(بقیه‌سی صکره)

باب عالی ترجمه اوطه‌سی خلفا سندن

اوحانس

مجموعه فتون سرماة عربی نماینده چیتا ریلور

در مساوت ایچون باسی

غروش

۶۵ برسنه لك

۳۵ التي ایلق

۶ برسنه

برسنه لکنه ویا خود التي ایلغند مشتری اولق اسنلده کده یکی جامع
جوارنده چیچک بازارنده واقع جمعیت علمیه عثمانیه مرکزینده مراجمت
اولنده ایلاتده مشتری اولق استیاذلرفیات مذکوره اوزرینه مسافده نیک
قرینت و بعد یکنه با قلمیوب بریلاق ایچون التي والی ایلق ایچون اوج
غروش پوسته اجرتی ضمیمه ایچده سنی پوسته یه تودیعاً جمعیت علمیه عثمانیه
ریاستی طرفه کوندردکلری حالده اوقات معینه سنده محلنه ایصال
اولنور

ممالک اجنیده ایچون مسافده سنه کوره لازم کلان پوسته اجرتی ضم اولنور

متمرق صایلمان محکم

جمعیت مرکزی

صحافله کنگهداسی حلبلی حاجی

حسین افندی

سلطان بایزیدده کاغذجی

حافظ اسماعیل افندی

بک اوغلی جاده سنده صحاف

کولر . . . نومرو ۳۲۳

اسکدارده یازیجی عثمان افندی

بشکطاشده اجزاجی و یچین

مجموعه فتون درجی مراد اولئان مراد مناسب جمعیت مرکزی

ارسال یو ریلور

مجموعه سنون

۱۰

جمعیت علمی و ادبی

برجی

ربیع الاول

نومرو ۳

اسپانول

مطبعة ترجمان احوالده طبع اولنمشد

۱۳۷۹

کتابخانه

کتابخانه

کتابخانه

کتابخانه

کتابخانه

کتابخانه

کتابخانه

مجموعہ سنون

۱۸

جمعیت علمیہ عثمانیہ

برنجی پتہ

نمبر ۳

ربیع الاول

استان بول

ترجمان احوالہ طبع اول نمشد

۱۳۷۹

مواد مندرجہ

تقریریں ترجمہ تلماق	منیف افندی
قرہ طاع (مابعد)	ولہ ایضا
مدخل علم زٹولوزی (مابعد)	ادھم پاشا
اوروپا قطعہ سی جغرافیہ و تار یخی	قدری بک
الغای قوائیم نقدینہ	منیف افندی
قائدہ نک لغوینہ تار یخ	حصیرجی زادہ حافظ محمد آغا

جمعیت مہربلہ ممہور اولیان مجموعہ فنون نسخہ دارینہ ساختہ نظریلہ
باقیلہ رق طابع و بابعلری مسئول طوبیلہ جقدر





﴿ تقریض ترجمہ تلماق ﴾

مجلس والای احکام عدلیہ رئیس دولہ او یوسف کامل پاشا
حضرتلرینک یو دفعہ اتخاف مجالس عرفا بیورمش اولدقلری
تلماق ترجمہ سی حقا سلاست ادا ونفاست مؤدی جہتیلہ جامع محاسن
صورت ومعنا بر مجلہ حکمت انما اولدیغندن مطالعہ سی دلشنکان
علم وادبہ باعث فوائد لا تحصى اولمشدر کتاب مذکورک اصلی
فرانسز جہ اولوب ممالک غریبہ دہ کلستان سعدی مقامندہ
مرغوب و مسلم وبالجملہ اوروپا لسانلرینہ مترجم اولدیغندن زبان
عذب البیان ترکی یہ دخی نقل و ترجمہ سی اوتہ دنبر و نزار باب
کالہ اعز مال بولمش ایسہ دہ اصلنک قدر و اعتبارینہ چسبان
و مقبول اصحاب دانش و عرفان اولہ جقق صورتدہ شو عقده
دشوار کشانک حلی ہر مترجمک کاری و ہر شہباز اوج معرفتک شکاری
اولدیغندن اشبو شاہد کلچہرہ حسن و بہا شمدی یہ قدر زیر
پردہ عز و نازدہ اختفا ایدرک ابنای وطن مشاہدہ جمال باکالندن
محروم قالمشیدی مشارالید حضرتلری بو وجہلہ ادبیات ترکیہ یہ
بر نسخہ نادرہ علم و افضال علاوہ سبیلہ طو غریسی ہیئت ملنک

شکر و حمد تنہ کسب استحقاق بیور شد۔ در بومثلاو آثار نافعہ نک
تکثر و انتشاری جمعیت علمیہ عثمانیہ نک مقاصد خیر یہ سہ نہ موافق
اولدیغندن بزدخی مترجم کامل صاحب فضائلک مساعی جلیہ سنی
تقدیر و تحسین ایلہ لوازم شکر کزاری و ستایشک ایفاسنہ مسارع
ایدرز

کتاب تلماق علم و عرفان و حسن اخلاق ایلہ مشہور آفاق اولان
فرانسہ لو فنلونک جملہ آثارندن اولوب فرانسہ مشاہیر حکمدارانندن
اون دردنجی لوئینک حفیہ دی دوق دوبور غونیانک تعلیم و تربیہ سنہ
مأمور اولدیغی اثنادہ پرنس مشار الیہک تذهیب اخلاقنہ مدار
اولق اوزرہ تألیف و کندوسنہ تعلیم و تدریس ایلشیدی عموما
افرادناسک رعایت ایلملری وجیبہ زن اولان اصول آداب و انسانیته
و خصوصاً عباداللہک زمام اداردلی مسلم یداختیارلری اولان
تاجداران جہانک مرتبہ نمت ہمتلری بولنان وظائف رعیت پروری
و معدلتہ دائر حاوی اولدیغی قواعد حکمت حکمدار وقت
اولان مشارالیہ لوئینک و اطرافنی المش اولان بعض مداہنلرک
اوضاع نابہنجارلرینہ مخالف دوشدیکندن طعن و تعریضہ حل
ایلہ حقنہ موجب و خاست اولور مطالعہ سنہ دینی کتاب مذکورک
نشر و اعلا تی موافق حال و مصلحت عدا یتدیکندن اشہودر شہوار
یش اون سنہ لر محفوظ صند و قچہ کتمان اولمشیدی ترجمہ
مذکورہ سنک دخی ہرنہ اسبابہ دینی ایسہ براوقدر مدت انظار
عامہ دن مخفی و مستور قالدقدن صکرہ جلوہ کرساحہ ظہور اولسی
اتفاقات غریبہ دندر

فنلونک اشہوتائینہ مطالع اولان بعض بدخواہانی مؤلنک

خدمتکار نی اطماع ایلہ بر نسخہ سنک استحصائے دسترس
اولہ رق بیک الی یوز طقسان طقوز سنہ سی دفعہ اولی اولی اوزرہ
طبع و نشرینہ مبادرت ایلشدر فٹلون بوندن اقدام پرنس
مشار الیہک امر تربیہ سنی کمال اہلیتہ اتمام ایتکله قرال اشہو
حسن خدمتہ مقابلہ کندوسنہ بر مأموریت مهمہ اعطاسیلہ
قدروا اعتبارنی اعلا ایلش اولادیغی حالده کتاب مذکورہ کسب
اطلاع ایتد کده زمان حکومتی تزییف غرضیلہ تصنیف اولمش
اولسنہ ذهاب ایلہ کتابک طبعنی توقیس و موی الیہی مأموریتندن
عزل ایلشدر بونک اوزرینہ موی الیہ قامباری نام محله چکیلہ رک
اورادہ اختیار عزلت و محال مذکور اہالی و اطفالک بالذات تعلیم
و تربیہ سنہ حصر اوقات ایلہ تحمل بار کلفت ایتش و کرو فقر
و محتاجین حقندہ اجرای خیرات و مبراتہ سعی و غیرتہ ابراز مآثر
مخارت و مروت و حتی بیک یدی یوز طقوز سنہ سی فوق الغایہ
وقوع بولان شدت شتائنا سنہ اول جوارده بولان فرانسه
اردوسنک اطعامنہ صرف ماملک ایدرک جملہ عندندہ مقبول
و مدوح اولمشیدی حسن صیت و شهرت فضائلی ہر طرفہ منتشر
اولہ رق مجرد مجلسیلہ تشرف ایلک ارزوسیلہ پک چوق کسان محال
بعیدہ دن شد رحیل ایلہ زیارتہ کلورلر ایدی ایستہ بوصورتہ
امر اروق ایلدیکی حالده بیک یدی یوز اون بش تاریخندہ التمش
التي یاشندہ اولہ رق وفات ایلشدر

فرانسہ مؤلفلری بیتندہ فٹلون دن دہا اعلم و ابلغلری وارایسندہ
حسن ادا و سلاست افادہ جہتیلہ ہیج بریسی بونک کعبہ واصل
اولہ بہوب متقد مینک غایت سلیس و سادہ اولان انار نفیس دلرینہ

بین المتأخرین مومی الیه جمله دن زیاده ایو تقلید ایلمشدر فنلئونک
 الیوم خیلیمجه آثاری موجود ایسه ده شاگردی مشار الیه
 دوق دو بورغونیانک حین وفاتنده اون دردنجی لوئی کافه اوراقنی
 حرق ایتدیرمش اولمغله بونلرمیانده برطاق مؤلفاتی ضایع وتلف
 اولمشدر

زانوزن دارالادب تعلیمی اولان پرنس مشار الیه فنلئونک حسن
 تربیه سندن وباخصوص اشبو کتاب تلماقک تدرس ومطالعه سندن
 علم عرفان وفضائل اخلاقجه استفاده فیوضات بیغایات ایدرک
 بین الاقران مشار بالبنان اولوب (من علمنی حرفا قد صیرنی عبدا)
 حقوقنه دخی کمال رعایتله حین وفاتنه قدر مومی الیه حقننده لوازم
 توقیر واحترامکارینک ایفاسنده تجویز قصورایلماشدر

اشبو کتابک حاوی اولدیغی حکایات بالکلیه اصله اولمیشوب
 جزائر سبعه دن اتاکیه نک حاکمی بولسان اولبس سائر یونانلولرله
 برابر اون سنه سورمش اولان تروا شهری محاصره سنه حین
 عزیمتده اوغلی تلماق بشکده براقش ومدت غیابی یکرمی سنه
 ممتداوله رق عودت ایلماش اولمغله تلماق مریسی اولان مشهور
 نام بر پیر عقل پرورایله بالرفاقه جستجوی پد رقصد یله عزم سفر
 ایلمش و مرآت عجائب وعبرومصدرانواع خیر و شر اولان
 سیروسفر اناسنده پک چوق حالاته مظهر اولمش اولمغله ایشته
 کتاب مذکور شو سرگذشتلرک حکایه وتفصیلندن عبارت اولوب
 فقط مؤلفک بعض علاوات وتزییناتی دخی اولدیغی درکاردر

❖ قره طاغ ❖

قره طاغلور هر سینه سن بازیل نام زیارتک یوم مخصوصه
 عقد جمعیت ایدرک هر درلو دعاوی و منازعات واقعه لر بنی فصل
 ایتک اوزره حاکمرا انتخاب ایدرلر واشبو حاکمرا هر سینه اجرای
 حکومت ایدوب هیچ بر صورت و حالده تکرار انتخاب اولنه دزلر
 بر فامایانک هر قاچ نفر اولادی اولور ایسه اولسون ایکی
 قرنداش بروقتده حاکم اوله مز بودخی حق مذکور دن ممکن مرتبه
 چوق فامایانک حصه دار اولسی غرضنه مبنی در اشبو حاکمرا
 اوصاف حیده ایله موصوف اولسینه دقت اولور ایسه ده
 اقرا نه نسبتله عقل و درایت و جریده نطق اصحابندن اولسی دخی
 لازمه دن عد اولنور

اشبو حاکمرا کندولرینه عرض اولنان کوچک قباحتلره دائر دعاوی بی
 صورت قطعیده یعنی استیفاف قبول ایتامک اوزره رؤیت
 و فصل ایدرلر اگر بر حاکم بر قاچ دفعه خطا ایدر و عدم استقامت
 و اهلیتی اکلا شیلور ایسه وقت معینه انتظار اولنمیدرق عزلی
 اولنوب یرینه بشقدسای تعیین و بعده ولادیکه یدیلدیر یلرک
 انک طرندن دخی مأموریتی تصدیق قلنور

حکام مر قومه او اوجه له دعاری صغیره بی کندولری فصل
 ایدرلر ایسه ده جنایت و یا خود امور مهمه یدیه متعلق دعوالری

ناحيه دك مدیری مقامنده اولان مأموره و یاخود بیوك مجلسلری
اولان سنايه حواله ایدرلر

اسبو محاکمک جه له سنده رؤیت دعاوی برکوندن زیاده ممتد
اوله مبوب همان فصل اولنور بودخی اصحاب دعاوی ایشک
ارقه سنده طولاشوب اضاعه وقت ایدرک بووجه له هم
کندولری وهم فامیلیالری دوچار کلفت و خسار اولماق غرضینه
دیندر

طرفین زه ده محاکمه اوله جقلرینه قرار ویردکن صکره اول محله
عزیمت ایدرلر و حاکملر اولجه اوراده بولوب صورت آتیه ده رؤیت
دعوايه ایتدار اولنور حاکملر قوری یراوزرینه یعنی اوت و طاشدن
نالی طوپراق اوزرینه اوتوروب طرفین مقابله لرنده طوررلر
وهر بریسی نوبتی کلدکجه لقردی سولمسی و بریسی سوزه
باشلا ندده دیکری قطع ایلامسی خاصه کندولرینه تنبیه اولنور اولامدعی
وبعد ده مدعی علیه استماع اولندقدن صکره شاهدلر
اجرای شهادت ایدرلر کک اصحاب دعاوی و کک شاهدلر
استماع اولندقدجه برسه هو و خطاری اولماق ایچون افادات
واقعہ لرنده ایوجه دقت ایملری کندولره توصیه و تأکید
قلنور

بعده طرفین و شاهدلر و سائر خارجدن حاضر بولنلر تبغید
اولندرق حاکملرینلرنده بالتذکر مادهیه قرار ویرلدکن صکره
حاکملردن بریسی طرفینی چاغروب بووجه له کندولرینه تبایغ
حکم ایدرکه (دعوايي اولدیغی کبی استماع ایتدک و بوخصوصیه

قباحتی کور بنان فلانك شوقدر تضمین آنچه سی و شو قدر دخی
 غلوبا یعنی جزای نقدی ویرمسی مناسب کوردك) اشبو غلوبا
 آنچه سی بعض کره حاکم بپینده تقسیم اولنوب تحصیله دخی
 کندوری دأمور اولورلر

غلوبا اریال ویا خود سوانسك تعبیر اولنور اوسه تریا کوچك
 كمش سكه سیله تعیین اولنور ایسه ده قره طاغلورده مـ كوكات
 بك نادر بولند یغندن اومقوله جرایم اكثر یا حیوانات و حیوبات ویا خود
 اسلحه اعطاسیه تسویه اولنور و بشقه سینه زحت اولماق
 ایچون اومقوله اشبانك قیمتی دخی حاکم تخمین و قطع ایدرلر
 بومثللو حالاتك همان كافه سنده محكوم علیه ك سلا حلی
 بریسنك یا نه ترهین اولنورق لازم کلان جریمه آنچه سی اندن
 استقراض اولنور و اولحاله اشبو مبلغ دینك وعده سنی و لازم
 کلان فائضك مقدارینی كذلك حاکم تحدید ایدرلر

اگر محكوم اولان شخص ویره جـ کی رهن مقابلنده غلوبایی ادایه
 کافی مقدار آنچه بوله مزایسه رهن در حال فروخت اولنوب
 فقط هر نه درجه ده اولور ایسه اولسون صاحب مالك اقرباسی
 ذی الید اعتبار ایله سائرلرینه ترجیح اولنور اقربادن مشـ تری
 ظهـ ورا یتمد یکی حالده هر کس اشترایده بیلور بهاسی جریمه
 وفایتد کدن صکره فضله قالور ایسه صاحب ماله اعطا اولنور

مثلا قتل دعوا رنده اولدیغی کی اسلحه نك قیمتی غلوبا آنچه سنی
 ایفایه کافی اولدیغی حالده حاکم و طرفینه دن انتخاب اولنان
 حکم لره برابر متهمك ترلا سینه کیدرك بهاسنی تخمین ایله برمنـ وال

محرر فروخت ایدر لر

شخص محکوم فقیر اوله رق ادای جریمه یه غیر مقتدر اولدیغی حالده
بر مدت معینه ایله حبس اولوب اول مدت طرفنده ناحیه سی پاپاسی
طرفندن اطعام اولنور

برشی سرقت اولنوبده سارق کیم اولدیغی اکلشلمدیغی حالده
صاحبی برقاج دفعه مجامع ناسده کیفیتی اعلان ایدرک سارقنی
خبر ویرنه بر مکافات وعده ایدر واشبو مکافات مال مسروق
قیمتی تجاوز ایتماک دخی قاعده لرنندر

خرسزک کیم اولدیغی خبر ویراد کده صاحب مال یانه کیدوب
مرا فعه یه حاجت قالمق سزین دوستانه تسویه اولمق اوزره
هم سرقت اولنان شیک و همده خبر ویرنه مکافات اولمق اوزره
وعد اولنان اچقه نک کندوسنه رد واعطاسنی طلب وتکلیف
ایدر واکثر یا سارق بوکا موافقت ایدرک مصلحت بتور یلور فاللا
سارق حاکم حضورینه کوتور یلوب اوراده انکار ایلدیکی حالده اولوقته
قدر محتفی بولنان مخبر میدانه کله رک ماده سرقته نوجهله کسب
وقوف ایلدیکی افاده ایدر بودخی حاکم رک قبول ایده جکی صورتده
بولدیغی حالده مال مسروق استرداد یله برابر مکافات اچقه سنی
اعطا ایلسنه و بوندن بشقه بر جزای نقدی ویرمسنه حکم اولنور
فقط بومقوله غمازلر ابنای جنسی بیننده غایت منفور و مذموم عد
اولندیغندن سرقتک بوضورتله ظاهره اخراجی وقوعی نوادر دندر

بر شخص متهم محاکمه یه دعوت اولوبده اجابتدن امتناع ایلدیکی
حالده جلی ضمتده محضر قلمه او برادم کوندریلوب بونک مصارف

سفریه سی دخی شخص متهم تحصیل قلمور قره طاغك بعض
مخارنده بوقوله محضرار احضارینه مأمور اولد قلمری اشخاصك
خانه لینه کیجه وقتی بر فزایله واروب دعوت ایتملری
اصولند

مدعی اثبات مدعان عجز اظهاری و یا خود مدعی علیه انکارده
اصرار ایلمدیکی حالده حاکم لره قنغی طرفده حق احتمالی غالب کورینور
ایسه اول طرف تکلیف اولوب یا خود طرفک بریسی دیگرینه
یمین تکلیف ایدر و اول حالده یمین ایدر جك طرف کلمسایه
کو توریلوب اوراده خاچی الله اله رق اوپد کدن صکره خهمنك
تلقینیه کلمات آیه یی تلفظ ایدر (اكر بوبكا عزواولئان ايشده
ذره قدر قباحتیم و صورت وقوعنه برکونه معلوما تم وار ایسه
شرح شریف حق چون اللهك و بطرس حوارینك امداد و عنایتندن
محروم اولیم و ديلم لال اولسون والله بنم و اولاد و اخوانك بلامزی
و هر وجهه له جزامزی ویرسون) بوجهم له قسم اولند قدن صکره
حاکم لرك براز شبهه سی قالمش اولسه یله و بالی یوننه اولسون دیهرك
سبیلانی تخلیفه ایدر بعض حالات فوق العاده ده اشبو اصول
تکلیف قدن بشقه متهم اولان شخص حقنده قطران تجربه سی
دخی اجرا اولنور شو یله که النی اتش اوزرنده اریمش قطرانه
صوقوب جیقاررلر اکر متأثر اولمز ایسه برائت ذمتنه علامت عد
اولنوب فالاحتلو اولد یغنه حکم اولنور

برقره طاغلو هم جوار لردن اهل بسیمه صلح و صلاح اوزره
بولد قلمری بر محله دن برشی سرقت ایدوبده دعوی اولدیدی فی
تقدیرده سرقت داخلده اولدیغی کی سارق مجرم اولنوب

بالکرم مال مسروقك استرداد ینہ حکم اولفق قاعدہ لرنند ر
فقط دائماً مشهود اولان حرکات نامرضیه لرنہ نظر ابوکا رعایت
اولمقدن بشقہ قومشور ینک مال وجانہ تعرض و تسلطی واجبہ ذمت
خبثت منقبت عدايت دکری اکلاشیلور

پایاسلری دخی برک وچک قباححت ایتد کری صورتده احاد
ناس کی بالمحاکمه مجریم اولنورلر فقط ارتکاب جنایت حالده
پایاسلق صنتی سلب اولنوب ارتق صقالی دخی تراش ایدمه من
هرنه جنس و ملتدن وهرنه مقوله جرم و جنایت اصحابه دن
اولور ایسه اولون قره طاغہ التجا ایدن اشخاص بلا تردد
قبیل اولنوب حال و شانی و سبب التجاسی تحری و تحقیق
اولمز اوراده توطن ایتک استدیکی حالده حقنده سائر اهالی
کی معامله اولنور هنوز اهالی دن معدود اولمادش بر اجنبی بر قباححت
ارتکاب ایدر ایسه حقنده یلوه معامله سی اولنوب بالکرم طاغدن
طرد و اخراجیله اکتفا قلنور

قره طاغده طائفه نسامرتکب اولدقلری کوچک قباححتلرک
محازاتندن معاف اولنوب بو حالده زوج زوجہ سندن و پدر
قرندن و برادر همشیره سندن طولای مسئول و معاتب اولور
فقط بر قاری قتل نفس ارتکاب ایتدیکی تقدیرده رجاء یعنی
اوزر ینہ طاس ایلهرق اعدام اولنور قاریلر قورشون و باروت ایلہ
مقاوتہ مقتدر اولدقلری جهته بونلرک قتلده قورشون
و باروت استعمالی عارعد اولنور

برقار ینک رجیم اولمسنہ حکم اولد قده برچوق خلق تجمع ایدوب

هلاک اوانجیہ و اوستی اورتوانجیہ قدر اوزرینہ طاش اتارلو چو جقار
برک و چک قباحت ایتدکاری حالده اقرباسی تجریم قلنور
بالاده دخی ذکر اولندیغی وجهله قره طاعملورک خانہ لری بالکلیہ
صنعت وانتظامدن عاری اولدوق دیوار لری یونتمامش طاش ایله
بنا اولمش و اوزری اغاچ دال و یپر قلیله اور تلمش برطاق
قلوبه لردن عبارتدر داخلری هر درلو مفروشات و تزیناتدن خالی
اولوب انجق برنوع قبا کچه و باخود قوری حصیر طاعملورجه
نعم المصیردر

سائر ممالکده قراالہ الہی بیننده معروف و مستعمل اولان اوجاق
و باجه اصولی مجهولاری اولدینندن اوطه نک اورتہ سندنہ
بردارہ شکنده برقاج پارچه یونتمامش طاش دیزہ رک ایچنہ
آتش یاقرل و تجرہ لری طوانہ باغملو برزنجیرہ تعلیق ایدرک
اشبو اوجاق اوزرنده طعام طبخ ایتدکاری مثلاً و قبش موسمنده
دخی اطرافنہ اوتوروب ایسہ نورلرم و موقنہ دیل یاقق سفاهت
عد اولندیغندن کیچہ لری اکثر یاظمتده اوتوردق لری مثلاً
کوندزلی دخی آتش یاندیغی حالده باجه اولندیغی جهتله طوماندن
اوطه ایچنہ کوز کوزی کورمزدرجه قراکولق اولور

البسہ و اسلحہ لری اصمق ایچون دیوارده برقاج قازق و بعض
مأکولات وضعنہ مخصوص قبا اغاچدن برقاج راف و ذیقیت
عد ایتدکاری بعض اشیایارینک حفظنہ مخصوص برک و چک
صندقلری بولنور ایشتہ اثاث و تجملات خاہ لری بوندن عبارت
اولوب نقطہ ال حرب و ضرب اولان سائر اقوام بیننده دخی

معتاد اولدیغی اوزره عندلرنده اعزاشیا اولان اسلمه نك
تعددوتنوعی مایه مباحات و مفخرتلی اولدیغندن جمله دن
اول بونك تدارك نه صرف وسع و مقدرت ایدرلر خارجه ده
بولندقلری حالده اسلمه لری ایله تزین ذات ایتدکلی
مثلاو خانه لرینك دخی تجملاتی بولكا منحصردر وسلا حلی
لا اقل برتفك و برچفت طبانجه ایله غایت اوزون بریچاقدن
عبارتدر

قره طاغ لولرك البسه لری اكثریا یركدن معمول غایت قبا
منسوجاتندر ارککلی اتکلی دیز قپاغنه یتشور برنوع بوز
عبا والتنده مائی بر دیزلك کیرلر و مذکور عبانك اوزرنده مېشن
برکر ایله سلا حلق باغلرلر و باشلرینه اطراف سیاه و تپه سی
قرمزی بوسکلسز عادتافس شکنده برسرپوش وایاقلرینه يوك
چوراب ایله التي بر پارچه خام صغردریسی و اوزری شبکه رسمنده
صریم ایله ایشلمش برنوع چارق کیرلر و طغلور صنعت
وظرافتدن بی بهره اولدقلری جهته عندلرنده البسه و اشیانك
الك بر لاغی الك مقبولی عند اولدیغندن صرمه و امشانی الایشلی
شیلره زیاده میل و رغبت ایدرلر و قدرتلی مساعد اولدیغی حالده
برصوم صرمه لی چبکن تدارکله هیچ یقائمش کوملك اوزرینه
کیرلر ارککلرا کثریا ایکی اوموزلرنده اصیلی ایکی طوبره طاشیوب
درونلرینه ازیق و باروت و قورشون قورلر و برده اوموزلرنده یو کدن
ممول (ستروقا) اسمنده غایت قالین و توپلی برا حرام طاشیوب
قیرده قالدقلری کیجه لر بونی هم دوشك و همده یورغان مقامنده استعمال

ایدرلر ایسه ده اصل مقصد نفلرندن ده اعزیز طو تدق لری
سلاحلرینک یغموردن محافظه سیدر

هیج برقره طاعلو اشبو اسلحه وادواتی حامل اولدقجه برادم بره
کنز وکافه تو تون ایچد کلرندن اشیا ی مذکورهدن بشقه الارنده
برچبوق دخی بولنور

قره طاعلورل اشبو قبافت ملیه لرینک هیج جزوینی تبدیل
ویا خود تعدیل ایده مدیکی مثلاو اوزرینه ادنا برشی دخی علاوه
ایده مز ایچلرندن بریسی خارجده بولندیغی حالده تبدیل قبافت
ایتمش اولسه بیله عودتنده درحال انی ترک ایله کندولرینه مخصوص
البسه بی کیملکه مجبور اولور

(منیف)

(بقیه سی صکره)

(مدخل علم زئولوژی) (مابعد)

* اجسام غیر کثیفه * اجسام صلبه و مایعه و غازیه نك غیرى اوله برق حراس بشریه ایله ادراك اولور برطالم جسملر ده واردر که اجسام کثیفه مثلونه وزنی ونه ده برقاب دروننه وضعی ممکن اوله مزبونلر ضیا و حرارت و الکتریک و غالوانیزمه و مانیتز مه اولوب اجسام سیاله تسمیه اولور لر

ضیانك منبعی شمس اولوب طبیعتك مابه الحیاتیدر و تأثیرات واقعیه سی جهتیه وجودی حساً معلوم ایسه ده ماهیت و حقیقتی الان میدانم چیار یله مامشدر

ضیانك شمس دن کره ارضه سرعت و رودی عقل و تصورك مافوقنده اولوب تنویه که حکیمانك حساب و تدقیقلرینه کوره شمس دن کره ارضه طوپ ایله برکله انداخت اولنسه تمام اوتوز سنه مدته کره ارضه وصول بولوب ضیای شمس ایسه کمال سرعتی جهتیه مسافه مزبور هی یالکز سکن دقیقه ده قطع ایلمکله برنایه مدته طقوز یوز قرق برملی ون قدم مسافه قطع ایلدیکی تبین ایدر

جميع اجسام تسخين اولندقدن معان ایدوب تبردايله کیفیت مذکوره زائل اولور حتی تیمور چبوقلری آتشده قیرذیرلیدیغی حالده بر محل مظلمه استیای موجوده کورینه جك قدر نشر ضیا ایلدیکی جمله لك معلوم و منتهودیدر ضیانك خواص و کیفیتاتی

کثیر و مسائل متفرعه سی مهم و دقیق اولوب جمله سنک بیانی
علم حکمت طبیعیہ کتابلرنده مسطور اولدیغندن و بزیاسه
علم ژئولوژی مسائلینک حله مدار اوله جق مبادیسنک
بیاتی التزام ایلمش اولدیغمنزدن خواص مذکورهدن یالکمز بعضیلری
بالانتخاب شرح و تفسیر قلندی

جمله نک معلومیدر که بلاضیاء هیچ برشی مرئی اولیوب مثلاً
ضیاء سحاب اوزرینه و رودایتدکده اندن منعکس اوله رق سحاب
رؤیت اولنور و اجسام اوزرینه تصادف ایدرک صور مختلفه
مخصوصه کسب ایدر مثلاً ضیاء مصیقل و غیر شفاف اجسامدن
منعکس اولدقده متنوع الالوان مشاهدده اولنور و مصیقل و شفاف
اولان اجسامدن انعکاس ایتبه رک خط مستقیم اوزره بلا مانع
مرور ایدرایسه ده اکثر یا انعطاف ایدوب استقامتی منحرف
اولور و معادنن بعضیلری ضیای مورودک بر قسمی ردوعکس
ایدوب بر مقدار بنی جذب و حفظ ایدر و بومثلاً و اجسامه غیر
شفاف تسمیه اولنور میقاتعیر اولان معدن بوقیبیلدن اولوب
بعضاً بیوجک صفایح لامعه هیئتنده بولنور و حتی جام استعمالنک
انتشارندن اول سیرده و امریقای جنوبیه ده واقع پرومماکتنده
جام بریه قوللانیلمورایدی و حالاً بزدره استعمال اولان ریک میقاتوزندن
عبارتدر

تام شفاف اولیان معدنک اوتیه طرفنده اولان اشیا لایقیله رؤیت
و تمیز اولنده میوب بعضیلری دخی بتون بتون غیر شفاف اولمدنلری
حاله شفافه قریب ایسه لرده لکن اوتیه طرفلرنده بولن ان اشیا
هیچ کورنمز بومثلاً و اجسامه شبهه شفاف تسمیه اولنور چاقمق

طاشی و امثالی اجسام بوقبیلندند

معادن شفافه نك جمله سنده ضبابی مورود صورت واحده ده
متحول اولمزا یسه ده جمله سنده استقامتندن انحراف وانصراف
ایدوب منکسر اولور وانعکاس دخی مکرر و مضاعف اولد یغنه
بخی معادن مذکور ایله باقویان شی چفته رؤیت اولنور حادثه
مذکوره اسلاند اقرستالی سمیه اولمان معدنه پك اعلا تجربه
ومشاهده اولنور

شعاعاتك مجموعی عكس ایتدین جسم جسم ایض و شعاعاتك
هیچ برینی عكس ایتدیر میان جسم جسم اسود یعنی اجسامك سوادى
لون مستقل اولوب كافه ألوانك انسلابندن عبارتدر لیکن هر
جسم اسود بعضی شعاعات ضعیفه یی عكس ایتدیر و کله
جسم اسود تامیه قدر و بعضی اجسامك اجزاسی شکلا و ثخنا
وعظما و موضعا مختلف اولمیر یله شعاعاتی اختلاف ارزره عكس
ایتدیر لك ألوانی مختلف کوستر و بوند ناشی بر جسم خشکین اولد قجه
لونى بشقه و املس یعنی دوز اولد قجه بشقه کورینور وجهه اجسام
مثلا و معادنك رنگلری دخی شعاعاتدن بعضیه نك عكسندن
حاصل اولور بعضی معادن ترکیب کیمیویه لرینه نظراً صاف و نقی
اولق لازم کلوب لیکن اکثر یا مواد اجنبیه ایله مخلوط بولند قلرندن
مواد مذکوره نك ألوانیه متلوندرل مثلاً بلوره مشابه اولان نجف
طاشی که قرستال دوریش تعبیر اولنور یالکن صافی سیلیس یعنی
حمض سیلیسیومدن عبارت اولوب دائماً صاف و نقی اولمسی لازم ایکن
پك چوق دفعه کلی و یا جزئی تیمور و معادن سائر دبی حاوی
بولند یغنه بنه صابری و قرمزی و سنجابی و سیاه رنگلرده

بولنور

معادن بعضیله نك پارلاق شمعاعات ضیائیة نك انعكاسندن
نشأت ایدوب معدنه مخصوص برجذس پارلاق ولمان
واردركه جلاى معدنى تعبیر اولنور و معادن ضیاءك
تأثیراتيله ظهور ایدن احوال و کیفیاتدن بریدنى فوسفوریت
اولور کیفیت مذكوره مواد معدنیه بی برندن تمیز و تفریق
بعضاً يك اعلا برواسطه اولور بعض اجسام لمس ابله و یا خود
بلا لمس لمان و نشاء ضیاء ایلیوب خاصه مذكوره فوسفور نام
جسم بسطده جمله دن زیاده اولمغله علی العموم کیفیت
مذكوره یه فوسفوریت اطلاق اولمشدر

ایتالیاده واق بولونیا شهرنده برخفاف حجر بولونیا تسمیه اولنان
طاش كه كیاه اصله طلاحنجه ملح كبریت باریتدر ظلمتد براز وقت
لمان ایلد یكنی با تصادف مشاهده اللمس اولمغله بوسه کیفیت
خاصه مذكوره حقدده اربابنك دقتی جلب ایتش و اجسام جاده نك
اکثری لمس و یا خود شمس و یا حرارت اراه اولند قد نصیره
ضیای فوسفوری یه مشابه شمعاعات ضیائیة نشر ایلدیكى
وحتی الماس طاشی ضیای شمسی زیاده جذب ایلد كله ظلمتده
لمان ایلدیكى اثبات اولمشدر و اججارجیره یعنی كرج طاشلری
جذندن و غره تعبیر اولنان اججار رملیه دن بعضیلری دخی
برجسم خشین اوزرینه دلك اولند رقدده کیفیت فوسفوریتی
حاصل ایدرلر و قوارس پارچه لری بربری اوزرینه سور یلوب بعده
صویه القا اولنسه نشر ضیاء ایلرلر

• بیان حرارت • اجسام سباله دن بریدنى حرارتدركه علم

ژئولوژیجه بونك ضیادن زیاده لزوم واهمیتی وارد ز معنای لغویسی
 بر جسم محرقك ا-ضای لمسیه اوزرینه-ه اولان تأثیری یعنی
 آتش-ه تقرب ایتدیگمزدده و یا خود شمس-ه قاشو طورد یغمزده
 حس اولان-ان کیفیتدر و نار اجسام-ه تأثیر ایدوب انلرده تغیرات
 عدیده حاصل ایدر مثلاً بعضی-نی کاملاً احراق و بعضی-نی درجه
 الحرارة ایصال و بعضی-نی حالت مایعیه و یا خود غازیته-ه تحویل
 ایلر و آثار عدیده مزبوره اجسام ساخنه ده کائن بر قوتدن نشأت
 ایدوب قوت مذکورده دخی حس اولان-ان اثرک غیر ی اولمغین
 علت ایله معلول تمیز اولمق ایچ-ون مؤثره قالور یق یعنی نارطبیعی
 و اثره دخی حرارت آتشییه اولمشدر

نار ایله ضیایینده اکثر یا جهت وحدت و مقارنت واریسه ده
 غیر متجانسدر لروهر ضیای و علو حرارتی انتاج ایتز یعنی بر جسمك
 ضیاسی زیاده اولدقجه حرارت محسوسه سی اولمق لازم کلر
 قرده شهود اولدیغی کی بعض ضیایا حرارتدن عاری اوله یی-لمور
 ته که ضیادن عاری حرارت شدید و واقع اولور شو یلاکه
 صور دروننده ذربان ایاش اولان قورشون علو و ضیادن عاری
 اولوب حالبوکه قلا ی و کر کرد و مواد سائر بی اذابه یه و شمع
 علی احراق و ایقاده و تغل و تبخیر کافی حرارتی بولندیغی
 تجربه ایله اثبات اولور و قینار صودن و تبیل الاحرار شد تلوجه
 قزیش تیوردن و بونلره مثلاً اجسامدن ضیای صادر اولدیغی
 هر کسك معلوم و مجربیدر

اجسامك جمله سندن یعنی اجسام صلبه و مائیه و هواییه نك

بلا استثنای کافه سنده و حتی قوه لامسه ایل برودتتری حس
اوله اندرده بیله حرارت موجود در و بو خصوص تجارب کیمویه
وسائره ایله تحقیق و اثبات اولور شویله که من القدیم معلوم
اولدیغی اوزره صلابت و خشونتده مختلف ایکی اغاج پارچه سی
سرعت و شدت ایله یکدیگره دلیک اولانه رق نار حاصل ایتدیریله بیلور
واتشک بو صورتله حصولی کافه اهل عالمک معلومی اولوب حتی قدمای
یونان اتشک بو وجهله ایجادینی زمان جاهل ایتلرنده جله الهه نرندن
هر کور نام معبوده اسناد ایتشله ایدی و بو تجربه دن بشقه بر مقدار
تیمور اکنسیسی کو کرد و صوایله قارشیدیراسه بر نوع تخیل ظهور
ابدوب حرارت ناریه پیدا ایلور و حتی کیمیت مذکوره علم
رئواوژینک بحث ایلدیکی حادثات حکیمیه ارضیه تطبیق
اولانه رق کرک حرکت ارضک و کرک حادثات و لقانیه نک سبیلری
بو مقوله تأثیرات کیمویه هزو واسناد و بو وجهله بعض مسائل
مشکله توجیه اولمش ایسه ده رأی مذکور مؤخرأ ابطال قلندی و کذلک
حاض کبریت یعنی زاج اغی صوایله قارشیدیراسه التهاب
و اشتعال ظهور ایدرو بونلردن بشقه الکتریتی و غالوانیزمه
قوتلریله غایت شدتلی حرارت حاصل ایتدیرلیدیکی معلوم و مجربدر
اصل منبع حرارت شمس اولوب حیوانات و نباتاتک حیات
ونش و ونش لازم و لابد اولان حرارت کره ارضه اندن کلور
وضیانتک دخی منبعی شمس بولادیغندن ضیایله حرارتک شی
واحده اولادیغنه ذهب اولمشیدی لیکن شمسک بر جسم
نارمض اولدیغی اعتقادی بی اساس اوله رق مشهور رصاد موسسو
هر سلاک کشف و استخراج چند نبرو جسم مذکور قابل تمکن بر عالم

اعتبار اولنوب وروداين ضيا و حرارتی بوندن صکره ذکر ایدہ جگہن
سیالات الاندقیه نك تخللندن حاصل اولدیغی ظن اولنور

ادهم

عن اعضاء مجلس والا

(بقیه سی صکره)

✽ اوروپا قطعہ سنک موقع جغرافیسی واحوال تاریخہ سنہ ✽
✽ دائر بعض معلومات مجملہ در ✽

اوروپا قطعہ سی قطعات خمس کره ارضک وسعته الک
کوچکی ایسہ مدیت و معموریت جہتیلہ برنجی درجہ ده عد
اولسور عرضی اوتوزالتی درجہ یکرمی دقیقه عرض جنوبیدن
بدأ ایلہ یتش التی درجہ الی سکر دقیقه یہ وطولی یکرمی بدی
درجہ بش دقیقه طول غربیدن بدأ ایلہ التمش درجہ طول
شرقی یہ قدر ممتد اولور (۱) شمالاً بحر محیط منجمد غرباً

(۱) هندسہ جہ ہر دائرہ نک محیطی اوج یوز التمش قسم مساوی یہ
تقسیم اولہ رق ہر قسم بر درجہ اعتبار اولندیغی مثلاً
ہر درجہ التمش دقیقه و ہر دقیقه التمش ثانیہ و ہر ثانیہ التمش
ثالثہ وقس علی ہذا اعتبار اولہ کلہ یکندن و ارض دخی
مدور اولغہ تقسیم و مساحہ سی برطاقم دائرہ لرواسطہ سیلہ
اولمق امر طبیعی بولندیغندن کره ارضک اوزرندہ مرکز
و محورندن مرورایتمک و کرہ بی ایکی قسم مساوی یہ تقسیم
ایلمک شرطیلہ برچوق دوائر عظیمہ مفروضہ در بو دائرہ لردن
کرہ نک ہم مرکزندن و ہم قطب جنوبی و شمالیسنندن یعنی
محورندن مرورای فرض اولسان دوائر کشیرہ یہ نصف النهار
دائرہ لری و کرہ نک نصفی قطب شمالی و نصف آخری قطب جنوبی
طرفہ قائماتی اوزرہ قطبین مذکورینہ مساوی بعددہ اولہ رق

بحر محیط غربی و جنوباً بحر سفید و شرقاً قاراجایی و اورال طاغیری
 و اورال نهری و بحر حرز و جبل قافقاس و قره دکز و میر مره
 دکزی و آق دکز ایله محدود اولوب بروجه تقریبی طولاً درت
 میلیون سکز یوز یتش یک و عرضاً اوچ میلیون اوچبوز

و مر کردن مرور ایدر ک کمره بی تنصیف ایدن دائره واحده
 مفروضه به خط استوا تعبیر اولنور کره ارضده واقع بر محاک
 عرضی دیمک محل مذکور ک خط استوا به اولان بعدی
 و طولی دائره نصف النهار اولان اوز اقلان دیمک اولوب خط
 استوانک طرف جنوبیسنه عرض جنوبی و جانب شمالیسنه
 عرض شمالی و نصف النهار دائره سنک طرف شرقیسنه طول شرقی
 و جانب غربیسنه طول غربی اطلاق اولنور خط استوا دائره سی
 متغیر اولوب هر بر محل و ملت ایچون بر در فقط هر ملت بشقه
 بر نصف النهار دائره سی اعتبار ایدر کخریطه لرینک حسابی
 اکا ایدر مشالدر مثلاً انکلیر لر لو ندره ده واقع قرینویم
 رصد خانه سنندن و فرانسر لر پارس رصد خانه سنندن مروری
 مفروض دائره عظیمه بی نصف النهار دائره سی اعتبار ایتشالدر
 بزم شمسیکی خریطه لرده پارس رصد خانه سنندن کچن نصف النهار
 دائره سی معتبردر و کره ارضک حساب اولنان جسامتی
 اقتضاسنجه بر درجه اعتبار اولنان محل تخمیناً یوز الی یک
 ارشون مسافه دن عبارت اولمغله سیر معتدل ایله بر ساعت
 وقتده ائی یک ارشون مسافه قطعی فرض اولندقدده هر درجه
 یکرمی بش ساعتک مسافه اولمش اولور

يکش بيك ارشون مسافه امتدادى واردر اهالى متنگنه سى
 ايک روز الی ميلیون نفوس تخمین اولنور
 علم جغرافیا جه اوروپا قطعه سى اون التی قطعه غریبه
 منقسم اولوب بونلرک دردی طرف شماله سنده ویدیسی وسطنده
 ودردی جهت جنوبیه سنده واقعدر طرف شمالیده بولسان درت
 قطعه نك برنجیسی بریتانیا اطهریکه بیوک بریتانیا وایرلانده
 جزیره لیله دیگر بعض کوچك اطهردن عبارت اوله رق جمله سى
 انکلتره دولت نك تحت تصرفنده در ایکنجیسی دانمارقه
 اوچنجیسی اسوج ونوروج، قرالغی دردنجیسی روسیه دولت نك
 اوروپاده واقع ممالکیدر وسطده بولسان یدی قطعه نك برنجیسی
 فرانسه ایمپراطورلغی ایکنجیسی بلجیقا اوچنجیسی فلاندر
 دردنجیسی پروسیا قرالغی بشنجیسی اوستریا ایمپراطورلغی
 التجیسی سویجره مملکتیدر که برجه و ریت صغیره دستقله در
 یدینجیسی المانیا قطعه سیدر که متعدد قراللق و بیوک
 و کوچك دوقهلق و پرنسلیکی حاوی اوله رق حکومت متحده
 جرمانیا اطلاق اولنور جهت جنوبیه ده واقع بش قطعه نك
 برنجیسی پورتگیز ایکنجیسی اسپانیا قرالغی اوچنجیسی ایتالیا
 قطعه سیدر که ایتالیا قرالغیله اوستریا دولتی ینده بولسان وندیك
 ایالتی و بایا حکومتی حاویدر دردنجیسی دولت علیه عثمانیه نك
 اوزورپاده واقع ممالکی بشنجیسی یونانستان قطعه سیدر که
 یونان دولتیله جزایر سبعه جمهورینی حاویدر اشبوجهوریتك
 اسویجره جمهوریتی کی استقلالیت کاله سى اولوب انکلتره
 دولت نك تحت حایه سنده در اشبواون التی قطعه نك تفصیل

احوالی ایلرودہ بیان اولتی اوزره شد یلاک بو محلدہ اوروپانک
ہیئت عمومیہ سنہ دائر بعض مواد تاریخیہ نک تسطیرینہ ابتدار
اولنور

آسیا و افریقا قطعہ لری اوروپا قطعہ سنندن اول مسکون
و معمور اوله رق بوکا اہالی انلردن منشسر اولمشدر قطعہ تین
مذکور تیندہ حائر درجہ عالیہ ای مدنیت و معموریت ایچہ دولت
و ملتلموجود ایکن اوروپا قطعہ سی برطاقم اقوام وحشیہ ایلہ
مملو اولوب بورادہ الاول طریق تمدنہ سالک اوله رق علوم
وفنون ایلہ استغاله باشلیان و دولت ہیئتندہ ہر ادارہ منتظمہ
صورتندہ کیرن اسکی روملردر کہ یونانستان قطعہ سیمہ دولت
عالیہ ممالککندن قطعہ مذکورہ بہ ہمدرد بولنان یانہ وترحاله
وسلانیك طرفلرنده متمکن اوله رق کوچك کوچك متعدد
قراللق و جہور رلفہ منقسم ایدیلر بونلرک ایلا حضرت عیسی
علیہ السلامدن تقریباً ایکی یلک سنہ مقدم مصردن یونانستانہ
ہجرت ایتمن ارلان بعض طوائف تمدنہ دن اکنساب تربیہ
و مدنیت ایلد کلری رہین مرتبہ تحقیق قدر حکومت مذکورہ نک
بعضی ایلا حضرت عیسا دن ییلک طقوز یوز و بعضی
ییلک دیوز و بعضی ییلری ییلک در تیوز سنہ مقدم ملری تأسس ایدوب
بونلرک علوم ریاضیہ وفنون حکمیہ ییلک چوق خدمتلی سبقت
ایتمش والیوم اوروپا اولر علوم وفنونہ فوق العایہ ایلرولمش یکن حالا
اثرلندن استفادہ اولنان فیثاغورس و بقراط وسقراط و افلاطون
وارسطو و جالینوس و اشالی فیلسوف فرملت مر قومہ بینندہ
نظہور ایلشد

حکومات مذکورہ تک ثروت و مدد بتجہ الی زیادہ ایلرولش اولی لری
 اتہ جمهوریتہ اسپارطہ (۱) قرالغی اولوب بونلر حکومات
 صغیرہ سائرہ یہ مرجع اولق مقصدینہ مبنی دائماً یکدیگرینہ
 رقابت ایدوب بو کیفیت اکثر یا بیئرلرندہ منتج حرب وجدال اولور
 ایدی شو حال خیلی زمان ممتد اولوب شیئ انسانیتہ ناچسبان
 نیجہ حالات مکررہ سرزدہ ساخہ وقوع اولمشدر

الیوم سالانہک طرفی دیمک اولان ماقدونیہ قرالغی دکرلرینہ
 نسبت علوم و مدد بتجہ کیروده بولمغله حکومات سائرہ نزدندہ دائماً
 محقر ایکن میلا دون اوجبور اتش سنہ مقدم مذکور قرالغی
 تختہ جلوس ایتمش اولان و شهور اسکندر یونانیہک پدری
 یونانر الکیچی فایپوس غایت فطین و حیلہ کار بر حکمدار اولمغله
 ذکر اولان اتہ واسپارطہ حکومتلری بالحاربه یکدیگرینہ ایراث
 ضعیف و فتور ایلدکاری مدتجہ کندوسی مملکتی حسن اداره
 و معلم و منتظم عسکر تدارکنہ سعی و اقدام ایلدک یونانستائجہ
 کسب نفوذ و اقتدار و حکومتین مذکور تینک اتق قسز اغندن
 بالاسر تفادہ ارہ دمر بعض وسیلہ لرلہ امور لرینہ مداخلہ ایدرک
 کاه ارائہ قوہ جبریہ و کاد اعمال حیلہ و دیبہ ایلہ فہایت الامی
 کرک بونلری و کرک حکومات صغیرہ سائرہ بی حیلہ حوز تصرف
 و اطاعت، ادخال ایلدی و فاندن صکره ارغلی بیوک اسکندر

(۱) اتہ شہری الان یلر یکر، اتہ اولرب فقط اولوقت غایت
 جیم و منتظم برشهر ایدی اسپارطہ دخی مورہ نیم جزیرہ سنک
 طرف جنوبیستند، واقع کذاک غایت جیم و منتظم برشہر
 ایدیسده دکرلری خراب اولمشدر

یکرمی باشندہ سریر سلطنتہ جلوس ایدو۔ موتی الیہ صاحب شجاعت
وحریرش شان و شہرت بر حکمدار بر افتدار اولاد یغندن یدرینک وفائی
مناسبتیہ کندوسی طایع امق اسنیان بعض مملکتلری قوہ جبریه
ایلہ تکرار دائرہ انقیادہ ادخال و دیگر بعض یرلری دخی ضبط و تسخیر
ایلہ مملکتہ الحاق ایلد کدن صکرہ معاصر ی اولان دولتلرک ال
قوتلوسی اولوب یونانستان ایلہ ارہ صرہ مخارب بولن ان عجم
پادشاہانہ اعلان حرب برلہ حکمداری بولن ان مشہور داراہ
غلبہ ایدرک مدت قلیہ ظرفندہ آسیا قطعہ سندن ہندہ قدر
وافریقا قطعہ سنک معمور و مسکون اولان یرلری ضبط و تسخیر ایدوب
بر حکومت جسیہ تکیل ایادی فقط موسی الیہ صکرہ لری
مشروعات و مکلفات زیادہ سیلہ منہمک اولدیغندن مجرد بونک سوء تأثیریلہ
اوتوز ایکی باشندہ اولدیغی حالہ وفات ائیش و حیاتندہ برولی عہدہ
تعیین ائیش اولغہ قبضہ تصرفندہ کچمش اولان اوقدر
ممالک وسیعہ بولن ان امرای صکرہ یلہ نک ایلر و کلنلری میانہ سندنہ
تقسیم اولنہ رق طوائف مالک ظہورہ کلمشدر

میلاد حضرت عیسا دن تقریباً سیکز یوز سنہ مقدم رومالورک
برنجی قرالی ارلان رومالوس (۱) الان پاپانک پای تختی اولان روما

(۱) رومالوسک اصلی حقندہ روایات مخاند اولوب بونک حقیقت
حالی مسطور پردہ شکوک و ظنون ایسدہ ال زیادہ اعتمادہ سنا بان
اولان موسی الیہ یلانی بر آدم اولوب باشہ بر طاقم سرسری مقررہ سنی
طویلیہ رق حیدود لقلہ تعیش و روماشہری موقعندہ کمدولرینہ
ملجأ اولمق اوزرہ برقریہ انشا ایدوب اورادہ تحصن ایلہ طرافہ
صارقند یلغہ باسلامن و بودقہ لہارہ رفیق چوق بولنہ جغی درکار

شهری بنایدوب بونی متعاقب رومالورظم - ورايله بالندرج
بتون ایتالیایی فتح و تسخیر ایت کدن و فرانسه واسپانیا
قطعه لرینی پیوک بریتانیا اطه لرینی والامانیانک برازمحانی
ویونانستان خلاصه همانبتون اوروپایی قبضه تصرفه الدقدن بشقه
آسیا و آفریقا قطع لرندن دخی خیل برلر ضبط واسپانیا ایلمدیله

رومادولتی حین تشکیلدن ایکی یوز قرق درت سنه
مروریته یعنی میلاددن بشیوز سیکز سنه اوله کلنجیه دکن
قرالمق صورتیله اداره اولوب تاریخ مذکورده جمهوریه
تحول و بودخی تقریباً درتیوز سکسان سنه متمد اولوب میلاددن
یکرمی سیکز سنه مقدم مشهور اغسطوسک زماننده ایمپراطورلغه
تبدیل ایتدی میلادک اوچیرزاوتوزنجی سنه سی جالموس ایدن
ایمپراطور قسطنطین زماننده اووقته کلنجیه دکن بیراندیوس اسمیه
حسبی برکوچک قصبه اولرب الیوم متوع مغنیمین دولت علیه عثمانیه نک
پای تختی بولسان استانبول شهری مقر سلطنت اتخاذاولنه رق ایمپراطورلر
بوراده اقامتله رومایه طرفلرندن بر حکمدار نصب اولنوردی اشبو
حکمدارلر مؤخرأ استقلالیت سودا سنه دوشه رک
نهایت الامر رومادولتی ممالکی شرق و غرب ایمپراطورلقلری عنوانیه
ایکی حکومت مستقلیه تقسیم اولوب حکومت شرقیه ایچرن استانبول
و حکومت غربیه ایچرن روماشوری پای تخت اتخاذاواندی رومالورک
مدنیت و قوتجه درجه کماله وصوللری جمهوریت زماننده در صکره لری

ارلغه رفتد رفقاسی چونالدیغندن قریه مذکورہ یی توسیع
ایدرک بر قصبه و مؤخرأ بر شهر حکمند قویوب شهر مذکورہ حکمدار
اوله رق قرالمق نانی حائز و اشدر

مایہ ثروت و اقتصاداری اولان اخلاق و عادات مایہ لرینہ رفتہ رفتہ فساد طاری اولہ رق سفاهت و انحطاط میل ایتد کارندن دواتلری انحطاطہ یوز طو توب شو حالاری نہایت الامر انقراضلری استلزام ایلمش و کرد ارضک اولوقت مکشوف و معلوم اولان برلرینک همان کافہ سندنہ نافذ الحکم بردوات قوی الشکیہ ایکن بالآخرہ کلیہ محو و مضمحل اولمش۔ لردر

بالادہ ذکر اولندیغی اوزردہ اوروپانت اکثر محلی رومالورک تحت ضبطندہ اولوب فقط الامانیادہ واقع رین نہرینک اوتہ طرفلرندہ اکثر یسی آسیا طرفندن کلہ تاتار جنسندن بولنان خیمہ نشین برطاقم اقوام و حشہ ممتکن اولہ رق رومالورک انحطاطہ یوز طو تدلرینی حس ایتد کلری وقتد نبرو اردصرہ فرصت بولدقجہ رومایالتلرینہ تجاوز ایلہ غصب و غارتہ جسات ایدرلر و بوجہ تہ دائمی رومایمپراطورایلہ محاربه و مقاتلہ دہ بولنورلرایدی میلادک بشیوزنجی سندنہ سندنہ اقوام و حشہ مذکورہ دن غنوت طائفہ سندنک اسنیلاسیلہ روماحکومت غریبہ سی منقرض اولوب (۲) اوروپا قطعہ سندن آتار علم و مدنیت رومالورلہ برابر محو و اولمش

(۲) اوروپا مؤرخلری علم تاریخی اوج قسمہ تقسیم ایلہ خلقت دنیادن روماحکومت غریبہ سندنک انقراضی زمانہ دکن مضبوط کتب تواریخ اولان وقوعاتہ تاریخ متقدمین و اولرقتدن استانبواک فتح اولندیغی زمانہ دکن نکاشتنہ صحائف روز کار اولان روایات و اخبار و تاریخ متوسطین و بوندن صکرہ سرزده ساحہ ظہور اولان احوال عمومیہ تاریخ متأخرین اطلاق ایدرلر

وقطعه مذکوره اقوام وحشیه مختلفه ایله مالا مال اوله رق خیالی
 وقت برفتت عظیمه ایچنده قالمشدر قطعه مذکوره بی اسنیلایدن
 اقوام مذکوره مال متعدده رقبائن کثیره یه منقسم اوله رق حقیقت
 حالاری بروجه سخت معلوم اولمیوب فقط بونلرک الک مشهوری
 غوت ووزیغوت وفرانق ولومبار وآوار و ساقسون وآنکل اسملریله
 مسی ایلیلر بونلرکیدرک اولدقجه کسب مدینت ایدوب اسپانیول
 ملتک اصلی اولان ویزیغوت قومی اسپانیاده و فرانسزلرک اصلی
 اولان فرانق ملتی فرانسه ده ولومبارلر ایتالیاده آنکل و ساقسون قوملری
 المانیا نیک طرف شمالیسنده و آوار قومی جهت جنوبیه سنده
 برحکومت تشکیل ایلیلر ایشبو آوار قومنک تحت تصرفنده
 بولن ان قطعه ده مؤخرأ اوستریا دولتی تشکیل ایتشدر و برارالق
 المانیا نیک شمال طرفنده ممکن آنکل و ساقسون قوملرندن قبائل
 متعدده بیوک بریتانیا اطدرینه کچوب اوراده اوج حکومت مستغله
 تشکیل ایلیلر مؤخرأ بو حکومتلر بر اشوب شمیدیکی انکلتره دولتی وجوده
 کلمشدر میلادک سکنچی قرنی اواخرنده ظهور ایتش اولان فرانسه
 قرانی مشهور شارلمان اوروپا نیک خیالی برلرینی ضبط و تسخیر ایله
 حکومت مشروحه نیک اکثریسی حوزده تصرفند آلمش ایسنده
 اش بو حکومت جدید جسمه مدت مدیده پایدار اوله دیوب یوزسنده
 مرور ایتنن اول اقسام تعدده یه منقسم اوله رق انقاضندن اصل
 فرانسه دینیه المانیا و ایتالیاده و محال سائر ده متعدد دوات
 و حکومتلر شکل ایتشدر

(قدری)

(بقیه سی صکره)

✽ انعامی قوانم نقدیه ✽

اكر خزينه جليله جء و كرك معاملات ناسجه انواع محاذير ايقاعنى
استلزام ايده جك در جديده كلمش اولان اوراق نقديه نك تداولدن
انمسي طوغريسي سلطنت سنيده حقننده برهبدأ فيض وسعادت
عد اولمغه شاين بروقعه مهمه متينه اولمغله كافه صنوف تبعه
شاهانه ايله برابر بزديخي و جيبه شكر كذارى و محمدتى ايفسا و ترايد
عمرو شوكت حضرت پادشاهى دعايله دودست تضرع و نيازى
برداشته بارگاه جناب كبريا ايليكه مسارعت ايدرز

اوراق مذكوره ابتدا تسهيل معاملات نيت خيريه سبيله
چيتارلديغى حالده اسباب و علل متنوعه به مبنى حد اعتدالى
تجماوز ايلمكدن ناشى نكس قضيه يى منتج اولديغى اكلاشامسى
اوزرينده مدت تداولى اولان يكرمى اوچ سنده ظرفنده طرف سلطنت
سنيده دن برقاچ دفعه رفع وازالهمى وساثلنه تشبث بيورلمش ايسه ده
هر وقت بر در او مانع و حائل ظم و ريله موفق ارنه ديور باخصوص
مقدمه حسب المضايقه مقدارينك تكثيرى جهتيه قالديرلمسى
درجه استخاله به كورنديكى حالده مجرد ذات معالسمات حضرت
پادشاهينك اثر موفقيت جليله لرى اولمق اوزره جءاً ثم جدا
شوا مرهم مرآت حصوله جلوه نما اولمش در

استوعقده پراش كال حلامس در آراى صدارت عظمى فخرامتلو
دولتو محمد ذؤاد پاشا حضرت تلمرينك ناخر تدبير دها مشناسيلريله
رهين انكلال ارمش و طوغريسي مشارالیه حضرت تلمرى مسلك

مخصوصی اولان امور بولیتقیه جه اهلیت و مهارت مسلم لرندن
 بشقه مقدمایونانستان حدودنده و مؤخرأ برالشاهد صفت
 عسکریه یه چسبان مآثر شجاعت و جسات ابراز ایلدیکی مثلاً
 بو وسیله ایله دخی امور مایه جه کمال قدرت و کار دانیلرینی انظار عامه
 مواجهه سنده اثبات ایتن اولغاله بو مثلاً و مستجمع محاسن عدیده
 اولان ذات نادره الصفاتک دخی مساعی جیهله سنی تقدیر ایله
 سایه معالیوایه حضرت پادشاهیده مظهر حسن جزا بیوریله رق
 ساطنت منیه بهدها و مثلاً و نیجه نیجه خدمات جیهله یه حسن موفقیتلرینی
 الطاف الهیه دن استدعا ایدرز

اوراق تقدیه نک سبب و تاریخ ظهورینه و صورت انقلاب و انتشارینه
 کسب اطلاع فائده دن خای اولیه جغدن بو بابده تحقیقات ممکنه مزک
 بوجه اتی ذکر و بیانیه مبادرت قلندی

دور سابق ابتدا سنده تمأوض و تأسیس بیوریلان تنظیمات خیریه
 امور مالیه دولت علیه دینی بشقه بر اصوله تحویل ایلدیکنندن
 شو انقلاب اثناسنده دفع مضایقه یه مدار اولق و ایالات والویه
 طرح و تخصیص قلنان و برکونک تحصیله قدر تداول ایدوب بعده
 قالدیرلق اوزره نهایت درجه سی بشیوز غروشه قدر سکرر
 سنده لکنه اوله رق درت ییل کبسه فائض و اوتوز ایکی ییک
 کبسه معجله لوسهم قوانمی ترتیب اولمش واشبو قوانم سرکی
 شکلنده ال یاز وسیله محرر ارلوب کرک درسه عادتده و کرک ممالک
 محروسه شاهانه نک سائر طرفلرنده نقد مقامنده تداول ایلمکه
 تخصیص قلمشیدی

بعده يك ايكوزاللى التى رجبى اواسطنده ذكر اولانان درت بيك
 كېسه فائض او اوتوزايكى بيك كېسه لك قوائمك اوزرينه
 اوتوزسكنيك كېسه لك اوراق ضم وعلاوه ايله مجموعتك رأس المالى
 سكرسان بيك وفائضى اون بيك كېسه يه ابلاغ واشبو
 ايكنجى ترتيب قوائمى ينده اسكى هيئتده اولوب فقط نقل ومحافظه سنده
 سهولت اولمق اوزره قطعه سى تصنيرو عبارت مختصره ايله تحرير
 قلندى بونلرالى و يوزاللى وايكوزاللى غروشلق اولمق اوزره
 اوج نوع اولوب بالاسى طغراى غراى حضرت پادشاهى ايله
 مزين وزيرى مالىه ناظرينه ك كندومهرى وظهرى نظارت جليله
 امور مالىه مهرى ايله مهور ايدى ووقت تقاسيمى حلو لنده
 برات ايدى رملقمزين فائضى تمام خزينه جليله دن اعطا ايله ظهريه
 اشارت قلنور ايدى

وينه سنه مذكوره شعبانى اواخرنده الى و يوز وايكى يوز الى
 و بشيورزويك غروش معجله لو بش جنس اوراق ترتيب اولوب
 حيله و تقليد قبول ايتامك اوزره واردات محاسبه سندن كشيده
 اولانان صحتك يرينه هر برنوعنك فائضى و معجله سنى مابين مهر لر
 ايله مهور لوب مقدمكى قائمه لرد خى خزينه يه ككلمد كجه فائضى
 و معجله سى مذكوره مهر لره مطابق اولنلرى تمهير واشبو انواع
 خسه دن فائضى و معجله سى زياده اولان اوراق تبديل قلنور
 ايدى

ال يازوسى ايله محرر اشبو قائمه لك بالاسهرله تقليد قبول ايتديكى
 اكلا شلمسى اوزرينه سنه مذكوره ذى الحجه سى اوانلنده دفعاً
 للفساد بصمد اوله رق تنظيم وعتيقى طبيعتيله خزينه يه ككلمد كجه

تبدیل اولی سینه و برده بر منوال محرر اول وقتیه قدر قوائم نقدیه
ایالاته دخی تداول ایله دیکی حالده اورازده صحیح و ساخته سنک
فرق و تمیزنده عسرت چکیاوب بونک دوامی اهالی حقنده
موجب خسار اولور مطالعه سینه مبنی اوج ماه مدتله ایالاته
تداولدن قالدیرلسینه قرار ویرایش وارالوجیهله اقتضاسی اجرا
قلمشدر

تدابیر مذکوره نك اتخاندن یکرئی ای قدر مرور ایتدیکی حالده
ال یازوسی اولان قوائم عتیقه کاملاً تداولدن قالدیرلسینه
بونک اولوجیهله خزیننه په طبیعیهله ورودی طریقیهله
ارقه سنک النسی پک چوق وقتیه متوقف اوله جغی اکلاشیش
اولمغله الی سکر سنکسی شعبانی غره سندن اعتباراً اوج ماه مدت
تعیینیه ال یازوسیله اولاندردن باقی قالدیر قوائم مطبوعیه تبدیلی
قلمشدر

بومقوله اوراق نقدیه نك اره صوره رسم و هیئت نك ویل و تجدید
اولمغجه ساخته کارل طرفندن تقلیدینه چاره بولنده جغندن
برطرز نوین اوزره طبع اولنوب بیک ایکوزالتش سنکسی تموزندن
بدأ اولانه رق اوراق عتیقه ایله تبدیل قلمشدر

کذاک الشمس اوج سنکده تقلیددن محافظه اوراق نقدیه نك شکل و هیئت
تبدیل و بعض مرتبه دهاته تنظیم و اصلاح قلمشدر فقط بودفعه
ایکوزاللی غروشلقدن صرف نظرله بشیوزویک و بشبیک
واونیک غروشلقدن عبارت اولمق اوزره ترتیب و سنک مذکوره
حزیرانی ابتداسندن اعتباراً اوراق عتیقه ایله تبدیلند مبا درت
قلمشدر

التمش بش سنه سی صفرنده دیگر بر رسم جدید اتخا ذ اولتمش
ورده اوراق قدیمه نك اونر و بشربك غروشاغی اولوب بونك دخی
اخذوا عطاده بعض مرتبه مشكلا تی موجب اولدیغی حس اولمغله
اشبوا یکی نوعدن صرف نظرله یالکزاللی غروشدن
بك غروشاغله قدر قوانم چیقارلمشدر

اشبوفائضلی اوراق نقدیه ابتدای ظهورنده چونکه ممالک محروسه
اهالیسی اولوقته قدر کاغذ اقمچه کورماش اولدقلری جهتله
اعتبار اولمیه رق یوزده اوتوز قرق قدر نقصانته تداول اتمش ایسه ده
خزان شاهانه ده عینی نقد اقمچه کی قبول اولمسی وسنوی
ایک تقسیمه اعطاسی مشروط اولان یوزده الی فائضی دخی
اوقات معینه سنه ده تماماً بأدی قلمسی عامه یه امنیت بخش اولدیغندن
چوق کچمکسزین قوانم دفع کره خیالی اعتبار بوله رق مسکوکات
معینه ایله باشه باش النوب ویرلمکه باشلمشدر

سلطنت سنیه نك اول اشاده بعض مصارفات فوق العاده سی
وقوعنده بنی التمش یلدی سنه سی ربیع الاولنده فائضه سز یکرملک
ومتعاقباً اوللق قائم چیقارلمش و چوق کچمکسزین بونلرک ایچنده
خیلیجه ساخته ظهور ایلدیکندن الی ماهده بر کره خزینه ده معاینه
و تهرینه و برسنه هرورنده دخی شکل و رسملری تبدیلنه قرار
ویرلرک التمش سکر سنه سی رجبک یکر می ایکی سنه کیفیت اعلان
قلمشدر

برقه دار کاغذ و مرکب صرفیله مبالغ جسمیه استحصالی خزینه ده
اهل وسائل ثروت کورینه رک بالاخره بویاده سوء استعمال احتمالی
نزد اریلای امورده مستور اولدیغندن بونك قبل الوقوع استحصال

اسباب اندفاعی بقصد یله التمش سکر سنه سی جمادی الاول سنه
 اوراق نقدیه نک تداویدن التمشی ضمیمه بالجماله ماهورین و تبعه دن
 اعانه عومیه نامیه اوچیوزیک کبسه ایقد طویلا تمسنه و بوندن
 هرما تمقدار مبالغ تجمع ایدرایسه اولقدر کاغذک الفا و احاسنه
 قرار ویریش و حتی التمش سکر سنه سی شعبانک یکر می طقوزنده
 ضربخانه عامر ده جنتکان سلطان عبدالجید خان حضر تریله
 و کلاهی عظام حاذیر اولدق لری حالده اوتوز اوچ بیک کبسه دک
 فاضلی اوراق نقدیه احراق قلمشدر

اعانه مذکوره همان کاملاً تحصیل قلمش ایسه ده اول اشاده
 ظهور ایدن امور ضروریه سائر دیه صرف اولدق اوراق نقدیه نک تماماً
 قالدیرلر سنه موفق اوانه مامش و بشقه برتدیر انخا ذی تصور اولندیغی
 صره ده التمش طقوز سنه سی رجبده بعض معتبران تجار و صرافان دن
 مرکب اولمق اوزره در سه عادتده بانقه عثانی نایله بر قومپانیه تشکل ایدرک
 کرک مسکوکات معشوشه نک و کرک تداویده یونان فاضلی و فائض سر
 اوراق نقدیه نک اوز بش سنه ظرفنده رفع وازاله سی شرائط مناسبه ایله
 تعهد التمش ایسه ده متماقبار و سید محاربه سنک ظهوری مناسبتیه
 بودخی نتیجه سز قالمشدر

سلطنت سنید او اوجهله رفع وازاله سی اخص امان اولان قوائیم نقدیه نک
 تداویدن التمش نه دسترس اوله مدقدن بشقه محاربه مذکوره
 مناسبتیه دوچار اولدیغی مصارف کایه دن ناشی اودی هما یونلره
 مخصوص اولمق اوزره بر خیالی فائض سر یکره بشر و اوزر غرو شلق
 اوراق نقدیه طبع و صرفند مجبور اولمش و بعد المصاحه اوراق مذکوره

ویرکویه محسوباً ایالات مال صندوقلرینه قبل اولنهرق ازوقت ظرفنده
ازاله قلمشدر

یتیمش درت سندسی شعباننده فائضلی قائم لک اسهام جدیدیه
تبدیل وفائضسز لک دخی مقابلهنده مسکوکات و یاخود کذلک
اسهام جدیدیه ویریلرک ایکی سنه ظرفنده الغاسی خصوصنه
قرار ویرلش و بومقصدک حصواچون یتیمش بش سنه سی محرمنده
اولوقت امور خارجیه نظارتی و حالاً صدارت عظمی مقام جلیله
شرفبخشاً فحامتلو دولتلو فواد پاشا حضرتلری معرفتیه
لوندردده (دند بالمر) قومپانیه سندن بش میلیون لیرا استقراض
قلمشدر

فقط اشبواستقراض اقچدسک حین ورودنده فائضلی وفائضسز
عموما قوائم نقدیه نک فالدرلمسنه تخصیص اولنوب سائف الذکر
اسهام جدیدیه خزینة جلیله دیونی مقابلهنده اعطای اوامین
و بوجهتله مبلغ مذکور اوراق نقدیه نک جمله سنه کفایت ایتیمدیکندن
اشبونقصانک الکالی نمند یتیمش بش سنه سی شعباننده بش سنه مدته
بر مقدار اسهام ممتازه چیه قارلمسنه قرا ویرلشدر

اول انشاره جمعاً تداولده بولنان بر میلیون ایکویز او توز سکزیه نک
کسک لک اوراق نقدیه دن برمایون سکسان سکزیه نک کسک لکی
قاندیریلر ق میدانده یالکزیوز الی بیک کسک لک قائمه قالمش
و بونک در سعادت سککنه سندن اعانه صورتیه تحصیل اولنمسی
متصور اولدیغی حالده یالکرا یتیمش بیک تحصیل اولنه یتیمسی اوزرینه
تصورری خزینة جلیله دن بش قد صورتله تسویه اولنهرق

يتمش التي مارتى غايته قدر كافه قوائم نقديه نك تداوادن چكاسنه
قرار ویرمشد

فقط بودفعه دخی بر مانع قوی ظهور ایدرك تداواده قلان قصه دور
یوز الی بیک کپسه لك اوراق نقديه نك قارش ولخی اولان مبالغ
شام مسئله مکرده سند صرف اولدیندن مبلغ مذکورک برسندها
قالمسنه قرار ویرمشیدی

بوندن صکره سلطنت سته هر درلو فداکارلق اختیار یله هم
شومقصدده ظفر یاب اولمق و همده دیون غیر منتظمه سنی تسویه
ایلك اوزره پارسده میرس قومپایه سندن فاحش فیئات ايله
مقدار وافی افجه استقراضده تثبیت ایتش و بودخی قود قریبده
کله رك حتی بر مقدار جزئیسی خزینه یه ورود ایلش اولدیغی
حالده هر نصله صورت پذیر حصول اوله مدیغندن بودفعه دخی
نیل مرام اوله مامشد

بونك اوزرینه دولت علیه ارتق در عقب قائمه نك رفع و انحاسندن
قطع امید ایدرك او و تته قدر در سعادت مخصوص اولان شوفنا لك
مملك محروسده تعیم ايله مضرتك تخنیتی مناسب مصالحه
ایلش وجده و بمن ایالت لرندن ماعدا ممالك شاهانه نك هر طرفنده
تداول ایلك و الجمه خزان و مال صندوقلرینه قبول اولمق اوزره ایکی
میلیون بشیوز بیک کپسه لك فائض سن نو عمر ولی اوراق نقديه
چیقارلمسند و بونك بشیوز بیک کپسه لکی اوروپا اوزرینه
قابیه وی طرتمق ایچون نقود خالصه اوله رق وضع اولنه جق
یدی یوز الی بیک کپسه سرمایه دن بشیوز بیک کپسه سنك تدارکنه
وایکی میلیون کپسه لکی میدانده بولسان اوراق نقديه نك تبدیلا

قالدیرلمسیله برابر قصوری خزینده نك دیون غیر منتظمه سی
 نسویه سنه مخصوص اولمسی و مذکور ایکی میلیون
 بشیوز بیکدن بشقه تسویه طرق وسائرہ کی اصلاحات
 ملکہیہ صرف اولمق اوزره بش سنه ظرفندہ ایکی میلیون
 کبسه لك قوائم چیفارلمسی و فسخ اولان مذکور
 پارس استقراضنه قارشولق کوسستلمش اولان بمالغک سنوی
 یوزاللی یک کبسه سی اشبو قوائم جدیدہ نك
 بالادریج تأدیہ سنه تخصیص قیلہ رق اون سکر سنه ظرفندہ
 کاملاً محو و الغا قلمسی خصوصاً لرینہ یتشیدی سنه سی رمضان
 اراخرندہ قرار و برلشدر
 (بقیه سی صکره)
 (منیف)

عینتاب خاندان و اصحاب عرفانندن اولوب شو و گرنلر ده لمصلحه
در سعادتده بوانان حصیر جی زاده حافظ محمد اغا حضرت تهرینه ک
الغای قوائم نقدیه به دأر تشکر اوتیما بالبداهه انشاد ایلدیکی
تاریخدر

حضرت عبد العزیز خانک خدا
دولتن اینسون جهانده دائمه

امری نسخ ایتدی قوائم نسخده سن
خلقک ایتشکن عقولن هائمه

صرف همت قیلدی صدر اعظمی
باقری هیچ بونده لوم لائمه

خیر خوا همان ایستمز ایقظانی
بریوک فتنه ایدی اولدی نائمه

ملکه تاریخمهله تبشیر ایلرم
اورته لقدن قالقدی نام قائمه

(۱۲۷۹)



نیمروز قون سر ماه عربی نهایشده و پیتا دیور

و سعادت ایچون باسی

غرون	
70	برسنه لك
۳۵	التي ايلق
-6	نسخه

رسیدانکه و با خود الی افند شتری اولاق اسنادی کی حالدیه باشده فوسنه
ترجمان احوال طبعیت معراج مت اولته
الایمه شتری اولاق اسنادی فیمت مذکوره اوزر به سافدنک فریات
و بعدیت با قلوب به لاق ایچون الی والی انا ایچون اوج قروس بوسته
برقی ضمیمه ایچو ضعی بوسته تودیه اجیت علیه عثمانیه ریاستی طرفه
آوند در کاری حالدیه اوقات معینه سلسله محله ایصال اولتور

مستغرق ساداتیان محلل

صحافله که فخداسی حاللی حاجی حسین افندی

جرم مقام

لک الوعاده انالی چار شوده صحاف کولر

رجاز احوال طابع باسی

مکدانه از محبی عثمان افندی

سازمان یاز دده کاغذ جی حافظه

بکطاشده اجرات ورجین

مصل افندی

نیمروز قدر دربی مر او انان او سبیه مذکور ترجمان احوال

سطر سده ارسال دیور

مجموعه فنون

۱۲

جمعیت علمی عثمانیه

ربیع الآخر

نومرو ۴

اسپانیل

مطبعة ترجمان احوالده طبع اولنمشد

۱۳۷۹

مولودین

حامد به تشکر نامہ
 مدخل عالم ژنلوری
 تاریخ قدمای مصرین
 اورو پاقت مدسی جغرافیا و تاریخ
 الغای قوائم نقدید
 مواد حکمیہ تملاق
 منیف افندی
 ادھم پاشا
 محمد جیل پاشا و خلیل بک
 قدری بک
 منیف افندی
 کامل پاشا

جمعیت مہربانہ ممہور اولیان مجموعہ فنون نسخہ لرینہ ساختہ نظریہ
 باقبلہرق طابع و یا بعلری مشمول طوتیہ جقدر



مجموعه فنونك مظهر اولديغى حسن قبولدن طولاي
عامديه تشكر

مجموعه فنونك شمدياك دركار اولان نقص وقصوري نى اعتراف
ايله برابر خير خواهان مملكت طرفندن تلقى بالقبول بيورلسى
اميد واثقده اولديغى تايلىك نومروس سنده تيمير ايلشيدك
اشته هنوز برقاج نومروسى چيقر چيقر جمله طرفندن علام
حسن قبول ساحه پيراي حصول اولديغندن شوا املزده
حائب اولديغى اليوم كمال ممنونيت ومباهات ايله بيان ولوازم
شكرانيت ومحمدتى زيور زبان اخلاصنشان ايدرز واشبو تخم
تسويق وتلظيكم برارض قفراى كفرانه دوشمامش اولديغى اثباته
مقدر اولق ايچون وسائط مقتضيه به دسترس اولمامزى درگاه
قاضى الحاجاتدن تمنى ونياز ايلرز

اولوجهيه مشهور چشم مباهاتمز اولان اثار حسن قوله بزدخى
الدين كلديكى مرتبه متابله ده تجويز قصور ايتمه رك مجموعه
اسلاحات لازمهك اجراسنه شمديدن ابتدار اولانوب مشلا
بالكر اوتوزايكى صحيحه دن عبارت اولسى مصمم وموعود اولديغى

حاله شمدی به قدر حیقار یلان نومر و لایلا قرق صحیفه دن مرکب
 اولوب عنه تعالی بعد مادی بو قدر اولسنه و بلکه ده اارتولسنه
 غیرت اولنه جغی 'مثالو کرک طبعاتی و کرک کاغذی اصلاح قلمشدر
 ده ها بو مقوله نقصانلرینک اکالیله برابر یازیلان مواد علمیه نک
 کرکی کبی تفهیمه مدار اولق اوزره بعضی جغرافیه و سائر
 خریطه لر یله شکیل و وضعی دخی اخص آما لزان اولوب فقط بو نک
 اجرایی خلیجه مصرفه متوقف اولدیغدن بجه تعالی ایلروده
 سرمایه من مساعدا اولدیغی حالده شو مقصد مهمک حصوله دخی
 اهتمام قلنه جقدر

امور دینی و بولیتیه مباحثدن اجتناب اولنمی جمعیت مرک
 اصول موضوعه سی اقتضاسندن اولدیغی جهته شمدی به قدر
 مجموعه یازیلان مواد فنون و ادبیاته منحصر بولنش ایسده
 اورویانک بو مقوله مطبوعات علمیه سنده دخی معتاد اولدیغی
 وجهله فوائدینک تکثیری غرضیه نقایات احوال عالمه دائر
 حوادث و اخبارک دخی خلاصه درجی تنسب اولنش و مطالعات
 و محاکمانه کر یسیدرک مجرد اومقوله وقوعانک کاهی نقل و بیانی
 تاریخ قیلندن اولوب اصول متخذه مزه مخالف دوشمیه جکی
 مجرور بولنش اولغله بودفته طرف سلطنت سنیه دن سزاوار
 بیور یلان مساعده مکار معادیه منی بوندن بویه کرک خارجاً
 و کرک داخل بر ماء ظرفنده سر زده ظهور اولان وقوعات مهمه
 بولیتیه نک دخی خلاصه صورتیه درج و تحریرینه ابتدار
 قلنه جقدر اشته بو تقدیرده دائماً غزته مطالعه سیله حوادث
 کونییه نک محول ایلدیکی حالاته یوماً و یوماً کسب اطلاع ایلکه

کثرت مشغولیت و یا خود عدم رغبتی مانع اولان ذوات اول ماه
ظرفنده مسائل یو لینیقه دن نه مقوله مواد وقوع بولاش ایسه
صبق حیقان غزیه لك اكثريا مظهر اولدقلری شوائب
اختلاف و اشتباهدن بری اوله جق صورتده خلاصه سنی
مجموعه فنونده بولهرق زمان حال احوالنه دخی بالسهروله تحصیل
وقوف ایده جکی درکاردر

برخانهده شیعه عدمدن بر طفل جلوه کر مهد شهود اولد قدده
اول خانه خلقانی مشغول نظر شفقت و حسن محافظه و نشو
و نمایی اسبابك تهیه سنه مسارعت ایلکی مقتضای شیعه
مروت و انسانیت عدایدرلر اشبو اثرنا چیزانه مز دخی اولد بر طفل
نوزاد مشابه سنده اوله رق بقا و تقویت قوای انبای و طنك هم
پدرانه و مساعدات مشفقانه لرینه محتاج اولوب با خصوص بوزك
ناصیه حالنده آثار استعداد خداداد نمایان و برکون اولور که مقابله
ایفای خدمت برزده دامان اوله بیلگی امر عیان اولدیغندن
برقاده ها تلطف و نوازشه مستحق و شایاندر دینه بی اور

مقدمه بکر شده بزم مجموعه کی بر فنون غزیه سی نشرینه ابدار
اولد قدده اوراده غالباً کالای کرانیه های علم و معرفتک رواجی اولدیغی
جهتله اشبو طفل معصوم مساعدات مشر و حد دن محروم
قالدیغندن هنوز شیرین حیاتدن لذت المقسزین کادیکی
سمت عدم رجعت الیش و موجودی اولان ذات مرثیه خوان حزن
و تأسف اولد قدن صکره موجود نسخدرینی مجمع ناس اولان بر میدانده
کاملاً احراق و کانی اورایه دفن ایله اوزرینه فلان سنه وفات ایدن
علمك مز ایدر عبارت سنی شامل بر طاش دخی دیکمش ایدی له الحمد و المنة

سايه فيضوايه حضرت پادشاهيده از وقت ظرفنده بزم مظهر
اولاد يغمز بونجد تسهيلات وتسويقات مجموعه عا جزانه مزك اويله
اجل عاجل دن مصون اوله رق الى ماشاه رهين دوام واسقرار
اولسي حقه اقواي تأميناتدر

مجرد جمعيت عاجزانه مزه براعانه فتوتكارانه اولق اوزره بعض
ذوات كرام متعدد نسخديه مشتري يازيله رق اليوم مشتريلر يمزك
مقداري اوچبوزه بالغ اولاش ايسده بده تعالى عهد قريبه تزايد
ايدرك حاصلاتي مصارفاته مقابل اولسني مأمول ايدر ز وارداتدن
فضله برشي تالديغي تقديرده بوجه محرر خريظه ورسم علاوه سايه
نفس مجموعه ذك اصلاح وتزيينه وياخود نشر معارف يولنده ديكر
برامر خيره صرف اولنه جغي مقرر در

اولوجه ماشاه مجموعه فنيه مشتري يازيله رق مقاصد خيره مزك
ترويجي حقه دريغ لطف وعروت بيور ماش اولان ذواتك
هم وطن پرور يارندن طولاني بيان تشكر ضمنده على الانفراد
اسمليزك ذيل مجموعه يه درج وتحريرينه ابتدار قلندي

(منيف)

(مدخل علم ژئولوژی) (تابع)

درجهٔ حرارتی غیر مساوی اولان جسملر بر مدت برابر بولنسه لر
 حرارتلرینی تعدیل و تسویه ایلرلر یعنی حرارتلری زیاده اولان
 جسملر حرارتلری آز اولانلره بر مقدار اعطا ایدوب جمله سنده
 مساوات اوزره حرارت حاصل اولور مثلاً حار اولان صاع الیه بارد
 اولان حصول ال تماس ایلسه صاع ال حصول الی ایکسی درجهٔ
 مساوییه واصل اولنجیده کین تسخین ایدر و برکسندک مثلاً
 صاع الی غایت ایصنمش وصول الی غایت صغومش اریلوب
 ایکسی برصویه وضع ایلسه اولکسندک صاع الیک صودن زیاده
 بارد اولدیغنی حس ایدرک انده بولان حرارتک بر مقدار صویه
 وصول الیک صیجاق اولدیغنی حس ایدرک صویک بر مقدار
 حرارتی وصول الیه انتقال ایدر بوقدیرجه حرارت و برودت امور
 اضافیه دن و حرارت و برودت حقنده حواسک حکمی غلط
 و خطادن عبارت اولمش اولور و بر جسمک تبردی حرارتی جوانب
 اربعه سنده نشر و ضایع ایلنندن عبارت ایدوکی درکار اولوب
 بولکا انتشار حرارت تسمیه اولنور و بوقیفت جمله اجسامه کوره
 درجهٔ مساواتده اولدیغنه منی اجسام ساخندک تبردلی مساوی
 زمانلرده اولدیغنی تبین ایتمش اولور

قالور بق دائماً محسوس اولدیغندن ایکی یه تقسیم قلنهرق بری
 حرارت مختفیه یعنی غیر محسوسه و دیگر حرارت محسوسه تسمیه
 اولنور مثلاً صغوق بریمور پارچه سنده حرارت محسوسه یوق
 ایسه ده حرارت مختفیه واردر زیرا اورس اوزرنده چکیج ایله ضرب

اولدوقده برايكي دقيقه ده حرارتي نظاهر و برمدت ده اضرب
اولنسه حرارت ازيد بولوب قزل رنگ حاصل اولور و حامض
آزوت يعني تيزاب ايله حامض كبريت يعني زاج ياغي قارشدير يلوب
بعده تر باندنا روغني اوزرينه دوكلسه حرارت و علودخي پيدا
اولور و ايلروده بيا ن قلنه جغني وجهله جمله غازلرده كليتلي
حرارت مختفيه اولوب بربريله قارشديرلدوقده اشتعال ايدرلر
اجسامدن بعضيلري ديكر لرندن زياده حرارت كسب ايتك
خاصه سيله متصف اولوب بعضيلري دخي اجسام سائريه
حرارتلريني ترك و اعطايه زياده مستعددر مثلا برقيه مقداري
صو براوقدر زيبق ايله مساوي درجه حرارته اولسي اشبو
زيبقك محتاج اولديغي حرارتك يكرمي مثلي حرارته موقوفدر يعني
جسمين مذكورينك حرارتي اخذ ده طبيعتلري مختلف اولوب
صو حرارتي بك صعوبتله و زيبق ايسه بك سهولتله اخذ
ايلدكلرينه مني بونلرك حرارتلريني مساوي درجه ده بولندرمي
ايچون صويه زيبقك محتاج اولديغي حرارتك يكرمي مثاني صرف ايلك
لازم كالور

بالاده ذكر اولنديغي اوزره بعض اجسام دخي ديكر لرندن زياده
ناقل الحراره در معادن مثلاً اجسام خشينه حرارتي زياده ناقل
واغاج و زوكاغد و بونلره مماثل جسملر غير ناقل و زجاج و پورسلنا
كبي سيلردخي جمله دن از ناقل اولدقلري مجرب و مسلمدر بواحوالي
مؤيد آتیده برقايچ مثال ذكر اولنور

جمله بك معلوم و مجريدر كه قزمش بر تيمور و يا خود معدني بر ديكر
جسم حار اله الله مبوب اغاجدن بر صاب و يا حرارتي ايو ناقل اوليان

بشقہ شیرایله اخذنده سهولت وارد و قیاس و یک ایچند قورشون
و منظار مساوی حجمده اوله رق وضع اولنسه ایکسی دخی اندن حرارت
اخذ ایدرلر ایسه ده منظار الهالنه یاسوب فقط قورشون زیاده
حرارتی ناقل اولدیغندن ال ایله اخذی ممکن اوله مزاشته جسمین
مذکورینک ایکسیدخی صودروننده مساوی درجه حرارت
اخذ ایتشلر ایسه ده حرارتی نقل واعطاده طبیعتلری مختلف
اولدیغندن قورشون الی احراق ایدوب منظار برضرر ایراث
ایلز

بوندن یکر می سنده اول سچایا جزیره سنده واقع اتنا نام ینارطاغاک
اوزرنده ولقاندن مفرز و مستقرغ موادک تحتیده بوزلر بولمشدر
بو کیفیت هر نقدر امور مستغربه دن کورینور ایسه ده سبی بیان
اولندقدن امور طبیعی و عادیه دن اولدیغی اکلاشیلور شویله که
ولقاندن یغور کبی برجنس رمادور مال چیق که اتالیانجه لاپالی
تسمیه اولنور ولقانک فوران واشتعالندن اول کلیتلی قار یاغوب
جبل مذکور اوری اورتیش و مواد ذائبه ولقانیه نک ظهور
وسیلانندن اقدم دخی ذکر اولنان لاپالی رمادی مستقرغ اولوب
قارک اوزرینی سترایش وبعده مواد ذائبه مذکور دخی جریان
ایدرک بونک اوزرینه کلمشدر و هر نقدر مواد ولقانیه مذاب بولمش
ایسه ده قارایله انک بیننده مذکور قوم واقع و متروش اولوب
بو ایسه ناقل حراره اولدیغندن حرارتک ثلجه و صولنه مانع
اولمشدر بناء علیه تحتیده نیچه مدت قار ذوبان ایتیه رک جبال
شاهقه ده بولنان بوزلر کبی قالمشدر

اجسامک جمله سی علی السویه ناقل الحراره اولملری کیفیتی

بعضی جواهر طاشلرینی بر بردن تفریق و خالص اولانلری ساخته
و معمولدن تمیزه مدار و واسطه اوله یلور مثلا طوپاز یعنی
زبرجد هندی و نجف طاشی ملح قاریون کلس یعنی کیرج
طاشی قرستال لریله خاصه مذکوره واسطه سیله فرق و تمیز
اولور چونکه طوپاز بونلردن زیاده صغوق اولدیغندن لمس
ایله وهاله اولیده تشخیص اولور و قیمتلر طاشلره تقلید اعمال
اولان طاشلرک اوزر لرینه نفخ اولندقدن حاصل اولان دومان
جواهر صحیحه دن زیاده مدت مکت ایدرلر

نحاس و یاخود سائر معدنن مساوی حجمده ایکی قطعه نیک
سطحلری جلا اولوب مساوی درجه حرارته تسخین اولندقدن
صکریه تبریدلر یچون بر محله وضع اولنسه ایکبسی دخی بر حجمده
و بر جنس معدنن و مساوی حرارته بولندقلرینه مبنی بر زمانده
تبرد ایله جکری بدیهیدر لکن یالکز برینک سطحی مصیقل
بولنمش اولسه سطحی مصیقل اولیان پارچه بوندن اول تبرد ایدر
و کبرلی و یاسلو و یاخود غیر مجلا اولان قابل درونلری مجلا بولسان
قابلدرن چابک صوی ایصیدیر

حرارت ایله اجسامک حجملری تزايد و پرودت ایله بالعکس تناقص
ایدر یعنی حرارت ایله طول و عرضلری زیاده لشوب مثلا برکاه
صغوق ایکن طویک اغزینه صیقشوب کفایت مقصداری حرارت
کسب ایتدیکی حالده صیقشمن اولور کیفیت مذکوره حرارت
اجسامک اجزاسنی سیرلدوب مخلخل قیلندن نشأت ایدر برودت
یعنی حرارتک ندرتی ایسه بالعکس اجسامک اجزاسنی صیقشدیروب
متکاثف قیلر لکن صویک کیفیت بوقاعدهیه مغایر اولوب انجماد

ایله دکه حجمی مقد مکّه حجمندن زیاده اولور اکا بناء کشفی
 تناقص ایدرک صویک اوزرنده یوزرو حرارت ایله دخی میاه منجمده
 ذوبان ایدوب حجماری تناقص ایدرو امطار و میاه سائرته انجمادی
 اناسنده قالورایق یعنی حرارت طبیعیته میاه مذ کوره دن ظهور
 وانتشاری برودتک وانجماد ایله حاصل اوله جق صغوغک بعض
 مرتبه تقلیل و تعدیلانه بادی اولور اشته بوسیه مبنی قارزولندن صکره
 هواده براعتدال حس اولنور

بصفتنه دکین صوایله مملو برشیده اتش اوزرینه وضع اولندقدنه
 اتشه قریب قسمی جمله دن اول حرارت ایله متأثر و منبسط
 اولدیغندن کشفی تناقص ایدرک بالایه صعود ویرینه قسم دیگری
 نزول ایلر بو صورتله قاینایه جق درجه حرارت کسب ایدنجیه قدر
 صوده بر حرکت اولوب یعنی برضوال محرر ایصنمش اولان قسم
 یو تارو حیثوب بالاده بولنان قسم کنیف اشاغی یه اینزو بو کیفیت بالکتر
 میاهد مخصوص اولوب اجسام هوا ئیه ده دخی بویله جه در مثلاً برد آورده
 بولنان صوبه و یا خود منقل ابتدا مجاوری بولنان هوایی ایصیدوب
 منبسط قیلدیغندن حرارت اخذ ایدن هوانک کشفی تناقص ایدرک
 بالطبع اوطه نک طواننه طوغری صعود و انک یرینه بالاده که
 هوای غیر مخلخل ورود ایدر بودخی کسب حرارت ایدرک کذلک
 لطافتی حسیله محندن طرد اولوب یرینه اندن صغوق بولنان
 هوا کالور و بوجمله دائماً اوطه نک طرف بالایی سائر محندن
 زیاده صیحا ق بولنور

حرارتک درجات مختلفه سنی تعیین ضمننده حکمایک التیوز سنه
 میلادیه سنه برآلت اختراع ایلشردر که میزان الجراه تسمیه

اول نور اشبهوالت اسطوانه شکلنده اینجه باوردن معمول بر بوری
 اولوب اینچنده زییق واردر و درجات متعدده یه منقسم اولوب
 زیر و بالاده اولان نهایت درجه لری نهایت برودتی و نهایت
 حرارتی اشعار ایدر سانتیگراد و رئومور و فرا نهایت اسمایله
 مسمی اوج جنس میزان الحرارة اولوب برنجبسی یوز
 و اینجیبسی سکسان و اوجنجیبسی یوز سکسان درجه یه منقسمدر
 سانتیگراد تعبیر اولنان میزان الحرارة لرده صویک غلیانی
 درجه سی یوز و رئومور دینیلان میزان لرده سکسان درجه
 اعتبار اولوب و صویک انجماده بدئی و یا خود قارک ذوبانی
 درجه سی صفر اعتبار اولمشدر فرانهایت میرانی پک مستعمل
 دکلدر

(بقیه سی صکره)

ادهم

عن اعضای مجلس والا

(قدمای مالوک مصریه تاریخی) (مابعد)

(سیرنوستریس)

سیرنوستریس میلاددن بیک درتیوز طقسان سنه مقدم تخت سلطنت
مصریه به جالوس ایلیوب شان و شهرت و قوت و قدرتیجه کافه
اسلافه تفوق ایتش بر حکمدار نامدار ایدی پدری ولادتی کونی
خطه مصریه ده تولد ایتش اولان کافه اطفالی جلب
وجع و سیرنوستریس ایله برلکده تعلیم و تربیه لرینه اعتنا ایتش
وفون و اداب لازمده دن بشقه مشاق عسکریه به کسب الفت ایلمک
اوزره کونا کون زور باز لقلر و صید و شکار ایله اشتغال
ایتدیرمیشیدی اشته بوجتهله سیرنوستریس ایله رفقای مذکور سی
یلینده اخوت درجه سننده محبت حاصل اولدیغندن مشارالیه
جالس مسند حکمرانی اولدوقده بونلری وکلایق و خدمات مهمه
سائر سننده استخداام ایدوب اناردخی بولندقلری خدمتله
ابراز غیرت و استقامت ایتشلردر

مشارالیه سن بلوغه واصل اولدوقده پدری طرفندن مأموراً اردو
ایله جزیره العربیه عزیمتله اولوقته قدر اورالرك فتح و تسخیری
ناقابل کبی کورینور ایکن مدت قلیله طرفنده ضبط و اسنیلا
ایتدکن صکره مصرک جانب غریبسنده واقع بعض ممالکی دخی
آورده قبضه تصرف ایتش و عودتنده پدری وفات ایدوب کندوسنه
کلی خزان و اموال ترك ایلشیدی انجق سیرنوستریسک مدت
سلطنتده منظم اولدیغی فتوحات و حسن موفقیات یالکز قوه مالیه

وعسکریه سنک حد کماله اولسندن نشأت ایتمیوب بلکه اوصاف
ممدوحه حقانیت وعدالتله ملتی بیننده کسب ایلش اولدیغی
حسن صیت و شهرتک عمره سی بولندیغی بی اشنباهدر کندوسی
مخارباتده بولندیغی مدتجه اداره امور مملکته خلل کلیوب
امر زراعت و تجارتک درجه اهمیتنی بیلدیکنندن بوبابده هر درلو
ترغیبات و تشویقات اجرا سندن برآن خالی اولمز ایدی

مملکتی اوتوزالتی ایالتله تقسیم ایدوب هر برینه عفت و اهلیتی مجرب
والیلر نصب ایتش وقوه عسکریه سی التی یوز بیک پیاده و یکرمی
درت بیک سواری ایله اول زمانده مخاربانه استعمال اولنور یکرمی
یدی بیک عربیه به بالغ اولوب بولری بروجه محرر حین صباوتنده
کندوسیله برلکده ترییه اولنوب جسارت و لیاقتله معروف
اولان نواتدن انتخاب ایلدیکی بیک یدی یوز ضابطک تحت
اداره سنده وضع ایلش اولسیله هرینه تثبیت ایلسه کمال سهولتله
حصول پذیر اولور ایدی

ابتدای امریه اولوقت تیوبی دنیلان حبش مالکنی تسخیر
ایدوب سنوی بر مقدار فیل دیشی و ابنوس و التون احطاط اولنمق اوزره
ویرکو تعیین و درتیوز پاره تیکنده دن عبارت اولان دوغاسی بحر
احمرده کست و کذار ایدرک بنون سواحلی دخی استیلا ایلدی

اسباقطعه سنک اکثر محللرینی وهندستانک کافه سنی ازمدت ایچنده
قبضه تصرفه الوب اولوقت قوپکیر دنیلان کورجستانده
سیر و ستریسدن بیک سنه صکره قالمش مصریون نسلندن
برطانیغه واریدی ومدت مدیده اناطولیونک اکثر مالکننده صاحبقران
مشارالیهک آثار فتوحاتی موجود اولوب بعض دیرکارک اوزرنده

ملك الملوك اولان سير وسترىس بوملكتى قلىجى ايله قىچ و ضبط
ايدى عبارسى منقوش بولمشدر متعاقبا ازمنه سابقه ده
تراكيادىنلان روم ايلي الكاسنى دخى ضبطله اولوقت اوروپا
وحشيت حالده بولمىس جهته قىچنده برفائده ملحوظ اولدى يغندن
طونه نهرندن ايلرو كيتامشدر اشبو ضبط ايلدىكى مملكترى
زير حكومتنده بولنان ممالكه الحاق ايتيوب بعضيارينه ويركو تعيين
وبعضيارى نهب و غارت ايتد كدن صكره قىچ ممالك شرفيله اكتفا
ايدرك مصره عودت ايتمش وعساكر ورفقاسنه زياده سيلاه مكافات
ايدوب برابر كتوردىكى اموال بىحسابى امور زراعت و تجارت
تسهيل و ترويجنه واسرايى استخدام ايدرك يك تكلفلى عبادتگاهلر
وسرايلر و بونلره مماثل ساثر ابار جسيمه بناسنه صرف ايله ديوارلرينه
وقوع بولان محاربانك رسملرني ترسيم ايتدردى اشبو آبارك الى يومنا
هذا مصرده بعض بقيهسى موجوددر

سارالده ذاتا اخلاق حسنه ايله متصف ايسده خصب البشرىه بعض
مرتبه غرور و استكبارى اولدى يغندن ضبط و ويركويه رابط ايلدىكى ممالك
ملوكنى اسير ايدوب بونلردن برقاجنى بردن اسب يرينه عربيه سنه قوشه ريق
حكمدارانى بوجمله استخدام ايلكله مقتخر اولور ايدى سارالده حين
شيخوخته عمت عايله مبتلا اولوب كدرندن كندو كندوسنى اهلاك
ايتمش و مدت حكومتى اوتوز اوچ سنه تمتد اولمشدر

اول اناده مصر يونندن بعض طائفه محال مختلفه يه هجرت ايدوب سكر و اس
نام كسده يه تابع اولنلر يونانستان طرفلرينه كيدوب آتنه شهريله ديكر اونلر
شهرين ايلشدر سترىسك هنگام سلطنتنده يونانيلرك دانائوس تسميه
ايدوب اصل اسمى اكراه ميس اولان قرينداشى عليهنده ايقياع فساد

ایدرك سیروستریسی سراینده بولندیغی حالده اوراسنی احراق ایتکه
باشلا یوب مشارالیه برتقریب بوتهلکه دن تخلص کریبان
ایلدیکندن مذکور داناوس مصر دن فرار و یونانسانه عزیمت ایدرك
ارغوسی نام مملکتی ضبط و حکومتی اعلان ایلدی

بعض تخمیناً کوره سیروستریس مشهور ذوالقرنین اولمیدر
بوصورته اختلاف اسامی تحریفات السنه دن نشأت ایتش
دینله ییلور

بعض مؤرخین اشبوسیروستریسک پوز دیرس اسمنده برعموجه سی
اولوب سیروستریس محاربات ایچون خارجده بولندیغی ائشاده مصرده
انواع مظالم و تعذیبات ارتکاب و حتی مصره ورود ایدن کافه اجنبیانی
قتل و اعدام ایلدیکنی حکایه ایدرلر

(بقیه سی صکره)

خایل

محمد جمیل

سفیر پترسبورغ

سفیر پارس

(اوروپا تاریخ و جغرافیاسنه دائر بعض معلومات) (مابعد)

میلادک قرن سابعی ابتدالرنده خطه حجازدن اشعه پاش ظهور
اولان انوار دین محمدی آز بروقت ایچنده آسیا و افریقا قطع لرینک
اکثر محللرینی تنویر و اسنیعاب ایتد کدن صکره اوروپا
قطعده سنه دخی واصل اوله رق اسپانیا کاملاً و فرانسه نک
برازی اهل اسلامک داخل قبضه تصرفی اولغله اسپانیاده بر دولت
اسلامیه تشکل ایتش و اشبو دولت التیوز سنه دن متجاوز قطع
مذکوره ده اجرای حکومت و پوائشاده مدنیت و انسانیته پک
چسوق خدمت ایدرک مالک نصاب شرف و اقتدار اولش ایکن
رؤسای سنک اتقا قسزلغی ثمره مضره سی اوله رق صکره لری
قوتلرینه ضعف کلی طاری اولش و مجرد تسامح و قید سزلقدن
ناشی اسپانیانک برکوشه سنه کزنلوب قالمش اولان خرسنیان
دولت ضعیفه سی ایسه بالتدریج کسب قوت و قدرت ایله اهل
اسلامه مقاومت درجه سنه کلمش اولغله طرفین بینده محاربات
کیره وقوعدن صکره خرسنیانلر غلبه ایدرک عربلری کاملاً اسپانیادن
اخراج ایله قطعده مذکوره حکومتی کافی السابق خرسنیانه
انتقال ایلشدر

روسیه و اسوج و دانیمارقه اووقته کلنجیه دسکین دول معلومه دن
اولیوب اوروپا دولتلری صره سنه میلادک قرن عاشرنده داخل اولشلردر
هجر تک یدنجی و میلادک اون اوچنجی قرنی اواخرنده اصل الاصول
شجره عثمانیه جنتیکان سلطان عثمان غازی حضرتلری اناطولیده

بنیان رصین الارکان دولت علیہ یی تأسیس ایله مشارالیه
 حضرتلرینک و اخلاق عظامنک متصف اولدقلری شجاعت
 و بسالت و کمال عدل و مروتلری ثمرہ خیریه سی اوله رق
 آزیر وقتده انا طولی قطعہ سنک اکثر محللری فتح و تسخیر
 اولدقدن صکره سیف صارم عثمانیان اوروپا قطعہ سنده لمعانه
 باشلیوب مدت قلیله ظرفنده بلغار و صرب و مجار و افلاق و بغداد
 و ارنبود قراللق و بکلکلی ممالو روم ایلیده وجوارنده بولسان
 حکومت متعددہ قبضہ تصرفه النهرق هجرتک سکر یوز الی
 یدنجی سندسی ابو القمح و المغازی ایکنجی سلطان محمدخان غازی
 حضرتلرینک قوه قاهره قهرمانیلرله عنوة استانبولک دخی
 فتح و تسخیری مبسر و بوجہتله میلادک اون بشنجی قرننه دکین
 پایدار اولان روما حکومت شرقیه سی سطوت قاهره عثمانیه
 ایله زیر و زبر اولمشدر دولت علیه عثمانیه استانبولی پای تخت
 اتخا زیور قدن صکره هر درلو اسباب و وسائط اقتداره
 دسترس اولغله و حکمداراننک اکثریسی بحق جهانگیرلک اوصافنی
 جامع ذوات بسالت سماتدن بولمغله چوق سورمیدرک
 اوروپا و آسیا و افریقا قطعہ لرندن دها برطاقم محللر ضمیمه ممالک
 عثمانیه اوله رق هجرتک قرن عاشرنده یعنی یاوز سلطان سلیم
 و قانونی سلطان سلیمان علیهمالرحمة والغفران حضرتاتی زمان
 نصرت اقترانلرنده دولت علیه عثمانیه کره ارضده بولسان دولترک
 برنجیسی اولمشدر صکره لری برطاقم عوارض سبیلله دولت علیه
 خارجاً و داخلأ بعض مصائب و اکداره دوچار اولمش ایسده
 والد ماجد کبیر المحامد حضرت شهنشاهی جنتیکان غازی

سلطان محمود خان ثانی حضرت تلی زمانه جلوه کر مراتب تیسر
 اولان وقعه خیریه وایمان عسا کر نظامیه دولت علییه حیات تازه
 ویرمشد در ایوم دولت علییه عثمانیه قطعات ثلث کره ارضک
 ال ممتاز و محصور لدار اولان یرلرینه متصرف اولدیغی حالده
 دول موجوده معظمه نک برنجیسی دکل ایسه ده بریسی اولوب
 خصوصاً اشبو اوان میامن اقترانده ولی نعمت بیتمز پادشاه
 افندمن کی خلاصه افکارلی دولت علیدلرینک استکمال شان و شوکت
 و منوف تبعه لرینک استحصا ل وسائل سعادت و ثروتنه منحصر
 بر حکمدار پراقتدار و بر شهریار معدل تشعار رونق بخش سر بر
 سلطنت بو لغله دولت علییه عثمانیه نک یقین وقته درجه
 قصوای شوکت و اقتداره وصولی قویاً مأمول و منتظر در
 جناب مائک المک امیزل اشو خاندان شوک نشانی الی اخر الدوان
 سر برارای خلافت و سلطنت واریکه پیرای شان و شوکت بیورسون آمین
 استانبولک فتحده دولت علییه طرفدارن اهالی سینه
 و یریلان امنیت و سربستی حرکت اوزرینه روملردن یک چوق
 ارباب علم و معرفت ایتالایه و محال سائر یه هجرت ایدرک اورالده
 تعلیم و تدریسه باشلامش اولملریله اوروپا جه انتشار علوم
 و فنون ایچون تا یخ مذکور مبدأ اعتبار اولور
 فائک دولتی مالکی اول اوسترایا یه و مخرأ اسپانیایه مربوط ایکن میلادک
 یک بشیور الشمس طقوز بی سنه سی اسپانیادن ایریلوب
 بر دولت مستله اولمش و پروسیا دولتی اون سکن بی قرنیه
 تأسیس ایلمشد
 فرانسه ده اصلزادکان ایله رؤسای مذهبه نک اهالی سائر یه

نسبہ یک حقوق امتیاز لری اولدیغندن مساوات طرفدارلرینک
 تحریک و تشویق بیک یدی یوز سکسان طقوز سنه
 میلادیہ سنه برفتنه عظیمه ظہور ایدوب یک چوق قانار
 دوکلدکن صکره قرالینک الغاسیله اصول جمہوریت تأسیسی
 منتج اولمشدر مشهور ناپولیون بوناپارت جمہوریت اثنا سنه
 عادتا برکوچک ضابط ایکن محاربات واقعہ ده کوستردیکی
 شجاعتی و فن حربہ درکار اولان مہارتی اقتضاسیجہ
 ایلرولیوب سرعسکر ورئیس جمہور و نہایت الامر ایمرطور
 اوتش وایتالیا و اسپانیا قطعہ لرینی کاملاً و لامانیانک اکر
 محاربینی ضبط و تسخیر ایدرک اوروپانک حال وادارہ سی
 یوسبتون دکندیرمش اولدیغی حالده روسیہ عاینه وقوع
 بولان سفرندہ شدت شتادن اوچ درتیوز بیک عسکری تلف
 اولهرق قوتنه ضعف کای طاری اولغله بو حالدن بالاستفاده
 انکلتره لونک تسویقیله کافہ اوروپا دولتلری بالاتفاق عاینه
 قیام وخیلی محاربه لردن صکره مشارالیه غلبه ایدرک اخذ
 وکرفت ایلہ انکلتره لونک یدندہ اولوب افریقا سواحلیندہ واقع
 امید بروتنه یقین بولسان سنت الن جزیره سنه نفی واجلا ایلدیلمش
 الی بریاشندہ اولدیغی حالده جزیره مذکورده وفات ایلشدر
 مشارالیهک بوصورتله اضمحلالدن صکره فتح و تسخیر ایلش
 اولدیغی ممالک اصحابنه رد اولنہرق فرانسیہ حدود قدیمه سنه
 ارجاع اولندی واوروپا حکمدارلری برمنوال محرر ناپولیوندن
 یغدی قورئاردقدن صکره بیک سکزیوز اون بش سنه میلادیہ
 تاریخیه و یانہده برقونفرانس تشکیل ایدوب یدنلرنده برمنوال

عمومیہ تنظیم ایدرک انکله دول موجوده ممالکی تحدید وندی
 الحاله هذه اکثر دول ممالکی اولوقت تعیین قلان حدود ایله
 محدود اولوب فقط بلجیقا ایله فلانک بر دولت ایکن ۱۸۳۱
 سنه سنده ایریابوب ایکی دولت اولمش ویونانستان قطعہ سی
 ممالک دولت علیہ داخلندہ اولدیغی حالده معلوم اولدیغی
 اوزره خلی محاربه دن صکره انکلتزه و فرانسه دولترینک التزام
 و مع و نئیلہ بر دولت مستقلہ هیئتہ کیرمشدر وایتالیا قطعہ سی
 متعدد قرالاق و وقه لغی حاوی ایکن اوچ سنه مقدم بر طرفدن
 فرانسه ایلہ ساردنیا و دیگر طرفدن اوستریا دولتری بیننده
 وقوعه کلان ایتالیا محاربه سی نتیجه سی اواق اوزره ناپولی
 قرالغیلہ سائر دوقه لقلر قطعہ مذکورده واقع مزبور ساردنیا
 قرالغنه ملحق اوله رق ساردنیا قرالی ایتالیا قرالی نامنی المش
 و شمدیکی حالده ایتالیا قطعہ سنک پایا حکومتیلہ اوستریا و
 یدنده قالان و نڈیک ایالتندن بشقه جله پری ذکر اولان ایتالیا
 قرالغی دائره حکومتنه داخل اولاشدر (قدری)

اولوجهله اوراق نقدیه نك ممالك محروسه یه تعیینه قرار
ویرلر کدن سکره درسعادته اوروپا اوزرینه قامیوی طومق
ایچون ایالاته توزیع و ترتیب اولان اوچوز بیک کبسه نك نقود
خالصه نك بدلی بولان قوائم نقدیه طبع اوله رق کاه جاك مارت
ایتداسنده تداوله چیقاراق اوزره محلرینه ارسال قلندی

عموما تبعه شاهانك بویله بر حال مضایقه ده سلطنت سنییه
معاوتی مایه مقخرت عدایده جکری درکار ایسه ده اوراق نقدیه نك
درسعادته امر تجارت و معاملاتجه مشهود اولان شوتأ ثیراتی
میدانده اولدیغی جهته اکثر ایالات اهالیسی شوتدیرک درکار اولان
وحدات عاقبتی حس ایدرک بعضلری حصه لرینه اصابت ایدن
نقودی بلا بدل خزینه جلییه ترک و تبرع ایتک اوزره اوراق نقدیه نك
مملکتلرنده تداوله قونلامسینی باعرض حال استرحام ایلدیلر

درسعادته دخی مارت ایتداسنده تداوله وضع اولنه جق نومرولری
قوائم جدیده چیتاریلنجیه یه قدر مصارف معتاده به مدار اوراق
اوزره اولاق و یکر میلکدن بشقه یوز نك واللیک اولاق اوزره اصول
عیقه ده شهری التمش بیک کبسه نك قائمه چیقارلدیغندن از وقت
ظرفنده قوائمك مقداری زیاده تکرار ایتدیکندن بالطبع اعتبارینه
خلل کلهرک کتدجکه اتونک فیئانی تزايد ایدوب ایکیوز یکر می
یش غروشه واصل اولش وحتی بیک ایکیوز یتش سکر سنه ماه
جمادی الاخره نك اونجی پنجشنبه کونی صبا حایلن بغته اوچوز اللی یه قدر
النوب ویرلش اولغله یونک اوزرینه اولکون اریاب اخذ

واعطایه برام بنسزاک کله در عقب دکان و مفارزه لری
 قیادت قلرندن بو کیفیت جمله یه باعث اندیشه واضطراب اولشیدی
 فقط بو مشالو بر بحران عظیمک علی حاله ترکی جمله حقنده
 نه درجه موجب وخامت اوله جغی درکار اولدیغندن درحال
 شوفسادک ایقاعندن مستفید اولان سرافذاک مرکری اولان حویار
 خانی واقع معاملاتنه مخصوص اولان دیگر محال و دکا کین طرف
 حکومتدن قیادت یراق و نظائر وارزاق دکانلری بالعکس
 اجدیراق کبی تدابیر مؤثره اتخاذه مسارعت بیوریله رق غائله
 واقعدهک بالسهموله اندفاعی مبسر اولشدر

خلته بعضی مرتبه موجب تأمین اولاق اوزره خزینه جلیله
 طرفندن ایکی آی قدر یوز التمش غروش فیئات ایله محال
 متعدده کتورنلرک اسم و شهرتی تحریر و تجارت غرضیه
 یوزدیرمق استمدیکی نوعاً تحقیق اولندقدن صکره هر شخص
 یدیه نهایت اوج التواقی قائمه تبدیل ایتدیرلمش و فقط بو انشاده
 ینه مجیدیه التونی ایکوز و ایکوز یکر می غروش بیننده تداول
 ایتدیکنه و اولو جمله قائمه تبدیل ایدنلراوته ده کیدوب
 قرق الی غروش زیاده سنه صائد قلربنه دینی برطاقم ادملرک
 بوصورنله عملرندن و تبدیل اولان محارده فوق الغایه غلبهک
 وقوعی جهته بعضلرینک باشی کوزی یارلاق والبسه سی
 یرتاق کبی رنجیده و خسار دیده اولرندن بشته بر عمره سی
 کوریله مامشدر

بأمریت مهمه مخصوصه ایله برالشامده بولندیغی حالده
 عمده سنه مسند والای صدارت عظمی توجیه بیورلمش اولان

فخامتا دولتیو محمد فواد پاشا حضرتلری متعاقبا در سعادتیه
 وقوع عیونت عالیلرندہ اوراق نقدیه نیک بورا جمعه منتج اولدیغی
 مشکلاته و برطرفدن دخی ایالات والویه جه القا ایلدیکی خوف
 واضطرابه کسب اطلاع ایله در سعادتیه قوائیمک اعاده اعتباری
 درجه استخاله ده اولدیغی و طشره رجه اگرچه محال مقتضیه ده
 میرزا افعالی مصمم ایسه ده صحیح نیک ساخته سندن فرق و تمیزی
 موجب انواع صعوبت اوله جغی شویله طورسون برقاج سینه
 هرورنده عموما ممالک محروسه در سعادتیک بولندیغی حاله دوجار
 اوله جغی و اولوقت رفع وازاله سی بالطبع دهان زیاده کسب صعوبت
 ایده جکی مطالعه سیله حال تسویش واختلالده بولان امورمالیه
 سلطنت سنیه نیک برصورت اخیری ایله حسن تسویه سی لابد اولدیغی
 مقتضای رشد ورویت مسلمه لری اوزره فهم واذعان بیورمش
 اوللریله وکلای سائر سلطنت سنیه ایله بالافتاق تدابیر آتیسه
 اتخاذینه قرار ویرلمشدر

ایالاتده قوائیم نقدیه نیک تداولندن صرف نظرله مقدم
 کوندریلوب بدلات لازمه سی دخی همان کاملاً خزینه جلیله یه
 ورود ایتش اولان اوجیوز بیک کبسه لک اوراق نقدیه نیک
 برصورت مناسبه ایله چکلمسی وارتق هر نه فدا کارلغی موجب
 اولور ایسه اولسون اوراق نقدیه نیک در سعادتدن دخی کاملاً
 محوی تصور اوله رق کرک بوتک اجرایی و کرک دیون غیر منتظمه نیک
 تسویه سی ضمیمه اورو پادن یوزده اوتوز ایکی غروش نقصانده اولق
 و سنوی یوزده التي فائض ویرملک اوزره سکن ملیون انگلیس
 لیراسی استراض اوله رق تداولدن اندجق قائمه نیک یوزده

قرق نقد والتسی اسهام جدید، ایله تمرز و اغستوس ایلری طرفنده تبدیلی
 تنسب قلمش و یکن مایسده کیفیت جمله به اعلان اولمشدر
 اشبو امر مهم بر موجب اعلان کمال اقدام وانتظام ایله
 تسویه قلمش و بو خصوص ایچون تبدیل قوانم اداره سی
 عنوانیه تشکیل بی-ورلش اولان اداره نک صورت معاملات
 واجرا آتی شایان اطلاع مواددن بولمش اولغله بروجده اتی بیان
 وتفصیلنه ابتدار قلندی

اشبو قومسیون ایاصوفیه جوارنده واقع دارالفنونده اقامه
 اولسوب مصلحته قبل الشروع اتخاذ اولنه جق اصول
 ایکی کون تجربه اولندرق یوانده کورلدکن صکره شهر تمرزک
 ابتداسی بازار کونی کشاء اولمش ومدت معینه سی هرورنده
 غیر از تعطیلات قرق طقوز کون ایشلمش اولدیغی حالده
 اغستوسک غایتی جمعه کونی ساعت طقوزده قیادلمشدر
 مدت مذکوره طرفنده ایادی ناسدن اخذ اولنان اوراق نقدیه
 ۹۹۸۸۰۰۷۲۰ غروش یعنی برملیون طقسان یدی بیک التیوز
 برکسده وایکیوزیکرمی غروشلق اولوب یرینه برجه اتی بدلی
 اعطا قلمشدر

اسهام جدیده	۵۹۹۲۹۳۰۰۰
بیاض مجیدیه	۰۸۳۶۱۳۶۴۱
مجیدیه التونیه انکلیر و فرانسز لیراسی	۳۰۳۱۷۳۶۲۵
لوندیره و پارس اوزدینه کسیده اولنان بولیمچدر بدلی	۰۱۲۷۲۰۴۳۷
	۹۹۸۸۰۰۷۲۰

تداوان انسان قوائم مذکوره اوتوز اوچ علیون بشیوز بیک عدد دن
متجاوز اولوب تقریباً بیک اوچوز عددی برقیه اعتباریه یکرالتی بیک
قیه قدر در اشبو مقدار قرق طقوز کونه تقسیم اولندقدنه
بری بری اوز ریندیومیه یکر می مایون اوچوز سکرسان بیک شو قدر
غروشاق یعنی قرق بیک یدی یوز التمش درت کپسهک و تقریباً
بشیوز اوتوز قیه اولق اوزده التمش سکرسان بیک عدد اوراق النوب
معاینه و تعداد اولندقدن صکره در عقب بدلی اصحابنه اعطا
قلمش دیمک اولور

حاق ایله اولان معاملاتک حسابی یارینه براغلیوب کونی کونه
کورلمش اولدیغدن ایلواک همان اوچنجی کونی معاملات
محاسبه سی دفتری حاضر بولندرق اداره قومبسیونی طرفندن
بالندقیق تمهیر و امضا اولمش واشبو امر مهم دخی یالکز ایکی
صندوق امینی ایله درت کاتب معرفتیله تسویه قلمشدر

قوائم اخذینه مخصوص قرق وزنه اولوب هر برنده برکاتب
وبر تعدادجی ایله بر معاینه جی وهر ایکی وزنه ایچون اوچ نفر
زمبه جی تعیین واشبو قائمه وزنه لرندن بشقه کلیتو قوائم تبدیل
ایده جک اولنر ایچون بیوک اوطه لر تخصیص قلنوب بولنرده
دخی قرقدن متجاوز معاینه جی و تعدادجی وزمه جی و اوچ درت
نفر کاتب موجود ایدی واشبو وزنه لر بشقه بشقه حسابلرینی
ویروب محاسبه اوطه سنده و قوائم مخزننده دخی ایرو و ایرو حسابلری
رؤیت اولنور ایدی

مأمورینک جمله سی تعطیل کونلرندن ماعددا هر کون صباحین
ساعت اون ایکیدن اول دارالمنسونه موجود اولوب صباح

واخشام قیدلری اجرا اولور و خاق ایچون ساعت بردن
 طقوزده قدر اچق اولوب یالکز بر ساعت استراحت اولور
 ایدی و ساعت طوزدن صکره قائمه و زنه لری المش اولدقلری
 قوائمی جدول مخصوصیه برابر قوائم مخزنه کوتوروب اوراده
 ضرر بخانه طرفدن تعین اولمش مأمورلر معرفتیه تکرار معاینه
 و تعداد اولور و نقصان و قلب ظهور ایدرایسه کتورن وزنه یه
 تضمین ایتدیریلور ایدی

مذکور قوائم وزنه لرنده قبض اولان قوائمک بدلی ویرلک
 ایچون یدی باب تأدیه وزنه سی اولوب بونلرک دخی هر برنده
 بریسی نقد و دیگری اسهام اعطاسنه مخصوص ایکی مأمورایله
 بر مقید وار ایدی قائمه و زنه لرندن کلان بونولر جسدوالره تطبیق
 اولدقدن صکره بدالری اعطا اولور ایدی صرف اولان نقودک
 بر ربعی و بعض کونلر بالاینجاب ده از یاده سی کوش مجیدیه
 و قصوری التون اوله رق ویرلشدر اشبو اون درت وزنه دار
 هر کون اخشام اوستی سالف الذکر صندوق امینلریله و بونلر
 دخی محاسبه عمومیه مدیریله حسابلرینی رؤیت ایدرک اولکونک
 دفتری قیادیلور ایدی

ایسته اولوجهاه هر اخشام قائمه و زنه لرندن قوچازا بونو دفتری
 و قوائم مخزنه لدن دخی وزنه لرندن اورایه ورود ایدن قوائمک جنسی
 و مقدارینی مین مفردات دفتری و صندوق امینی طرفدن دخی اولکون
 قائمه و زنه لرندن تأدیه وزنه لرینه ورود ایدن بونولرک بدلی اوله رق خلقه
 ویرلش اولان نقود و اسهامک جنس و مقدارینی مشعر ممهور سندن
 محاسبه او طه سنه اعطا اولوب بواوچ دفترک یکدیگرینه تطبیقیله

تعداد قائمه الشمس و بمقدار الحقه و اسهام ویرایش اولدیغی اکلاشیلور
ایدی اش بود فترده یالکز برایکی دفعه عدم مطابقت مشهود
اولش ایسه ده بونک ندن نشأت ایتدیکی ینه کوننده تحری و تدقیق
اوله رق سهور قدن ظهوره کلدیکی تبین ایلشدر

تأییه وزنه لرته بر مقدار جزئی زیاده الحقه و یرمک کی بعض سهور
وقوع بولش ایسه ده بومقوله خسارات سبب اولنله تضمین
ایتدیرلش و بر دفعه وزنه نک بری نقد و اسهام اوله رق طقسان بیک
غروش زیاده و یرمش اولدیغندن در عقب اول وزنه قیادتیر یارب
مبلغ مذکور وزنه دار لردن تحصیل اولنق اوزره منسوب اولدقلری
امور مالیه نظارتنه کوندزلشدر

قوائمک دفعه ثانیه اولق اوزره مخزنده حین تعدادنده الشمس بیک غروشاق
قدر نقصان ظهور ایدوب ایدی التحری سرقت اولندیغی اکلاشیله رق
در عقب ظاهره اخراج اولنش و بوکاجرأت ایدنلرا خذ و تأدیب قلمشدر
اشبو تبدیل قوائم اداره سی بر قومسیون معرفتیاه اداره اولنوب زیاده
محرر الاسامی ذواتدن مرکب ایدی

مجلس والا اعضا سندن دولتو ادهم پاشا حاضر تلی

رئیس

عزتلو فرا نقوا فندی

اعضا

محاسبه عمومیه مدیری عزتلو اغا طون افندی

باتق او طومان دیرکتوری موسیو کیلبرتسون

موسیو غوارا چینو

خریند وقوائم مخزنك كیجه وكوندر محافظه سی ونظام
وانتظامك وقایه سی ضمیمه عساكر شاهانه دن برقول اغاسی
وبریوز باشی وبرملازم ایله یوز نفر وعساکر ضبطیه دن
بریوز باشی وبرملازم ایله یکر می نفر قومپسیون معیشته
ویرلمشیدی

اشبو قومپسیونك حین اجرا آتنده طرف سلطنت سنیه دن هر درلو
تسهیلات لازمه ك ایفاسنده تبویز قصور بیورلمدیغی مشالو
برطرفدن دخی مداخله وقوع بولدیغی جهته شوامر مهمك
ازوقت ظرفنده حسن تسویه سی مپسر اولمشدر كرك رئیس
مشار الیهك وكرك اعضای مومی الیهك بروفق مطالب عالی
مشهود اولان کمال اهلیت واقدا ملری شایان مدح وستایش
اولوب صندوق امینلری ووزنه دارلر ایله سائر مأمورین ملکیه
وعسکریه دخی وظیفه لرینك حسن ایفاسنه سعی واهتمام ایلشدر

قومپسیون مذکور قیادلدن صکره کتور یله جك قوائمه یالکر
اسهام ویرلك اوزره التي ماه مدت تعیین اولندرق کیفیت مقدا
اعلان قلمش ایسه ده ایادی ناسده مقدار جزوی قوائم قالاش
اولسنه نظراً مهل مذکورك اوقدر تمیدینه لزوم اولیه جغنه منی
اغستوسك اونندن اعتباراً برماه مدته تنزیل قلمش ومدت مذکوره
ظرفنده ضربخانه معرفتیه ایکی ملیون غروشاق یعنی درت بیک
کسدهك قدر قوائم اولوجهله یالکر اسهام ایله تبدیل قلمشدر

بروجه محرر یکر می التي بیک قیددن عبارت اولان اوراق مذکوره تکرار
کاغذ اعمال اولاق اوزره اربانه فروخت اولندیغی حالده یوز بیک
غروش قدر ایده جکی تخمین اولمشدر

(مواد حکیمه تلماق)

محموظ کنجینه صدور وسطور اولان انواع توارنج و حکایات دن
مقصداصلی اینای بشره مشعله راه سعادت اولان مواعظ
و عبرافاده سندن عبارت اولوب شوفائده دن خالی بولنانلری
قشر بی لب و لفظ بی معنی کبی مالایعنی قیلندن اولدیغندن مطالعه
واستماعی عبثه اشتغال دیمک اوله جغی مسلم ارباب البابدر
ظاهر پرستان عوام بووادیده کباب مطالعه سنده صورت ماده یه
کسب اطلاع ایله اکتفا وحقا یقجویان خواص ایسه
اجتنائات حکمت ایله استحصال فوائد لا تحصا ایدر لر دولت او
یوسف کامل پاشا حاضر تلرینک مؤخر اترجه سنه همت بیورمش اولدقلری
سرگذشت تلماق او مقوله نتایج مهمه ایله مالامال بر نسخه نادره ادب
و کمال اوله رق اشبو جوا هر زواهر نصایح و حکم
منکوش کوش جان اولغه شایان اولغله حسن ادا ب و فضائل
اخلاقه دائر متضمن اولدیغی مواد حکم امیر تفریق یعنی حصه سی
قصه سندن تجرید و تمیز اولنه رق مجموعه عا جزانه مرزه درج
و تحریرینه عبادرت قلندی اشبو خلاصه نک قرائت و حفظنده
درکار اولان سهولت مطالعه سنده بادی رغبت اوله جغی مجزومدر
(ارتباط ایده لی جوهره عرض قصه دن حصه در القصه عرض)

انسان کامل چو جققلر کبی الیشلی البسه دن ذوقیاب اولیوب
بو مقوله شیلر کندوسنی مشغول ایتما ملی و دأعما بزرگان طریق
ادب مسلکله سالک وهوا وهوسنه غلبه ایله نفسنه مالک
اولایدر زیرانسا کبی کندوسنی زیبوزینته فریفته ایدن ادم

صاحب عقل و شرف ستایشه سزاوار اولیوب مفتخرت ذاتیه
انسانیه انجق مستقی اختیار و تن پرور لکی مردود نظر اعتبار ایدنلره
مخصوص صدر

حیله کارلرک صورت ظاهره ده خوش آینده و حلاوتتا و حقیقتده
ازهار جمنزارالته سورینور مار هلاهل فسان قیلندن اولان افادات
وتأمیناته سهل الاغفال اولان حالت شبابت بلاسیله اینا نیمیوب
خیر خواهانک نصائح و اخطاراتی هر نقد راول امرده طبیعتده
خوش کلز ایسه ده کوش هوش ایله اصغاولم لیدر

انسان خطاسنی حس ایتدکن صکره تکرار او خطایی ارتکاب
ایتمامک اوزره متیقظانه و معتدلانه حرکت ایتسی کندوسنه
سرمایه سعادت کافیدر لکن بو خطانک موجب اولدیغی
مخاطره دن خلاص اولدقدن صکره ینه احتیاط سزلق حالنک
عودتی فساد بر حادتهنک وقوعندن مقدم علاجنی دوشنوب
احتراز ایلک و قضایه اوغراندیغی تقدیرده یهوده تلاش ایتیوب
مقاومت و غیرت کوسترمک لازمدر

جالس مسند حکومت اولنلر زیر دستانلرینی والدولدی و ولد
والدی سورجه سنه سووب و کندوسنی سودیرمکه و رفعت و ثروت
و راحتلری انجق کندوسایه سنده حصول بولمش اولدیغنی
سویلتدیرمکه تقید و اعتدال ایتلیدر

بر حکمدار معدلنسعار اوقات و ساعات مخصوصه ده اولادی کبی
سومسی لازم اولان رعایاسنک شکر و شکایتنی استماع ایتلی و ممالک
سائر احواله اطلاع ایچون اجانب ایله کورشملی و دیوان
مخصوصه کوندزلری امور عاده ایله اوغراشوب کیچمیزی دخی

مجلسه قبول ایلدیکي علما و حکما ايله سویلشمیلیدر

کسب علم و کمالی هوای نفسانی یه تقدیم ایدنلر نه محترم ادملر در که
بر حال طاقت فرسایه اوغرا دقلرنده کندولرینی سرماییه معلومات
مکنسبه لریله اکلندیررلر

حکمدارلر هر شی کندی کوزلری و قولاقلریله مشاهده واستماع
ممکن اوله میوب قرینلری ال وایاق و کوز و قولاق منزله سنده درلر فقط
بونلردن بعضیلری ظاهرأ ولی نعمت لرینه محب و باطنا فوائد شخصیه لری
حصوله مکب اولدقلرندن بعضاً خلاف واقع عرض وانهاری
اوزرینه معامله جور و غدر وقوع بوله جغنی جهتله حکمدارلره کوره
سوء قریندن زیاده اجتناب لازمدر

محروم فضائل انسانیه و مغلوب رذائل نفسانیه اولان اولادک
بعضا خطای باغبان ايله فدان نورسیده قطع و بریده قلندیغنی کبی
مقراض اجل حبل حیات لرینی قطع ایتک اولادر باغ خاندانده یتشور
او مقوله تازه فدائک هر درلو تریسه یه اماله سی آسان اولدیغندن
کاسه لبسان و خوش امد کویانک شر و مضرت لرندن محافظه سیله
اخلاق حمیده و اوصاف پسندیده تحصیل ایللرینه اعتنا
اولنمیلیدر

ظلمه حکام امور رذیله دن توقی ایدن ارباب فضل و کمال دن محتجب و مدار
سلامت نفس ملا حظله سیله سفک دماء پیکنا هان فضیحه سنی
مرتکب اولور و ظل وجود ظلم اندودندن اور کدیگندن تیغ عریان
وسنان جانستان باب کیرنده پاسبان اولان سراینده ملول و مکدر
نره ده اولدیغنی بیایوده تلف ایتسونلر خوفیه اوطه دن اوطه یه
کرر اطعمه لذیذه نظر و همنده مسموم ذوق و صفایه دائر صحبت

ایسه شاید قلب قسوت قالبه یرلشور واهمدسیله مستلزم انواع
غموم اولور و جگرینی کباب ایدن نارا کداری اخفا و اطفایده میوب
ایچن ایچن ایکلد کجه چشمه ان چاه نشاندن اتسار صاچمغله
اولاد و اقاربی رحم و شهنشندن مایوس و قهر و تانی بددعاسنه مأنوس
اولور

بر حکمدار غدار دأئمه عزت حالی جمع مال و منالده وزیردستانی
اوزرینه کیف مایشاء اجرای استقلالده در زعمیه اضرار ناس
ووساوس نفسانیه سنه قادر اوله مدبخی حالده کندینی مالک رقاب
عالیان ظن و قیاس ایدر

حکمدار غدار ظلم و عدوانی حسبیه کند و سنه سوء قصد
اولور خوف و اندیشه سندن خالی اولیوب دأئمه هیچ برکسه یی
کورمک و کورنمکدن احتراز اوزره اوله جغندن بویله حکمدار لاق ایتمکدن
ایسه عادتاً چوبان و مستغنی غوائل این و آن اوله رق لذتیاب
نعمت امن و استراحت اواق بیک قات اولادر

حکمدار عادل هر نقدر تلقی قرائب واجانب و تدقیق طبایع
حاضر و غائب ایله ذوقیاب و میانه اهالی شهرده فامایاسی اراسنده
کرر بیوک پدرکی وارسته طبطاب اضطراب اولور ایسه
حکمدار ظالم اولقدر خائف و مخوف و افکار بدکاری کسه یی
کوروب و کورنمک طرفه مصروف اوله رق هر حال و حرکتی
اجل عاجلی دعوت و دأئمه تهیئه مقدمات نکبت ایدر فساد
اخلاق ایله متصف حکمدار لر مضحک و مسخره کسه ره
الدائمقندن ضرر دیده اولملری قاعده دن ایسه ده ظلمه گروهی
اوله اولیوب ادب و عفت و ناموس و استقامت صاحبی اولان

دواتدن قورقار و نروده برخونریز و فتنه انکیر وار ایسه انکله
دو شرقالقار

ساحل دریاده واقع تجارتگاه اولان شهرلک سکانی ملت واحدهیه
مخصوص اولیوب هر مملکت و هر ملتدن مشاهیر تجارتی اقتدار
دروننده مقیم و لیسان واسعی اموال تجارتی حامل سفائنله و مغازه
ودکانلری بلاد بعیده دن کتوریلور و اورادن دیار آخره
کتوریلور اتمعه متوعه ایله مال اولملی و کیلری سواحل بحر
محیطی دور ایدرک ذهب و فضه و بهارات و اجناس حیوانات
جلیله تجارت ایتلیدر و اهالیسی بلاد ساحلیه رومستان مثالو
اسکله باشلرنده استماع حوادث ایچون اضاعه اوقات ایدن تبیل
ادمیره بکره میوب هر کس کار و اکنسابنه و دفاتر و حسابنه دقت
و نسیاسی بشم و پنه و حریردن اقمشه ناییده و پسندیده ایشلیهرک
هر بر فردی بیهموده اضاعه وقت اتمکدن حذر و محاببت
ایتلیدر

بومثالو معموریتک سبی اهالیسی سفائن انشاسیله دریایی کرمک
وممالک بعیده احوالنه کسب اطلاع ایله برابر هنر و کارگذار
و متحد الافکار و اداره امور بیتیهده ماهر و زوار و تجاره اکرام
و احترامده بی قصور اولملرندن نشأت ایدر

مملکتک معمور اولسنی اسنیان حکمدار لیسان امنیت و سلامتده
ظائفه تجارتک تسهیل دادوستادینه معارفت و مال مجاوره و سائریه
حرمت ایله بعضاً وقوعبولان حالات متقاضیه لرندن تعافل
و عداوتلرینی دعوت ایدن کبر و غرور و دن محاببت ایدرک اخلال
نظام بلد و اموال ناسه مدید ایدنلری سیاست و تأدیب و صناعت

وزراعته اهالی مملکتی ترغیب ایله مضرت عمومی سی مسلم
وباعث فساد مزاج بنی ادم اولان علت سفا هتدن ومدا خله
ماده تجارتدن صا قنور واردات معینه پی لزوم حقیقه بنده کوره
صرف واداره به دقت واعتسابادی حصول ثروت وغنا اولور
چونکه اساس رفاه وراحت اولان ماده تجارت مأ جاری به شبیه
اولوب بیوکلر بالذات قارشدقارنده مجرای طبیع بنسندن چیقاروب
کندواری منتفع اوله میه جقلرندن بشقه اهالی محروم ومحرزون
واخل حکومتلرندن رفته رفته تجارت آمد شدی کیلرله همجواری
برلمان ملت وحکومتلری ممنون ایتیش اولورلر

اجانب واقاربدن ترسان اولان حکمدار لیمانه کیروب چیتان
سفائنک اعدا دینی واصحابک مملکت وادینی وامتک نک جنس ومقدار
وجوہانی وتجارک سرمایہ یسار وغناسی بطلک ودرلر ودرلر
ایله ویرکولرینی ارتروب کندوسی تجارت ووجهته سربستی
بیع وشرای لکه دار خسارت ایتک استدیکندن یوما فیوما
طائفه تجارت اول مملکتک طریقنی اونودوب سربست تجارت
وراحت ایله جکلری ستملرده اخذ واعطایه رغبت ایدرلر
وتجارتگاه اولان بر مملکت به وجهته تمامی سکان روی زمیندن
ویرکولر قابل ایکن حرکات مشروحه به منی اسباب ثروت
وساماندن تهی قالور

بر مملکتده کراسه سی انشای سفینه به الیویرشلی اورمانلر
موجود اولدیغی حالده ازمنه معینه ده قطع ومعمار وتجار وسائر
ایشه پرارلر اعتبار اولندیغی تقدیرد ارباب حرف وخصایغ
پدر پی وارد ومجتمع اوله جفتلندن هر بریندن کرینه کوره تعیین

مرتببات و بر طرفین یتشددیریلان قیودانلرایله امور ترسانه ده
استخدام اولانلر حقده مکافات اولوب مدت خدمات
وحیاتلرنده کندهوری و بعد وفاتهم اولاد و عیالری بالغامایاغ
کچنیدیریلور و ایچلرندن خسته اوللرینه باقدیریلور ایسه کمال
امنیت بال و اسایش حال ایله بحار بعیده یه عزیمت و چو جقلرینه
کورک چکرک و خلاط بوکک و شورش دریادن خوف ایتمک
اسبانی ارأه و تعلیمه هوس و رغبت ایتملری سبب خواهش
صغار و کبار و اعظم مدار آبادانی و اقتدار اولور بر حکومت
مستقله ده بالکز اطاعت زیردستان حصول مطلب و مرآه
کافی اولوب بر عالمده هر کس ضافع شخصیه سی آرزوسله
صنعت و خدمته هوس ایده ککد بکنندن دائم محبت قابوب
عالمه یی اجتلاب حکومتک معصوریت و رفعتنه اعظم اسباب
اوله کشدر

بعضی حالنده دروغ مصیحت امیر رهین جواز اوله ییلور ایسه ده
علی العموم بالان نزد خداده مردود و مرتکبی منفور و مطرود در
طریق استقامتدن قول انحراف ایله ارتکاب کذب و خلاف
دنیا و آخرتده باعث پشیمانی و خجالت و بادی انواع و خامت و نکبتدر
انسان دائم استلزم فوز و نجات اولان صدق و استقامتدن
ایرلوب فرمایم یولده فدای نفس ایتک بیله لازم کلسه ابنای
جنسده موجب عبرت اولق اوزره اعراض ایتملیدر

اسمه عالم افروز افتابک کافه موجوداته جلا بخشای فیض
ظهور اولدیغی مثلوا انوار مقدسه الهیه نک عتول انسانیه
اوزرینه لطف تأثیری اولوب یولور حقیقی یی بصیر بصیرتله

کور میانر ناینسای مادر زاد کبی حقایق اشیایه اطلاعدن غافل
 اوله رق کوردکاری اوهام وخیالات دائره سنده هائم زحیران
 وظل زائل قیلندن اولان حظوظات و شهوات نفسانیه شراییه سکران
 و سرکردان اولدقلرندن انسان اطلاقنه شایان اولیوب اصل انسان کادل
 انهار عقول بشریه بحر محیط ذات احدیتدن منشعب و دونوب
 طولاشوب اورایه محتجب اولدیغنی ادراک ایله افکار خیریه بی قابوب
 عبادینه الهام و افعال سببه بی تصور و اجراده مؤاخذه و اتهام ایدن
 حضرت مابک الملك والملکوتک کمال عزت و عظمتنه علم و وقوفی محیط
 و شامل اولردر

رفاه و سعادت حال استحصالی آرزوسنده اولان اقوام مکلف
 و مطلقا دوشمنه لی خانه لر الایشلی و مصرفلی دو کونلر صرمه لی
 اوروبه لر و نفیس طعاملر و زیاده عیش عشرت لر و لزوم سر بنارک
 منعبله تعلیم و تربیه اطفال امور مهمه سیله اشتغال و مصائب
 و مخاطراته مقاومت و کسب شرف نفسه و محافظه صحت وجوده
 رغبت اتحاد دوستانه و سر بسنی ادیبانه رعایت و بلای راحت پرستی
 و تنپروریدن مباعدت ایله دائم احکم قانونه انقیاد و جناب حقندن
 خوف و خشیتی اعتیاد ایدرلر

و دیعه جناب باری اولان برایا اوز رینه اجرای نفوذ و اقتدار ایدن
 حکمدار هوشیار مجرد اسایش و امنیت خلقه خدمت حکمتنه مبنی
 حاکم اولدیغنی بیه رک منافع عمومیه بی استلزام ایدر مصالح و اموری
 ترویجده راغب و تشنت قابوب ناسه سبب ویرر مواددن بجانب اولوب
 داننده احکام عدلیه قانونه انقیاد و عادتدن زیاده حشمت و کفندن
 استغنائی پیشنهاد ایله داخلا تأسیس بنیان عدل و داد و خارجا

دفع صوله اعدایه تشمیر ساعد اجتهاد ایتلیدر

مصالح عبادك تسویه سیچون تشکیل اولنش مجالس اعضا سی
یاشلی باشلی واق سا چلی عقل و شعوری مسلم مختبر احوال امم
اولسی امر اهم اولوب بونلر صره سیله قاعد افکار ثاقبه واری
صائبه ده متحد تجربه امورده یکانه طور و مشوار و تمکین و وقارده
منتخب زمانه اغراض دنیویه دن ازاده و صاف اصابت رأی و تدبیرده
مهارتلی تسلیم کرده اهل انصاف نور شعور کوزلرنده عیان
پرتو حکمت یوزلرنده نمایان اولوب بری سویلر ایکن ماعداسی
استماع و نهایت مذاکره رأیبری اجتماع ایدر ذواتن مرکب و مجلسبری
جای حرمت و ادب اولماید

فصل دعاوی عامه کارفرمایان جهانبانه مخصوص اولیوب حقیقه
حاکم عادل مقتضای قانون معتدلدر

دیده الکی زیاده سربست ادم استرایسه غبد مملوک اولسون
وقتی دیار و مسالکده بولنور ایسه بولنسون جناب حقندن
خوف ایله خلنک قورقوسندن وارزو و نقاضای نفسندن سالم
اولوبده عقلی مقتضاسنه موافقت ایلیاندر

امور حرییه و قوفی اولیوب یالکز ایشه یرار جنک ازما جزالره
مالك اولان حکمدار یالکز حرب اشنا اولان حمده ترجیح اولنور
زیرا دائماً حرب ایله اشتغال ایدن حکمدار دائره حکومتک
توسیعنی و شان سلطنتک ترفیعنی ارزو ایدر ایسه ده حروب مدیده
تجارت و صنایعک کیمیر ولیوب نیجه نیجه عساکر و خزائنک
تلفنی و بوجم له ملک و ملتک خرابیتنی موجب اولدیغی امور مجریه
و مسلمه دندر

حکمدار جنگاور ترلاسی صاقسوب قوکنوسنك ملكند مدید
تعدی ایله عاقبت مزروع و محصولندن منفعت کورمه بیدرك
متضرر اولان ادم کبی حراً آورده دست اغتصاب ایادیکی قدر
ملك و ملتني تخریب ایدر بالعکس حکمدار اشتی پرورك ممالك
وسکنده سی معمور و آباد و صدق وعد و عهدنده ثباتی مناسبیه
حقنده همجوارینك خاوص و محبتی مزداد اولوب بعض متکبر
و طمعکار حکومت ایله بیننده محاربه و قوی تقدیرنده دخی محب
و متفق بولسانلر معاونت و عداوی متعدینك کسر انف و قهرینه
مباشرت ایده جکارندن جهانگیراك سوداسنده اولان منهزم
و متضرر و حکمدار اشتی شعار مسرور و مقتخر اولوب مصالح
داخلیه سی خلقی زراعت و صنعت و ترغیب و سفاهته میلدن ترهیب
ایدن قوانین معقوله سی دلالتیه وقتاً فوقتاً ایلولیدرك هیئت دولتی
جهان و جهانیا نه نمونه عای اسایش و سایه معدلت وایه سننده
ثمرات صلح و صلاحدن تبعه سی متعیش اولوب بولندقلری
راحت و حریتك قدر و قیمتی درك واذغان و اغور وطن و مملکتلرنده
فدای سروجان ایدرلر

کنجلك مستعد اغفال حرص و آواز اولدیغی مثالو تجربهلری دخی از
اوله جغدن هنوز سنلری کماله وار مامش اولنلرك سرکارده
استخدا می نامناسب اولدیغندن بومقوله لرك صفات انتخابیه سی
میدان محاربه ه قوه بدنیه و عقایه ایله دشمنه غلبه ایتسنه و دائره
محدوده قانونیه نك داخلنده حرکت ایتسنه حصر اولنمبوب
شهوات نفسانیه سنه غلبه ایله دائماً احکام قانونیه بی اجراده فعلی
قولندن قوی کسه بی ارایوب بولوب تقوی عن امور ایتاید

حقیقت حال ده حکمدارلر شکل تبدیلیده اهالی یه خدمتگذار
ایکن خلته ایولاک ایده جکنه بدل اطرافنی احاطه ایدن غرضکارانه
متأثلاً اکریا مکیک ایده کلدیکندن اولیه اولقدن ایسه
عادتاً خدمتکار و وطن خدمتده برچیده دامان افتخار اواق

مر جمدار

بالکرتیر و شمشیر ایله میدان دار و کیره دکل فقر و فاقه کبی خصم
جانفراشه کوکس کرمش و طریق مداهنه ایله اچقه قایمقدن
قاجوب عرق جینی ایله تحصیل معیشت یولنه سالوک ایتیش
واولایینک ییه تریه لیسنه مکافات و خیرسزینه مجازات ایلش اولان
ذات مسند حکومته البق و احرا در

مسند نشین حکومت اولان ذات نصف قسومات قاعده حقانیده
تطبیقاً ایفای وظایف مأموریت ممکن اوله مدیغنی اکلا دقدنه ترک
غائله حکومت ایدر ولزومندن زیاده اسباب دارات و احشامدن
اجتناب و کندوسندن محکمه اولادی حقننده احاد اهالی مثلاً
لیاقت و قابیلرینه کوره معامله اولمسنی طلب ایلر
(بقیه سی صکره)

عسریارمزاك جامه اسملرینك ذیل مجموعه یه درج اولنه جغی
بالاده محرر نکر نامه مزده بیان اولمیش ایسه ده موجب تطویل
اولور مطالعه سنه مبنی شمیدیلاک بوندن صرف نظر له مجرد اعانه
یت خیریه منی متضمن اولورق بر نسخده دن زیاده مشتری اولان

ذوات مكارمسمات اسملرينك تحريريله اکتفا قاندى

نسخه

- ۰۶ ذات والای حضرت صدارتپناهی
- ۰۶ امور خارجیه نظری ایه - او دولتو عالی پاشا حضرتلری
- ۰۵ مجالس عالیہ مأمور ایه - او دولتو مصطفی نائی پاشا حضرتلری
- ۰۵ مجالس والا رئیسى دولتو کامل پاشا حضرتلری
- ۱۰ مجالس والا اعضا سندن دولتو مصطفی پاشا حضرتلری
- ۰۲ مجالس والا اعضا سندن دولتو ادهم پاشا حضرتلری
- ۰۲ پارس سفیری دولتو محمد جیل پاشا حضرتلری
- ۰۲ کریدوالبسی دولتو اسماعیل پاشا حضرتلری
- ۰۲ تجارت نظری عطفو قتلو صفوت افندی حضرتلری
- ۰۲ معارف نظری عطفو قتلو کمال افندی حضرتلری
- ۰۲ لوند ره سفیری عطفو قتلو قسطنطینی بک حضرتلری
- ۰۲ طوپخانه مجاسی رئیسى سعادتو خلیل پاشا حضرتلری
- ۰۲ پترسبورغ سفیری سعادتو خلیل بک افندی حضرتلری
- ۰۳ طهران سفیری سعادتو حیدر افندی
- ۰۲ برلین سفیری سعادتو ارستارکی بک
- ۰۲ طونه قوم و سیونی رئیسى سعادتو عمر پاشا
- ۱۲ معارف نظارتی
- ۱۰ مهندسخانه بریه همایون
- ۰۵ بک اوغلی قشله سنده استحکام الای
- ۰۳ قشله مذکورده احتیاط الای

مجموعه فنون

از

جمعیت علمی عثمانیه

برخی پند

جمادی الاول

نومرو ۵

استانبول


جمعیت علمی عثمانیه مطبعه سنده طبع اولم شد

۱۳۷۹

مجموعه فنون

۲۶

جمعیت علمای عثمانیه



برجی پسته

جادی الال

نوه و ۵



استانبول

جمعیت علمای عثمانیه نیده طبعه سند طبع اولمشدر

۱۳۷۹

(مواد مندرجه)

منيف افندى	•	•	اهميت تربيه صبيان
سعيد افندى	•	•	فوائد طرق
كامل پاشا	•	•	مواد حكيمه تلماق
ادهم پاشا	•	•	مدخل علم ژئولوژى
منيف افندى	•	•	تاريخ چاو

جهت بهره مهور اوليان مجموعه فنون نسخده لرينه ساختند
نظريه باقيه رق طابع و بايع لرى مسئول طوتيله چه قدر

جمعیت عاجزانہ مرزہ دائمی صورتہ مرکز اخذ اولیٰ اوزرہ شمعیہ
قدر بر محل مناسب تدارک اولند مامش اولدیغی حالده بودفعہ مجرد
ذات والای حضرت وکالتیناہینک اثر ہم نسق سازیلری اولق
اوزرہ چیچک بازارنده کائن چنداوطہ یی مشتل کار کیر مکتب جمعیت
مذکورہ یی تخصیص واحسان یورلدیغی مثالو مجموعه فنونک
جلب و مطالعه سی حقندہ تشویق وترغیبی امتضین کافہ ولایة عظام
ومتصرفین کرام حضراتیلہ قائم مقاملرہ مخصوصا امر نامه سائی
حضرت وکالتیناہی تسطیر و تسبیح و مجموعہ نیک هر طرفہ انتشارینه
مدار سهوات اولق ایچون مساعده مخصوصه اوله رق بلا اسنشا
ممالک محروسه داخلنده بولسان اوزاق و یقین هر بر محل ایچون
على السویه بهر لندخدن یکر می پاره پوسته اجرت معتدله سی اخذینه
قرار ویریلهرک کیفیت پوسته نظارتنه امر و اشعار یورلشدیر .

ممالک محروسه شاهانه ده علوم و معارفک و هر درلو اسباب و وسائل
مدنیتک انتشاری حقندہ مصروف یوریله کلان افکار
معدلتشعار حضرت پادشاهینک دلائل جدیده سی اولق اوزرہ
یووجهله مظهر اولدیغیز مساعدات سنید کرک جمعیت عاجزانہ مرز
اعضاسنک و کرک ترویج آمانی ارزو ایدن پائز ذوات حینسماتک

قوی الغایه موجب منویشاری اوله رق تراید ایام عمر و اقبال و توافر
 قرواجلال جناب شهنشاهیاری دعای تکرار قلنشد
 اعضای جمعیت اجتماع ایتک اوزره بر محل مخصوص اولدیغی جهته
 سمدی به قدر وظائف مقررله رینک تمامی اجرا سنه دسترس
 اوله ماضی ایدی بودفعه بر متوال محرر سایه معارفوایه حضرت
 بادشاهیده محل مناسب تدارک اولمش اولغله عهد قریبده دیگر
 لوازماتک دخی اکماله مجموعه فنوندن بشقه مختصر و مفید کتب
 و رسائل ترجمه و نشر ایتک وایم مخصوصدهده بحانا عمومه درس
 و یرمک کی مقرر و موعود اولان سائر مقاصد خیریه سنک ایفا سنه
 مبادرت اولنه جغی مجزومدر

(سالف الذکر امر نامه سامیتک صورتیدر)

مقدما با اراده سنید بعضی ارباب دانش و عرفاندن هر کس اولق
 اوزره درسعادته تسکلی ایتش اولان جمعیت علمیه عثمانیه نک مآثر
 معارف مظاهرنیدن اوله رق مجموعه فنون نامیه کچن ماه محرم
 ابتدا سندبروایده بر کره طبع و نشر اولنمقده بولسان غزنه نک
 بر نسخده سی افکوندرلدی اشبو غزنه هر درلوفنون و صنایع و تجارتیه
 دأر مواد نافعده بی شامل اولغله مطالعه سی بالجمله مأمورین
 و صنوف اهالی به موجب فوائد عظمی اوله جغه و اکنسب علوم
 و معارف واسطه قویه اولان بودقوله آثار مفیده نک ممالک محروسه
 شاهانه نک هر طرفنده انتشاری سلطنت سنیده نک تربیه عامه
 حقنده درکار اولان نیات جلیله سنه موافق اولدیغنه مبنی

مجموعه مذکورہ نك جلب ومطالعہ سی حقندہ اول طرفہ تشویقات
وترغیبات لایقہ نك ایفاسیلہ کرک ذات دولتری و کرک زیر ادارہ لرنده
بولان مأمورین و وجوه واعیان بلده و سائر استك ایدنلر ایچون
ماہ بمادہ نقدر نسخہ اسٹنیلور ایسہ مشتری اولنلرک اسامہ سنی مبین
دفترینك تنظیمی و بدلات معینہ سنك جمع و تحصیل ایله جمعیت
مذکورہ ریاستی طرفہ اسبابہ ہمت اولنمسی سیاقندہ شقہ
تسطیر و تسیر قلندی .

(اہمیت تربیہ صبیان)

برشبك فسادى بیلندجکھ اصلاحی تصور اولندیغی مثالار
برکسندہ جہلنی اعتراف ایتدجکھ تحصیل علمہ ابتدار ایلیہ جکی
قضایای مسلمہ دندر بناء علیہ اکساب کمال واستحصال وسائل
حسن حال ایتك استیازلر اول امرده کند و نقصان وقصورلرینی
تخری ایدرلر فقط اکثریا انسان حین طفولیتدنبرو مألوف
اولدیغی عادات و اخلاقك حسن و قبحنی تمیزدن عاجز اولدیغندن
ارباب رشد و رویت بو کیفیتك حقیقت حالہ اطلاعہ پردہ کش
حیلولت اولدیغنی ییلہ رك بو بایده سائرلرینك اخطارات
خبرخواهانہ سنی غرض و حقارتہ حمل ایتیموب برکلام حقیقت اتسام
هرکیمك لسانندن صدور ایدر ایسہ ایتسون (لا تنظر الی من قال
بل انظر الی ما قال) قاعدہ سنجدہ قائلہ باقیہ رق مقولی سنجدہ
میزان دقت و اعتبار ایلرلر .

ایمدی مملکتزده آثار مدنیتك کرکی کبی ایلرولسنہ

وبین الاهالی وسائط ثروت وسعادتك ترايدينه مانع بعض عالى
 واسباب موجود اولوب وطنك منافع حقیقه سنه واقف اولنار
 بوكانظر تأسف ايله باقنده ايسه ده اكثر خلق بوندن غافل ومجرد
 (اناوجدنا آبائنا) قوليله عامل بولنديغندن اسباب مذكوره نه مقوله
 شيلر اولديغند وبونلك دوامی منافع عامه حقنده نه درجه مضر
 ووخيم بولنديغند دائر لایح خاطر قاصر اولان بعض موادك اراقده
 عرض وبيان مجاسرت اولنه جقدر . شیه ممدوحه وطنپروری
 ونصفت ايله متصف اولان ذوات بوبابده خلوص نیتزده اشنابه
 ایتدرك اخطارات عاجزانه مزك چشم انصاف ودقته مطالعه سنه
 رغبت وسهو وخطاسی کورلديکی حالده رهین عفو وعنايت
 یورملرینی کمال تضرع وابتغال ايله تمنی ونياز ایدرز
 (چشم انصاف کبی عارفه میزان اولمز)

(کشی نقصاتی بيمك کبی عرفان اولمز)

بقای نوع حکمت بالغه سنه مبنی کافه حیوانات سائره مثلاً
 انسان اولاد وانسانك احتیاجات جسمانيه لری دفعنه طبعاً مائل
 اولوب حوائج روحانيه لری استحصالنه ايسه عقلاً وشرعاً مأموردر
 بنابرین ارباب رشد وسداد اولاد واحفادلرينك حسن محافظه
 جسمانيه لرينه سعی ايتدکلی قدر تحصیل علم وآداب ايللرينه
 تقيد واهتمامی اهم وظائف ابوت عد ایدرز . اولوجهله انسان
 بقای نوع اسبابك استحصالنده حیوان ايله مشترك اولوب انجق
 نسلك حوائج معنويه لرينك استکماليله تمیز ایدرز . اولادلرينك
 محافظه جسمانيه لری حقنده ابوينك سعی واهتماملری هر نقدر ممتد
 اولسه ينه بر زمان محدود ظرفنده اولوب اندن صکره اولاد نمره

سعی و غیرتیه هم کند و سنی و همده ابوینندن مظهر اولادینگی
 معامله جیه یی اجرا ایتک اوزره وجوده کله جک اولادینی بسلیکه
 مجبور اوله جغندن اشته اول کون کلد کده چوجقلرینک سفالت
 و مذلته دوچار اولسنی استیانیلر انلره وقتیه علم و معرفت و یاخود
 برکار و صنعت تعلیمی اهم امور عد ایدر لر . و اشبو علم و صنعت
 مقتضای وقت و حاله و بعض کره چوجقل میل و هوسنه کوره
 انتخاب اولنور .

فقط برچوجق هرته مسلیکه سلوک ایده جک اولور ایسه اولسون
 اول امرده کند و لسانی سهولته او قویوب یازه جق و اخذ و اعطاسنی
 قلم ایله حساب ایده جک قدر صنعت کتابت تحصیل ایلد کدن
 صکره اتخاذا ایده جکی مسلیکه کوره لازم کلان فنونی تحصیل
 ایتک لازمدر . شواساسه رعایت اولند قجه هیچ برمساک
 و صنعتده کسب مهارت ممکن اوله من . علی العموم ظن اولندیگی
 مثلاً علم و صنعت آیرو شیلر اولیوب حقیقتده بینلرنده شدت
 ارتباط و اتحاد واردر . علمومک صنایعه زیاده مدخل
 و معاوتی اولوب مثلاً دولکراک و دیوار جلیق و بویا جلیق و حتی
 الک ساده کورینان فرونجلیق و اشجیلیق صنعتلری قواعد علمیه
 منیدر . اگرچه یک چوق ارباب صنایع کندولرینه لازم اولان
 فنوندن بی بهره اولدقلری حالده اجرای صنعت ایدر لر ایسده
 بومقولهلر بیغان و دیگر بعض مقلد حیوانلرک تکلم و رقص و حرکات
 سائره تعلم ایلمسی قیلندن اوله رق یاپدقلری شیلرک اساس
 و حکمتی بیلر لر و همان اوستدلرندن کوردکلرینی یاپوب صنعتلرینک

اصلاً حنه دسترس اولی شویله طورسون بو مقوله ترقینک
امکانی خیالخانه خاطرلرینه دخی کلز . اشته بزم طرفلرده حرف
و صنایعک ایلروکتماسنه دخی سبب بو اولوب اکثر صنایعجه
لابد اولان علم کیمیا و حکمت طبیعییه و رسم و هندسه و جراثقال
کبی علومک مواد اساسیهلری تعلم اولمقدقجه ممالکمزده صنایعک
دوچار اولدیغی حال وقوفدن تخلیصی ممکن اوله من . همجوارمن
اولان اوروپالور صنایع و معارفده بر درجه اعلایه وارمش ایکن
بزم علمسز شو حال وقوفده بیله قائما من قابل اولوب کتدکجه
کیرویه حکمز درکاردر . چونکه اوروپالور علوم و فنون سایه سنده
ایجاد واستعمانه ظفریاب اولدقلری آلات و ادوات واسطه سیله
مصنوعاتارینی اسهل صورت واهون بهایله چیقارهرق بو طرفه
نقل و فروخت ایلدکلریدن بزم اهل صنایعک اصول قدیمه لری
اوزره یالکزال ایله اعمال ایلدکلری امتعه بالطبع بهالوکلک جکندن
اوروپا مصنوعاتنه مقاومت ایده میهرک شو حالک شمدی یه قدر
سوء تأثیراتی پک چوق کورلدیکی مثللو نهایت الامر ممالک
محروسه شاهانه ده صنایعک هممان بالکلیه انقراضنی مؤدی
اوله جغنی امر آشکاردر .

بوندن مرادمن بر مملکت اهل بسی کندوسنه لازم اولان اشیانک
کافه سنن بالذات اعمال و تحصیل ایدرک بشقه مملکتده محتاج
اولمالیدر دیمک دکلدر . مقدمه لری بو بایده هنوز تجارب سبقت
ایتمکسزین اوروپاده دخی بو افکاره ذهاب اولمش ایسه ده
دوخرأ اربابی عننده بطلانی تبیین ایتمش اولدیغندن بو بایده
اصرار ایتمک ممالک محروسه شاهانه ک وسعت و قابلیت اراضیه سی

جهتيله هر شيئدن اول امر زراعتك توسيع و ترويجنه سعي
 و اهتمام اولمسي دهها خيراو اوله جغى دركار ايسده اوروپا نولره
 نسبتله اهل قرا مشابه سنده قالماسق ايچون فنون و صنايعك بالكيه
 اهماليه انقراضنده مبالات اولماسى مضرت كيره سندن صرف نظر
 ناسوس مليته طوق نور مواد دندرن هر نه ايسه بورالرى بشقه جه موضوع
 بحث اوله جق مسالمدن اولوب صدمزدن خارج بولديغندن
 بو محلامده تفصيلاته كيرشمك اقتضا ايتز .

شومقدما تدن مسلمان اوله جغى وجهله اليوم يالكز دولت
 مأموريتنده بولمق ايچون دكل بليكه هر قنغى كار و صنعته
 سلوك ايلمسي مراد اولور ايسه اولمسون هر كس حال و موقعك
 مساعد سنده و انتخاب اوله جق مسلكه كوره چوجقارليك
 تربيه و تعليمه سعي و اهتمام ايتليدر . اشبوتريه نك دخى براز او قوبوب
 يازمق او كر نمكدن عبارت اولمسي زمانم زده كفائت ايتيوب كتابتك
 مجرد تحصيله آلت اولديغى فنون و معارفدن هر كسك حاله كوره
 حصه دار اولمسي لازم و لابددر .

چونكه انسانك مقتضاي شرف نطق و اذعانى اوزره حيوانات
 سائره كي صورت معيشت و زندگاني سى بر درجدهده قالميوب دائما
 ترقى يه مایل و مستعد اولديغندن فلاطونك (لاتقصرو ولدك على ادبك
 لانه خلق لوقت غير وقتك) كلام حكمت انسامى منطقجه چوجقار
 پدرلى زمانك غيرى بر زمانده تعييش ايلك ايچون خلق اولميش
 اولديغى جهتله پدرلر انلرك تربيه و تعليمنى وقتيله كندولرينك
 استحصال ايتدكارى درجه يه حصرو قصر ايتيوب بليكه
 بولنه جقارى زمانه موافق و ملايم اولان موادى تعليم ايللرى اقتضا

ایدر فی الحقیقه سو قواعدیه رعایت اولمیه جق اولسه هیچ
برشیده ار ترقی ظهوره کلیوب انسانک صفت حیوانیتیه چسبان
یکنسق وسیان برحالده بولمسی ایجاب ایدر .

ایمدی زمانه زده اکثر ناس سوماده نک درجهٔ اهمیتنی و تربیهٔ
اطفال بر مملکتک ثروت و سعادت و قوت و قدرتک مبنی علیهی
اولدیغنی کرکی کبی فهم و اذعان ایده میهدرک دائرهٔ معارفک
توسیعنه لزوم کورمد کلری جای تأسفدر . ایوم مرعی اولان
اصول تعلیمیه نک دخی اذهان اطفاله ناموا فقی درکار اولوب
صرف و نحو و منطق و معانی اسمیه شاگردک اوکر ندیم و مملکتک
اوکر ندیم دیومنون و مفتخر اولد قلری شیلر چوجغک معنای
صحیحنی و صورت استعمالنی و حتی نه مقصد ایله او قود یغنی بلیه رک
یا لکز طوطی کبی تلفظ ایلدیکی بر طاقم قواعد و اصغلا حاتدن
عبارتدر . صبیان علوم مذکوره قرائت و تعلمدن مقصد اولان
عربی لسانک ماهیندن بی خبر اولدیغنی حالده اعلال و اعراب
و امثال قواعد دقیقه و حکمیه سنی نصل ذهنی احاطه ایده بیلور
و هنوز الک ساده عباره یی فهم و ترکیبه قدرت یی یوغیکن فصاحت
و بلاغت اوزره افادهٔ مر ام ایلک اصولنی تعلمدن نه استفاده
ایله بیلور عجباً تعلیم صبیان ایله اشتغال ایدن خواجه لرک
قنغیبی اوکر تدبیری قواعد عربیه و منطقیه یی قالا و یا خود قلماً
اجرایه مقتدردر . بومتوله تعلیمک اذهان صبیانی تخدیش و اتعایدن
یسقه بر نمره سی کور یله میوب تحصیل دستمایهٔ استعداد قلندقدن
صکره تکرار تدرس اولور ایسه اشبق اولوقت فائده سی مشاهده
اولند یغنی جمله مزک سرگذشتی و مجربی اولان حالا تدندر .

بالفرض علوم مذکوره کرکی کبی تحصیل اولانسه بيله بونلر
کسب کالات لازمه يه آلات اوله جفندن اصل مقصد اولان فنون
نافعه يي تحصيله چالشدير لملي اهم امور دند ر .

دنيا و اخرتده سرمايه سعادت لري اوله جق بومنالو امر مهمك
حسن حصولى ضمتديه هر درلو فداكارلق اختيارى لازم كلور
ايكن بعض پدرلر چو جقلرينك ولادت وسنت و ياخود اكزي اوقى
كلكسز ين تزوج لري و سيله سيله مصارف كلي اختيار ايدوب
امور تعليميه يه كلنجه بارهوا اولسنى و ياخود جزئى مصرفله حصوله
كلسنى استلر . فى الحقيقه او مقوله برايكى كوناك هوايى شيله
او قدر مدرسرف و تكلف اولنوبده امر تعليم و تربيدك هيچيه
صايلسى نه درجه علامت حق وجهالت اوله جقى محتاج ايضاح
دكلدر .

اور و ياده تربيه اطفاله زياده اعتنا اولنوب بوبابده هر كس على
قدر حاله بذل مجهود ايلكى وجيهه ذمت ابوت بيلديكندن براد مك
جوجى دنيايه كاد كده هر شيدن اول مصارف تعليم سنى
دوشنور . چو جق بر زمان پدر و والده سنك بوانديغى محله مكتبه
دوام ايله مقدمات عليه يي تحصيل ايتدك كن صكره بيوك
دارالفنون لري بولسان محال بعيمده يه ارسال ايله اوراده تدرس
وتعش لري چون لازم كلان مصارف كلي يي والدينى در عهد
ايدرلر . وار باب ثروت و بساردن اولنلر اولاد لري درس لري تكميل
ايتد كن صكره ممالك سائره احوالنه واهاليسنك اصول
واخلاق و عادات لرينه رأى العين كسب اطلاع ايلك اوزره محال
بعيمده يه اعزام ايدرلر .

صبیان مقتضای حال صباوت علم و معرفتک لزوم و اهمیتنی فهم
واذعان ایدمیدرک دلاعب زملاهی ایله اشتغاله میل ایلدکلی حالده
والدین و یا خود وایلری گاه صورت ملایمت و گاه عنف و شدت
اظهار یله تحصیل علم و ادبه چالشیدردقلمی مثلاًو بصر بصیرتلی
کشاده اولان دولتردخی تبعلمی حقنده اولان معامله سی ایدرک
اولیاده هر درلو وسائل تسهیله ولوازم تشویقیدی ایفا و حتی
بعض المانیادولتلی یدی یاشنه وارمش کرک قز و کرک ارکک
چو جقلمی مکتبه قویمیان پدرلی تجریم ایله اشعه جهانتاب علم
و معرفتک انتشارینه اعتنا ایدرلر .

تربیه عمومی نك نزد سلطنت سنیده دخی کال اهمیتنی رهین
تقدیر اولوب خاصه شو مصطلحت خیری نك حسن ترویج و تشبیه
اشتغال ایلمك اوزره مقدمه نظارت مخصوصه تأسیسنه و کرک
در سعادتده و کرک ممالک محروسه نك پك چوق محارنده صبیانك
مجاناً مقدمات علوم تدرس ایلملی ضمننده رشدی مکتبلی کشادینه
اهمیت بیورلشدر . مع مافیه مکاتب مذکور نك صورت اداره
و انتظاملی هنوز ارزو اولنه جق درجده اولدیغی مثلاًو محله مکتبارنده
جاری اولان اصول زیاده اصلاحه محتاج اولدیغنی اعترافه مجبور
بو مثلاًو مکاتبك اصلاحی اولامعللرینك اولد قجه اهلیت واستطاعت
اصحابندن اولسنندن و ثانیاً بونلرک اتخاذ ایتدکلی اصول تعلیمی نك
یولنده بولمنسندن عبارتدر . صبیان از وقت ظرفنده ترکیه یی
بالسهمواه اوقیوب یازمغی و لازم کلان مقدمات فنونی تعلم ایلمك اوزره بر
اصول مناسب وضع و تأسیسی و بونك ایچون لازم کلان کتب و رسائلک
انتخاب و ترتیبی از بر همتله عهد قریبده حص و لیدر اولدیلمور فقط بروجه

مظلوم معلم تدارکی بویگانسته بر از مشکل اولدیغی مثلاً بولنسه بیله
 ایوم بومسلکده تعیش ایدنلرک اخراجی حقلرنده مغدوریتی موجب
 اوله جغندن بونار حالی اوزره ترک اولانوب فقط یکیدن بومسلکه سلوک
 ایده جک اولانرا اصول جدیدده بالامتحان اهلیتی نمایان اولدیغی حالده
 قبول اولانوب بویابده مدار شوق وغیرت اولق اوزره یکی معلملره زیاده جه
 معاش و یا خود بر نوع امتیاز و برسی واسکی معلملردن دخی بوضورتی قبوله
 مستعد و طالب اولان اولدیغی حالده بعدالامتحان انلرک دخی شو
 مساعده یه مظهر اولملری مقصد مذکورک حصوله کافی اوله جغنی مخزومدر
 بزم مکتب لرده یولسز برشی دها واردر که شو صروده انک دخی
 بیاندن کیرو طور یله مز بوندن مراد مز زوالو چو جقلرک طایق ایله
 تأدیب اولنمسی ماده سپدر: سایه عدالتوایه سلطنت سنیده ده
 الک بیوک جرم و قباحت ارتکاب ایدن اشخاص قویه البنیه بر چوق
 سندلردن برو شو تعذیب جسمانیدن خلاص اولد قلی حالده
 هنوز درکار اولان نراکت وجودلری جهتیله هر وجهله حقلرنده
 لطف و ملایمته معامله اولنمسی لازم کلان اطفال حقنده شو حرکت
 طوغریسی روا کورلما لیدر: اطفالدن امر تعلیمده تکاسل ورخاوت
 و یا خود شایان تقبیح بر فعل و حرکت کورلده مطلقاً طایق ایله
 محازات اقتضا ایتوب کونا کون صورت تأدیه واردر که یولیله اجرا
 اولدیغی حالده بونلرک هر بریسی بر چوق دکنکدن زیاده مؤثروکار کر
 اولدیغنده اشباه یوقدر مثلاً بعض کره مناسب لسان ایله تعذیر
 و یا خود محل و مقامنی تغیر ایتک و بعض کره سائر شاگردان مکتبدن
 عزیمته نائل رخصت الدقلری حالده بر از وقت توقیف ایلک ودها
 اعلاسی او قوددیغی درسی قباحتنه کوره بکرمی اوتوز ودها

زیاده دفعه یازمغه مجبور ایتک کبی تدبیرک حصول مقصده کافی
اوله جغی امور مجربه و مسلمه دندر .

فی الحقیقه اشبوطیاق اصول مضره سی حصار کبی کمال غلظت
فهم ایله برابر عنود اولان حیوانانه مخصوص اولوب نوع شریف
انسان و باخصوص صبیان نزاکت بنیان حقنده شو معامله نک
اجراسی ناچسباندنر . بونک وجودجه ایراث ایده بیهل جکی مضرت
شویه طورسون سوء تأثیرات معنویه سی دخی درکاردر
اکثریا شو حال تحملکدازه مظهر اولان صبیان حقارت
و مسکنه مألوف اوله رق مدت عمرلرنده عزت نفسلرینی وقایه
ایده میه جکلی مجزومدر . (منیف)

(فوائد طرق)

بر مملکت کتده یوللرک حالی اهللسنک درجه مدیتلرینی بیلک
ایچون بر مقیاس صحیح اولوب یوللرک تعدد و انتظامی سکده سنک ثروت
و سعادت حاللرینه دلالت ایدر .

بناء علیه یوللری اولمیان و یاخود اولوبده اویغونسز حالده
بولان بر مملکت اعظم وسائل معموریتدن محروم قالمش اولور
چونکه یوللر جسم مملکتک مایه نمو و حیاتی اولان عرهقی دیمک
اولوب قانی مشابه سنده اولان محصولات ارضیه و صنایه
ازلردن جریان ایدر .

جسم مملکتک نما و تقویت یچون اقتضا ایدن ماده حیاتیه ک قلب
منزله سنده اولان مقر حکومتدن اک متباعد اعضاسنه سرعت
و سهولتله مواصلتی یوللرک کفایت ایده جک درجه ده متعدد
و استقامت لرینک وجه مناسب اوزره منتظم اولسنه و ممکن مرتبه
موانع طبیعیدن سالم بولمسنه متوقف اولوب ماده حیاتیه
مزبورده دائما کثرت اوزره جولان ایتدکجه جسم مملکت بسمه حال
هلاک و یاخود بی مجال اولور .

یوللر حیفه که نوع انسان حقنده درجه منفعت و اهمیتی لایقوله
بیلنماش شیلردن اولوب جسم مملکتک باعث حیات و عافیتی اولق
حسیله درکار اولان منافع عظیمه سی هر یرده کثرت اوزره
بولندیرلمسنی استلزام ایتش ایلده ابتدا ایجاد و انشالی اسباب
و تاریخی تحقیقاتنک اهمال اولنوب اونودلمسنه دخی ینه بو ماده
سبب اولسدر فی الحقیقه بر شئیک بنی ادم حقنده فائده سی نقدر

زیاده اولور ایسه اول شېئك اصل و حقیقت و فائده سنده دایر
معلوماك تخصیصانده اولقدر تکا سلی اوانوب تحقیق و تفحص
اولمیدیغی قضای مسلمه دندر مثلاً اجسام عضویه نك حیات
ونشو و نماسی مطلقاً صو و هوا و ضیا و حرارت و محتاج اولدیغی
حالده اکثر ناس بونلرك تقدیر قیت و تحقیق ماهیندن غفلت
ارزره بول نورلر .

بو قدر فوائد کایه بی متضمن اولان یوللرك قدر و قیمتی
سهل المرور یوللری اولیان ممالکت سکنه سیله متعدد و منتظم
یوللری بولان ممالك اهالیسك رفاه و راحت و ثروت و سعادت
جهتلریله بینلرنده مشهود اولان فرق عظیم مطالعه اولندیغی
حالده کرکی کبی اکلاشیاور و طرقل فوائدی هیچ بر یولی
اولماق اوزره فرض اولان بر ممالکت اهالیسك حالنه نظراً
دها ایو میدانه چیقسه جغندن بودخی پروجه اتی بر مثال ایله
بیان اولور .

بالفرض برکسنده استانبولدن و دینه کتک مراد ایدوب حالبوکه
اشبو ایکی محل بیننده اصلاً بر یول بولمسه اول امرده عجباً
بوادم نوجهله یولنی بولوب محل مقصودینه واصل اوله بیله جك
سؤالی خاطره خطور ایدر و حتی شوم مقصدك حصولی غیر ممکندر
افکارینه ذهاب اول نور اگر فرض ایلدیکمز یولچی حرکت
ایده جکی استقامتک غربی شمالی اولدیغنده معلوماتی اولسه بیله
شمس اکثر یا کوندز و کواکب دخی کیجه حساب ایله مستور
اولدیغندن و محالین مفروضین بیننده اصلاً بر یول اولماق
مناسبیته کرک مهندس و کرک بر پوصله نك دخی موجود اولماسی

ایجاب حالدن بوانه جغندن ینه منزل مقصودینه واصل
 اوله مید جغی درکاردر فرض ایده لکه یولجی برقاچ کون حرکت
 ایتش اولسون و کندوسنک دخی اور ما نبجلیق فننده مهارت
 کامله سی اوله رق بر اور مانه تصادف ایلدیکی حالده کرچه اغاجلرک
 سال طرفلرنده تگون ایدن یوصون کندوسنه ممکن مرتبه
 برقلاغوز حکمنده اوله ییلور ایسده بونک دخی برمدت کشت
 و کذاردن صکره براغانه سی اوله میه جغندن نهایت شول مرتبه
 شاورر که شمسی غرب طرفندن طلوع و شرق طرفندن غروب
 ایدوب نصف النهارده دخی جهت شمالده درظن ایدر.

اشبویولجینک بالفرض طالعی یاور اوله رق استقامت مطلوبه سی
 جهته برمدت دوام ایتش اولسه بیله دائماً بو استقامت اوزره
 کنسی غیر ممکندر چونکه فرض اولسان یولجینک اوکنه بر اور مان
 تصادف ایلدیکی حالده برمر بولق غرضیه اغاجلرک ارا لرندن
 اوتیه برویه طولاً شور ایکن اولکی استقامتی دخی غائب ایدوب
 سرکشته وادی حیرت اوله جغی بی اشنباهدر.

مدکو یولجینک اوکنه بر بطریق تصادف ایتسه عجبانه یا پسم
 وقنغی طرفدن یکسم دیو بر زمان متحیر و مضطرب قالدقدن صکره
 چاموراره باته رق و هزار محنت و مشقت چکدرک نفسنی ته لکه یه القا
 ایلهر و رایتکه مجبور اولور.

واکرا نهای راهده اوکنه بر طاع تصادف ایدوب کندوسنک
 دخی فن طبعوغرافاده معلوماتی اولدیغی حالده جبل مفروض
 اتکلرندن طولاً شلق وصول سر منزل مراده اسهل طریق
 اولاسندن بی خبر اولوب بو جهته اوله هزار زحمتله رأس جبله

صعود وینه براوقدر مشقتله نزول ایدر و بوندن صرف نظر
بر اوچورم تصادفنده انی دخی اشغه مجبور اوله رق انواع مخاطراته
دوچار اولور.

و کذرگاهنه بر ایرمق و یا خود بر چای تصادف اید و بده بونلرک
بر یکید محلی اولدیغی و کندوسی دخی یوزمک بیلدیکی حالدده
قرشو یقه یکه جک بر یول بولنجده قدر منبعی جابذه متوجها
خیلی مسافه قطع ایدوب قرشو طرفه هرور ایتد کدن صکره
دخی استقامت اصلیه سی اوزره یولنه دوام ایتک ایچون کیرویه
عودت ایتکه واشبو مشکلاتدن بشقه یول اولیان مملکتده بالطبع
خان و امشالی لوازم ضروریه تدارکنه مخصوص محللار دخی
بولنه میه جغندن دفع جوع ایچون اتمک بوله میوب خدایی نابت
نباتات و صید ایده بیله جکی بعض حیوانات ایله تعیش ایتکه
مجبور اولور اگرچه حرکت ایلدیکی محلدن بر مقدار آزیق
المش اولسه بیله نهایت اون کوزلکدن زیاده اوله میه جغندن
بوننی صرف واستهلاک ایلد کدن صکره اکل صالخ نبات و حیوان
بوله مدیغی حالدده انشای راهده اجلقدن تلف اولسی احتمالی
دخی اشکاردر.

اشته بویه اصلا یولی اولیان بر مملکتده کشت و کذار ایدن
یولخی ایله یوللری غایت منتظم و باخصوص تیمور یوللری اولان
بر مملکت یولجیلری بیننده سرعت و استراحت جهتلیله درکار
اولان فرق نه مرتبه عظیم اولدیغی تعریفدن مستغنیدر
لکن هر نقدر مشاهیر حکمدان دو قنور جونسون (برکوزل یول
اوزرنده سریع السیر بر عربیه ایله کتک کی روحه ذوق اولر)

دیمش ایسده یولچیلره مخصوص اولان اشبو ذوق روحانی
یولارک عموم اهالی حقده مشمول اولان منافع مادیه بی نهایت سنده
قیاساً لاشی حکمنده قالور چونکه بر مملکتده اصول مستحسنه
اوزره یوللار انشا اولندرق وسائط نقلیه استحصال اولندیغی
صورتده جناب حقک نوع بنی آدمه احسان بیورمش اولدیغی
نعم غیر متناهیه حصوله کلدکلی محالرده چورو یوب محو و تلافی
اولور .

روم ایلی و اناطولیه ک اکثر محالارنده و علی الخصوص ساحله
بعدیتی اولان یرلرنده چیقان هر درلو حاصلاتک بالسهموله محال
سأثریه نقل اولنقی اوزره مناسب یوللر بولندیغی جهتله
محالارنده بی اعتبار قالدیغی و بو کیفیت یک چوق اراضی منبتته ک
حراشتدن خالی براغلمسند سبب مستقل اولدیغی جله مزک
معلومیدر .

امریقاده نیورق ایالتک شمال طرفنده واقع معادن دخی
بو قیلدن اولهرقی ثمره سز قالمش کیدر . چونکه طاعنلر ارالردن
حرور ایدن یولارک زیاده صرپ و او یغونسز اولمسندن ناشی
معادن مصارفی نقلیه سی کند و بهاسنی تجاوز ایدر . و اسیانیا
دخی اجرت نقلیه ک قیمت اشهادن زیاده اولسی جهتله بر قاچ
سند متوالیا محصولات ارضیه ک عادتاً بولندیغی محالده چوریدیکی
کورلشدر وینه بوسببه منی مملکت مذکوره ک بعض
محالارنده قیونار یالکز یا غبسی ایچون کسیاوب اتلری اتیلور
و برازیلیاده دخی بعض حیوانات مجرد دریلری الینق ایچون
بوغازلور ذکر اولسان مشکلات و اتلافات بر مملکتده همان هیچ

یول بولما مستند نشأت ایدن آثار اولوب فقط موجود بولندقاری
 صورتده دخی انلرک امر انشعالرنده درجات مختلفه اوزره صرف
 اولان مساعی ودقته نسبة امور نقلیهده حاصل اوله جق سرعت
 و سهولت و اعمونیت جهتاریله ییئرلرنده بولنان فرق علی الخصوص
 اصحاب زراعت کوره اکثرا ظن و تصور اولنان درجه نك
 مافوقنده در .

ایمندی اشبو فرقلردن الك مهم اولانی بر یولک طول اولان میلنده
 بولنوب چونکه بالفرض بر طریق ایکی ییک ذراع امتدادنده
 یوز ذراع ارتفاعده اولسه اولطریقک میلی یکریمده بر اولمغله
 طریق مفروض اوزرنده میلی جهته جر اولنان بر ثقلتک یکریمی
 جزئندن بر جزئ نك یوز ذراع ارتفاعده اولان محله حقیقت
 حالده عموداً رفع اولمش اولدیغی براهین جر ائقال ایله اثباب
 اولنور لکن بو درجهده اولان بر میل اوزرنده بر بار کیرک
 افقه موازی بر طریقده جر ایده ییله جکی ثقلتک انجق نصفی
 جر ایده ییلدیکی بالتجربه معلوم اولدیغندن طریق مفروض
 اوزرنده افقی بر یولده بر بار کیرک جر ایده جکی ثقات ایچون
 ایکی بار کیرک ایجاب ایلدیکی و بوجهته اگر طریق مذکورک انشاسی
 بر مهندس کامل عهدده سنه حواله اولنهرق طاع و تیه مثالو
 مرتفع محالار اوزرندن مرور ایتکدن ایسه انلرک اطرافندن
 طولاشدیر یلهرق یا خود آخر صورتله ممکن مرتبه تسویه یعنی
 میلی تعلیل اولسه بو مثالو طریق اوزرنده مصارف نقلیه نك مارالذکر
 شولی اولان طریق اوزرنده واقع اوله جق مصارف نصفه تنزل
 ایده جکی تجربه و حساب اولمشدر .

یولار بیننده واقع اولوب شایان دقت اولان فرقلردن بریسی دخی سطحاری ماهینده اولوب چونکه بر طریقك سطحی سرت و مستوی و دیگرینك یومشاق و غیر مستوی اوله ییلور شویله که کوشه لو اولق اوزره قیرلمش طاشلار ایله لایقیله انشا اولنش بر یولك سطحی سرت اولغله بو مثالو طریق اوزرنده بر بارکیر مدور و اوفق طاشلر بسطیله سطحی او قدر سرت اولیان بر طریق اوزرنده جرایده بیله جکی ثقلتك اوج مثلی جر ایده جکی بالتجربه معلوم اولوب اشبو ایکی نوع یوللردن برنجیسی بر قانون مخصوصه تطبیقا انشا اولندیغی حالده اجرت نقلیه ایکنجی نوع یعنی سطحی سرت اولیان طریق اوزرنده لازم اوله جق اجرتك بر ثلثه تنزل ایده جکندن اشبو مصارفك ایکی ثلثی قزانلمش و استعمال اولنان بارکیرك دخی ثلثانی فضله قالمش اولور .

اسپانیاده منتظم یوللر اولدیغندن حکومت محلیه بر دفعه اسکی قاسیلدن مادریده بغدادی کوندرمکه مجبور اوله رق ۴۸۰ طونیلاته یعنی تقریبا ۳۸۰۷۶۰ قیه بغدادیك نقلی ایچون ۳۰۰۰۰ بارکیر واستراستکرا ایلدیکی معلومدر لکن کوشه لو قیرلمش طاشلردن غایت اعلا اولق اوزره انشا اولنش بر یول اوزرنده عدد مذکورك یوز جزئندن بر جزئی قدر بارکیر و یا خود استرا ایله ذکر اولنان مقدار بغدادیك بالسوهوله نقلی ممکن اوله جغی مجزومدر .

بو تقدیرجه اگر اویغونسز و فنا حالده بولنان بر طریقك بر مبلغ صرفیه سرت و مستوی اولق اوزره تنظیمی ممکن اولور ایسه اول مبلغك فائضی بر سنده ظرفنده كرك زحمت و مشقت و كرك نقلیه اجرتندن حاصل اوله جق منافعدن دهادون اولغله طریق

مزبورك تسويه سی ایچون اول باول صرفی ایجاب ایذن اچقه
 مقدار اولور ایسه اولسون هر حالده منفعتلو و قاعده تصرفیه
 موافقدر چونکه بر طریقك انشا سیچون صرف اولنه جق اچقهك
 فائضی ایله یولدن حاصل اوله جق منافی یکدیگر یله ابتداموازنه
 ایتك اقتضا ایدوب حالبوکه بو مثالو تشبثاتده دائماً فائده اچقهك
 فائضدن زیاده اوله جغندن مصارفدن احترازاً انشا ویا اصلاح
 طرفدن صرف نظر اولنمی اصلاً جائز اوله من

منتظم بر یولدن حصوله کلان فوائد یالکز انشا سیچون اقتضایدن
 سرمایہ یی تدارك ایدنلره عائد اولیوب بلکه عموماً اهالی یه راجعدر
 اهالی و یا خود بر قومپانیه معرفتیه انشا اولنان طریقدن هرور
 ایده جك اشیاء طبیعت و ثقلته کوره بر مقدار ضروری هروریه
 اچقه سی اخذ اولنق اقتضا ایدوب بودخی مزبور یولك انشاسنه
 صرف اولنان اچقهك فائضنه و حسن اداره سی ایچون صرف
 اولنه جق مبلغه مقابل طوتیلوراشته بو وجهله حاصل اولان فائده
 اعمار اراضی و بوسبيله ثروت و استراحت اهالی حصرتلی جهتلریله
 اولان فوائد یول صاحبترینه منحصر اولیوب بلکه اشبو تسهیلاتدن
 كرك محصلین و كرك مستهلکین کافه افراد اهالی حصه دار منفعت
 اولورلر فرضاً بر کیله بغدادیك قیمتی بر شهرده اوتوز غروش اولوب
 واول شهره بغدادیك محاندن اجرت نقلیه سی دخی بهر کیله ده بش غروش
 اولسه بر کیله بغدی بهاسی صاحبنه نسبتله یکرمی بش
 غروش دیمك اولور ایمدی اشبو بغدادیك امرار اولندیغی طریقك
 اصلاحیه نقل اجرتی ایکی بچق غروشه تنزل ایلسه یولك
 اولکی حالده اقتضا ایدن اجرتك بهر کیله ده ایکی بچق غروش

زیاده لکی طریق مزبورک اصلاحی ایچون صرف اولنان مبلغك
فائضیه موازنه اولنسه ینده اصلاح صورتی عموم اهالی
حقنده فائدهلو اوله جغی اکلاشیلور چونکه امر مذکوره
صرف اولنان اچهنك اقتضا ایدن فائضندن طولانی فرضا
بهرکیله یه یکر می پاره ضمی لازم کلسه برکیله نك اجرت تقلیده سی
یکرمی پاره دیمك اوله جغندن مارالذکر ایکی بیچق غروش
زیاده لکدن بهرکیله ایچون باقی قلان ایکی غروش محصلین ایله
مستهلکین بینده تقسیم اولنسه جق برکار اولدیغندن محصلین
محصولاتی اولکندن دهه از یاده بهایله فروخت و مستهلکین دخی
دهه دون بهایله اشترا ایدرک طرفینك دخی استفاده ایتیش
اوله جغی نمایان اولور .

بنابرین امرزرا عتک ترقیبیه بالواسطه و بلاواسطه معموریت ملک
قضیه مطلوبه سنك حسن حصولی مطلقا منتظم یولاره موقوف
اولوب شویله که آنفا بیان اولندیغی اوزره برملکته یوللر نقدر زیاده
انتظام بولسه اولقدر سهوات واهونیت ایله محصولات ارضیدنك
شهرلره و شهرلردن بوزلره بدل الات و ادوات و نسائر محصولات
صناعیدنك قریه لره نقانده واسطه اوله جغندن یوللرک اصلاحی
امر زراعتك توجهله توسع ایتسنی و انحصار اراضی ایچون
صرف اولنان مساعی دخی بیهوده کتمیدرک محصولاتنك کسب
قیمت ایلمسنی موجب اوله جغندن معموریت ملک بلا واسطه یولاره
متوقف دیمك اولور اهالی و فیره و صنایع متنوعه سی اولان بیوک
و کوچك شهرلر حاصلات زراعتیه الكاعلا بازار اولدیغندن
بو مثل شهرلر انجیق یوللر مناسبیه کسب جسامت و اهالیسی

استحصال وسائل رفاه و ثروت ایدر یوللر انهار مقامنه قائم اولوب
یول موجود اولدیغی تقدیرده بو مثالو جسیم شهر لر تشکلی مطلقا
ساحل دریاده و یا خود انهار اوزرنده بولمغه محتاجدر . اشته
بوسبده مبنی دخی زراعتک ایلر و لمسیله حصوله کلان معیوریت
ملکک بالواسطه یوله متوقف اولدیغی ثابت اولور .

اشبهو مباحثدن اکلا شیلور که بربر یله جزئی تجارت و یا خود
مناسبتاری اولان ایکی کوچک شهر بیننده کلی مصارف ایله یول
انشالیتک ییهوده اتلاف مال دیمک اولدیغی مثالو برجسیم
شهر ایله اول شهر اوراق یومیه سنک کلدیکی و کند و محصولات
صناعیه سنک نقل اولندیغی نواحی بیننده واقع طرقی حال
طبیعیارنده ترک ایتک و یا خود اصول مقبوله یه تطبیقا اصلاح
ایتمک اهالی مملکتک سعادت حالرینک مبنی علیهنی بیلامک
دیمک اولور .

یوللرک انشا و حسن تنظیمدن حاصل اولان منافع بی نهاییه دن
بعضیاری انکلهزده واقع طرقک اصلاحی حقنده پارلمنتو اعضای
عادیه سندن مرکب بر قومیه معرفتیه یاپیلان بر لایحهده بسط
ویسان اولمش اولدیغندن لایحه مزبوره ترجمه سنک بروجه آتی
تسطیری مناسب مقام عد اولمشدر .

" مملکت مزده بولان یوللرک اصلاحک زراعت و تجارت و صنعتک
توسع و ترقیسی حقنده تأثیرات حسنه سی اولدیغی مسلمدر .
شهر و بازاره کتوریلان کافه اشیائک بهاسی تنزل و انلرک نقلی ایچون
استعمال اولنا بار کیرلرک عددی تناقص ایدرک بوندن و امشالی
اتخاذ اولشان دیگر بعض تدابیر تصرفیه دن ناشی ملته سنوی

بش مایون لیرا فائده ککوسترلش وعربه لرك تعمیری دخی خیلی
 تناقص ایدوب شمديه قدر حاصلاتی بار کیرلرک اداره سنه مخصوص
 اولان شو قدر ییک دوئم اراضی دخی من بعد منافع انسانیه یه منحصر
 اولمشدر .

والحاصل بوماده مهمه نك یعنی طرق عادیه مرك حسن تنظیمندن
 حصوله کله جك فوائد عمومیه وخصوصیه لایعد ولایخصی اولوب
 فقط شو قدر که یوللر بر سطح واسع اوزرنده منتشر وفوائدی
 وجوه عدیده ایله اعم اولدیغندن شو فوائد عمومیه قابل ترقی
 اولوبده منافی خصوصی اولان منافع سائرهدن حاصل اولان
 فوائد قدر محسوس اولدیغندن اکثر ناس یوللرک محسنات واهمیتندن
 غفلت اوزره درلر .

محمد سعید

خواجہ درمکتب بحریدہ شاہانہ

(بقیہ سی صکره)

مواد حکیمه تلماق

عشق و محبت بادی نظرده معصوم و محبوب و غایتله محبوب القلوب
بر طفل مثابه سنده اولوب فقط بونی نواخته دست اعزاز ایدنلر
شم بوی سم و در کنار محبت و اعتبار ایلیانلرک بیت مهمور قلبی
خرابه هم و غم اولوب کچم شده ایتدیکی و یا خود آتیده ایده جکی
غدر و جورلرینی یاد و تصور ایله زهر خند و اهانت ایده بیله جکی
انسانه تقرب و تلاعبدن نشئه مند اولور .

محایب دستان و ظریف و دل هوا مائلک استدیکی حالت و صورتده
نازک و لطیف اولدقلرندن انسان کنی ادب و تربیه محبت
ایدیور ظنیه قایلوب فضائل ذاتیه سنی تلف و آتش حرصی
منطقی اولنجه خطا ایتدیکنه اسف ایدر .

انسان عالمده شویله بویله حاللره و عشق یوزندن رنگارنگ نیرنگ
و آللره اوغرایه کلمه شدر دیو بریسی نقل و روایت ایلسه ایشیدنلر
حکایه و افسانه در دیو عبرت المامق اکثریا عادت اولوب بر ادم
نفسنده تجربه امور ایتکده بشقه حالت واردر .

عقل و حکمت حساب و نصایبده کی اکلنجه یی هیچ بر وقتده منع
ایتموب امور و مصالحله اشتغالدن یوریلان وجودی راحتندیرمک
ایچون ذوق و صفایه رخصت و یردیکنه و اتمام رؤیت مواد
روزینه لذتی اوزرینه اولسان عیش و الفت عقل و ادراک انسانی
پریشان و همیشرب حیوان ایدن حرص و شهوت قبیانندن
دکلدر .

احساب قناعتدن اولان بر طائفه ابنیه متینه و سیم و زرازان

و مجوهرات و اقمشه لطیفه و اطعمه نفیسه و آلات موسیقی سوزلیله
محاربات و فتوحات و انقلاباتدن و حکومتلریننده تسویه حدوده
دائر منازعاتدن بحث اچاسسه او مقوله صنایع قوتیه یاییلان
شیلر زوائدن اولوب سنده واردر بنده یوقدر محاسبه سیاه
طبایع انسانیه بی افساد ایده جکندن مضر در دیو رغبت
ایتمیوب یوقدر لوازم کاذبه یه مأنوس و اسیر اولنلر بزدن
زیاده می یاشارلر و انسان بالافس فانی دکلدرده مدت عمر اوزونمیدر که
بر برلرینی تلفه تمجیل ایدرلر اراضی موجوده کفایت ایتدیگندمی
حدود نزاعنه قالدیشورلر بزمکیلی اسنسلر ترک ایدوب بشقه یرده
اگر بچرز انسان سائر انسانلره حاکم اولوب کمال عقل و عدل ایله
حکومت ایتک مشکل اولدیغندن تمنی ایده جک شی دکل ایسده
طرف حقندن مأمر و یاخود التماس اهالی ایله مجبور اولور ایسده
قبول و بویایکی صورتک غیری اهالی بی اسیر و تخیب ولزومندن زیاده
فیضان ایتمش نهر کی اراضی منتهین تخریب ایتک دیمک اوله جفندن
نکول ایتلیدرلر .

انتون چیقارمق ایچون یرلری بو قدر درین قازمق اقتضا ایتمیوب
یالکز حرانلیله اکتفا اولنسه دفع احتیاج ایده جک لوازمی
حصوله کتورر .

بر ادم یوزیه جک ایاقلری وار ایکن ساقط الحركه اولوب ارته برو
حرکتده معاونته محتاج کی بعض کسان لوازم غیر ضرورییه
تدارکی عايشدن کوتورم اولورلر .

کائناتک محیر عقول بشر اولان کمال جسامت و عظمتده نسبتله
کره ارض آب آورده بر قبضه چاور و اوزرنده اجتماع و احشاد ایدن

ويوك يوك بادهلر و جسيم جسيم اردولر و دقيق و دقيق بولالمستقلر
تاسيس و تاسكيل و ايجاد ايدن نوع انسان بردانه حقيرايجون
بري بريله چكيشور مور قبيلدنددر .

اكثر حكمدارانك حال آسايش و رفاهده برهيز كارانه حركت
و اداره مصالح معتنا بهايه صرف همت و راحت ايله گنجلك
جوهر جهان بهاسني حفظ ايله جك پرده بالعكس لذائذ و شهوات
نفسانيه انهماكلى ذهناً و وجوداً حرب و ضربدن زياده موجب
سوء تأثير اولور .

صادق و استقامت و قناعت و مروت ايله متصف اولان بر قوم
طالب صلح و صلاح اولوبده پرده دار قضا دشمنلرينك بصير
بصيرتي باغلايرق مخالفت ايله دلكرى حالده اولو جهله صلفي
سووب بقاسني رجا ايدن ادملرك حربده كمال درجه سورت و شدتلريني
كوره جكلى دركارددر .

رأس حدود اولان محارده لزومندن زياده قلعهلر بنا ايتك
همجوارلر مزده بويله استحكاملر يابسونده بري برعنه تعدييه
تصدي ايدلم ديمكدركه بونده مضرتدن ماعداشي ملحوظ
اوليوب بومقوله قلاع بعض وقوعات شديددن زيور بر
اوله كلديكندن جهانده اعيت و اعتبار ايدم جك حصارا ستوار
حقانيت و همسايكان ايله حسن معاشرتدر .

خارجا ارانه سطوت و قدرت اولمق نيديه بر حرب نابجا و منفردانه يه
طويلوب داخلا اضاعه مكنت و قوت اولمسي تأسف اولور
مواددنددر .

نوع بشر بر ظالميان كوه صحرا به يالاش بر طاقم برادر و خواهر اولالريله

مفخرت و عظمت نامنه حقد و رعونت اهراق دم محترملرینه علت
اولدیغدن بونی استلزام ایدن بر طاقم افکار فاسده دن صرف نظرله
جمله متحد و یکوجود و ازاده کشیکش بود و نبود اولاری موافق
رضای جناب رب و دود اولوب بعضا حربك لزومی تقدیرنده
دخی وقوعنه استعداد ویرمکدن اجتناب اعظم و طائف ارباب الباب
و کسب شان و عنوان اغورینه محارب به مقتضیدر اعتقادنده اولارک
اصل شان و مفخرت ذات انسانیتیه خدمت شرفندن عبارت اولدیغنی
بیلدکلرندن رأیلری ناصواب اولسیله بوصفانده بولنان حکمداره
صورتا مداهنده ایدرلر ایسه ده غیابنده خلقك خوننی ریزان و خانه لرینی
سوزان ایتکده تمدح و افتخار ایده جك نه وار و مقادر ناسه رعایت
ایتمیان ذات نه صلاحیتله مستحق تعظیم و اعتباردر دیرلر و بالعکس
اهالی و همجوارینه بخش اعیت و انارک اعتمادینی جلبه همت ایله
حرب وقوعبولامسنه اعتنا و سایه صلح و آسایشده زیردستانی
نائیل ثروت و غنا ایدن حکمداری مدح و ثنا ایدرلر .

بیوکلر دائما اطرافنی المش اولان مداهنارک الفاظ تعظیمیه و عبارات
تعجیلدیرینی استماعه مألوف اولدقلرندن حضورلرنده بقشه صورته
معامله دن خشنود اولزلر ایسه ده حضور محرمیتده عرض ماده
اهم ایدن بیعرض ادم نقدراچیق سویلرایسه او قدر دقایق احواله
وقوف و اطلاعلری شامل و بو طریقك غیریله یعنی ایما و ابهام
و اغلاق و ابهام صورتلرنده هر شیئی لایقیله اکلاملری مشکل
اولور .

براردویه قومانده ایدن برنسارک حربدن احترازی معایب
عظیمه دن معدود اولمغله میدان محاربده بولانلارک بعضیسی

من غیر اقتضا تهورانه نفسی مهلکه به القا و بعضی کنونی
 مجمع کوسترمک فکر یله طور و طرزنده قلب قوی و عقل سدید
 صاحبی اولدیغنی ایما و بعضی وقت مصممین مقدم حرکت
 غیر مناسبه ایله اردوی اخلاص و افسا ایدر اولدقلرندن چنکاور
 عاقل بویله حرکات مقدوحده دن احتراز و کندوسنی صاقنور
 صورتده ایلرو وارمیکزدیو منع ایدنلر غیابنده قورقدی دیه جکلرندن
 ایجاب حقیقیتسندده دکرینه کوره سکونت و مکانتله یور ییوب
 کسب فخر و امتیاز ایله حقنده کسه نك حسدینی دعوتیه سبب
 و برماکدن اتقا و سائرلرینک وجوده کتوردیکی فتوحاتی قدری
 مرتبه سنجه مدح و ثنا ایدرک قدما ی رؤسای عسکریه نك مجلسلرنده
 رأی و تدبیردن دم اورمیوب انلرک کور کبی و تیر به سی
 حسیله کندوسنه اصول محاربه یی او کر تمار یچون عرض احتیاج
 و بیلرینه القای نفاق ایدرک سوزلره قولاق اعمیوب حسن
 امتزاج ایلمی اقتضا ایدر و بعض مداهنلرک نه احتیاجکر
 واردر سر انلردن اعلا فن حرب و ضر به آشناسکر دیلرینه
 اعتماد ایتمایدر .

حکمدارلرک مشهور اولان بعض رفتار نابهنجارلرینه تعجب
 اولنمایدیر چونکه الک عظیم القدر اولان ادم یند ادم اولدیغندن
 حسب البشر به خطادن سالم و ساده و هیچ بر حکومت بازی هزار
 منصوبه شطرنج احتیالدن کاملاً آزاده اوله من .

بر حکمدار اعتماد ایلدیکی کسدره بعضاً الدائمش ایسه انک یرنده
 بولغنی فرض ایدن قنغی فیلسوف کنینی مداهند دن محافظه
 ایده ییلور نیجه نیجه حکمداران عاقل اغفال اولنیم احتیاطیه

الداندبغی دفعائله واقعدر . چونکه هیچ بر حکمدار منسترویه
 احتیاج یا منتدن مستغنی اوله میوب جائجا نصب اولنان شبایک حیل
 و فربه خارجدن مفردات حرکاته دقت ایدن خلق قدر کسب و قوف
 ایله میه جکی جهتله مصالح عامه و حکومته الویرشلی ادم تدارک
 و انتخابنده یک چوق زحمت چکیلوب بیوکلک دخی بر یوکلک پرتوسمن
 کی افعالی یوکلک کوسستردیکندن خلقک نظری دائماً یوکلک آدم لارک
 اوزرنده کزیتدرک تدقیقات عمیقہ ایله ذاتلرنده اولان خطایای
 صغیره یی نقایص کیره دن عدا ایله اوده انساندر خطاسمن اولن
 دیو انصاف ایتیموب سو یانورلر بوتقدیرجه بر حکمدار نقدز
 عاقل و فطین اولسه ینہ انسان اولوب دائره عقل و فضلی محدود
 و اطراف منافع ذاتیدسنی دوشنور کسه لر ایله مسدود اولغله
 ارادیغی منبع استقامتی بوله میوب یا آرزوی مخصوصی و یا خود
 و کلاسنک سوء تدبیر و غرض و حرصی دلا تیلہ بعضاً خطاده
 ایده جکندن ال زیاده معتنا و ممتد اولان مدت حکومت بدایتندنبرو
 خالقک وجوده کتوردیکی خطیاتی اصلاحه نسبتله یک قیصه مدت
 اولغله ستم ناسدن آسوده اولدمز ایسده عین انصاف ایله باقد قدیمیه
 عرض احتیاج و اعتراضاتی تو کتمیوب اصلاح اخلاقی قدرت جناب
 خلاق جهانہ مخصوص اولان خلابق مخالفه العلابقه حکم ایتک
 وظیفه و مشغله سنده بولنان حکمدارانک شکایتہ حقلری درکار
 و معذرت حقیقیه لری عندالعلاق رین اعتباردر . رومستانده
 وسائر ممالک و بلادانده ارشدیرلم کورلم خطاسمن حکمدار
 کیدر یک یوکلک آدم بیله اقتضای بشریت خطا ایتماک ممکن
 اولیوب انجق خطاسنی اعتراف و اصلاحه سعی ایدن کسه یه

یولدا ندر دینلوردا اثره خاسه خلقت بشریه نك خار جنده انسان
مکمل ارامغی اعتیاد ایله کسه بی بکیمیان واطوار ممدوحه بی
تقلید ایمان نور سیدکان حرکات خود سرانه دن بر عمیق الغور
ضلالته دوشدکلرندن انسان بومهلکه دن نفسنی تبعید وهر نقدر
مرد مکمل دکل ایسه ده بزرگان راه ادبی تقلید ایلك شعار
تربیه وادبدندر.

بر مملکتده نقدر نفوس وار در تعداد اولانوب بونلردن تمقداری
حقیقیلکه الویره جک و اراضی موجوده اهالی معدوده بی اداره یه
وبلاد اجنبیه یه ارسال و بیع اولنه جق انواع محصولاتن سنه
معتدله ده تمقدار شی ویره بیله جکدر و هر طرفه آمد شد ایله مملکتک
قوتی اثبات ایده جک قاچ قطعه تجارت سفینه سی و نقدر طائفه سی
وارد و بونلر قنغی دیاره کیدوب نه جنس امتعه ونخا تر نقل ایتمکده درلر
بورالینک تحقیق اولغسی و اکثر یاحیه کارانه اعلان افلاس ایدن
بجاریک اوکلرینی المق ایچون ناظر و ما مور تعیینیه بر تاجر دیگرک
افه سنی قطعا تجارت بختیده قولالانیوب بو مثالو بخت و تجر به
یوانه تجارتده کند و سر مایه سنک نصفنی قولالانغله منفرداً تجارتنی
باشه چقاره میده جغنی شیده خالیدن مصون قونظور اتو یه ربطه ایله
مشارکته ماذون و کافه تجارتکار و مصرفی و مصلحت و مبا شریتی
حسابی ناظر و ما موره یلدر مکه مجبور و مد یون اولغسی و تجارت
علی الاطلاق سر بست اولوب ایثنی ایلملیدن و خارجدن داخله
اسباب تجارت نافعده بی جلب ایدن کسه لره اعتبار و اکرام قلمنسیله
هر جانبدن اهالی کله رلک جز رومد دریایه شیده اولان ماده تجارت
بری بری ارد شیده کلور امواج دریایکی سیم وزری مملکته ادخال

و ادراج و سر بست سر بست بر او جدن اخراج ایتکله ادخالادن
 فائده عامه و اخراجانك بدلنه برکت و ثروت تامه حاصل و هیئت جسمه
 عدالت لیان امانده هر کسك راحت و امنیتی اشاعت و بلاد بعیده
 تجارینه بالای حصار دن تحریک ایدی دعوت ایلدکجه تجار شرقیه
 و غربیه دن پیانی کشتیران ظهور و لذت باب منفعت عز و حضور
 اولور . ذهب و فضه یه دائر اشیای بیتیه شدیدا یساع
 اولانوب حتی حکمدار خلقی تلف و سرفدن منع و زجره سبب
 مؤثر اولق اوزره مقام حکمداری یه اقتضا ایلدکجه رتبه دن
 زیاده اسباب احتشامدن احتراز ایتلی و هر کس حدینی تجاوز
 ایتامك اوزره هر صنفه مخصوص البسه و قیافتلر تعیین اولمالیدر .
 وزیب و زینت استعمال ایللری از عیب عد اولان طائفه نسایه
 بیه رخصت و اسعه و یرلیوب حوایج کاذبه و غیر ضروری
 تحصیل و اعمالیه اشتغال ایدن ارباب صنایع و تجارت امور
 نافعده استخدام قلملیدر .

ترتیب مأكولات و مساکن و مفروشات ماده لرنده دخی انسانك
 بیوکله کی معنای قوت و جود ایدن اطعمه و اشربه کونا کون
 اکل و شربنده اولیوب حسن اداره امورنده و خلقك راحت
 و حضورنده اولمغله طعامك وجوده ضرر محض اولان اشتهاپی
 ارتد تریدلی قاریشقی شیلردن ازاده و ساده تمیز و سمیزات
 و خاص اتمك اولمالیدر . و بمقوله موادده اصول و نظام وضعیه
 دستور العمل طوطلسنه تقید و اهتمام اولنسی کافی اولیوب
 حکمدار اولان ذات مقتضاسیله عامل اولدکجه قطعاً تأثیری
 و فائده سی کور یله مز .

موسیقی عقول بشریه بی تأثیر باده دن زیاده باده وریکسدن بونک
معابده اوقونور نعوت الهیه و محاربه ارده اثبات مر دانکی وثبات
ایلیان پهاوانا ک مدحیه سنه حصر اولنسی مناسب اولور
(مابعدی صکره)

(مابعد)

مدخل علم ژئولوژی

(سیال الکتریک یساننده در) کهربانک دلك ايله اجسام خفیندی
جذب ایلدیکی مقدمینک معاومی اولوب یونان لساننده جسم
مذکورک اسمی ایلکترو اولسی کیفیت مذکورنک الکتریک
تسمیه سنه بادی اولمشدر اکیوز سنه دنبرو متأخرین بو خصوصده
صرف افکار و همت ایلدرک خاصه مزبوره ايله متصف اولان اجسامی
تحریر و تجربه ایدوب پک چوق جملرده و ذیقیمت احجارک اکثریسنده
وزجاج و مهرومی و ککورد و بالجه اجسام زجاجیه و کافه
انواع رچنده خاصه مذکورنک وجودی تحقیق و اثبات
اولمشدر اجسام مذکورنک هر قنغیسی رطوبتدن عاری ال
ایله طلا و یاخود چوقه پارچدسی و یا کدی پوسنیله دلك اولنسه
جزئی و یا کلی ماده الکتریکه ظاهر اولور یعنی اجسام مذکور
کاغذ پارچدلی و توی و اینجه اتون توزی و چوب پارچدلی
جذب و بعضیلرینی بالعکس دفع ورد ایدر .

حکمای طبیعون بویابد پک چوق تجربه لر اجرا سیله سیال الکتریک
نیجه کفیان غریبه سنه کسب اطلاع و انار و خواصی

اثبات ایچون نیچه آلات مخصوصه اختراع ایتشله اینسده بونلرک
تعریف و بیانندن صرف نظرله خواص و انارندن باشا و جدرینسک
بو محله ذکر یله اکتفا اولندی

زجاجدن معمول بر تکرارک دندریله رک یوک و حریر و مشین و یا خود
بونلره مسائل دیگر برشی ایله علی التوالی داک اولنوب ال ایله و یا بر
میچاق اوجیه طوقاسد شراره الکتریقیه نشر ایدر و باروت
راسپرتو و امثال قابل اشتعال اولان شیار آتش الور و حتی بو طریق
ایله معادن دخی اذابه ایلاک ممکن اوله ییلور اگرچه اجسامدن
یک چوغی الکتریقی ایسده بر طاقده دخی داک ایله ماده الکتریقیه
تحصیل اوله مامشدر مثلا یتور و تماس چوقلری یوک و کدی
پوستی و مواد الکتریقیه سائر ایله خیلی داک اولنوب بر کونه اثار
الکتریقیه حس و مشاهده اولنماشدر مع مافیه اجسام مذکوره
ماده الکتریقیه یی تحصیل ایتش اولان جسمه تماس ایله الکتریقی
اوله ییلدکلری تبین ایتشدر صو و کافیه معادن و مواد سائر
بو مناسبه ماده الکتریقیه یی تحصیل ایله سائر لرینه دخی اعطا
ایلدکلری جهته بونلره ناقل الکتریک و بعض اجسام دخی داک ایله
ماده الکتریقیه یی جذب و تحصیل ایلر ایسده اجسام سائر یه
اعطا ایلدکلرندن اناره دخی غیر ناقل الکتریک تسمیه اولنماشدر
مع مافیه غیر ناقل اولان اجسام بعض احوال مخصوصه ده بالتحول
ناقل الکتریک اولور نکه تنسم اولان هوا رطوبتدن عاری
اولدیغی حالده غیر ناقل الکتریک ایکن غلیظ و رطوبتلی بولندقد
بالتکس ناقل اولور

بعض اجسامک داک ایله الکتریقی کسب ایدم یوب تماسی

مماس بیله سیال مذکوری تحصیل ایلدکلی آتقاند کر اولمش ایسه ده
 یومطلق دکلدرنیرا داک اولندقلرندمماسل اولان ماده الکتریقیه داک
 محو وازاله سنی منع ایلک ایچون اجسام مذکوره بی غیر ناقل
 اولن اجسام ایله ستر و محافظه ایلدرک سیال مذکور کسب
 ایتدیر یله یلور و بوطریق ایله ماده الکتریقیه سی محافظه اولمش
 اولان جسم اصطلاح مخصوص اوله رق فرانسسزجه ایزوله
 یعنی منفرد تعبیر اولور بر جسمی منفرد قلمق ایچون بر حریرا بر شمه
 تعاقب یا خود جام و کوکر دو کور و مهر موی و امثالی اجسام الکتریقی
 بالذات استعمال اولور مثلاً معدن معمول چوقلر بر صورتله منفرد
 قیابوب اولخالده داک اولنسه اجسام مذکوره خاصه الکتریقیه بی
 کسب ایلوب فقط ال ایله و یا خود بر جسم معدنی ایله تماس اولنسه
 اول انده اشبو خاصه زائل اولور اشته بوندن مسبتان اولور که
 بالاده بیان اولندیغی اوزره داک ایله سیال الکتریقی بی تحصیل
 ایده میان معدنی چوقلر منفرد قیاندقده الکتریقی اوله یلور و منفرد
 اولدقجه دخی ماده مذکوره بی محافظه یه قابلدلر . معلوم اوله که
 اجسام هر قومه منفرد اولدقجه سیال الکتریقی بی حفظ ایده ماملری
 کیفیت اطرافلرنده واقع اجسام و علی اتوالی کره ارضه اعطا و ایصال
 ایلدیکنه منیدر اکابناء منفرد بولندقجه یعنی بر جسم غیر ناقل ایله
 اجسام سائر دن منفصل اولدقجه الکتریقی ضایع ایدر .

بھک اولنده اشارت اولندیغی اوزره الکتریقک باشا وجه خاصه لری
 جذب و دفع کیفیت اولوب برنجیسنه الکتریقی زجاجی و یا خود الکتریقی
 عبت و دیگرینه دخی الکتریقی رجنوی و یا خود الکتریقی منفی اطلاق
 اولور و انار الکتریقه دن باتجربه اساسه متاج اولندیغی نظر اذکر اولنان

ایکی در او اکثر یقین برینی حاوی اولان جسم بر برینی دافع و بالعکس
مختلف اکثر یقین بر انسان جسم بر برینی جاذب اولور یعنی ایکی جسم
الکترایق مثبت و یا خود الکترایق منفی ایله اکثر یقینش اولسدر
قریب وضع اولسند قدی بر برینی جاذب ایلر و بالعکس جسمین
مذکوریندن بری اکثرایق مثبت و دیگریدخی اکثرایق منفی
حاوی اولسه لر اول حالده بر برینی دفع ایلر لر.

بعض اجسام بالستدر یج تسخین و یا تضییق ایله و بعض مایعات
حین تصللارنده و بعضا دخی تبخیر و اشتعالارنده الکترایق اولور لر
لکن صور مختلفه مذکورده حاصل اولان الکترایق دلک ایله تحصیل
وجع اولسان اکثر یقین اقل و دوندر جواهر معتبره دن طویاز
و طور مالین قرستالاری و سائر بعض معادن تسخین اولسند قدی
ماده الکترایقیه اظهار ایدر لر حتی امور مستغربه دن اوله رق
اوجارنده اولان الکترایق مختلف الجنس یعنی براوجی جاذب
و دیگریدخی دافع اولور و اسلاند قرستالی تسمیه اولسان ملح
قار بون کلس ال ایله مس اولسه اکثرایق مثبت اظهار ایدوب
خیل زمان حفظ و اجسام خفیفه یی جاذب ایدر.

و بر معدن دخی واردر که دلک و تسخینده محتاج اولوب طبیعی اوله رق
حال اکثر یقینده بولور اکاحض توتیا دینور که توتیا معدن نیدر
اشبو معدن اولدقجه کثرت اوزره بولور.

(سیال غالوانیزمه بیاننده در) ایتالیاده واقع بولونیا شهرنده غالوانی
نام اوستادک در سخنانده سنده بر اکثرایق آلتی بولوب برکون انکله
شماره الکترایقیه حاصل ایتدیریلور ایکن اتفالت مذکوریه
قریب محالده بر قاج قور بغه بولوب هر برشمرر اکثر یقینک

ظهورنده مذکور قور بغدرك بجاقارينه رَعهسه ايراث ايلديكى
مشاهده اولمش اولغله اشبو كيفيت غريبه حكيم مومى اليهك
بويابده بعض تجارب اجراسنى مستدعى اولوب بوتجار بدن
امنتاج ايلديكنه نظراً بر حيوان ميتك عضلاتى وياخود
اعصابى معدنى اجسام ايله تماس ايلدكده رَعهش ايلرو قوت
مذكوره يى حيواناته مخصوص يعنى برنوع الكترىق حيوانى ظن
وقياس ايلوب كندواسميله غالوانيزمه تسميه ايلشدر لكن ينه
ايتالياده واقع پاوييا شهرنده حكماء طبيعىوندى مشهور ولطه
قوت مزبوره ماده الكترىقيددن بشقه بر ماده اولمديغنى اثبات ايدر
مومى اليهك تجارب عديده سنه نظراً مختلف الجنس ايكي جسم
معدنى بر برينه تماس ايلسه برنده الكترىق مثبت و برنده الكترىق
منفى حاصل اولور وتوتيا ايله كمشدن وياخود توتيا ايله نحاسدن
كوچك ويصى ومدور تكر لكر اعمال اولوب برى توتيا و برى نحاس
اوله رق وهر جفتك اراسنده مقوا وياخود ايضلاق چوقه پارچه سى
وضع اولنسه شدتلى الكترىق غالوانى حاصل ايتديريلور ومذكور
تكر لكر هر نقدر چوق و قالين اولسه اولقدر قوتك زياده اوله جنى
در كاردرد غالوانيزمذك آثار و حادثاتى غريب ومعتنا اولوب
علم ژئولوژيد مناسبتي كادىكه بيان اولنه جقدر .

(مايترمه بياننده در) اشبو كله يونانجهدن مأخوذ اولوب
قوة مغناطيسديه اطلاق اولور ومغناطيس تعبير اولنان حجر دخی
برنوع تيمور معدنىدر كه خواص مغنويه سى تيمور اكنديسى ايچنه
براقلاقدده اشبو اكندى سطحك هر طرفه ياشور فقط خاصه
مذكوره جله اطرافنده على السويه اولوب ايكي اوجنده زياده در

و تیمور اکنیدیاری شول وجهه یاپشور که جهه سی بربرینه یقین
 و موازی اولور انک ایچون مقناطیسک ایکی اوجنه بو وجهه
 مترکم اولان اوفق تیمورلره ریش و یاخود حیه و انلرک اولدیغی
 نهایتلره مقناطیسک قطبلی اطلاق اولنور واکر بر مقناطیس
 افقه موازی اوله رق وسطندن تعلیق اولنسه و یاخود بر نقطه
 اوزرنده حرکت ایتدیرلسه نهایتلرینک یعنی قطبلرینک بری کره
 ارضک قطب شمالیسنه قریب و بری دخی قطب جنوبیسنه
 قریب استقامته متوجه اولدیغندن مقناطیسک قطب شماله طوغری
 متوجه اولان نهایتنه قطب شمالی و دیگرینه دخی قطب جنوبی
 و بوا یکی نهایتلری وصل ایلیان خط مستقیم موهومه محور
 مقناطیس تسمیه اولنور .

برمنوال محرر محور مقناطیس دائره نصف نه اراستقامتده اولیوب
 یئرلرنده حاصل اولان زاویه یه انحراف مقناطیسی اطلاق اولنور
 و هر محله و هر زمان محور مقناطیسک انحرافی مساوی اولدیغندن
 سیرسفاین ایچون استعمال اولان خریطهلرده انحراف مذکور
 کوسستریا لور و چوق دفعه انحرافک تعیینده سهو و خطا وقوع
 بولر ق سفاینک قره یه چاندقلری واردر حتی قره دکزده دومانلی
 هولرده کیارک س جنوب جوارنده قره یه تصادقلری پک چوق دفعه
 وقوع بولدیغنه مبنی ازانک مقناطیس انحرافی استانبوله نسبت
 اوانه کلوب حالوکه درجه انحرافده چوق دفعه تفاوت بولغی احتماله
 ذهاب اولغش و فی الواقع بیك ایکی یوزیتش درت سنه سنده
 قره دکز سواحلنده اجرا اولان تجارب و تحقیقاته سکوره
 درجات انحراف مقناطیسی زیرده بیان اولدیغی اوزره

درجه - دقیقه

۳۲ ۶ بوغاز ایچنده اورتیه کوی

۳۱ ۶ بوغازه قریب بیولک لیان

۳۷ ۴ سببوب

۵۸ ۱ طربزین

۵۹ ۶ بوغاز

۴۲ ۶ قافره برونی

۱۳ ۶ سته

۳۴ ۷ هوجدهك

۴۸ ۵ ییلان اطدسی

۰۶ ۵ سواسنپول

۱۲ ۳ کرج

اشبو درجات ذکر اولنان محالرده محور مقناطیسك نصف نهار
دائرة سیله غربه طوغری احداث ایلدیکی زاویه در

قوة مقناطیسك درجده سی مختلف اولوب شویله که بعضاً مقناطیسك

ككوجك یارچدلی ككندویه نسبتله قوت عظیمده سی اولوب

اغر جسملری جذب ایله قالدیرر و هر نقدر تیموری اوزاقدن جذب

ایدر وجذب ایتدیکی تیموری دخی ككندندن تفریقده هر نقدر

مقاومت ایراث ایدر ایسه اولقدر قوتده زیاده اولمش اولور

و معلوم اوله که قوة مقناطیسیده اجسام سائرهنك توسطی

یعنی حائل اولسیله تناقض ایلایوب حتی قوة مذکوره

صودن و جام و کاغذ دن و علودن بیله هرور ایدوب

تأثيردن خالی اولمز و حتی بوندن چند سنه اقدم دگرلرده سیر
و سیاحت ایدن بعض کسیندرک کشف و تحقیقلرینه کوره امر بقای
شمالیده کلیتاً و مقناطیس معدنی حاوی بر ککوچک اطه کشف
اولوب اوچیز متر مسافه سندن تأثیرات غریبه سی حس و رؤیت
اولبور .

مقناطیسک قوتی تیموره و چلیکه نقل و اعطا اولانه یلور و مقناطیسده
منجذب تیمور آکندیسی بیه خاصه مذکوریه یی تحصیل ایلدیکندن
بر برلینی جذب و جلب ایدرلر و چلیک پارچه لری بر مدت مقناطیسده
یابشق طور دقده کندیلری دخی مقناطیس اولوب تیموری و یا خود
عادی چلیکی جذب ایدوب حتی قوت عظیمه سی اولان بر مقناطیسده
مدت مدیده ایکنه منجذب اولدقدن صکره و سطلرنده تعلیق اولندقدن
نهایتلرندن بری جهت شمالی ارائه ایدر و بویه بالعمل بعض اجسامه
خاصه مقناطیسده اعطاسنک علوم و عنایعده و علی الخصوص
بحار و سیعده سیر و سفائن ایچون منافع کثیره سی درکاردر
طبیعی مقناطیسارک قوه جاذبه لری اوروپا اهالیسنک من اقدم
معلوماتی بولنش ایسده فقط پوصله تسمیه اولنان التک ایجاد
و استعمالی ایکیز سنه میلادیه سنده وقوع بولشدر آسیا اهالیسی
ایسده پک چوق اول مقناطیسی ابرهنک قطبلری جهته متوجه اولسی
خاصه سنی یلور حضرت عیساندن بیک بشیوز سنه اقدم یعنی
بوندن ارجیسک اوچیز الی بش سنه اول چین اهالیسنک
پوصله کی برآت قولالانش اولدقلری ثابت اولمشدر و حتی مملکتلرنده
واقع بحاری و سیعده کشت و کذار ایچون استعمال ایتشاردر
و اوروپا بحارلرنده پوصله زک استعمالدن یادی یوز سنه اقدم

بحر هند ده چین کیلرنده الت مذکوره مستعمل بواند یغنه نظراً
زمان مزبورده چین جغرافیونک یونان وردما جغرافیوننه
فائق اولدقلری اکلاسیلور واورو با خلق بحرده پوصله استعمالی
عربلردن اوکرتمشلردر .

معلوم اوله که مقناطیس یالکز تیمور وچلیکی جذب ایتیوب
قوبالت و نیکل و قروم و مانعاز معدنلری دخی جذب ایدر و حتی
بوندن بزقاج سنه اول براین شهرنده موسیو دوو نام کسنه
جمله معدنک مقناطیس ایله جذب اواند یغنی تجربه مخصوصه سیله
اثبات ایلمشدر .

برجنس الکتریکی حاوی جسملر متدافع و مختلف الکتریقلری
حاوی اولانلر بالعکس متجاذب اولدقلری مثلاً مقناطیسلرده دخی
قطب شمالی دیگر مقناطیسک قطب جنوبی سنه تقریب اولنسه
بری برینی دافع اولورل یعنی مشابه قطبلر بری برینی دفع و غیر مشابه
اولنلر بری برینی جذب ایلر و بوسببه مبنی اشبو مقناطیسلرک
مشابه قطبلرینه قطبین خیمین و غیر مشابه اولان قطبلرینه دخی
قطبین محبین اطلاق اولور .

معلوم اوله که مقناطیس ابرسی دائماً نصف نهار اوزرینه تماماً
منطبق اولیوب ابرهک قطبی صاغ و صول طرفه محل وزمانه
کوره جرعی مائل اولارق اشبو میله انحراف مقناطیسی و یا خود
انحراف پوصله تسمیه اولور و اشبو انحراف پوصله بی ابتدا
امر یفا قطعدهنی کشف ایلیان مشهور قیودان قرستوف قولونب
مشاهده ایلشدر شویله که امر یقایه ایلاک سفرنده فروئه نام جزیرده
ایکیوز میل بحری مسافده بواند یغنی واوراده پوصله سنک ابرسی

قطب شمالی به متوجه اولسی لازم کلدیکی خالده بش الی درجه
شمال غربی طرفه توجه وانحراف ایلدیکنی وبرکون صکره
انحراف مذکورک تزايد ایدوب سفینه سی دخی غربه طوغری
یول الدیقه ده از یاده لشدیکنی رؤیت و تحقیق ایلشیدی .
قوه الکتریقیه ایله قوه مقناطسیه ناک برلشمسندن حاصل اولان
قوه الکتروما نیترمه تسمیه اولنور و بوناره متعلق دیگر بر قوه
دخی ترمومانیترمه و ترمو الکتریق دینور که بونلر ایله یکری
سنه دنبرو تلغراف الکتریق اختراع اولمشدر . اشبو قوتلرک
تعریف و بیانی و آثار غریبه لری کتب مخصوصه ده محرردر (تنبیه)
قوه الکتریقیه و قوه غالوانیزمه و قوه مقناطسیه مسائل
راستعددن ایسده بوراده بعض خواص و آثارینک مختصراً ذکر یله
اکتفا اولندی خفی اولیه که قوای مذکورہ ناک حقیقتاری حالاً لایقوله
معلوم اولیوب حکماً بو خصوصه سعی ایتکده ایسدرده اسباب
اساسیه سنی کشف ایده یله جگرلی دخی مجهولدر .
(نتیجه) کره ارضنک تمدث اصل پسند و سطحنک قشر بغل پسند
جهه اسبابدن زیاده حرارتنک تأثیراتی وقوع بولش ایدوکی اشکار
ایسده بورباده قوای سائرهنک دخی بعض مرتبه مدخلی اولوب
حتی الآن دخی بعضاً خفیف و بعضاً شدید اوله رق تأثیراری
محسوس و ثابتدر و حرارت ایله ضیانک اجسام نامیه حیوانیه
و نباتیه طرق مختلفه کثیره ایله تأثیراتی در کار درو محالده ذکر
اولند جفی وجهه حادثات ژئولوژیه دن بعضیلرنده ضیانک مدخلی
وارددر و حرارتنک تأثیراتی اجسامی اذابه ایله تغیر و حالات سائریه تحویل
ایدوب قوه مذکورہ قوای سائرهنک زیاده شدیداً تأثیردر و حتی

آرضك حركته ووقوعه الزلزله فوران و اشتعاله و الحاصل كره ارضيه
 وقوعه بولان انقلابك يك چوغنه باشلوجه سبب بودر و حادثات
 غريبه ك اكثر يسي دخی الكتر بق و غلوانيرمه و مانيرمه قوتلريله
 ظهور و حدوث ايدر و الكتر بق و غلوانيرمه آلتلريله اجسام
 معدنيه يي اذابه و صورتي و اجسام مركبه سائره يي تحليل
 ايد ييله جك درجه ده حرارت حاصل ايتديريله بيلور ايسه ده
 حرارت شديد مذكوره ك سبب ظهوري هنوز مجهولدر
 و سيالات مذكوره ك تحدث ارضيه و تكونات و تعيينات سائره ده
 بوشللو تاثيرات كلييه و جزئيه سي وقوعه بولش اولسي اهمر مسئله
 دكلدر .

(ادهم)

عن اعضاء مجلس والا

(تاريخ چاو)

سايه موفقيت و ايد حضرت پادشاهيده بودفعه رفع و ازاله سي دبسر
 اولان اوراق نقديه اصولي خيليجه قديم اولوب ازمه و امكانه
 مختلفه ده جايجا اتخاذ اولمش و اكثرياً تسايح و خيمه يي مستازم
 اولمش در بونك تحقيق و بياني شواننده مناسبدن خالي اوليه جغدن
 عموماً اوراق نقديه ك صورت اختراع و انتشارينه و احداثي
 موجب اولان علل و اسباب ايله تسايح و آثار بنده داركله جك نوروده
 بعض معلومات مجمله و پيريله جك ايسه ده بودفعه لك هيجرتك

قرن سابعنده ممالك ايرانده مسند نشين حكمراني اولان مغول خانلرندن
كيخاتو خان زمانده چاو ويا خود جاوا سيمه تداوا چيقاريلان اوراق
تقدیه نك صورت ظهور و انگاسی حقه ده مشهور و صاف تاريخ بنده
مسطور بر فصولك بروجده آني خلاصه ترجمه و تحریریندا بتدارقلندی

(چاوك سبب احداث وابطالی بیانده در)

ارغون خان وقعه سندن صكره مغول حیواناتنه كند و لسانلرنده يوت
تعبیر و انور برخسته اق عارض اولدوق مملكتك اكثر محالرنده و با خصوص
بغداد و موصل و دیار بكر و خراسان طرفلرنده بولنان عساكر ك حیواناتی
تلف اولدی و اول ائنده خانلر احوالك تبدیلی و کلی مصارف عسكریه
و قوعی جهتیه خزینه دولت مضایقه ده دوچار اولشیدی مقام
صدارتده بولنان ذات مجبول اولدیغی کمال سماحتی اقتضا سنجه هر كسك
طبيب قلوب را نجاح مرا منی التزام ایتدیكى مثلاً و كیخاتو خان دخی اموال
دنیا نظر نده حقیر و ناچیز كورینه رك اشبواتلافات و اسرافاتده اصلا
مبالات كوسترمه بكدن بوناردخی اسباب سالفیه منضم اولدوق صدر
مشار الیهك ما موریتندن ایكى سند مرورنده خزینه بشیوز تومان (۱) دیونه
كرفتار اولدی دولتك سنوی وارداتی بیک سكر یوز و مصارف عادیه سی
یدی یوز تومان اولوب قصوری دخی مصارفات فوق العاده ایله كیخاتو
خانك عطایا و احسانه كفایت ایتزایدی مملكتك هر طرفنده و با خصوص
اهم ایالت اولان بغداد و شیرازده تنقیح مأمورین و تقلیل

(۱) اولوقت ایرانده تداول ایدن تومان اون بیک درهم اولوب هر
درهم دخی زمانمزا قدسیله تقریباً یوز بش پاره قیمتده مساوی اولدیغندن
بر تومان یكرمی یدی بیک غروش دیمك اولور

مصارفاته ابتدار اولغش ایسده اشبوتدایر جزئیة اصلاح حاله مدار
 اوله مامشدر صدر اعظمك بر مدت ملازم درگاهى و معتمد و مستشارى
 بولسان عزالدین مظفر بن محمد بن عید بر کون مشار الیه حضور رنده
 خزینہك الحقیقه کمال احتیاجندن بمثلہ اعتبار مالیهی قالدیغی جهتہ
 من بعد بر محلدن استقراض دخی ممکن اوله من و شو حالده فجاء بر طرفه
 عسکر سوق اولغق لازم کلسه تدارك مهمات حربیه لری اعر نده دولتک
 دوجار اضطرار و حیرت اوله جغی واهالینک تکالیفته بر مقدار شی
 ضم و یا خود مجددأ ویرکو طرح اولنور ایسه تنفر قلوب و خرابیت
 مملکتی استلزام ایده جکی درکاردر خاطرده برتد بیردلیذیر کاور که
 اتخاذ اولندیغی تقدیرجه هم در حال خزینہك مضایقه سی مبدل
 بسرور فاه اولور و همده جملهك منافعنه موافق بولندیغی جهتہ
 بر طرفدن طعن و تعرضه محل اولمز شویله که ممسالك چینده اولندیغی
 وجهه دولتک کافه ممالکنده اتون یرینه چاو تعبیر اولسان اوراق نقدیه
 تدارل ایتد یریلوب بوصور تده اوراق مذکورہ ك بدلی تمامیه
 خزینہیه عائد اولور و بوندن طولایی هیچ برکسده متضرر اولمز دیدی
 صدر اعظم مشار الیه اشبوتدایر و مقدمات و همیه الیه دانهرق چین سفیری
 پولاد جنکسانغ الیه بالاتفاق تدبیر مذکورى حضور ایلیخانیه عرض
 و بیان ایلدی شوتکلیف صورت ظاهرده توفیر مایه ثروت و تسهیل
 معاملات بحارتی مستلزم کورندیکندن بادی نظرده موافق
 مصلحت عدا اولندی و در عقب کافه ممسالك ایلیخانیده هیچ برجنس
 نفوذ ایله اخذ و اعطا اولنامسی و ذات ایلیخانیه خواص و کلای
 دولت البسه سندن بشقه صرمدلی انواب نسج و اعمال قلنامسی
 رق و محی و سیمکش و امشالی اتون و کوش ایله اشتغال ایدن ارباب

صنایعك بانه كلیه اجرای صنعتدن منع اوانمشی حقنیده هر طرقة
 تنبیهاات ا کیده و تهدیدات شدیده بی شامل فرمانرا صدرا و تسیار
 قلندی و عراق عرب و عجم و دیار بکر و ربیعہ و موصل و سلوان
 و اذربایجان و خراسان و کرمان و شیراز ممالکنده شوامرك
 تسویه و اجرا سیچون بر یوک مأدور تمین و کلی اچده صرفیه
 هر ممالکنده بر چاوخانه انشا و ما مورین و خدمه و لوازم سائرده سی
 ترتیب و تنظیم اولندی و بو کیفیت شیوع بولدقده کافه اهالی ممالکنده
 موجب اندیشه و اضطراب اولدی .

اشبو چا و صورت آئیده تنظیم قلمشیدی مستطیل الشکل بر کاغذ
 بارمك حاشیه سنده خط خطایی ایله بعضی الفاظ محرر اولوب ایکی
 طرفنده دخی خط مذکورك بالاسی (لا اله الا الله محمد رسول الله سکه
 سیکه نقد و واسطه فرائد عقد) کلماتی و طغرای ایلمخانی ایله موشح
 ایدی و انك اشاغیسنده (ایرنجین تورچی) الفاظی محرر ایدی
 و وسطنده بردائره ایچنده نصف درهمدن اون درهمه قدر قیمت
 موضوعه سند کوره رقم وضع اولنش و (پادشاه جهان التیوز طقسان
 اوج تارینخنده اشبو چا و مبارکی ممالکنده تداوله وضع ایلدی
 بونی تغییر و تبدیل ایدناز اولادو عیالریله برابر اعدام اولندرق اموال
 و اخیاری طرف درلندن مصادره اولند جقدن) عبارته سی یازلمش ایدی
 جاوگ فوائد و محسنات موهومه سی شامل شیرازه غایت مفصل
 و مشروح بر قطعه اعلامنامه رود ایدوب صورتی الان موجود در عیناً
 درج و تحریری موجب تطویل اوا، جغندن خلاصه ما انك بیانیه اکتفا
 اولور شویله که چا و مبارك نقد متامنده تداول ایتد کده فقر و مسکنت
 بر طرف اولور و ذخائر و ارزاقده رخص و رخا و غنی و فقیر بیننده مساوات

حصوه کلور و بادشاه و صدر اعظمك ميل و رغبتہ منی شعرا
 و ظرفا چاوڪ مدح و تناسی حقه اشعار انشاد ایدوب نمونه ارق
 اوزره اشبویت تحریر اولندی (چاو کرد در جهان روان کرد د*
 رونق ملك جاودان کرد) التون و كوشه متعلق صنایع اربابی ترك
 صنعته مجبور اولدیغدن بونلره والی مملکت معرفتیه استحقاق لرینه
 كوره چاوخانه لردن مناسب مقدار معاش تخصیص قلمسی و اوراق
 مذكوره كثر تداولدن ناشی اسكیوب یراند قجده چاوخانه یه كتور یاوب
 اوندی بر نقصانده جدیدیه تبدیل قلمسی و بحرام ملك اجنبیدیه
 عزیمتاری تحقیق ایدن تبارك چاولری خزینه یه قبول اولوب یرینه
 التون و یرلمسی و بوقبلدن بعض تعلیمات و افادات مندرج ایدی
 چاو حقه شواصول موضوعه بالفرض موقع اجرایه قونمش و خلق
 بی تردد انكله اخذ و اعطایه میل و رغبت كوسترمش اولسیدی ممكن كه
 مقدمات مذكوره دن بعضیلری نتیجه پذیر اولور ایدی فقط قیاس عتلی یه
 و اخصوص اهلینك اضرار یله خزینه دولته جلب منفعتی مستلزم
 تدبیردن بولمسنه نظرم بو باده تصور اولنان فوائد موهوم و بی اساس
 كور بنور التونك فوائد و محسناتی در كار اولوب بر مقدار جزئیسی سایر اشیاك
 متعسر النقل بر مقدار جسمینه مساوی اولدقدن بشقه متصف اولدیغی
 رزانت و عتات جوهر حسب یله صور آتش تأثیراتندن مصون اولوب
 قطع و دق اولمقدن و یرده مدقون قالمقدن ناشی مقدارینه نقصان طاری
 اولمز و اشبو اوصاف مقبوله بی جامع اولان معدن بر شررا صابیله دخانه
 منقلب و بر تلچ قطره صوو براز غبار ایله اجزاسی منحل و یریشان اولان
 و بر خفیف روزگار ایله هواده طیران ایدن كاغده نصل مقابل اوله یلور
 و الحاصل التیوز طقسان اوچ سنه سی ماه ذی القعدة سنده چاو تبریزده

تداوله باشد بوب شهر مذکور نهایت تجارتگاه و معمور ایکن اوچ کون
 هرورنده بین الاس اذیت منسلب و ابواب معاملات مسدود
 اولارق خرابیده یوزطلوتدی و بر بطمان اتمک بر دیناره بولمز اولسدی
 وحتی نقددن بر ذابک روایتنه کوره آت بازارنده ذابا اون بش دینار قیمت
 معتدله سی اولان بر رأس اسبه یوز الی دینار اوراق نقدیه تکلیف
 اولنمش ایکن صاحبی مشتری یه کویا حرکت و رفتاری نی کوسترمک
 اوزره حیوانه راکب اوله رق نظردن غائب اولوب بردها عودت
 ایتمشدر شو حالدن اهالی فریاد و فغانه اغاز ایدوب حکام
 و عساکرک دخی صبر و تحمله محال لری قالمدی عوام ناس جمعه کونی
 جامع شهر یغده علناً تظلم حاله مبادرت و عزالدین مظفر و شو بدعتک
 احداثه سبب اولنلر حقنده لعنت ایلدی اربو بعدده مومی الیه و رفقاسی
 علیه نه سوء قصد نخی ایتدیلر ایسه ده کوجه تخلیص
 کریبان چان ایرادی

شیرازده چاو اسورینه بش تومان مقداری اچده صرف اولندی و چارخانه
 مأمورلرینک معلومانی اولتسزین بر طبقه کاغد اشتراکسه کسه
 جسارت ایده مزایدی نهایت شو حال تحملکداز برقاج کون دهها
 ممتد اولور ایسه عظیم فتنه و فساد دی مؤدی اراه جخی بالا تفاق
 ارکان دولت طرفندن حضور ایلیخانی یه عرض و بیان اولنمغه در حال
 ابعزال و الفاسی حقنده اوامر اصدار و مخصوص ادمه لرایله هر طرفه
 تسیار قلمدی و بنووجهه اشوبلیه عظیمه مندفع و هر کس ممنون
 و شادمان اولدی

(منیف)

مجموعه فون سر ماه عربی نهایتند چیتا ریلور

در سعادت ایچون هاسی

غروش

۶۵ برسندك

۳۵ التي ابلق

۰۶ برنسخه

برسند لكند ویا خود التي ایلغند مشتری اولق اسنلد كده یکی جامع
جوارنده چیمك بازارنده واقع جمعیت علمیه عثمانیه مرکزینده مراجهت
اولند . ایلانده مشتری اولق استیبار فیئات مذکوره اوزرینه مسافه نك
قریت و بعد یتنه باقلمیوب بریلاق ایچون التي والی ابلق ایچون اوج
غروش پوسته اجرتی ضمیمه الحقه سنی پوسته یه تودیعاً جمعیت علمیه عثمانیه
ریاستی طرفنه کوندردکاری حالده اوقات معینه سنده محالده ایصال
اولنور

ممالك اجنبیه ایچون مسافه سنده کوره لازم کلان پوسته اجرتی ضم اولنور

متفرق صایمان غلامر

بك اوغلی جاده سنده صحاف

کولر . . . نومرو ۳۲۳

اسکدارده یازیچی عثمان افندی

بشکطاشده اجزاجی ویچین

جمعیت مرکزی

صحافلر کتخداسی حلبلی حاجی

حسین افندی

سلطان یازیدده کاغذچی

حافظ اسماعیل افندی

مجموعه فون در بی مراد او لمان مواد مناسبه جمعیت مرکزیه

ارسال بیوریه

مجموعه بنون

از

جمعیت علمی عثمانیه

انجمن

ماه جمادی الاخر

نومرو ۶

استانبول

وزیر خاندان واقع مطبعه ده طبع اولتشد

۱۲۷۹

(تاریخ اوراق نقدیه بروجه عمومی)

ورقه نقدیه شو اسمندن دخی اکلاشلدیغی وجهله برکاغددرکه عادتاً مسکوکات مقامنده استعمال اولنوب برکسه قبولندن قانوناً امتناع ایدهمز

مسکوکات صحیح، نیک قیمت حقیقه سیله قیمت موضوعه سی بیننده بر نسبت مناسبه اولسی لازم کلور ایکن بونک ضرب و اعمالی مسلم ید اقتدارلری اولان حکومتارک حسب المضایقه قیمت حقیقه سی پک ازاولان و یاخود هیچ اولیان شیرلی سکه مقامنده استعمال ایلدکلری پک چوق واقع اولمشدر فقط اشبو اقچه مقامنه قائم اولان شیر قیمت حقیقه لری اولان مسکوکات کی قیمت موضوعه لری نی هیچ بر وقتده محافظه ایدهمامشدر

بو قبیلدن برده بانقه کاغدی وارددرکه اصل و غایت جهتیله بو دخی بر نوع ورقه نقدیه دیمک ایسه ده یینلرنده فرق عظیم موجوددر شویله

شویله که اشیر بانقه کاغدی اسنادیکی انده بلا نقصان نقدیه تبدیل اولندیلوب برده هر کس رد و قبولنده مختاردر اشته بو وجهله بانقه کاغدینک ماده موجود بر قارشولغی اولوب حالبوکه اوراق نقدیه ده شو امنه تر اولیه رق انی تداوله وضع ایدن دولتک حقانیت وانصافندن بشقه اعتماد و اسناد و اولنه بحق بر شی یوقدر بانقه کاغدی مسکوکاتک دائره وظائفنی برقات دهاتوسیع ایدوب بالکلیه انک مقامنه قائم اولمقسزین خدماتنی ایفا ایلر بانقه کاغدی بو وجهله معاملاتی تسهیل ایتدکن بشقه تداولی اقمچهدن دهاتر کلفته محتاج اولدیغندن معاملاتک تکثرینی موجب اولور اشته بو وجهله یالکزن اقمچه ایله ممکن اولیه حق صورته ثروت و سامان حصوله کلاور فقط شو محسناتی وجوده کتورن اوراق مذکوره اقمچهدن قائمقامی اولوب لزومی اولدجه او صورته تحول ایدر

بر بانقه نک کرک نقد و سیکه و کرک سندات و تحویلات اوله رق موجودی احتیاجات واقعده سنه کافی اولدیغی مثللو تداوله وضع ایلدیکی اوراق سرماییه سنی اصلا تجاوز ایده من

کچن دفعه دخی یازلدیغی وجهله اوراق نقدیه اصولی خیلی قدیم اولوب فقط نوقت ایجاد اولندیغنک کرکی کی تعیینی غایت مشکدر

عند المتقدمین صنعت طباعت غیر معروف اولدیغندن یونانیلر انشای محاربانه دوچار مضایقه اولدقلری حالده تیمور پارچه لری اوزرینه بعض خطوط نقشیله قیمت حقیقیه سندن یکرکی و نهایت قرق قات زیاده سنه تداول ایتدیریلور و فقط اشبو قیمتسز سکه لر انشای محاربیه مخصوص اولوب مصالحه وقوعنده مسکوکات صحیحیه تبدیل

اولنور ایدی اگرچه بو تیمور پارچه لری حسب ماده موضوع بحکم
اولان اوراق نقدیه دکل ایسه ده دکرندن یک چوق زیاده تداول
ایتمسی جهتیه بونک دخی بر نوع قائمه دیمک اولدیغی درکاردر
میلاددن خیلی زمان مقدم تونس طرفلرنده واقع قرناج مملکتنده
انقراضندن چوق وقت مقدم دریدن معمول اقیچه تداول ایتدیرلمشدر
یالکز آتیه حکومتی مستثنا اوله رق بالجمله ملل متقدمه دولتری مسکوکات
مغشوشه استعمال ایدوب حتی روماده دولته استفاده اولسه حق بر
طریق مشروع عدا اولنور ایدی رومانک مشهور مؤرخلرندن بریسی
کمال استحسن ایله شواصولدن بحث ایدرک دولک بوندن بمقدار تمتع
ایلدیکنی بیان ایلشدر

قرون وسطی (۱) اثناسنده اشبو مسکوکات مغشوشه اصولی عموماً
اوروپا مملکتلرنده جاری اولوب بو وجهله اقیچه نک قیمت حقیقیه سنک
تنقیصی قرالره مخصوص بر امتیاز عدا اولنور ایدی فرانسه قرالرندن
کوزل فلیپ اصول مذکوریه زیاده سبیله استعمال ایدوب ژان نام
قرال دخی اسلافنک برکذاری اولان شو معرفتده بر قاندها کسب
مهارت ایدرک کندوسی اله حق اولدقده اقیچه نک قیمتی تزییل و صرف
ایده جک اولدقده تنقیص ایدر ایدی قرال مشار الیه جالس مسند
حکومت اولدقده بر نوع کومش سکه بش لیرا و بش صوابارنده
اولوب اول سنه ختامنده اون بر لیرایه چیقدی بیک اوچیوز اوتوز ایکی
سنه سی اوائلنده درت لیرا بش صویه قدر تنزل ایدوب بر سنه صکره
اون ایکی لیرایه بالغ اولدی بیک اوچیوز الی درنده درت لیرایه اولق

(۱) روماده واقع غرب ایمپراطورلغنک انقراضندن استانبولک فتحنه
قدر اولان مدت

اوزره فیئات تعیین اولنوب بر سنه هرورنده اون سکر لیرایه رسیده اولدی اشته بو وجهه مبلادک اون سکرچی قرنه قدر بالجه دولتر مضایقه مالیه کرفتار اولدقچه مسکو کاترینه حبله قاتملردر جبراً تداولی مشروط اولان اوراق نقدیه اصولی اعتبار مالیجه الک زیاده سو استعماله قابل بر ماده در شو کیفیت افساد سکه اصولندن نشأت ایتش بر شی اولوب قیمت موضوعه سنک مادوننده اقچه ضربندن ایسه بالکلیه قیمت حقیقه دن عاری اوله رق اوراق نقدیه احداث اولمشدر دولتر بونی تداوله وضع ایلدکلرنده وقت و سعتده نقد ایله تبدیل ایده جکلرینی وعد ایده کلدکلرندن بعض مرتبه بقای اعتبارینه شو تامینات مدار اولمشدر

چینلور پوصله یی و صنعت طباعتی و باروتی اورو پالوردن مقدم ایجاد و استعمال ایلش اولدقلری مثلاًو اشبو اوراق نقدیه اصولنده دخی انلره مسابقت ایدوب جنکیر خانک حفیدی قبلای خان هجرتک التیور سکسان دردنده چینده قائمه تداول ایتدیرمشدر و ندیکلو مشهور سیاح مارقوپولو اول اثناده چینده بولنه رق اشبو اصولی استحسن و سیاحتنامه سنده بر وجه اتی کیفی بیان ایلمشدر

خاقان چین کویا علم اکسیره واقف کی اتی الذکر بر طریق غریب ایله اقچه تدارک ایتکده در شویله که دود اغاجنک قبوغنی صویوب ایچ طرفنده یعنی بدنه ملاصق اولان بیاض ماده سنی تفریق و بر هاونده خیر کی اولجبه قدر دوکرلر و بونکله عادتاً پموقدن معمول اولان کی کاغذ اعمال ایدرلر فقط بو دها طیانقلی اولور بعده بو کاغذلر مدور الشکل قطعات مختلفه ده قطع اولنوب بونلرک بهری قطعه سنده کوره بر اریال و یاخود نصف و ربعی قیمتده اعتبار اولنور

اشبو کاغد عادتاً التون و کومش مسکوکات کی پک چوق اہمیت و اعتنا ایہ اعمال اولنوب بو ایشہ تعین اولمش اولان مأمورلر اوزرینہ مہر و امضالری وضع ایتدکنصکرہ مہر دار خاقانی مسلم ید امانتی اولان مہری لعل مرکب ایہ طبع ایدرک علائم رسمیدہ بونکلہ تمام اولور تقلیدینہ جسارت ایدنلر قتل ایہ مجازات اولندیغی مثلوقبولندن استنکاف ایدنلر دخی اشبو جزایہ کرفتار اولورلر پای تخت چین اولان پکین شہرندہ اشبو اوراق نقدیدہ دن مقدار کلی اعمال اولنوب بالجمہ ایلالردہ تداول ایتدیریلور مسکوکات اجنبیدہ تداولی ممنوع اولدیغندن ممالک سائرہ تجاری سبیکہ اولہرق التون و کومش ایہ اینجسو و جواہر سائرہ کتوروب استدکری مالی المسق اوزرہ بونلری اوراق مذکورہیہ تبدیلہ مجبور اولورلر و خارجہ کیدنلر الارندہ بولنان قائمہ یی بالطبع برابر کوتورہ مدکلرندن درون مملکتدہ خرج ایدرلر اولوجہلہ خارجدن کلان تجار اجنبیدہ نک کتوردکری ذیقیت معادن و احجاری اوراق نقدیدہ ایہ تبدیل ایملک اوزرہ خاقان طرفندن حدودارہ مخصوص مأمورلر تعین و ارسال اولنور بو اصول ایہ نہاہالی ونہدہ تجار بروجہلہ متضرر اولندیغی حالدہ خاقان چین التون و کومش ایہ خزینہ سنی طولدیرمشدر قیمت حقیقیہ سی همان هیچ درجہ سندہ اولان نقود موہومہ مذکورہ ایہ مصارفات دولت تسویہ اولہرق بوندن کلی استفادہ اولندیغندن دیادہ بولنان حکمدارلرک هیچ بریسی بو درجہ ثروت و سامانہ مالک اولماشدر) انتہی اشبو قوائم چیندہ برقاچ یوز سنہ تداول ایتدکنصکرہ سیاح مرقومک مایہ ثروت و سعادت دیو مدح و ثنا ایلدیکی شو اصول نہایت پر عظیم فسادی و خاندان ایمراطورینک خلعتی موجب اولہرق و دولتی اظہار

اظهار افلاسه مجبور ایدرك الغاسی ممکن اولشدر
 چینه اوراق نقدیه ظهورینی متعاقب ایرانده حکومت ایدن مغول
 خانلرندن بعضیسی دخی چینلوره تقلید اوراق نقدیه اعمال و استعمال
 ایلمش و بوماده و صاف تاریخندن تقلاً ماه سابق نوهر و سننده
 برتفصیل یازلمش اولدیغندن بوراده تکرارینه حاجت یوقدر
 اوروپالور اشبو اوراق نقدیه اصولی دهه معقول اولان بر طاقم
 اساسلر اوزرینه وضع ایله استعمال ایلمش ایسه لده ینه اصوللری
 خلقک یدنده بولنان نقودک اخذیه یرینه قیمتسز اوراق وضعی
 مقصدندن عبارت بولمیشدر بر دولت کاغذ پارچه لرینی معاملاتده جبرا
 تداول ایتدیردیکی حالده سائر بالجه ابواب اعتباری سد ایتمش اولور
 سالف الذکر سیاح مارقو پولونک دیدیکی کبی بر ایکی کون ایچنده
 کیمیا مر اقلولرینک خیال باطلاری وجهله هیچدن مبالغ جسمیه تحصیلنه
 ظفر یاب اولق پک اعلاشی ایسه ده امثالی دلالتیه ثابت اولدیغی
 اوزره نهایتنک و خیم اولدیغی بی اشنباهدر
 اوراق مذکورهنک اولووجهله هر یرده مضرتی مشهود اولدیغی مثلاً
 در سعادتده دخی بالتجربه سو تأثیراتی کوریلوب سلطنت سنیه
 اهالیدن زیاده متضرر اولمشدر کچن سنه امور مالیه یر دأر ذات والای
 صدارتیناهینک طرف اشرف حضرت پادشاهی یر تقدیم ایلدیکی
 لایحه ده کوسرلیدیکی وجهله قائمدهن طولای دولت علیه نک سنوی
 اوچیوز ملیون غروش ضرر دیده اولدیغی محققدر بر دولت اخراج
 قوائمدهن بر مدت موقتہ ظرفنده استفاده ایتسه یرله شو اصولک
 معاملاتجه ایراث ایده جکی انواع محاذیره نظرا پک بهالو کله جکی
 درکاردر بر مملکتده قائمدهن ابتدای ظهورنده بر کسده یر ضرری

اولدقدن بشقه نفودك اوراقه تبدلی ارباب تجارتیه فی الحقیقه سهولتی موجب اوله جغی جهته اثر ترقی ییله عد اولنور فقط بعده قیمتی تنزله باشلیه رق هر کس النده بولنان قوائمی امتعهیه تبدیل ایتکه چالیشور و اولوقت بر طاقم صرافلر بونی تجارت مقامنه قویه رق بعضلری دیگرلرینک خسارتیله ازوقت ظرفنده کلی ثروت و سامانه مالک اولورلر فقط بونی متعاقب شو حال بشقه صورتیه تحول ایله اوراق نقدیه قیمته تزايد و تدنیسی باعث اندیشه و اضطراب اوله رق ایلروده اقمچه نك نه صورت کسب ایده جکی مجهول اولدیغی جهته ارتق کسه وعده ایله اخذ و اعطایه کرشمزلر اولخالده جمله دن امنیت منسلب اولوب بر مدت طویلهیه محتاج اولان معاملاته سگته کلور بوندن بالجمله اهل تجارت دوچار یأس و فتنور اولور ایسه ده مایه ثروتی بر مدت مدیده هرورنده وعده لری حلول ایده جک قونطراتویه مبنی اولان اهالی دهها زیاده متضرر اولورلر

اشته هر بر مملکتده اوراق نقدیه نك تأثیراتی بوندن عبارت اولوب اسوج و دانیمارقه و روسیه و فرانسه و اوستریا و ممالک مجتمعه امریقا و حتی چین ممالکنده دخی طبقیه شو حال واقع اولوب دولت علیه دخی بو بایده استثنا اولنه من اگر کچمش و قتلره احاله نظر اولنسه شو افاداتمزده خلاف اولدیغی تسلیم اولنور

قوائم خصوصنده جای دقت اولان برشی دخی طبیعت وقت و حال اعتباردن سقوطنی ایجاب ایتش ایکن قیمت موضوعه سنک بقاسی ضمننده دولترک وضع ایلش اولدقلری قوانین شدیدیه در بو بایده فرانسه و روسیه و اوستریاده اتخاذ اولنان تدابیر وقتیه چینه اتخاذ اولنان تدابیره مطابق بولمشدر

یالکز انکله دوتی میلادک بیک یدی یوز طقسان یدی سنه سنده
 چیقاردیغی اوراق نقدیه یی صورت معتدله و نافعده استعماله موفیق
 اولمشدر دوات مشارالیها بونی سائرلی مثللو بر ایراد عد ایتیموب مجرد
 دیون غیر منظمه سنی اسهامه تحویل ایتک مقصودیه بر تدبیر موقت
 اولق اوزره استعمال ایتشدر نهایت قیمتی یوزده یکر می تنزل ایدوب
 بودخی ناپولیون محاربه لری اثناسنده واقع اولمشدر بیک سکر یوز یکر میده
 مسکوکات ایله فرقی یوزده ایکی یه تنزل ایدوب بوندن بر سنه هر ورزده
 باشه باش النوب ویرلشدر

روسیده مسکوکات ایله قائمه بیننده دولجه رسماً تصدیق اولنان فرق
 یوزده درت یوزه بالغ اولمشدر

اوستریاده یوزده بیک ایکی یوزه قدر واصل اولوب یعنی اون ایکی
 فلورینلک قائمه بر فلورین اقچه مقابلنده تبدیل قلمشدر
 هله فرانسه ده آسینیا تعبیر اولنان قوائم بالکلیه اعتباردن ساقط
 اوله رق عادی کاغد حکمنده قیه ایله صاتیلغه باشلندی اشبو اسینیانک
 صورت ظهور و تداولی بروجه اتی مختصراً بیان اولنور

بیک یدی یوز سکسان طقوز سنه سنده فرانسه دولتک دیونی فوق الغایه
 تکثر ایلدیکندن بونک تسویه سنه مدار اولق اوزره من القدیم کلپسار
 اوقافی اوله رق رهبان طاقنک ید تصرفنده بولنان کلیتلو املاک
 جانب میری یه ضبط اولندی بونلر صاتیلغه چیقارلمش ایسه ده هر
 نصاسه دوچار عقدۀ تأخیر اولوب دولتک ایسه مضایقه مالیه سی
 کونبکون تزايد ایتدیکندن املاک مذکورنک مقابلی اولق و یالکز اهل
 تجارت معاملات واقع نرنده قبول ایلک اوزره اسپنیا اسمیه حواله
 سنداتی چیقارلمسنه قرار ویر یلهرک کیفیت اعلان قلندی

يك یدی یوز طقسان سنه سی نيسانك ابتداسنده برنجی ترتیب اولق
اوزره درتیوز میلیون فرانقلق حواله سنداتی چیقارلدی اشبو اوراق
قاعده املاك میریه اوزرینه حواله ديمك اولدیغندن اعتبارینی
محافظه ایده بیلسی لازم کلور ایسه بر ازوقت مرورنده نقودك
فقداینتی مناسبیله سندات مذکورەك نقد مقامنده ایادیده تداول ایلمسی
افتضا ایده جکی اعلان قلندی و بونك اوزرینه دولجه احتیاج مس
ایتدجکه مقداری تزید اوله رق يك یدی یوز طقسان ایکی سنه سی
ایلولنده ایکی میلیار یدی یوز میلیونه و بر سنه صکره بش میلیاره ابلاغ
اولندی يك یدی یوز طقسان بش مایسنده سکر میلیاره و سنه مذکوره
آخرنده یکر می میلیاره قدر واصل اولدی نهایت يك یدی یوز طقسان
التي ابتداسنده ارتق آسپنیا چیقارلمسی ترك اولوب بر مقداری دخی
قونستانا اسمیله تداولده بولوب اولوقته قدر مقداری دخی قرق بش
میلیار فرانقه بالغ اولمش اولان دیگر بر جنس اوراق ایله تبدیل
وسنه مذکوره شباطنده آسپنیانك قالبیری على ملائ الناس کسر اولندی
يك یدی یوز طقسان اوچ اغستوسنده آسپنیانك اعتباری قیمت
موضوعه سنك انجق التیده برینه مساوی اولوب دولت مسکوکاتی
تداولدن قالدیرمق و حبوباتك فیئاتی برحد معینی تجاوز ایتامك
و بر بدل معین ایله آسپنیایی قبوله هر کسی مجبور ایتك و امثالی تدایر
شدیده اتخاذاولمش ایسه ده بر فائده یی منتج اولیوب يك یدی یوز
طقسان بش مارتنده طقوزده بر قیمته تنزل ایلدی دولت هر تقدرشو
تنزلك استحصال اسباب اندفاعنه سعی بلیغ ایلش ایسه ده نهایت
کندوسی دخی بر قاچ دفعه بونی تصدیقه مجبور اولمش و حتی يك
یدی یوز طقسان سنه سنده اهالیدن صورت جبریّه ده وقوعبولان
استقرارضده

استقراضده آسپنیا اوراقی یوزده بر جزئی قیمته یعنی بر فراتقلق سکه بدانده یوز فراتقلق قائمه اخذ اولمشدر شو حاله کوره تداواه وضع ایدنلر نظرئده دخی بو درجه محقر اولان اوراقك ترك استعمالی لازم کلور ایکن اول سنه ظرفنده سنین سابقه دن زیاده اوراق چیقارلمش و قیمتی یوز جزونك نصنه تنزل ایدوب چسوق کچمکسزین تقویم پارینه کی بالکلیه اعتباردن ساقط اولمشدر

امر یقاده دخی اوراق نقدیه طبق فرانسه ده اولدیغی کی اولمشدر اوراق نقدیهك احوال تاریخیه سنه عطف نظر دقت اولدیغی حاله کافه ممالکده مسکوکات مغشوشه ضربی و پولیچه و امثالی سندات استعمالی متعاقب ظهور ایلدیکی اکلاشیلور كرك چینده و ایرانده و كرك اوروپانك شمال و جنوبنده نتایج و تأثیراتی سیاق و احد اوزره مشهود اولوب شویله که اولاشیا بلا واسطه نقود یکدیگریله مبادله اولوب بعده اصداق و امثالی بر طاقم شیر واسطه مبادله اتخاذا اولمش و اندنصکره ذیقیمب معادن و بونی متعاقب مسکوکات مغشوشه استعمال قلمشدر بعده پولیچه و امثالی اوراق ظهور ایدرك دولتلر بونی اوراق نقدیه یه تحویل ایلشدردر مؤخرأ اشبو اوراق نقدیه مستقل و مسئول اولق اوزره تأسیس اولنان بانکه اداره لری طرفدن چیقارلمش و بو اصول و سائط مبادلهك توفیریه برابر الك معتبر نقوددن زیاده معاملاتك حسن جریانده مدار اوله رق قوائم نقدیه اصولك ایقاع ایلدیکی سؤ استعمالاتی بر طرف ایلشدر اشنه بدایت عالمن بو کونه کلنجیه قدر انسانك مبادله اشیا و اعمال ایچون استعمال ایلدیکی و سائط متنوعه مواد مشروحه دن عبارتدر

(فوائد طرق)

(مابعد)

يولارك اصول فنه تطبيقا انشا و ياخود موجود اولانلرينك اصلاح اولمىسندن طولايي بر مملكتجه حصوله كلان تبدلات اهالي مملكت حقنده اك زياده شايان دقت اولان مواددندراسقوچيانك طاعلق اولان نواحى شماليه سنده واد نام مارشالك عسكر سوق ايچون انشا ايلديكى طريقك اولطرف اهاليسنك كسب تمدن ايللري حقنده طريق مزبور انشاسندن مقدم انكلره قرالارينك نيجه سندر واقع اولان سعي و همتلرندن دهها زياده حس تاثيراتي مشهود اولديغي كافه مورخين عندنده متفق عليهدر ليكن مؤخر مملكت مذكوره ده تلفور دنام مهندسك نظارتيله دهها زياده اعتنايله انشا اولنان طرق اوقدر از وقت ظرفنده اهالي مملكت حالي بر درجه تحويله باعث اولمشدر كه هيچ بر مملكتده امثالي كورلماشدر مقدا غير محروث اولان يرلر شمدى اراضى مزروعديه مبدل اولش و انسان و حيوانات اهليه دن خالى صحارى و اسعده اولان چفتلكلر و خانلر و بنى ادمه فرمان بردار اولان حيوانات مختلفه الاجناس وجوده كلمش اولوب بو جهته دخي اهاليسنك متصرف اولدقلى املاك و عقار كرك قيمت و كرك واردات سنويه جه اون قات تزايد ايدرك مدت قليله ظرفنده مملكت مذكوره لا اقل يوز سنه مدته وجوده كله جك ترقى يه مظهر اولمشدر ايرلانده ده دخي يولارك اصلاحي سبييله بونلره مماثل اثار حسنه حصوله كلمش و حتى بعض ايلتربالسكليه بشقه حاله تحول ايتمشدر دولتك بوندن بش اون سنه مقدم جزيره مذكوره ده مجرد اهالي ي بوندقلى حال ضرورتدن موقتاً تخلص ايتك نيتيله انشاسنه مباشرت ايلديكى

ایلدیکی ابنیه و سائرہ مثلاً و فوائد عمومیہ بی موجب شیلرک اہالی
حقنہ دائمی صورتہ باعث ثروت و استراحت اولہ جفی مأمول
و محزومدر

بومثالو اصلاحاتک حسن اداب و تہذیب اخلاق جہتلیہ اولان حسن
تأثیراتی دخی فوق الغایہ شایان تعجب اولوب شویله کہ سالف الذکر تلفوردک
تحقیق و بیانہ کورہ اسقوچیانک طاغلق محارندہ انشا و اصلاح اولنان
طرق اہالیدن عملہ صنفک اوتہ دنبرو مألوف و محبوب اولدقلری بعض
عادات و اخلاقلرینک تہذینہ سبب مسئل اولشدر وینہ بوقبیلدن
اولہرق او برلین نام پاپاس خرسئیانلغہ دعوت ایلدیکی بر طائفہ وحشیہ
ہر طرفی جبال و انہار ایله مسدود بر وادیدہ متمکن اولہرق اختلاط
اجابندن مسجور بولندقلری جہتہ کسب مدنیت و تہذیب اخلاق الیلری
مقصدیلہ وادی مذکورایله همجوار بولنان بعض مملکتلر بینندہ یول
کشاد ایتدیروب فی الحقیقہ بو تدبیرک چوق سورمکسزین حسن
تأثیری کوزلش و بوجہلہ پاپاس مومی الیہ مرام و مقصدینہ نائل
اولشدر اشتہر ملت بینندہ فضائل و اداب ایله قوہ عقلیہ و استعدادیہک
برابر اولہرق نشأت و ظہوری بر مہندس کامل معرفتیلہ انشا
اولمش طرق مستحسنہ خواصندن اولسی فی الحقیقہ جای دقت
و استغرابدر

اصلاح طرقدنش وجودہ کلان تأثیراتدن ال زیادہ شایان تعجب
اولان اثر فوائد طرقک شعاعات شمسیہ مثلاً و ہر جہتہ بی طرف
اولہرق متساویا منشور اولسیدر یولارک بو خاصہ سی افادات آتیدن
لایقیلہ اکلا شیلور شویله کہ ہر بر شہر و یا خود بر بازار اطرافندہ بر
طاق دوائر متحدہ مرکز فرض اولنوب بونلرک احاطہ ایلدیکی سطوحک

هر قنغېسندن بر قاچ نوع محصولات مخصوصه نك مع فائده شهره
 نقلی ممکن اولسی و حالبوکه دوائر مذکوره نك و یاخود انلردن هر قنغی
 برینك خارجنده واقع بر نقطه دن شهر مفروضه بر نوع محصولك
 اجرت نقلیه سی کندو قیمتنی تجاوز ایتسی فرض اولنه یلور مثلاً
 مرکزنده شهر مفروض واقع اولان دائرة داخلیه نك من کل الجهات
 حدودی انك خارجنده چوریمك و یاخود فناپذیر اولمقدن محافظه
 اولنه میان نباتات و یاخود قیمتلرینه نسبتله ثقیل الحجم اولان اشیانك
 شهر مزبوره مع فائده نقلیه مساعد اولسه و دائرة مزقومه دن کبیر
 اولوب ایکنجی بولنان دائرة دخی میوه و دوائر سائر نك دخی هر بری
 بر نوع محصول نقلیه مساعد اولسه یولارک حسن تسویه و تنظیمه
 اجرت نقلیه بعض مرتبه تقابل اولندیغی صورتده هر بر دائرة نصف
 قطری واقع اولان اصلاح نسبتیه مزاید ایده جکندن هر برینك
 استیعاب ایلدیکی سطح دخی اشبو ازدیاد نسبتنك مربعی قدر توسیع
 اولمش اولور فرضاً یولر بر بار کیرک مقدمکی جرایلدیکی ثقلتك ایکی
 مثلی جر و یاخود ایکی قات سرعتله حرکت ایده بیله جکی مرتبه ده
 تسویه اولمش اولسه دوائر محدوده نك هر بری مرکزده مفروض
 شهر دن متباعد اولکی نصف قطرینك ضعیفی قدر توسیع اولمش
 دیمك اولوب بو جهته دخی استیعاب ایتدیکی مسافه درت مثله مساوی
 اولور و اگر ذکر اولنان اصلاح اولکی حالنك اوچ مثلی اولور ایسه
 دوائر مزبوره دن هر برینك احاطه ایلدیکی سطحك ازدیادی دخی
 طقوز قات اولور و قس علی هذا

بعدیت مسافه جهتیله مقدم نقلی ممکن و یاخود فائده لو اولیان هر درلو
 محصولات ارضیه و صناعیه اولوجمه له یولارک اصلاح و تنظیمی

سایه سنده بردن بره بر بازارده ظهور ایده جکندن کویا مجدداً و دفعه
خلق و ایجاد اولمش حکمنده بولنور دیمک اولور و یولجیلرک عددی
دخی ینه بو قاعده تحشده اولوب اکثریا یکی حفر اولنان درین بر
قبونک جوارنده واقع اولقدر عمیق اولیان قیولرک صولرینی کندوسنه
جذب ایلدیکی کی بر منتظم یولده مشهود اولان تسهیلات دخی اهالی بی
اکا نسبتله دون بولنان طرقی ترک ایتدیره رک کندو طرفنه جلب ایدر
و حتی طریق جدیدک یمین و یساردن کندوسنه جلب ایده بیله جکی
یولجیلرک مواقع حرکتلرینک طریق مزبوره اولان ابعادی قانونی
علوم ریاضیه ایله حله قابل بر مسئله ویا بر دعوی نظری اولوب
اشبو دعوانک نتیجه سنی تجارب واقعہ تأیید و تصدیق ایتمش و متضمن
اولدیغی فوائد دخی هر بر قدیم یولک اصلاحنده و هر بر طریق
جدیدک کشاننده کورلمشدر چونکه کرک اصلاح و یاخودیکی کشاد
اولمش بر طریق من کل الجهات محال بعیده دن یولجی جلب ایتدکدن
بشقه یولجیلر عددینک خیلی تزايدینه دخی باعث اولدیغی امور
مجر به دندر اشبو مدعایک اثباتی ضمننده شرکت خیریه واپورلری مثال
اوله بیلور اگرچه واپور سفاینی قاره یوللر ینه تشبیه اولنه مز کی کورینور
ایسه ده ایکبسی دخی واسطه نقل اولدقلری حیثیتله حقیقت مآلده بر
جنسدن عد اولنورلر شرکت مز کوره تشکلندن مقدم بر انکلیز قپودانی
جسر جدیددن بوغاز ایچنه واپور ایشلدلمسندن خیلی تمتع اولنه جغنی
مأمول ایدرک ابتدا بر واپور ایله تجربه سنه ابتدار ایتمش و اول اشناده
هر نقدر یولجیلرک عددی جزئی ایدیه ده واپور مناسبیله کتدجکه
تزايد ایدرک یالکز بر واپورک کفایت ایتدیکی اکلاشلش اولمغله ایکی
واپور استعمال ایدوب بر مدتدنصکره یولجیلرک عددی برقات دها

تزايد ايتمش اولديغندن مزبور ايكي واپور حصه دارلرينك كلي تمتع ايلدكلري مشاهده اولنوب بوكيفيت شركت خيريه ناميله بر قومپانيانك تشكلي دعوت ايتشدر اشبو واپورلر تسهيل حركتي موجب اولدقلري جهته شمدى شركت مذكوره واپورلرينك عددى يكرمى يي متجاوز اولديغى حالده يولچيلرك تكئزى جهتيه درجه كفايه ده دكلدرو بوندن بشقه ذكر اولنان واپورلر استانبول جوارنده نيجه محللارده خيلي كسانك تمكزلرينى و بوسيله اول محللارك معموريتنى و شامل اولدقلري اراضى املاك قدر و قيمتك ترقيسنى دخى مستوجب اولديغى جلهك معلوميدر ككلم موضوع بمئز اولان يوللرك اصلا حندن حاصل و پيدا اولان فوائد فرضا يوللرك اصلاحي سبيله بر مملكتك بر طرفندن او بر طرفنه اولان حركتك سرعت متوسطه سى تضعيف اولنسه اول مملكتك مجموع اهالي سى مقر حكومتلرينه و بر برلرينه برقات تقرب ايتمش اولورلر و اكر سرعت حركت ينه تضعيف اولنسه اهالينك بر برلرينه و مقر حكومتلري طرفنه تقربلري برقات دها اوله رق اشته بو وجهه له سرعت حركت تزايد ايتد كجه اهالينك ممكن اولدقلري محال مختلفه بينلرنده كائن ابعاد و مسافات دخى اول نسبتده تناقص ايدرو بو وجهه له ابعاد بالتدريج تناقص ايتد كجه مجموع سطح مملكت كويا يالكر بر شهر جسيم حكمنه كيرنجيه دكين كوچيلوب اولخالده مملكت مزبوره ده واقع شهر و قصبه لر اهالي سنىك جله سى بر شهر لو كى اوله رق صنايع و معارف متشوعه مملكتدن حاصل اولان فوائد مساوات اوزره حصه مند اوله جقلري باهر در

اشبو تقديرجه سطح مملكت هر نقدر كوچيله رك بر شهر عظيم كى اولور ايسه ده ينه هر كسك ترلا سى موقع و وسعت اصليه سنده بولنديغى

حالده محصولاتك كسب اعتبار ايدہ چكى جهتہ بلكہ وسعتى تزايد
ايتش دينلہ ييلور

يوللرك حسن انتظامى نہ درجہ كمالده اولور ايسه بو ذكر اولنان فوائد
و نتايج دخی اول قدر عهد قریبده حصوله ككه چكندن بو بابده اسرع
واحسن و سائط تیموریولی اولدیغی امور واضحه دندر

فقط هر قدر تیمور یوللرك يالکز سرعت و یولچیلرینك زمان و مسافه
اوزرینه غلبه و مظفریتلری جهتلریله فوائد عظیمه سی درکار ايسه ده
طرق عادیه دائماً و هر حالده عموم حقنده قیاس قبول ایتز درجہ لرده
زیاده فائده لیدر چونکه البوم انشا اولنان تیمور یوللر ایله طرق عادیه
بینده اولان فرق علی الخصوص تیمور یول عربهلری تکرارلرینك
محیطلری اطرافده واقع قطعہ مخرجہ اولوب طریق مزبورك قوه
مخصوصه سی دخی باشلوجه بو ذکر اولنان فرقندن ناشی اولدیغندن
تیمور یولنه مخصوص شو حال سرعت و قوتنه نسبتله اصحاب
زراعتجه حصولی لازم کلان فوائدینی تقلیل ایدر چونکه تیمور یول
خطلری اوزرنده حرکت ایتك ایچون انشا اولنان عربهلر اول یولدن
چفتلکات و محال سائریه منشعب اولان طرق اوزرنده و چفتلکاتك
امور سائرۀ عادیه سی ایچون دخی استعماله غیر صالح اولدیعی درکار و حال
بوکه لایقيله انشا اولمش طرق عادیه اوزرنده زراعت اراضی ایچون
فصول اربعه تك برنده استعمال اولنان عربه و بارکیر و عمه دیگرلرنده
دخی محصولاتك اولجـوارده بر مناسب اولان محله نقل و ایصال
اولملرنده دخی استعمال اولنه بیله چكى امر اشکار دراشته شو سببه مبنی
حتی هر برکسند قیوسند بر تیمور یول اوغرامش اولسه بیله اصول
و نظامنده انشا اولمش عادى بر طریقندن دهها زیاده جمله حقنده فائده

حاصل اولور برده تیمور یولارک انشاسی ایچون لازم کلان مصارف کلیه انلرک دائماً خطوط مهمه مقتضیه اوزرنده بولملرینی ایجاب ایتدیروب بو مثالو خطوط اوزرنده دخی حاصل اوله جق فوائد عظیمه سی نقدر مبالغه اولنسه بجا ایسده ده مواقع سائر ایچون اک از محذور ایله اک چسوق منافع عامه طرق عادیه مملکتک اصلاحیه و یاخود ایجاب ایدن محلا ده مجدداً انشاسیه استحصال اولنور

بر مملکتده بین الاهالی نشر و تعمیمی هم اموردن اولان حسن اخلاق و اداب حقنده دخی یولارک مدخل کلیسی اولوب چونکه اشبو مقصد مهم یالکز مکاتب و مدارسده تعلیم و تدریس و کتب و رسائل نافع طبع و نشریه حصول پذیر اوله میوب فضائل و اداب و علم و عرفان دخی محصولات مادیه کی بر محلدن دیگر محله تنقل ایلدیکندن سرعت و سهولت ایله منتشر اولیق ایچون بونک دخی منتظم یولره احتیاجی اشکار در حقیقه ممالک مختلفه اهالیسی یکدیگریله مخابره و اختلاط ایتیه رک هربری حال تفرد و یکانگیسده قالمش اولسه لر ایدی نوع بشرک درجه مدنیت و توسع ذهنیسی الیوم مشهودمن اولان رادهیه کله من ایدی

اشته اولوجهله یوللر بر مملکتده کرک ثروت و سامان و کرک ادب و عرفانک انتشارینه اس اساس اولدیغندن هر شیدن اول حسن حصوله سعی و اقدام اولنه جق ماده یوللر تنظیم و کشادی دیمک اولور
(محمد سعید)

خواجه درمکتاب بحریه شاهانه



(انسانك سطح ارضده صورت تكثير و انتشاري)

كره عالمك قسم صليبي ديديكمن اراضيسنك افريقا داخلنده واقع
ينار قوملرندن تاجر منجمد شماله ساحل اولان بوزدن طاغلرينه
وامر بقالك اتش برونندن اوستراليانك منجمد دكزلي ايله بوزلو
صحرا رينه قدر انسان اقامت ايتكمده ايسه ده هر يردن زياده مناطق
معتدله تحتنده تراكم و تجمع ايتشلردرو ارض اوزرنده بولنان انسانك
صورت انتشاري و اوروپا قطعده سي سكنه سندن بشقه اهالي موجودهك
عدد و مقداري حقهده بيان اولنان مطالعات و افكارك كافه سي بر
قياس و تخميندن عبارت اولديغي جهته جغرافيون بيلرنده دخي
عالمك سكنه سي حقهده اولان معلومات مختلفدر

ارضك جسامت و وسعتي معلوم اولديغندن اوزرنده تعيش ايدن
انسانك دخي عدديني بعضيلريك مليونه يعنى بر ملياره قدر ابلاغ ايدرك
تقسيم ايتشلر ايسه ده اشبو تقسيم دخي بر نسبت صحيحه مبنى دكلدر
فقط سطح ارضك قابل حراثت اولان هر طرفي لايقيه زراعت اولنسه
و افراد اهاليك حسن حال اوزره تعيشلرينه چاره بولنسه و حيات
انسانيه ي تخریب و افنا ايدن محاربات مديده و سائر اسباب
مهلكه بر طرف اولسه اهالي موجودهك دها زياده اوله جغنده اشباه
يوقدر كذلك شهر نشين اولان اهالي ايله كوچه برك حالده يشايان
خلقك صحت بدينه لرنده فرق اولوب يعنى باديه نشين اولانلرك
حوايج ضروريه لرنده سادهك و علاليق و اختلاطدن ازاده لكري
ملايه سيله قسواي بدينه لري يرنده و صاعلم اولديغي حالده عمر
طبيعي به واصل اولدقلى مشهور ايسه ده بونكله برابر تمدن و تدبيرى

ایلویش یرلده عرك ازلخی ایله بیله خلقك اجتماعى مادهسى مزاج
 انسانیهك راحت و احشامه اولان میل طبعیسنندن ناشیدر لیکن بزم
 بو محلامه مقصدهن مدیت ایچنده یشایانلر ایله بدویت حالنده تعیش
 ایدنلرك یینلرنده اولان چوق واز یشامق مادهسنى تحقیق ایتك اولمديغندن
 دنیایه کلمکدن مرام چوق یشامق ایسه صحراده و اگر چوق بیلك
 ایسه شهرده اجتماع ایله اولوب اولمديغی بختنه مداخله اولمیب فقط
 ممالك متمدنه نفوسك کثری اثباتنه دائر بعضی دلائل و اضحه بیان
 اولنده جقدر شویله که عهد سابقده حیوانیت حالیه فقر و فاقه ایچنده
 بر طاقم وحشی سکنه یی اغاجلرك میوهلری و صید و شکار محصولاریله
 بسلیان بتون امریقا قطعده سنك شمديکی وقتده یالکز بلاد معموره سنده
 اهالی قديمهك اوچ و بلکه بش مثلی نفوس کمال راحت و رفاه ایله
 کچمکده در کذاک اوروپا نك و سعت و جسامتی افریقا قطعده سی
 داخلنده واقع صحرای کبرک و سعت و جسامتی نسبتده ایکن الیوم
 موجود اولان سکنه سی بتون افریقا سکنه سنك مثله مساویدر بونك
 سبی دخی اوروپا قطعده سنك لطافت اب و هواسی اولیوب انجیق تمدن
 و تربیهك ایلرولسیدر نته کم مدیت و معموریتی ایلرولش محللرده اهالینك
 تزايد ایادیکی اوروپا قطعده سی داخلنده واقع فلنك و اسپانیا و ترکستان
 اراضیسی کی معموریتی کیروده قلان الکا اهالینك ازلخی ایله ثابتدر
 مثلا اوروپاده کائن بتون فرانسه الکاسی ممالك دولت علیهك یالکز
 اوروپا قطعده سنده اولان الکاسنه مساوی و سعتده ایکن برنجینك اوتور
 سکز ملیون و ایکنجینك یالکز اون درت ملیون سکنه سی اولسی ایکی
 مملکت معمورمك درجه تمدنلرینه دلالت ایدر که بو بحثی تفصیل ایتك
 مقصده مخالف اولغه ترك اولندی

كتب اعتقاديه دده دخی بیان اولنديغی اوزره کره ارضده موجود اولان اجناس مختلفه ناسك اصلي بر اولوب جلد و صاچارينك رنگنده و چهره لرينك و باشلرينك شکلنده و سائر عضولنده کورينان فرقله نظرا وهله اولاده انسانك اصل واحدن تفرع ايتديکی هر قدر استبعاد اولنور ايسه ده اشبو اختلافك مجموعی اقاليمك تأثيردن اولنديغی بالتجربه مثبتدر

تجارب کثیره دلالتيله معلومدر که سلسله حیوانیه داخلنده بولنان هر نوع حیوان مبدأ و مأوا سندن تبعید ايتدیکه هر ورستين ايله اقاليم و فصوله مخصوص اولان مشارب و ماکولاتك تأثيری کورلديکی مثلاً ابدان انسانیه دخی جزوی و کلی مشاهدده اولنان بر طاقم تغيرات متنوعه حکمای طبعیونی اتيده بیان اولنه جق تقسیم ايله سلسله حیوانیه نك تنظيمه مجبور ايتمشد

شویله که بویاده الك زیاده صرف افکار ایدنلرك رئیس و مقتداسی اولان کووی یه نام حکیمك ذهاب و ظننه کوره علی الاطلاق انسان اوج قسمدن تفرع ایدوب برنجیسنه قوقاسی ایکنجیسنه مغولی اوجنجیسنه حبشی دیمشدر و اینه نام حکیم بش قسمه تقسیم ایدوب دومریل دخی اکا اتباع ايتدی بو فقون اصل و احدی قبول ایلش ايسه ده مشاهیر جغرافيوندن مالتبرون دخی التي جنسه تقسیم ایلدی بو محله بز کووی یه نك افکارینه کوره سویلیه جکز چونکه حکیم مذکور متأخرينك الك معتبریدر انك بیانه کوره برنجی اولان بیاضلر بر چوق نسلی مشتملدر از جمله عرب نسلندن عبارت اولان صحرائشین بدویلر ايله عبرانیلر و جبل لبنان سکهنه سی و برالشام سکهنه سندن کلدان و سریانی طاقی و مصر اولر و حبش و فنسپان و مغاربه

قبائل اكا منسوبدر بر طرف دن دخی هندولر و بنكال اهالیسی
 و قورو ماندل سواحلی ایله مالابار طاقسی و قندهارلور و قوقاس
 طاغلرینک سلسله لری اعتبارنجه بولنان اهالی ایله بحر حزرک سواحلی
 شرقیه سنده بولنان چرکس فاملیالری و کورجی و قاق و تافغان و قازاق
 و اوزبک و چره مپس و مسقو و ترک و مجارلرک هون طاقی و فنلاند
 اهالیسی و اوروپایه ممتد اولان شعبه س دخی سلتیق فاملیاسنک
 شعباتندن اولان روم جرمانیق طوتون اسلاووله فاملیالریدرکه بونلر
 اوروپاده واقع ژوتلاند واسوج و نوروج و دانیمارقه و اسلانده ممالکی
 سکنه لرینک اصلار یدر اسلاوونلردن قارپاج طاغلرینک سلسله سی
 داخلنده بولنان اهالی ایله لیتو بانی و روسیه و بوهیمیا طاقلرینه اساس
 اولمشدر

۸	۷	۶	۵	۴	۳	۲	۱	
والحاصل اسلاون طوتون جرمانیق سلتیق روم فنلاند هون ترک								
۲۷	۲۶	۲۵	۲۴	۲۳	۲۲	۲۱	۱۰	۹
مسقو چره مپس هندو مغربی حبش فنسیان مصری عبرانی کلدانی								
۱۶	۱۵	۱۴	۱۳	۱۲	۱۱	۳۰	۲۹	۲۸
سریانی لبنانی بدوی اوزبک قزاق افغان طاق کورجی چرکس								
				۳۱	۲۰	۱۹	۱۸	۱۷

هندهار مالابار قورومانل بنكال عرب

عرب فاملیاسنک اصلی بیاضلر در آثار عتیقه و اشارات قدسیه
 حکامنجه مبدأ انسانیتهنک ظهور ایتدیکی موقعده بولنان سکنه قدیمه نک
 عرب اولدیغنه اشتباه اولیوب فقط اندن صکره قنغی فاملیا ایکنجی
 اولدیغی

اولدیغی و بو ایکنجیدن نصل فاملیا تفرع ایتدیکی هر نقدر صحیحاً معلوم دکل ایسه ده بالاده بیان اولنان فاملیالرك بیاضلردن تشعب و تشکل ایلدیکنه حکما اتفاق ایتشلردر

(خیرالله)

(مابعدی صکره)

التنجی دائرةً بلدیه مجلس رئیسی

(علم ثروت ملل)

ثروت و نفع و قیمت بیاننده در (مابعد)

بند سابقده بیان قلندیغی اوزره انسان لازمه طبیعت و مدنیتی اولان حوایجنی تحصیل ایله استکمال اسباب رفاه و راحتنه چالیشور ایسه ده حوایج ضروریه سندن محروم اولدیغی حالده حقیقه فقرادن عد اولندیغی مثلاً حوایج مذکوره سنی استحصال و انواع حظوظاتنی اسنیفا ایلدکدنصکره بر طاقم احتیاجاتنی تدارک مدار اولور شیلره دخی مالک اولور ایسه ارباب ثروتدن معدود اولور کذلک بر هیئتک فقر و یاخود غناسی بر فردک ثروتنی مستلزم اولان اسبابه متوقف اولق لازم کله چکی قیاس عقلی ایله استدلال اولور ایسه ده اکثریا بر هیئتدن بحث اولندقدنه سیم وزر و یاخود بونلردن معمول مسکوکات عین ثروت اعتبار اولنده رق اول هیئتک درجه ثروتی اشبو ایکی نوع اشیانک قلت و یا کثرتیه مقایسه ایدیلور مقدملری شو افکارک غلبه سی جهتیله هر بر جمعیت تحصیل ثروت ایچون اهم و سائط ظن ایلدیکی سیم و زرک ممکن رتبه کثرتله

جالب و محافظه سی سودا سنه دوشدرك بو يوزدن بين الملل بر طاقم
مخاضات و محاربات وقوعه گلش اولديغي ارباب تاريخ عندنده مستور
دكلدر حرد اولسون شو عصر مزده ثروتك اساس حقيقه سي كشف
اولمغله طريق استحصالي هر كونه انحصاردن سالم اوله رق بالعكس
تشويق صنايع و توسيع مبادلات كي و سائل مصالحانه ايله حصول
ميسر اولديغي وسيم و زرك ايسه نه منحصرأ و نه ده اموال سائرده دن
زياده سبب ثروت اولديغي درجه ثبوت واصل اولشدرزيرا بر كمسندك
بالفرض البشر يك غروشلق اوچ باب خانه سي و بر قاچ يك رأس
حجواناتي و بر قاچ انبار طولوسي حبوبات و ياخود سائر اشيا سي اولوبده
فقط يك غروشلق نقودي اولديغي حالده يوز يك غروشلق نقودي
اولوب بوندن بشقه بر شيد مالك اوليان كمسنددن زنكين عد اولنه جغي
مثلاو ايكي مملكت تصور اولنوبده هر برينك شو ايكي درلو ثروت
صاحبلرينك بر جنسندن اوله رق بر مليون اهاليسي اولسي فرض
اولسه سکنه سي قليل المقدار نقوده مالك اولان مملكتك ديكرندن
چوق زياده زنكين اوله جغنده اشتباه يوقدر و حتى شو ايكنجي
مملكتده نقود موجوده بي دفع ايله يرينه اشياي سائر استحصالك
چاره سي اولسه بالجمله اهاليسنك اجلقدن و ياخود سائر كونه ضرورتدن
تلاف اوله جقلري دركاردر بنا عليه نقودك مجرد احتياجات بشريه
دفعنده استعمال اولمق شرطيله مقبول و معتبر اولديغي و بو تقديرجه
ديكر مملكت سکنه سنده اولان بيكر غروشلق قيمت كرك بو مثالده فرض
اولنديغي اوزره نقود شكلنده اولسون كرك سائر هر نه اشيا دن عبارت
اولور ايسه اولسون اصحابنك ثروتي ذره قدر ترايد و تناقص ايتيه چكي
بد يه ياتنددر

بوقضیه مسلمة اقتضاستحجه هر تقدیر سیم و زر تجملاتدن معدود
 بعض اشیا صورتنه قونیله رق استعمال قنور و مسکوکات شکلنده
 اولدیغی حالده بالجملة اشیانک واسطه مبادله سی اولور ایسه ده احتیاجات
 بشریه تدارکندن بشقه بر شیئه یاره مدیغی جهته کړک سیم و زرک
 و کړک اشیای سائرته ک اسباب ثروتدن معدود اولسی بر احتیاج دفعنه
 مدار اولق خاصه سنه مبنی اولدیغی اشکاردر ایشته اشیانک نفع اطلاق
 اولنان اشبو خاصه سی ثروتک اساس اصلبسی و منشأ حقیقسی
 مشابه سنده ایسه ده اشیای نافعته ک اکثریسی جناب حقک کافه انامه
 مبذولا احسان بیورمش اولدیغی هوا و ضیا کی جمله یه عائدورایکان
 اولیوب محصولات ارضیه و صنایعه مثلاً انسانک سعی و عملیه ظهوره
 کلدیکنندن و مخصوصجه تصرف اولنه ییلوب مقداری دخی محدود یعنی
 نادر اولدیغندن بو مقوله اشیانک اصحابی طرفندن آخره ترکیله مقابلنده
 اشیای نافعته سائر استحصالی ممکن اولور بر مالک اموال سائر ايله
 تقدیر و مبادله اولنه بیلسی خاصه سنه دخی علم ثروته قیمت تعبیر اولنور
 و بر شپئک نفی یعنی بر احتیاج دفعنه مداری اولسه کسه ک
 اکا رغبت ایتیه جکی مثلاً بعض مرتبه ندرتی دخی اولیوب استحصالی
 برکونه سعی و زحمته توقف ایتسه مقابلنده برشی ویرلیه جکی جهته
 اشیانک قیمتی ابتدا نافع اولاق و ثانیاً مبادله اولنه بیلمک معنارینی شاملدر
 مثلاً صومنبعنده اولدجه مقابلنده هیچ برشی اعطا اولنمیوب یالکزن
 بر نفی اولدیغی درکار ایسه ندرتی اولان بر محله نقل اولندیغی آنده
 بر قیمت کسب ایدریغی اهل احتیاج ظهور ایتکله اشیای سائر ايله
 مبادله سی ممکن اولور و هوا و ضیا یله بعض حالات استثنائیه ده کسب
 قیمت ایدوب مثلاً مدت مدیده بر زندانده محبوس اولان کسانک بونلری

کلیتو التون ایله اشترا ایلدکلی امثالسنز دکلدر اشیاک اشبو قیمتی
 ثروتک خاصه ثانیه سی اولوب هر شیئک درجه نفع و فائده سنه و قلت
 و کثرتنه و حصولک موقوف اولدیغی سهولت و صعوبته و مشترینک
 رغبت و احتیاجنه کوره تخلف ایدر بو صورتده ثروتدن مراد جزوی
 و کلی قیمتی اولان شیلر اولوب بر پارچه تیمور و بر کیسه بغدادی دخی
 ثروتدن معدود در بر جمعیتده اشبو خواصی جامع اولان شیلر مبذول
 اولدجه اول جمعیت زنکین و نادر اولدجه فقیر اعتبار اولنق لازم
 کلور افادات مذکوره دن شوراسی دخی مستبان اولور که ثروت اکثراً
 ظن اولندیغی اوزره خانه و عرصه و دکان و سائره کی صرف مادی اولان
 شیلره مخصوص و منحصر اولیوب معناً نفع و قیمتی اولان شیلری دخی
 مشتملدر و بنی ادمک مایه شرف و امتیازی اولان عقل و حکمتک جسم
 و مادهیه درکار بولنان تفوقنه و قوه عقلیهک کافه حرف و صنایعک
 احداث و اصلاحنه مدارکلی اولسنه نظراً ثروت معنویهک بلکه
 ثروت مادهیه تقدیم و ترجیحی جائز اولور ثروت معنویه انسانک کرک
 طبیعی و کرک عارضی اوارهق معناً وقوعبولان احتیاجاتک دفعنه
 مدار اولان شیلردن عبارت اولوب بونلرک محصولات مادهیه ایله اولان
 کمال مطابقتی اثبات ایچون عموماً ثروتک حرف و صنایع مختلفه
 واسطه سیله نه صورتله تحصیل اولدیغک شرح و ایضاحی لازمه دندر
 شویله که انسان حاشا بر حبه شی احداثه مقتدر اولیوب قوای عقلیه
 و جسمانیه سی واسطه سیله و بعضی آلات طبیعییه و مخترعه استعمالیه
 بالجمله کائنات و موجوداتی کشف و تحلیل و نقل و جمع و ترکیب
 ایدرک مجدداً بر مقدار نفع و قیمت تحصیل و یا خود اشیاک ذاتاً اولان
 نفع و قیمتی تزید ایدر ارباب صنایعک اهل زراعت و ترزی کیلری
 اشیاپی

اشیای اعمال و بر طاقی دخی جراح و معلم و سائره کبی انسان اوزرینه
 صرف سعی و همت ایتدکلرندن بو جهته یکیدیکرلرندن فرق و تمیز
 اولور ایسه ده جمله سنک اثرکار و عملاری مادی و یاخود معنوی بر
 محصول تحصیلدن یعنی ابنای جنسینه بر خدمت ایفاسندن عبارتدر
 مثلاً اهل زراعت بعض حیوانات و ادوات استعمالی و بالتجربه اولان
 معلوماتک صرفیه طوپراغه رزع ایتدیکی بغدای ارضک قوه
 انبایه سی و یغمورلر ایله و یاخود سائر صورته حاصل اولان رطوبتک
 اثری اوله رق نشو و نما بولوب متکثر اولدقده انی بالفرض بر تاجره
 فروخت ایدر و تاجر دخی عربه و واپور واسطه سیله ایجاب ایدن محله
 نقل و ایصال ایله دکر منجی یه و بو دخی بغدایی اون شکنه قویوب
 اتمکجی یه و بو دخی اتمک یایوب طالبنه صاتر بو مثال اوزره اهل زراعت
 بغدایک مقدارینی تکثیر و دکر منجی بغدایی اونه و اتمکجی اونی اتمکه
 تحویل و تاجر دخی بغدایی ارباب احتیاجک بولندیغی محله نقل ایتلریله
 هر بری اولدیغی شیء بر مقدار نفع و قیمت علاوه ایتش اولور و درون
 ارضده قالدقجه بر شیء یاره میان بر تیمور پارچه سنی اربابی کشف
 و اخراج ایدرک بر قاج الدن کچدکدن صکره اناختار و یاخود کلید
 شکنده اوله رق چلنکیر دکانندن چقدیغی حالده اقدمجه کلباً مفقود
 اولان نفع و قیمتی پیدرپی احداث اولمش اولور کذلک چوملکجی بر
 پارچه چاموره کندو هنزی و آلات سائره سی واسطه سیله یکی بر شکل
 و رنگ اعطا ایدرک بر چوملک اعمال ایتدیکنده چامورک نفع و قیمتی
 کلباً تزید ایدر و کاتب دخی صرف ذهن ایدرک کند و آلات مخصوصه سی
 اولان کاغد و قلم و مرکبی واسطه سیله بر عرضحال قلمه الیدیغی حالده
 بو دخی سالف الذکر اهل صنایع کبی یالکز نفع و قیمت احداث یعنی

عرضه‌ای یازدیران شخصک احتیاجی دفع ايله کاغذک اوزرنده مقدم
کلیاً مفقود اولان قیمتی پیدا ایدر و اشبو محصول و یا خود خدمتی
ارباب صنائعک محصولاری کی دیگر بر شیء نافع و یا خود بو مقوله
شیلرک مبادله‌سنه مدار اولان بر مقدار اچقه ايله تبدیل ایلر و مذکور
چلنکیر بر اناختار و چو ملکچی بر چوملک و کاتب بر عرضه‌مال هیئتده
اوله‌رق نفع و قیمت احداث ایتدکاری کی جراح و خواجه دخی کندو
عقل و معلومات مکاسبه و آلات مخصوصه‌لریله صرف سعی ایدرک
جراح خسته‌نک وجودنده و خواجه طلبه‌نک ذهنده ظهور ایدن
تبدیلدن عبارت اوله‌رق برر مقدار نفع و قیمت پیدا ايله خدمات
واقع‌لرینی کذلک اشیاى سائر ايله مبادله ایدرلر بو قبیلدن اولان
محصولاتک قیمتی محصولات سائرمنک قیمتی تعیین ایدن شرائطه مبنی
ترقی و تدنی ایدوب اکثریا هنر و معلومات و اصلاحات عقلیه‌دن
عبارت اوله‌رق جمع و ادخار اولنده ییلور ملل متمدنه بیننده بو قبیلدن
اوله‌رق ارباب علوم و فنون و اطبا و اهل سیف و قلم و ارباب موسیقی
و سائر کی بر طاقم اهل صنایع اولدیغی جله‌نک معلومیدر
الحاصل هر عاملک کرک ذهنأ و کرک بدنأ هر نه صورت و آلات ايله
هر قنغی محله اولور ایسه اولسون وقوعبولان عمل و مساعیسنک نتیجه
وما حاصلی نفع و قیمت احداثدن یعنی کندوسنک و یا خود آخرک
احتیاجی دافع و بو مقوله دیگر اشیا ايله تبدیلی قابل اوله‌جق اشیا
تدارکندن عبارت اولوب بو ایسه آخرینک خدماتیله مبادله اولمق
اوزره خدمات مقبوله ایضا ایتک دیمک اولغله بر جمعیه کسب ثروت
ایتدیرمک طریق اول جمعیت افرادندن هر برینه کندوسی ابنای جنسی
ایچون احتیاجات واقع‌لرینه نسبتله ممکن رتبه کثرت اوزره منفعتلو

شیلر تحصیل ایتدیرمکله برابر کندو محصولات و خدمات واقعہ سنک
 ابنای جنسی محصولات و خدماتیلہ مبادله سنی ممکن مرتبہ تسهیل
 ایلک قضیه لرندن عبارتدر بو قاعدہ کلیہ عمل و مبادله اصول مہمہ سی
 اوزرینہ مؤسس اولوب هئیت اجتماعیہ انسانیہ نك مقتضای شکلندن
 اولان اصول مذکورہ دخی هر جمعیتده از چوق جاری و مستعمل
 ایسده بعض محاذیر و موانعہ مبنی کسب و سعت ایده مدیکی تقدیرده
 اول جمعیت مقصد مدنیت اولان یسر ورفاهہ نائل اوله مدقندن بشقہ
 منابع ثروت رفته رفته قورویہ رق هر طرفہ فقر و ضرورت مستولی و ثروت
 عمومیہ دخی ثروت شخصیه نك تنزلی متعاقب شدنی اوله جغندن شو
 ایکی اصول مدنیت شوالک اوله کپسندن بدأ ایله احوال متفرعہ سی
 و توسعہ نك متوقف اولدیغی شرائط متنوعہ سی تحقیق و توضیحنه
 ایلروده ابتدار قلنه جقدر

باب عالی ترجمہ اوطہ سی خلفاسندن

اوحانس

(علائم سماویہ دأر محاورہ) (مابعد)

(شاگرد)

هوانك قابل الوزن بر جسم اولدیغی و صو ایله نسبت ثقلیه سی بمقدار
 بولندیغی کچن کون (۱) تعریف و تفہیم بیوردیکز ایسه ده ارتفاعی

(۱) ایکنجی نومرہ محرر علائم سماویہ بحنی

کره نسیم ارتفاعنه مساوی اولان بر ستون هوائینک ثقلات صحیحه سی
نصورتله بولنه ییلدیکنی تصور ایده میورم
(خواجه)

بو سؤالکز درینجه بر مسئله در لکن طبیعیوندن بعضیلرینک تجارب
واقعلرینی حکایه ایدرک سزه تفهیم ایده ییلورم ظن ایدرم بیک بش
یوز التمش درت سنه میلادیه سنده تولد ایدوب یتش سکز یاشنده وفات
ایتش اولان ایتالیاو مشهور غالیله نك زمانته کلنجیه دکین طلومبه
دروننده صویک بر قوت ظاهریه اولدیغی حالده کندی باشنه یوتاری
چقمسی طبیعتک خلومطلقدن تنفرینه یعنی بر مکان خلومطلق
حالده بولنور ایسه اول مکانی طوادر مغه سعی ایتسنه عزو واسناد
وبأ علیه هر نقدر اوزون طلومبه یاپلسه صو اولقدر صعود ایده ییلور
ظن و اعتقاد اولنور ایدی موی الیه بو فکرک بطلاننی درک ایلهراراً
تجربه ایدرک صویک طلومبه دروننده هوادن تخلیه قلنان محله کندو
باشنه نهایت اون اوچ بحق ارشون مقداری صعود ایده ییلوب بوندن
زیادهیه چیقامدیغنی تحقیق ایلدی ایسه ده سیننی اکلایه مامش ایدی
غالیله نك شاگردی اولوب کندوسی کی اصحاب کالدن بولنان طور یسللی
صویک بر منوال محرر طلومبه دروننده کندی باشنه صعودینی طلومبه نك
بولندیغی حوض و یاخود قیوئک صوی اوزرینه هوانک وقوعبولان
تضییقنه حل یعنی بر طرفدن حوض و یا قیوده اولان صویک
اوسننه هوانک اغرلغی باصوب دیگر طرفدندی طلومبه نك طوقه جی
تحریک ایدیلهرک ایچنده بولنان هوا المنغله طلومبه خالی قالدیغندن
صو کندوسنه مقاومت ایده جک بر جسمه تصادف ایتیه درک یوقارویه
صعود ایتدیکنه ذاهب اولدی و برکوچک طلومبه ایلهر بوبابده اجرای
تجربه ییه

تجربه به باشلوب اول امر ده صويك نه مقدار صعود ایده بیلدیکنی
ایوجه اکلا دقدن صکره عجباً بو طلومبه ایله صویرینه جیوه استعمال
اولسه جیوه دخی صوکی صعود ایدرمی و صعود ایده جک اولدیغی
تقدیرده جیوه صويك اون اوچ بچق مثلی اغراولوب صو ایله جیوه
اوزینه تضییق اجرا ایده جک هوانك ثقلتی ایسه مساوی اولدیغندن
اغراغك زیاده لکی نسبتجه جیوه صودن آز صعود ایتسی لازم کلور
دیو مطالعه ایدرك عندالتجربه جیوهك بر ارشون مقداری صعود
ایدوب بونی تجاوز ایده مدیکنی مشاهده ایتش ولدی الحساب تمام
جیوه صويك قاچ مثلی اغرا ایسه اول نسبتده آز صعود ایتش اولدیغنی
کشف ایلشدر بنابرین قطرلی مساوی اولدیغی حالده اون اوچ بچق
ارشون ارتفاعده برستون مائی ایله بر ارشون طولنده بر جیوه عمودینك
اغراقلی دخی مساوی اولق و بو اغراق ذکر اولنما عمودرك قطرنده
اولوب طلومبهك بولندیغی صويك اوستنه تضییق اجرا ایدن ستون
هوائینك اغراغله موازن بولمق لازم کله جکندن قطرلی مساوی
اولان اون اوچ بچق ارشون ارتفاعده برستون مائینك و یا خود بر
ارشون طولنده بر جیوه ستونك اغراغی بیلندیکی حالده قطری بو
عمودرك قطرنده و ارتفاعی کره نسیم ارتفاعده بولنان ستون هوائینك
دخی مقدار ثقلتی ظاهره چیقارلش اولور ارتفاعی کره نسیمك ارتفاعه
مساوی اولان یعنی یوز یوز اون بیک ارشون ارتفاعده بولنان برستون
هوائینك اغراغی اشته بو قاعده ایله حساب ایلشدر افادات
مشروحه به نظراً بر ذراع تربیع سطح اوزینه تضییق اجرا ایدن
هوانك اغراغی بر ذراع تربیع قانلغنده و بر ارشون طولنده بر جیوه
عمودینك ثقلته مساوی اولق لازم کلور و اورتیه بویلو و معتدل

جمله بر ادمك سطح وجودی ایکی ذراع تربیعی تخمین اولدیغندن
 بو وجودده اولان بر ادمك جسمینه هر طرفلو تضبیق اجرا ایدن
 هوانك ثقلتی ایکی ذراع تربیعی قالغنده و بر ذراع ارتفاعنده بر جیوه
 ستونك ثقلته مساوی اولق اقتضا ایدرو جیوه ایله صویك نسبت
 ثقلیدسی معلومز اولدیغندن بر ذراع مكعب مأ مقطرك مقدار ثقلتی
 یلدیكیز حالده مذکور جیوه ستونك قاچ قیه كله جكنی بالسهوله
 حساب ایدرزاشته بر ادمك متحمل اولدیغی هوانك مقدار ثقلتی دخی
 بو صورتله بیلنمشدر و حکمت طبیعییه متعلق اولوب عند المتقدمین
 مجهول اولان يك چوق مسائل هوانك اشبو قوه تضبیقیه سنك
 کشفندن صکره حل اولنمشدر

(شاگرد)

هوانك تعریفنده جسم مرکب اولدیغنی سویلدیكیز عجبا نهدن مرکبدر
 (خواجه)

اجسامك ترکیندن بحث ایتك علم کیمیایه متعلق بر مسئله اولغله هوانك
 نهدن مرکب اولدیغنی سویلك صددمزدن خارجدر بو بحثی کیمیا
 اوقویه جغیز و قته تعلیق ایدمام

(شاگرد)

قطری معلوم اولان بر ستون هوائینك مقدار ثقلتی نصورتله بیانه جکی
 اکلاشیلدی انجق محال و اوقات مختلفهده فرض اولنان ستون هوائیارك
 ثقلتری مسایمیدر

(خواجه)

خیر مساوی دکلدر دمین سویلدیكم وجهله هوا قابل انوطا و انبساط
 اولدیغندن دیگر بر قوتك تأثیریه هوانك جسمی بعض مرتبه تراید

و تناقص ایدہ جکی جہتہ اوقات خارہدہ و روزگارلو کونلردہ ہوانک
مرکب اولدیغی اجزا منبسط اولوب خفیفانور و بوندن بشقہ بر طاغ
تیدہ سندہ فرض اولنان ستون ہوائی ایلہ اوہدہ دخی فرض اولنان ستون
ہوائی البتہ مساری اولہ من چونکہ بریکینک بوی بیسمہ حال
اوتہ کندن قصہ در

(شاگرد)

اولہ ایسہ بو اختلافات ثقلیہ نوجہلہ معلوم اولور
(خواجہ)

بارومتر یعنی میزان الہوا تعبیر اولنان آلت واسطہ سیلہ تعین و تقدیر
اولنور

(شاگرد)

بن میزان الہوایی ہوانک اچیق و یاخود بوزوق اولہ جغنی ییلدیرر
برالت ظن ایدردم

(خواجہ)

الت مذکورہ ہوانک اچیق و یاخود بوزوق اولہ جغنی دخی ییلدیرر
ایسہدہ بو مرتبہ ثانیہدہ اولان فائدہ سیدراسمنک معناسندن دخی
اکلاشیلدیغی اوزرہ مخصوصا ہوانک اوقات و محال مختلفہدہ متغیر
اولان مقدار ثقلتی بولق ایچون ایجاد اولمشدر میزان الہوا سالف
الذکر طوریسلائیک اختراع کردہ سی اولوب اساسی ہوانک قوہ
تضییقیہ سی اوزرینہ مبئیدر اصل ہنر ہوانک حال اعتدالندہ مایعات
اوزرہ اجرا ایتدیکی تضییق مناسبیلہ نقدر ثقلتی اولدیغنی کشف
ایلمک ایدی بو قاعدہ ییلند کدنصکرہ میزان الہوا یا یق پک قولای
برشیدر نصل یا یلدیغنی سویلرسم کندیکز دخی اعمال ایدہ ییلورسکر

میزان الهوائك نصورتله يابلدیغنی و نه اساس اوزره مبنی اولدیغنی
چوقدنبرو اوكرنك استرم لطفاً مفصلجه بیان بیوریکز

(خواجه)

اوله ایسه ایوجه دقت ایدیکز بر مترو طولانده و التي میلیمتر و قطرنده
(۱) جامدن معمول و بر اوجندن دیگر اوجنه قدر هر یرنده قطری
مساوی بر بوری اخذ ایله بر اوجنی میناجی لامباسی تعبیر اولنان لامبا
ایله اذابه ایدرك محکم سدا ایدرسکز مذکور بورینك اذابه سی سار صوتله ده ممکن
ایسه ده میناجی لامباسنی تخصیص ایدینسم جام بوری انکله غایت قولای
اذابه اولندیغنی ایچوندر مذکور بوری یی بر منوال محرر قیاتدقدنصکره
ربعنه قدر خالص جیوه ایله طولدیروب اتش اوزرینه طوته رق جویه یی
ایصدیرسکز جیوه ایصندقجه بورینك ایچنده اولان هوا خروج ایدر
صکره اقتصاصنه کوره بر تاج دفعه برر مقدار دها جیوه قویه رق
بوری یی لبالب صیجاق جیوه ایله طولدیپرسکز بو وجهله جیوه ازارازار
قویه رق و ایصیده رق بوری یی طولدرمق بورینك ایچنده اصلا
رطوبت و هوا قالماسی ایچون احتیاطاً لازمدر بوری یی بردن بره
صغوق جیوه ایله طولدیرمق دخی اوله ییلور ایسه ده بو صورتده بوریده
رطوبت و هوادن اثر قالمق احتمالی اولوب بو ایسه میزان الهوا

(۱) اوچ ربع متری تقریباً بر ارشونه مسایدر و بر سانتیمتر و بر مترونك
یوزده برو بر میلیمتر و یکده بر جزئیدر بزم مقیاسلر مات و الوفه منقسم
اولوبوب بو جهته تعریفده تطویل و اشکالی موجب اوله جغندن
ایجاب ایدن یرلده بالضروره منزه اصولی اتخاذ و استعمال اولمشدر
استقامته

استقامته مانع در بر منوال مشروح بوری تماماً صیحا ق جیوه ایله طوارق قد نص کره جیوه صغویه رق بورینک ایچنه هوا کیر مامک اوزره در حال بورینک اغزینی پرمقله قیایوب اغز طرفی اشاغی کلمک اوزره ینه خالص جیوه ایله مملو و اغزی ممکن مرتبه ککوچک بر بلور کاسه ایچنه وضع ایدرسکز معلومکز اولدیغی اوزره جیوه خلوص مطلقده کندی باشنه یتش الی سانتیمترودن یعنی بر ارشوندن زیاده صعود ایده میه جکندن درجه مذکوره یی بولنجیه دکین بورینک ایچنده اولان جیوه کاسه نک ایچنه افغه باشلار جیوه صغویه رق ارتفاع طبیعتی بولد قد نص کره مذکور بوری یی کاسه دن چیقار میه رق ارقه سنه بر لوحه ربط ایله کاسه ده اولان جیوه نک سطحی حزا سندن اعتباراً لوحه مذکوره یی سانتیمتر و یا خود میلیمترویه تقسیم ایدرک وضع اشارات ایدرسکز اگر بورینک ایچنده هیچ هوا قالماش ایسه پک طوغری اولور بوکا کاسه لی میزان الهوا تعبیر اولور

(شاگرد)

بویله بر آلتدن هوانک ایو و یا خود بوزوق اوله جغی نصل ییلور
(خواجه)

بو پک قولایدر میزان الهوا بور یسنده کی جیوه نک صعودی کاسه ده اولان جیوه اوزرینه تضییق اجرا ایدن ستون هوائینک اغر اغنه و اشاغی اینسی خفته مبنی اولدیغندن و تجربه ایله ییلندیکنه کوره هوا هر نقدر براق و صافی اولسه اولقدر اغر اولوب بوزوق اولدیغی و یا غمور یاءه جغی وقتلرده بالعکس خفیف بولندیغندن بورینک ایچنده اولان جیوه حال اعتدالی بولان یتش الی سانتیمتر و یعنی بر ارشون ارتفاعده بولور بونی تجارز ایدر ایسه کمال صفوتنه دلالت ایدرک

اچيقلق اولور و جيوه درجه اعتدال بولنان يتش التي سانتيمترودن
هرتقدر اشغي اينرايسه هوانك اولقدر خفيف و بوزوقلغنه علامت
اولديغندن از برشي اينتش ايسه هواده بوزلغنه و زياده جه اينتش ايسه
ياغموره و فورطنه يه استعداد اولديغي اكلاشيلور
(شاگرد)

بن بر طاقم ميزان الهوار كوردم كه تعريف بيورديغكن شكله هيچ
بكرمز

(خواجه)

ميزان الهوانك شكلجه انواعي اولوب جمله سني بيان ايتك تطويل
مقالى موجب اوله جغندن اك زياده مستعمل اولان برايكي نوعنك
دها بيانيله اکتفا ايدهلم ذكرى سبقت ايدن كاسه لي ميزان الهوانك
يا بلسي قولاي و طوغريلق جهتيه سائرلرينه مرجح ايسه ده استعمالنده
كوجلاك اولديغندن اكرى بوريلى ميزان الهواني اختراع ايلمشدر
(۱) بو نوع ميزان الهوا جامدن معمول يالكز بر بوريدن عبارت
اولوب فقط براوجى چنكل رسمنده اكلشدر اشبو اوج اصل بورينك
ثلث مقدارى قدر مرتفع اولور بو بورينك اوزون طرفنك تيه سي قبالو
اولوب قصه طرفي كاسه مقامنده قائم اوله رق هوانك تضبيقي ايچون
اچيق براغلمشدر بو نوع ميزان الهوانك كاسه لي ميزان الهوايه مرجح
طوتلسي نقل و استعمالنده سهولت اولديغنه مبنيدر چونكه بونده كاسه

(۱) بو مثللو الاتك تعريفنده رسمي برابر طبع اولنسه صورت افاده
رسمه تطبيق اولنهرق غايت قولاي اكلاشيله جغني دركار ايسه ده
شمديلاك بوكا امكان مساعد اولديغندن يالكز ممكن مرتبه تعريف
و توضيح ايله اکتفا اولندي

یرینه بورینک اوتہ کی اوجی استعمال اولنوب بو ایسہ کاسہ یہ نسبتہ
غایت کوچک اولدیغندن اغزی محکم قیانه بیلوب مخاطره سزجه هر
بر محله کوتورلمسی ممکن اولور

برده مینالو بر نوع میزان الهوا اولوب بونک اصلی اکری بوریلی
میزان الهوا دیمک ایسده بعض علاوہ واردر مینالو میزان الهوا ده
بورینک قصه اوجنک قطری بر از زیاده جه یا پیلہرق اکثریا اون و یا
اون ایکی میلیمتر و سعتده اولور بو قصه طرفده جہونک اوسننه
یاریننه قدرینہ جیوه طولو بر شیشہ وضع و مذکور شیشہنک بوغازینہ
بر ابریشم ربط اولنوب مذکور ابریشمی بر کوچک مقریہ بر طولام
صارددند صکرہ دیگر اوجنہ دخی بر یوارلق قورشون باغلرلر و مذکور
قورشون شیشہنک اغرلغندہ اولوب ایکسی دائماً موازنہده بولور
و مذکور بوری مینانک ارقہ طرفنہ مر بوط اولدیغی مثلاً مینانک اوسنندہ
دوہرک هوانک حالات مختلفہ سنی ارائہ ایدن ابرہ یعنی ایکسندہ ذکر اولمان
مقرہنک محورینہ مر بوطدر هوا ده اغرلق اولدیغی حالده بورینک قصه
طرفنہ کی جیوه اوزرینہ زیاده جه تضییق وقوع بولہرق جیوه اشاغی
ایزو بو جهتہ کوچک شیشہ دخی برابر اینہرک مقریہ دوندرر مقرہ
دوندرکجہ ابرہ دونوب هوا کوزل اشارتی اوزرینہ کیدر بالعکس هوا ده
بوزلغہ میل اولہرق خفیفلندکجہ جیوه اوزرینہ کی اغرلق ازالہرق جیوه
یوقاری چیقغہ باشلار و بو جهتہ کوچک شیشہده یوقاری چیقوب
اوتہ طرفنہ اولان قورشون اینکہ باشلایہرق مقریہ عکسندہ دوندرر
مقرہ دوندرکجہ ابرہ دونوب اگر هوا ده رطوبت ازجه ایسہ بوزق
اشارتنک اوسنندہ و اگر زیاده جه ایسہ یا غمور اشارتنک اوسنندہ کیدر
(معلوم اولدیغی اوزرہ اشارات مذکورہ میزان الهوانک میناسی اوزرینہ

محرر در) فقط بونوع میزان الهوا يك ط-وغری اوله من چ-ونكه
مقرهك از برشی تخلفی ابرهك حرکتی اغرلشديرهق و یاخود یاكلش
دوغمنه سبب اولهرق کوستردیکی اشارات صحیح اوله من
علم جر انقالده مهارتی اولان فرانسز موسیو بوردون مؤخرأ بر نوع
میزان الهوا ایجاد ایتشد که بونکله جیوه سز مطلوب ماصیل اولور
و اسئلادیکی قدر کوچك قطعده یاییله ییلور اشبو الت تیمور و باقر
و امثالی معدندن معمول و درونی خلو مطلق حالنده بولنان بر مدور
بوریدن عبارت اولوب اساسی دیگرلری مثلاو هوانك قوه تضییقه سی
اوزینه مبنیدر صورت ترکیب و اعمالك لایقیله اکلاشلمسی جر انقالدن
بعض مسائل بیلکه محتاج اولدیغندن بونك تعریفنی مسائل مذکوره دن
بحث ایده حکمز وقته تعلیق ایتک دهها مناسب اولور

(قدری)

(بقیه سی صکره)

(دار الفنونده درس عام کشادی)

بو دفعه بااراده سنیة حضرت پادشاهی انتشار معارف نیت خیریه سیله
دار الفنونده بعض علوم طبیعییه تدرس اولمق اوزره بر درس عام
ترتیب اولنوب بر قاچ کونه قدر کشادی مقرر بولمشد خفی اولدیغی
اوزره حکمت طبیعییه مسائلك لایقیله تفهیمی لازم کلان تجربه لرینك
مشاهده سنه متوقف اولدیغندن اشبو درسارده اولوجهله تجارب دخی

اجرا

اجرا اوله جغی مثلر ممکن مرتبه تعبیرات واضح استعمال اوله جغندن
هر کس بونک استماعدن استفاده ایده جکی و فون مذکور بونک بین
الاهی توسع افکار و ترقی صنایع حقنده درکار اولان حسن تأثیراته
نظراً طلبه علوم و مأمورین اقلام و ارباب حرف و صنایعدن هر
صنف تبعه شاهانه طرفندن بونک تدرس و تعلیمه زیاده سیله میل
و رغبت کوستر یله جکی مجزومدر

درس مذکور مجلس و الای حکام عدلیه اعضای کرامندن دولتله
ادهم پاشا حضرتاری معرفتیه ترتیب اولوب مشار الیهک تحت
نظارتنده بولنه جق و معادن مجلسی رئیسی سعادتله درویش پاشا
حضرتاری دخی تدریسه همت ایده جکدر معلوم اولدیغی اوزره مشارالیه
درویش پاشا علوم مذکوره بی اوروپاده کمالیه تحصیل و مقدمات بعض
مکاتب شاهانه تدریس ایدوب بو بابده اهلیت و مهارتی مسلم
اولدیغندن شو امر خیرک حسن ایفاسنه موفق اوله جغی بی اشتباهدر
سایه مکارم وایه سلطنت سنیده حسن تربیه یه موفق اولش بو مثلاً
ذواته کوره معارف مکاتبه لرندن ابنای وطنک حصه دار اولسنه سعی
و همت ایملری وقتیه کندرلرینک مظهر اولدقلری اعطاف سنیدهک
حق تشکرینی ایفایه احسن و سائل اولدیغندن طوغریسی مشار الیهما
حضراتنک شو همت بی همتاری هر درلو ثنا و ستایشه سزا و ارباب
اقتداردن اولان ذواتک بونلر اثرینه اقتفا ایملری الیق و احرا در
مناصب عالیده بولنان ذواتک بو وجهله نشر علوم الیه اشتغالری حاشا
وقع و اعتبارلرینه ایراث خلل ایتبوب بالعکس (رتبه العلم اعلى الرتب)
قضیه مسلمه سی اقتضا سنجه بر قاندها اعتلای شرف و شانلرینی موجب
اوله جغی مستغنی قید تذکار و اسلاف کرامدن پک چوق ذوات اوقات
خالیه لرنده شو مسلکی اختیار ایلدکلری رهین رتبه اشتهارد

اشبو درسك كشادی جمعیت عاجزانہ من مقاصد خیرہ سنہ موافق
اولوب بمنہ تعالیٰ یکریکریک ترویج امالہ سعی و اہتمام ایدہ جکرندن
سلطنت سنیہ نك تربیہ عامہ حقندہ بو و حہلہ دخی سزاوار بیوریلان
ہم جلیلہ سی موجب کمال حبور و مباهاتن اولہرق دعای دوام عمر
و شوکت حضرت پادشاہی زیور زبان اخلاصنشان قلمشدر

حکمت طبیعہ درسیچون لازم کلان الات وادوات موجود
اولدیغندن ہفتہ دہ ایکی دفعہ اولق اوزرہ شمدیلاک علم مذکور تدریس
اولنہ جق و علم کیمیا ایچون اقتضا ایدن الات دخی اوروپایہ سپارش
اولندیغندن ورودندہ انک دخی تعلیمہ مبادرت اولنہ جغی مثلاًو علم نباتات
و ہیئت درسری اعطاسی دخی مصمدر

ہر درلو فنون تدریس و تعلیمہ مخصوص اولق اوزرہ مقدا مصارف
کلیدایلہ انشا و ما وضع لہ سنک خلافتدہ پک چوق شیلردہ استعمال
اولنمش اولان دار الفنون ابنیہ جسیہ سی شمدی یہ قدر ناتمام و خالی
قالمش ایسدہ مذکور درسك اورادہ کشادی بمنہ تعالیٰ ایلرودہ سایہ
فیضوایہ حضرت تاجداریدہ دار الفنون مذکورک حسن اکیال
و تنظیمہ بر مقدمہ متیمہ عد اولنہ بیلہ جکی درکاردر

درس مذکورک یوم کشادی واستماعیچون تعیین اولنہ جق ایام و ساعات
ورقہ مخصوصہ ایلہ عمومہ اعلان قلنہ جقدر

(منیف)



(خلاصهٔ پولنیقیه)

مقدم دخی بیان اولندیغی وجهله مؤخرأ طرف سلطنت سئیه دن
 سزاوار یوریلان مساعده یه مبنی من بعد مجموعهٔ عاجزانه مرزه وقوعات
 پولنیقیه خلاصه سی دخی درج و علاوه اولنه جق ایسه ده الحالهٔ هذه
 میدانده بولنان مسائل مهمه نك منشأ و مقدماتی و شمیدی یه قدر تحول
 ایلدیکی صور و انقلاباتی بالا طراف بیلندکجه بو مقوله خلاصه
 مطالعه سندن کرکی **ك**بی استفاده اولنه میه جغندن بو دفعه مسائل
 حاله نك علل و اسبابیله برابر الیوم نه مر کرده بولندیغی بروجیه ایجاز
 تحریر اولمش و بمنه تعالی بوندن بویله دخی هر ماه ظرفنده وقوعات
 آتیه نك صبره سیله یازیله جخی درکار بولنمشدر

—0—

(ایتالیا مسئله سی)

ایتالیا قطعه سنده یکرمی بش میلیونه قریب نفوس اولوب بونلر ملت
 واحده دن اولدقلری حالده حکومات مختلفه یه منقسم بولندقلرندن
 بر حکومت جسیه تشکیلیله دول معظمه صره سنه داخل اولق چوقدن
 برو ایتالیا لولرک اقصای امالری ایدی حکومات مذکوره دن ساردنیا
 دولتی ایتالیا نلرک بو امالرینک اول و آخر حصه ولپذیر اوله جغنی حس
 ایدرک تشکل ایده جک هیئت جدیده حکمدارلغی شرفنه نائل اولق
 ارزوسبله بونک تهیئهٔ اسبابنه سعی و اهتمامدن خالی اولمزدی دولت علیه
 ایله روسیه بیننده ظهور ایدن محاربهٔ اخیرده انکلتره و فرانسه
 دولتریه متفقاً دولت علیه یه اعانه ایدرک محاربه نك ختامنده
 پارسده عقد اولنان مکالده یه دخی داخل اولمش و اوچنجی درجه ده
 بر دوات ایکن دول معظمه ایله برابر پارس معاهده سنی امضایه

موفق اولوب بو صورتله کسب شان و حیثیت ایلشدر و ایتالیا ممالکندن اولوب اوستریا دولتی تحت حکومتده بولنان وندیک و لومباردیا ایالتیرینک استرداد ای ادعاسیله دولت مشارالها علیه اعلان حرب و فرانسه لوی دائرة اتفاقیه جلب ایدوب اشبو محاربه ده اوستریا لول مغلوب اولدیغندن فرانسه و اوستریا ایمپراطورلری بینده عقد اولنان ویلا فرانقه معاهده سی موجبجه ایالتین مذکوریتندن لومباردیا ساردنیا الهاق اولندی بونک اوزرینه طوسقانه و پارمه و مودنه دوقه لقلری دخی ساردنیا اله تحاقی ارزو ایدرک بو باده دولت مذکوره قرالی حشمتلو و یقتور اما نوئل حضرته لری طرفه مخصوص وکیلار ارسال ایلدی لر و قوعات مذکورهنک جریان ایشاسنده ایتالیا نک هر طرفنده اختلال ظهور ایدرک امن و اسایش کلیاً منسلب اولغله ساردنیا دولتی بونک رفع و ازاله سیله اوروپا موازنه دولیه سنک محافظه سی ضمنده اهل بسنک ارزوسی وجهله ایالات مذکورهنک ساردنیا اله تحاقی وجوب درجه سنه وارمش اولدیغنی و بو قاعده یه یعنی اهلینک ارزولرینه مبنی ساردنیا ممالکندن اولوب فرانسه یه مناسبت موقعیه سی بولنان صاووا و ندیس ایالتلرینی فرانسه یه ترک ایده جکنی باتقریر رسمی دول معظمیه اعلان ایله تصدیق ایتدیرمکه موفق اولدی

بو ائنده ناپولی دولتی ممالکنده دخی بعض اختلال اماره لری ظهور ایدرک اهالی قرال لری اولان ایکنجی فرانسوانک حکومتدن اظهار ناخشنودی ایله ساردنیا طرفه میل و انجذاب کوشترمش اولسیله بیک سکر یوز التمش سنه سی شهر مایسنده جنرال غاریبالدی معینده بر مقدار کواکلو عسکر اولدیغنی حالده سچلیا اطه سنه عزیمت ایدوب اورایه وصولنده عموم اهالی جنرال موسی الیهله برلشمش و قرال عسکر یله

وقوعبولان

وقوعبولان محاربه لردہ غاريبالدي طرفي غلبہ ايتمكلہ درعقب
اختلال مملكتك هر طرفہ سرايت ايدرك همان كافہ اہالي قرال
عليہ قيام ايلديكنہ بناء ارتق قرال مشاراليہ ناپوليده اقامت
ايده ميوب قاپو شہرينہ چكلمش و اہالينك دعوتي اوزينہ ساردنيا
عسكري كلہ رك شہر مذكوري حصر و تضيق ايلديكندن قرال
مشاراليہ اورادہ مقاومت ايده ميہ رك غايتا قلعه سنہ تحص ايتمش و بر
خيلي وقت اورادہ غيورانہ مدافعہ ايتمش ايسدہ نتيجہ سنہ صلحہ
مجبور اولوب ايتاليا طو براغندن چيقيق شرطيلہ غايتا صورندہ بولنان
بر فرانسز بکسنہ راكبا رومايہ عزيمت ايتمش و بو وجهلہ ناپولي ممالكي
دخي كاملا ساردنيايہ منضم اولمشدر

معتاقباً حشمتلو پاپا حضر تلرينك زير اداره سنہ روما ممالكندن بعض
ايلاتدہ دخي اختلال ظہوريلہ ساردنيايہ التحاق افكاري ايلرولسي اوزرينہ
ساردنيا عسكريہ مقابلہ ايتمك اوزرہ مشاراليہ حضر تلري في الاصل
فرانسہ لو جنرال لاموريسير تحت قوماندہ سنہ اولہ رق سوق ايتمش
اولديغي اردويه جنرال چالديني قوماندہ سنہ بولنان ساردنيا عسكري
قاسلفيداردو نام محلدہ بالمقابلہ وقوعبولان محاربه دہ پاپا اردوسنك مغلوب
و پريشان اولسني روما ممالكندن مسورش و اومبري ايلاتلرينك دخي
ساردنيايہ التحاقني منتج اولمش و بر منوال محرر حشمتلو پاپا حضر تلرينك
زير اداره سنہ قالمش اولان بر قطعہ صغيرہ ايلہ اوستريالو يدندہ بولنان
ونديك ايلاندن بشقہ ايتاليانك هر بر طرفي ساردنيايہ ملتحق اولہ رق
ساردنيا قرالي ايتاليا قرالي نامني حائز اولوب مشار اليہك ايتاليا قراللي
اوستريالودن بشقہ دول معظمہ سائرہ طرفندن دخي تصديق قلمشدر
فقط ايتاليانلر بونكلہ قناعت ايتيوب ايتاليانك هيچ بر جزؤينك خارجدہ

قالمامسى و پاپانك مقرر حكومتى اولان روما شهرى ايتاليا پاى تختى
اتخاذ قلمسى امل و ارزوسنده اولوب و نديك ايلتك استخلاصى ممكن
كى كورينور ايسه ده رومانك ايتاليا پاى تختى اولمى حشمتلو پاپا
حضر تلى حكومت جسمانيه سنك بالكله اضملانه متوقف اولوب
بو ايسه ايتاليانلردن بشقه رئيس روحانيلى بولنديغى سائر قتواك
ملتك انفعالى موجب اوله جغنه و فرانسه اهالىسى ايسه همان كافه
قتواك اولدقلردن پاپانك هر درلو مخاطره دن وقايسى ايچون فرانسه
دواتى خيلى وقتدنبور روماده مقدار وافي عسكر اقامه سنه مجبور بولنديغنه
بنا روما اوزرينه هجوم اولمى فرانسه عسكريله محاربه يى و قتواك
مذهبنده بولنان دولترك خصوصتى مؤدى اوله جغنى ايتاليا دولتى
بيلدىكندن روما مسئله سنك شديلاك حرباً حلندن صرف نظره وقت
مرهونه تعليق اولمشيدى

بروجه مشروح روما مسئله سنك بر صورت مصلحانه ايله انحلالنه ترقب
اولنور كن جنرال غاريبالدى ايتاليانك جنوب طرفندن باشنه بر طاقم
كوكللو عسكر جمع ايدرك روماي الورز و ياخود بو يولده اولورز ديو
شهر مذكور اوزرينه يورومك اوزره اولديغى خبرى ايتاليا قرالنه واصل
اولدقده غاريبالدى حالنه براغلاسه مشكلات موجوديه نظرا روما
النه ميه جغندن بشقه قتواك مذهبنده بولنان دولتر دخی منفعل
اوله رق روما مسئله سى بر قاتدها دوچار صعوبت اولور ملاحظه سيله
مومى اليهك شو حركتى تفهيم و كندوسنه عاصى نظريه باقيه رق
اوزرينه عسكر سوق اولمى اهون شرين اولق اوزره اختيار ايلمى
و وقوعبولان محاربه ده غاريبالدى طرفى بوزيله رق كندوسى دخی
مجروح اولديغى حالده طوتيلوب بوغائله مندفع اولمشدر فقط غاريبالدينك

فوق الغايہ درکار اولان غيرت مليہ سنی و ناپولی مسئلہ سنده مشہود
اولان خدمات عظیمہ سی جہتلہ بالجمہ ایتالیا اہالیسی بیندہ زیادہ
شہرت و اعتبار قزانش اولغلہ مومی الیہک بو صورتلہ دوچار حقارت
اولسی بالجمہ ایتالیا لولرک و باخصوص حین حاجتدہ ایتالیا دولٲنک پک
زیادہ ایشنہ یارایہ حق اولان غاریبالدی طرفدار انک اشوی موجب
انفعالی اولسیلہ ایتالیا دولٲی بر موقع مشکلدہ بولنہ رق بونک تعمیری
ایچون غاریبالدی حقندہ اتخاذا اولنان معاملہ ینہ ایتالیا منافعی محافظہ
ایچون خلقہ اعلاننامہ لر نشر ایدرک اہالینک بعض مرتبہ غلیان
افکارینی تسکین ایلہ برابر فرانسیہ عساکر مستحفظہ سنک رومادن
چکلمسی خصوصنہ خیل چالشمش و حتی ایتالیا نک رومایی حرباً
ضبطہ قوہ کافیدہ سی اولدیغنی مثبت فرانسیہ دولٲنہ کچندہ بر قطعہ
تقریر رسمی دخی اعطا ایلش ایسدہ فرانسیہ دولٲی طرفندن مصلحت
ایکی طرفک یعنی ایتالیا قرالی حضرٲلریلہ حشمتلو پایا حضرٲلرینک
رای و منفعتلرینہ موافق صورتدہ تسویہ پذیر اولدقجہ فرانسیہ
عسکرینک رومادن چیقلمسی ممکن اولدیغنی و بو بابدہ ایتالیا دولٲی
حربہ تصدی ایدر ایسہ فرانسیہ عسکری مقاومتہ مجبور بولندیغنی
جوابی اندیغندن بونک اوزرینہ و کلانک تبدیلی اقتضا ایدرک موسیو
راتازی و وکلای سائرہ استعفا ایلش و یرلرینہ وکلای جدیدہ انتخاب
اولمشدر

ایتالیا مسئلہ سنک خلاصہ سی بوندن عبارت اولوب روما مسئلہ سنک
بلا محاربہ حلی حقندہ دخی شمدی یہ قدر بر قاج صورت تصور اولمش
ایسدہ صور مذکورہ نک کافہ سی حشمتلو پایا حضرٲلرینک حکومت
جسمانیہ دن صرف نظر ایلسنی انتاج ایدوب مشار ایلہ حضرٲلری

ایسه بوکا هیچ بر وجهه یناشمامقده اولدیغندن مسئله مذکوره‌ک
بلا محاربه حلی پک مأمول دکلدیر

—0—

(پروسیا مسئله سی)

پروسیا اهالیسی نائل اولدقلری اداره مشروطه سایه سنده برار وقتدنبرو
آسوده نشین اوله رق ممالک سائره وقوعات پولتیقیه سنده حصر افکار
ایتمش اولدقلری حالده الیوم قراللی بولنان برنجی کلیومک صندالی
حکومت قعودنی متعاقب بعض حالات غیر مألوفه ظهوره کله رک
اهالی مذکوره‌ک تخدیش اذهانی موجب اولشدر شویله که قرال
مشارالیه ولی عهد لکی اثناسنده اصول سربستی طرفداری
بولندیغندن عامه‌ک کندو حقنده میل و محبتی برکمال بولنش ایسده
ابتدای جلسوندنبرو قوه بریه و بحریه سنی تکثیر ایتمک ارزوسنده
اولدیغنی اظهار ایدوب فقط بونک اجرایی مبعوثان ملت مجلسنک
تحصیل موافقته محتاج اولدیغندن کیفیت مجلس مذکوره موقع
مباحثه قوندقدده اعضا‌ک اکثریسی بونک ملت حقنده بیهوده بر
بارکران اوله جغنی بالبیان اظهار مخالفت ایلشدر بونک اوزرینه قرال
مجلس مذکورک موافقتدن صرف نظره ماده‌ی طوغریدن طوغرییه
اصیلزادکان مجلسنه بالحواله اوراده مذاکره و تصدیق ایتدیرمش و بو
ایسه قونستیتسیون یعنی شروط اداره احکامنه مغایر اولدیغندن
مبعوثان مجلسی طرفندن اشبو قرارک نا مشروع و غیر معتبر طوتلمسی
اقتضا ایده جکنه اتفاق آرا ایله حکم اولندیغندن قرال مشارالیه ملت
مجلسنک شو مخالفتنی کندوسنک حقوق قرالیه سنی محل بر حرکت عدیله
مجلس مذکوری درعقب قیاندیرمش و مجددا بر ملت مجلسی تشکیلنی

امر ايدوب بونك ايچون انتخاب اولنه جق اعضائك كندو دلخواهي وجهه حركت و سر بستانه مباحثاتدن مباحثات ايدو جكني مأمول ايتمش ايسه ده بونلر دخی ماده مختلف فيهاده اسلا فلرينه حق ويرمشلردر اشته بو وجهه حركت ايله ملت پيشنده اختلاف تاكد ايتديكندن قرال مشار اليهك اصول مشروطه حكومتي اخلا لدن مقصده اولديغلك صراحة كندولرينه يلد يرلسني صورت قطعيه طلب ايتمشلردر رئيس وكلا اولان موسيو بيسمارك بوكا ويرمش اولديغي صنيعه لو جوابلر صدره شفا ويرر قبالدن اولدق دن بشقه رئيسي بولنديغي وكلاتك حركاتي بر قاندها اتهام ايتمش اولديغندن اعضاي مومي اليهم ملك كندولرينه توديع ايتديكي حقوق و قايه وكلاتك موقع مذاكره وضع ايلديكي تكاليفه رد قطعي ايله جواب ويرمشلردر

قرال مشار اليهك اولو وجهه قوه عسكريه سني تكثير ايتمك استمسي مقصد آيدن عبارتدر ظن اولنور شويله كه معلوم اولديغي اوزره اوسترياييله پروسيا المانياك الك بيوك دولتلري اولوب بونلر دائميكد يكرينه تفوق ادعاسيله بينلرنده رقابت اولديغندن ايتاليا محاربه اخيره سي مناسبيله اوستريا دولتك تدني نفوذ و اعتبارندن برو پروسيا دولتي اوستريا پوليټيقي سنه تغلب و تفوق ايتمك داعيه سنه قيام ايتمش ايسه ده موفق اوله مامش و بو داعيه ايسه بالجه المانيا اهل بسنك اخص امالي اولان هيئت واحده تشكيلي افكارينك تجددندن نشأت ايدوب قرال مشار اليه شو افكاره خدمت ضمننده كندو اغراضني دخی ترويج نيټيله لذي الحاجه المانيايي اجانبك تجاوز و هجومندن محافظه ايدو بيله جك درجده قوه عسكريه سني تكثيره قيام ايتمش ايسه ده اجراسي فوق المامول مسكلاته تصادف ايدوب روش حاله كوره شو

مقصودك حصولی بعید الاحتمال اولدقین بشقه دولت ايله ملت بینده
تکون ایدن اشبو اختلافك ایلروده برعربده شیدیه یی منتج اوله بیلسندن
خوف اولمقده در

— 0 —

(لهستان مسئله سی)

لهستانده ایکی سنه دنبرو اثار عصیان و هیجان کوندن کونه تزايد
ایدوب بونك اسباب حقیقه سی تعین ایتك بر امر دشوار ايسده
باشلیجه سی دولتلی منقرض اولدیغی کوندنبرو ملت و قومیت افکارینی
ذرتما غائب ایتماش اولان بر ملتك رقبه تابعیتی بر قوم احرک رقبه
تحملکداز متبوعینه گرفتار اولسی ماده سیدرفی الواقع لهستانك روسیه یه
التحاقندنبرو لهلول روسیه دولتی حقنده بغض و عداوتلی کتدیکجه
مشتد اولوب ایمپراطور متوفی نیقوله پاولوویچك زمان حکومتده لهستانك
دوچار اولدیغی احوال ملالات اشتماك بعض مرتبه تحقیق
و تعدیلی استرحامی ضمنده لهلول طرفندن پترسبورغه کوندریلان
وکیلار حضور ایمپراطوری یه داخل اولدقلرنده مشارالیه « بندن نه
استدیککزی بیلورم سزك بیانکزه حاجت یوقدر اعتمادمه مظهریتکزی
استر ايسه کن اجانبدن سزه سرایت ایتکده اولان افکار ردیه و اطوار
ناپسندیده دن مباعده له اولاد و انسابکزه مراسم حرمت و رعایتی
تعلیم و تلقین ایدیکز اولحاله حکومتز طرفندن معامله پدرانیه مظهر
اولورسکن فلا و ارشا و شهرینی بر صورتده خاک ايله یکسان ایدرمکه
خاتمانکزدن اثر قالمز » جوانی و یرمشر موخرأ شهر مذکور هر نقدر
اولوجهله تخریب قلمناش ايسده همحال عرصه قتال اولش و بعض
غزیه لرك دیدکلی کی اراقه دماء مظلومین ایچون بر سیاستگاه
لهستانك دهشتفزایه دوئمشر

لهستانك اكثر محاررندہ بعض معاملات خونريزانه تكرر وقوعى بتون
 له ملتك عرق غضبى تحريك ايلديكندن زبانه كش ظهور اوله ييله جك
 اتش اختلاك اطفاسيچون اولطرفه يتش سكسان بيك كشيدن مركب
 بر اردو جمع و تشكيلنه قرار ويرلش و وارشا و شهرى عساكر
 مستحفظه سنه تقويت ويريله رك محاصره حالنه قونلشدر مؤخرأينه
 شهر مذكور اهل بسندن بر طاقم كسان بعض مرتبه شبهه اوزرينه اخذ
 و گرفت ايله سیر جانبنه نفى و تغريب قلمشدر شو حال اوروپا نك نظر
 دقتى جلب ايلديكندن روسيه ايمپراطورى برادرى غران دوق
 قسطنطينى اصول سربستى يه موافق بعض تدابير مناسبه اتخاذ
 ايتك و ممكن مرتبه اصول مليه لرى حقنده مساعدده كوسترمك و اثارى
 خاطر خراش اولان وقوعات سابقه يى اهالى يه اونوتدیره جق سائر اسبابه
 تثبيت ايلك مأموريتيله لهستان قائممقامى نصب و تعيين ايلشدر
 قائممقام مشار اليه اگرچه مواعيد واقعه سنى تماميله ايفا ايتماش ايسه ده
 بولنديغى موقعك مزاجنه لايقيه مطلع اولورو مأموريتنده ابقا
 قنور ايسه اهالينك ميل و محبتنى جلب ايدرك بالتدريج اصلاح
 احوالرينه موفق اولسى مأمولدر

—0—

(يونان مسئله سى)

يونانلور بر از وقتدنبور قرالارى اوتون مأمولارى وجهله مقدم و غيور
 و تثبيت امورده جسور اولمديغندن بعض مقاصد مليه لرينك ترويجنه
 سعى و اهتمام ايتميرك شمدى يه قدر يونانستان حقنده بر كونه حسن
 خدمت ايفاسنه مقتدر اولدى و اجنبيلك حالنده قاهره بولنديغى
 حكومت و موقعك اهميتنى ادراك ايدمدي يوللوم شاراليه حقنده بر طاقم

عجز و قصور اثنادینه باشلامشلا ایدی حالبوکه مشار الیه روسیه محاربه
 اخیرمسی اثناسنده یونانلرک شو افکار فاسدملرینی قوه دن فعله اخراجه
 تشبیت ایتمش ايسده نهایی حقارنده موجب وخامت اولدیغندن ارتق
 او مقوله حرکاتدن اجتناب ایتشیدی اشته بو وجهله قرال مشار الیه
 یونان قراللغنه تعیین ایدن دول معظمه نك مطلوب و دلخواهی ايله
 کندوسنك تحت حکومتده یونان ملتك افکار و مقاصدی بیننده
 مبیانت کلیه درکار اولدیغندن قنغی طرف منافعی التزام ایده جکنده
 متحیر و مضطرب بولمشیدی

یونانستانده مؤخرأ سزردۀ ظهور اولان وقعۀك مقدماتی بوندن برسنه
 مقدم اناپلیده وقوعبولوب فقط اولوقت عسکری طاقی بیننده اتحاد
 تام اولدیغندن نتیجه پذیر اوله میه رق انجق بو یولده بعض غیر تکشلیرنك
 تلفی مستلزم اولشیدی اشبوناپلی فسادینك اندفاعندن صکره بین الاهالی
 وسائل اختلافك اندفاعیله جمله سی قرال علیه نه يك وجود و یکجهت
 اوله رق فرصت مناسبه انتظارنده بولمشلا ایدی

قرال مملکتی داخلنده بعض محالرده سیر و سیاحت ایتك اوزره اتنه دن
 عزیمت ایتمش اولدیغی حالده کچن تشریس اولك یکرهی ایکپسنده
 بعض ایالتلر اهالیسنك بغته پای تخت اوزرینه هجوم ایده جکری
 خبری اتنده شیوعبولوب هر نقدر طائفۀ عسکریه طرفندن بو بابده
 مخالفت وقوعی ملحوظ بولمش ايسده اهالی قرال علیه نه اتفاقلرینی
 اعلان و عسکر ايله بینلرنده بر مصادمه خفیفه وقوعندن صکره بونلر
 ايله اتحاد ایتشلردر و در عقب مجلس اعضاسندن بولغاریس و بحریه
 وکیل قاناریس و قدما ی وکلادن روفوس نام ذواتدن مرکب بر حکومت
 موقته تشکیل و قرال اوتونك خلعی و کرک زوجه سنك و کرک سائر
 اعضای

اعضای خاندانك یونان حكومتی اوزرنده اولان حقوقلرینك سقوطنی
اعلان ایلدیلر

قرال مشارالیه عودتنده صورت حاله واقف اولغله اتندیه بر ایکی
ساعت مسافده واقع پیره اسکله سنه چیققی استیه رك سوار اولدیغی
امیلی نام یونان سفینه سنی ترك ايله انگلیز سفائن حریبه سندن ترسته یه
كتمك اوزره اوراده بولنان سکیلی اسمنده بر كمی یه راكبأ اوروپایه عزیمت
ایلمشدر

اشته اوتوز سنه لك بر دولتی بر قاچ ساعت ظرفنده رهین اضمحلال
ایدن اختلال بوندن عبارتدر عموم اهالی بو بایده متحد الافكار
اولدیغندن وقوعات مذكوره كمال سرعت ايله اجرا اولمش وینلرنده
بر مقاوله خفیه سبقت ایتش كبی جمله سی متحدانه حرکت ایتشدر
حكومت موقتیه عموم ملت ايله متفقاً ینه قراللق اصولنك محافظه سی
نینده در فقط بو مثالو مواد محلی دائره سنده قالد میوب دول اجنبیه
یینده نفوذ یاریشی دعوت ایده جك بر مسئله یه منقلب اوله جغی دركاردر
معلوم اولدیغی اوزره میلادك يك سكر یوز اوتوز سنه سنده یعنی بوندن
اوتوز ایکی سنه مقدم دول ضامنه اولان انگلیز و فرانسز و روسیه
دولتلی یونان دولتی تشکیل و بوكا اساس اولق اوزره ینلرنده منعقد
عهدنامه ده اشبو دول ثلثه ده مسند نشین حكمداری اولان خاندانلره
متعلق ذواتك یونان قرالغنی حائز اوله مامسنه دائر بر شرط درج
ایلمشدر معاهده مذكوره احكامی فسخ اولندیغی حالده دول مذكوره یه
كوره میدان خالی قالد جغندن یونانلور هر نقدر كندو افكار ملیه لرینه
تعبت ایتك ارزوسنده ایسه رده مملكتلی انگلیز و فرانسز و روسیه
دولتلی پولنیقه سنه جولانكاه اوله جغی بی اشباهدر روسیه ایمپراطورینك

يكنى دوق دو لاينخبرغى يونان قرالغنه تكليف ايتى دى شو
 مقصده مېنى اولديغى اكلاشيلو فقط انكلتره دولتى معاھده مذكوره
 احكامنك ابقاسى طرفنده بولنديغندن روسيهك اشبو تكليفنه موافقت
 ايتديكى مثالو قرالچھنك ايكنجى اوغلى پرنس الفردك مسند مذكوريه
 نامن دلكنى دى فطعيا رد ايلشدر بونك اوزرينه روسيه دولتى مقصد
 مذكوردن صرف نظره بىك سكر يوز اوتوز سنه سى عهدنده ثابتقدم
 اولديغى بيان ايتى و فرانسه دولتى ايسه ابتدائى وقعه دنبر معاھده
 مذكوره احكامنك خلدن وقايه سى ارزوسنده اولديغى درميان ايدوب
 بويابده مجادلات واقعه يه قارشى ماشدر


بر منوال محرر انكلتره دولتى پرنس الفردك يونان قرالغنه تعيينى قبول
 ايتامش ايسه ده پرنس مشار اليه حقنده كمال ميل و نجذاب اظهار
 ايدوب شمدى يه قدر انگليز اداره سندن شكايت ايدن جزاير سبعة
 اھاليسى دى يونانستانه ملحق اولق غرضيله بوافكارده بولنمشدر
 بالسھوله اكلاشيله جى وجهله يونانلورك پرنس الفردى استملى اولابو
 مناسبته جزاير سبعةك يونانستانه التحاقنه و ثانيا انكلتره دولتى كې بر
 صاحب نفوذ و اقتدار دولته كسب تعلق و انتساب ايله ترويج مراملرينه
 دسترس اولق غرضنه مبنيدر انكلتره دولتى غالباً روملك اصل مقصدلى
 بو اولديغى فهم ايدرك حصولى پرنس مشار اليه واسطه سيله مناسب
 تداركنه حاجت اولديغى اشراب قصديله جزاير مذكوريه يى مجاناً
 يونانستانه ترك ايتك نيتنده اولديغى مؤخرأ اعلان ايلشدر

اكرچه جزاير مذكورهك انكلتره دولته بر طاقم يهوده مصارفدن بشقه بر
 فائده سى يوغېسه ده جزاير مذكورهك باشليجه سى اولان قورقه اطه سى
 ونديك كورفى جوارنده واقع بر موقع مستحكم اولديغى جهته دولت
 مشار

مشار اليہاٲك بادھوا ترك و فراغت ايلسي زيادہ مسئلہ كورنديكندن
بو كيفيت جہانك موجب استغرابي اولشدر

يونان قرالي انتخاب اولمق اوزره اتندہ عقدي مقرر اولان جمعيت
عموميہ بو كوزلردہ كشاد اولمش ايسہدہ هنوز اعضاسي تكميل اولمامش
وانكلترہ دولتي مؤخرأ پورتكيز قرالٲك پدري بولنان دوق دوساقس
قوبورغي تاسب ايلش ايسہدہ بعض غرتہلرك روايتنہ كوره
مشاراليہ دخرد ايلشدر

قرال مخلوع اوتون بختنہ كلنجہ مشاراليہ پيرہدن حركتندہ (كل شي
يرجع الى اصلہ) قاعدہ سنجہ طوغري وطن اصلبسي اولان باويرايہ
عزيزمتلہ اليوم اورادہ كندو حالندہ اقامت ايتكده در



هوا و مندرجہ

تاریخ اوراق نقدیہ بروجہ عموم	•	•	•	منیف افندی
فوائد طرق	•	•	•	سعید افندی
انتشار نوع بشر	•	•	•	خیراللہ افندی
علم ثروت ملل	•	•	•	اوحانس افندی
علامہ سماویہ	•	•	•	قدری بک
دار الفنونہ درس عام کشادی	•	•	•	منیف افندی
خلاصہ پولینیقیہ	•	•	•	•



جمعیت مہریلہ ممہور اولیان مجموعہ فنون نسخہ لرینہ ساختہ نظریلہ
بافیلہ رق طابع و بایعلری مسئول طویلہ جقدر

1849

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466	467	468	469	470	471	472	473	474	475	476	477	478	479	480	481	482	483	484	485	486	487	488	489	490	491	492	493	494	495	496	497	498	499	500	501	502	503	504	505	506	507	508	509	510	511	512	513	514	515	516	517	518	519	520	521	522	523	524	525	526	527	528	529	530	531	532	533	534	535	536	537	538	539	540	541	542	543	544	545	546	547	548	549	550	551	552	553	554	555	556	557	558	559	560	561	562	563	564	565	566	567	568	569	570	571	572	573	574	575	576	577	578	579	580	581	582	583	584	585	586	587	588	589	590	591	592	593	594	595	596	597	598	599	600	601	602	603	604	605	606	607	608	609	610	611	612	613	614	615	616	617	618	619	620	621	622	623	624	625	626	627	628	629	630	631	632	633	634	635	636	637	638	639	640	641	642	643	644	645	646	647	648	649	650	651	652	653	654	655	656	657	658	659	660	661	662	663	664	665	666	667	668	669	670	671	672	673	674	675	676	677	678	679	680	681	682	683	684	685	686	687	688	689	690	691	692	693	694	695	696	697	698	699	700	701	702	703	704	705	706	707	708	709	710	711	712	713	714	715	716	717	718	719	720	721	722	723	724	725	726	727	728	729	730	731	732	733	734	735	736	737	738	739	740	741	742	743	744	745	746	747	748	749	750	751	752	753	754	755	756	757	758	759	760	761	762	763	764	765	766	767	768	769	770	771	772	773	774	775	776	777	778	779	780	781	782	783	784	785	786	787	788	789	790	791	792	793	794	795	796	797	798	799	800	801	802	803	804	805	806	807	808	809	810	811	812	813	814	815	816	817	818	819	820	821	822	823	824	825	826	827	828	829	830	831	832	833	834	835	836	837	838	839	840	841	842	843	844	845	846	847	848	849	850	851	852	853	854	855	856	857	858	859	860	861	862	863	864	865	866	867	868	869	870	871	872	873	874	875	876	877	878	879	880	881	882	883	884	885	886	887	888	889	890	891	892	893	894	895	896	897	898	899	900	901	902	903	904	905	906	907	908	909	910	911	912	913	914	915	916	917	918	919	920	921	922	923	924	925	926	927	928	929	930	931	932	933	934	935	936	937	938	939	940	941	942	943	944	945	946	947	948	949	950	951	952	953	954	955	956	957	958	959	960	961	962	963	964	965	966	967	968	969	970	971	972	973	974	975	976	977	978	979	980	981	982	983	984	985	986	987	988	989	990	991	992	993	994	995	996	997	998	999	1000	1001	1002	1003	1004	1005	1006	1007	1008	1009	1010	1011	1012	1013	1014	1015	1016	1017	1018	1019	1020	1021	1022	1023	1024	1025	1026	1027	1028	1029	1030	1031	1032	1033	1034	1035	1036	1037	1038	1039	1040	1041	1042	1043	1044	1045	1046	1047	1048	1049	1050	1051	1052	1053	1054	1055	1056	1057	1058	1059	1060	1061	1062	1063	1064	1065	1066	1067	1068	1069	1070	1071	1072	1073	1074	1075	1076	1077	1078	1079	1080	1081	1082	1083	1084	1085	1086	1087	1088	1089	1090	1091	1092	1093	1094	1095	1096	1097	1098	1099	1100	1101	1102	1103	1104	1105	1106	1107	1108	1109	1110	1111	1112	1113	1114	1115	1116	1117	1118	1119	1120	1121	1122	1123	1124	1125	1126	1127	1128	1129	1130	1131	1132	1133	1134	1135	1136	1137	1138	1139	1140	1141	1142	1143	1144	1145	1146	1147	1148	1149	1150	1151	1152	1153	1154	1155	1156	1157	1158	1159	1160	1161	1162	1163	1164	1165	1166	1167	1168	1169	1170	1171	1172	1173	1174	1175	1176	1177	1178	1179	1180	1181	1182	1183	1184	1185	1186	1187	1188	1189	1190	1191	1192	1193	1194	1195	1196	1197	1198	1199	1200	1201	1202	1203	1204	1205	1206	1207	1208	1209	1210	1211	1212	1213	1214	1215	1216	1217	1218	1219	1220	1221	1222	1223	1224	1225	1226	1227	1228	1229	1230	1231	1232	1233	1234	1235	1236	1237	1238	1239	1240	1241	1242	1243	1244	1245	1246	1247	1248	1249	1250	1251	1252	1253	1254	1255	1256	1257	1258	1259	1260	1261	1262	1263	1264	1265	1266	1267	1268	1269	1270	1271	1272	1273	1274	1275	1276	1277	1278	1279	1280	1281	1282	1283	1284	1285	1286	1287	1288	1289	1290	1291	1292	1293	1294	1295	1296	1297	1298	1299	1300	1301	1302	1303	1304	1305	1306	1307	1308	1309	1310	1311	1312	1313	1314	1315	1316	1317	1318	1319	1320	1321	1322	1323	1324	1325	1326	1327	1328	1329	1330	1331	1332	1333	1334	1335	1336	1337	1338	1339	1340	1341	1342	1343	1344	1345	1346	1347	1348	1349	1350	1351	1352	1353	1354	1355	1356	1357	1358	1359	1360	1361	1362	1363	1364	1365	1366	1367	1368	1369	1370	1371	1372	1373	1374	1375	1376	1377	1378	1379	1380	1381	1382	1383	1384	1385	1386	1387	1388	1389	1390	1391	1392	1393	1394	1395	1396	1397	1398	1399	1400	1401	1402	1403	1404	1405	1406	1407	1408	1409	1410	1411	1412	1413	1414	1415	1416	1417	1418	1419	1420	1421	1422	1423	1424	1425	1426	1427	1428	1429	1430	1431	1432	1433	1434	1435	1436	1437	1438	1439	1440	1441	1442	1443	1444	1445	1446	1447	1448	1449	1450	1451	1452	1453	1454	1455	1456	1457	1458	1459	1460	1461	1462	1463	1464	1465	1466	1467	1468	1469	1470	1471	1472	1473	1474	1475	1476	1477	1478	1479	1480	1481	1482	1483	1484	1485	1486	1487	1488	1489	1490</
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	--------

مجموعه فون سر ماه عربی نهایتند چیتا ریلور

در سعادت ایچون بهاسی

غروش

۶۵ برسنگ

۳۵ الی ایلق

۰۶ بر نسخه

بر سنده لکنه و یا خود الی ایلغنه مشتری اولق استلدیکی حالد
یکی جامع جوارنده چیچک بازارنده واقع جمعیت علمیه عثمانیه
مرکزینه و یا خود باغچه قیوسنده ترجمان احوال مطبعه سنه
مر جمعیت اولنه

ایالاتده مشتری اولق استیانیلر فیئات مذکوره اوزرینه مسافه نك
قریت و بعدینه یا قلیوب بر ییلاق ایچون الی و الی ایلق
ایچون اوچ غروش پوسته اجرتی ضمیمه ایچه سنی پوسته یه تودیعاً
جمعیت علمیه عثمانیه ریاستی طرفه کوندردکلی حالد اوقات
معینه سنده محله ایصال اولنور

متفرق صایمان محالمر

ترجمان احوال مطبعه سی	جمعیت مرکزی
بک اوغلنده اینه لی چارشوده	صحاف لر کتخداسی حلبلی حاجی
صحاف کولر	حسین افندی
اسکدارده یازیچی عثمان افندی	سلطان بایزیده کاغذچی حافظ
بشکطاشده اجزاجی ووچین	اسماعیل افندی

مجموعه فون دربی مراد اولنار مواد مناسبه جمعیت مرکزینه

ارسال یوریه

مجموعه فنون

از

جمعیت علمیه عثمانیه

رنجی پنه

ماه رجب

نومرو ۷

استانبول

وزیر خاندان ارزنجانلی اوغلو میناسیان آرتین
مطبعه سنده طبع اولمشدر

روایات معتبره • • •
در بیان احوال • • •
استخراج حقا • • •
تألیف و تصانیف • • •
در بیان احوال • • •
در بیان احوال • • •
در بیان احوال • • •

در بیان احوال • • •
در بیان احوال • • •

(مواد مندرجه)

منيف افندى	•	•	•	•	•	عجائب سبعة عالم
كامل پاشا	•	•	•	•	•	مواد حكيمه تلماق
ادهم پاشا	•	•	•	•	•	علم كيميا
قدرى بك	•					صوده بوغلانلرك صورت مداوات واستخلاصى
منيف افندى	•	•				دار الفنونده درس عام وقوع كشادى
•	•	•	•	•	•	امرىقا مسئلهسى
•	•	•	•	•	•	خلاصه پوليتيقيه بروجده عموم

جمعيت مهريله ممهور اوليان مجموعه فنون نسخدهلرينه ساخته نظريله
ياقبله رقى طابع و بايعلى مسئولى طوتيله چقدر

مجموعه بنون

۱۳

جمعیت علمیه عثمانیه

برنجی پنه

ماه رجب

نومرو ۶

استانبول

وزیر خاتمه ارزنجانی اوغلو میناسیان آرتین
مطبعه سنده طبع اولمشدز

۱۲۷۹

(عجایب سبعة عالم)

اثار عتیقه دن عند المتقدمین اعظم مصنوعات بشریه عد اولنوریدی
شی واردر که بونلره عجایب سبعة عالم تعبیر اولنور
برنجیسی زمان قدیمده بغداد حوالهسندده حله شهری جوارنده واقع
بابل یاخود بایلون شهرینک سور و باغچه سیدر که سور مذکور ایکی یوز
اللی قدم ارتفاعنده و اللی قدم سمکنده و مربع الشكل اوله رق
هر ضلعی درت ساعت امتدادنده ایدی و جوانب اربعه سنده
جمله سی تونجیدن اولق اوزره یوز قپوسی اولوب اشبو قپورک ارالنده
و سورک کوشدلنده دیواردن اون قدم مرتفع ایکی یوز اللی قله
وار ایدی سور مذکور غایت ایری طوغله ایله بنا اولنوب کرج
و خراسان یرینه زفت ایله صوانمش و اطرافنده غایت جسیم و متسع
صو طولو بر خندق اولوب اشبو خندقک حین حفرنده چیقان طوپراقلردن
سور مذکور بناسنده استعمال اولنان طوغله لر اعمال قلمشیدی
ذکر اولنان باغچه غایت جسیم کمرلر اوزرینه انشا اولنوب سطحی
سورک

سورك ارتفاعه مساوی و زمینی شهره ناظر ایدی و هر درلو جسیم
اغاج كوك صالوب كركی كی نشو و نما بواه جق درجده درونه
طوپراق طولدیرلش ایدی

شهر مذكوری میلاد عیسی دن ایكیك التیوز قرق سنه مقدم نمرود
بنا ایدوب بعده ییلوس نام ملك توسیع ایله بایلیون دولته پای تخت
اتخاذ ایلدی اندنصكره تشكیل ایدن آسیری دولت جسیده سنه دخی
مقر حكومت اولوب از زمان طرفنده وسعت و معموریته درجه كماله
واصل اولدیغندن شیخ المؤرخین عنوانیله شهرتشار اولان یونانی
هره دوط زمانه یعنی میلاددن بشیوز سنه اوله كلنجیه قدر بایلیون
شهری اعظم مداین عالم عدد اولنور ایدی فقط صكره لری تدنی
و خرابیته یوز طوتوب میلاددن اوچیوز اوتوز سنه مقدم اسكندر
رومی قبضه تصرفه كچرك صاحب خروج مشار الیه دخی مملكتنه
پای تخت اولق اوزره انتخاب ایدوب اولكندن زیاده تنظیم و اعماری
منوی ضمیری بولندیغی حالده درعقب وفاتی وقوعه مبنی مسرك
و خراب اولشدر دولت عباسیه ك ابتدای ظهورینه قدر شهر مذکور
غایت كوچك اوله رق پایدار اولوب فقط الان بالكلیه محو و خراب
اوله رق بعض ابنیه سی اثارندن بشقه برشی قالمامشدر

ایكنجیسی مصرده واقع اهرامدر كه عند العوام فرعون تپه لری دینكلكه
بنام ابنیه جسیده در بونلر مربع الشكل اولق اوزره قاعده سی یعنی اشاغی
طرفی وسعتلو اولوب یوقاروسی بالتدریج كوچیله رك تپه سی بر نقطه
ایله منتهی اولور و اشكال هندسیه دن هر می تعبیر اولنان شكل دخی
بونلره منسوبدر اهرام مذكوره بعض ملوك مصریه و زمان قدیمه
معبود اتخاذ اولنان بعض حیوانات مقدسیه مدفن اولق اوزره

بنا اولنوب زميندن بر مقدار مرتفع كوچك قپوردن درونلرينه دخول اولنور ابنیه مذکورہ نك الك مشهورلى قاہرہ پیشکاهندہ جیرہ نام قریہ جوارندہ واقع اولوب بونلرك دخى الك جسمى اولان هرمك قاعدہسى ایكى یوز اون بش مترو اتساعندہ و یوز اوتوز اوچ مترو ارتفاعندہ در تاریخ بنالری دخى عند المؤرخین مختلف فیہ اولوب فقط میلاد عیسادن يك بشبوز و یاخود ایكى يك سنہ مقدم اولسى ظسن اولنور مصرك دهاپك چوق واقعندہ بولندیغى مثالو ممالك سائرہ دخى بو مقولہ اهرام موجود اولوب از جملہ امر یقادہ واقع مکسیقا مملکتندہ بولنان بو مثالو ابنیه نك اهرام مصریہ یہ زیادہ مشابہتی وارد و حتی بو کامبى بعض مؤلفین ازمنہ قدیمہ دخى امر یقا قطعہسى قطعات سائرہ سکنہسى عندندہ مجهول اولیوب قدمای مصرینك مکسیقا اہالیسیلہ مناسبتلى اولدیغنه ذاہب اولشدر ذکر اولنان اهرام مصریہ غایت جسیم طاشلرہ بنا اولنش اولوب اشبو طاشلردخى نیاك صاغ طرفندہ و اهرامك مقابلندہ واقع طاغلردن قطع و نقل اولندیغى آثار دلالتیلہ اکلاشیلور اشبو اهرامك هیچ بر محندہ افکارہ دلالت ایدر خطوط و نقوش کوریلہ مامش اولدیغندن بعض مؤرخین ابنیه مذکورہ نك هنوز صنعت کاتب ایجاد اولتمقسزین بنا اولندیغنه ذاہب اولشدر ایسہدہ اصول هندسیہ یہ متوقف بو مثالو صنایع عجیبہ نك مبدأ علوم اولان صنعت کاتبدن بی بهره بر طائفہ جاہلہ دن صدوری بعیدہ الاحتمالدر

اوچنجیسی قدمای یونانك معبودى اولان الہہ نك رئیسى ژوپترك تصویر مجسمیدر کہ تاریخ میلاددن تقریباً درتیوز سنہ مقدم فیدياس نام مشہور مصور معرفتیلہ انشا و یونانستاندہ الید شہرندہ واقع اولمپی

اولمپی عبادتخانه سنه وضع اولمشیدی اشبو تصویر قبل دیشندن
 مصنوع و سراپا التون و ذیقیت احجار ایله مزین و مرصع اولوب
 جالسا یا پلمش اولدیغی حالدده ایکی یوزاون ایکی قدم ارتفاعنده ایدی
 دردنجبسی اسکندریه فنارقله سیدرکه میلاددن ایکی یوز سکسان اوچ
 سنه مقدم ملوک مصریه دن برتولومی زماننده اسکندریه پیشگاهنده
 واقع فاروس نام جزیره ده بر مرتفع قیا اوزرنده انشا اولمشیدی
 و تپه سنده کیجه لری قنبدیل یا قیله رق مسافه بعیده دن ضیاسی مشاهده
 اولنوردی مذکور قله سراپا بیاض مرمردن غایت مصنع اولوب
 باخصوص خارجدن یا پلمش اولان زردبانی شایان استغراب ایدی مربع
 الشكل اولق اوزره هر ضلعی الی ارشون امتدادنده و دیواری اوچ
 بچق ارشون سمکنده ایدی و دروننده بکچی اقامتیه مخصوص محلدن
 بشقه متعدد دایره لر اولوب کذرگاهلری دخی اوچ ارشون عرضنده ایدی
 قیوسی زمیندن مرتفع و مقابلنده ینه او ارتفاعده بر بنا اولوب بونک
 اوزرندن قیوسنه تمسید اولمش تخته لردن مرور ایله دروننه دخول
 اولنور ایدی و حین حاجتده مذکور تخته قالدیرلقدده ایچرویه کیرملک
 ممکن اوله مز ایدی مصارف واقعه سی شمذیکی زمان اچیه سنه قیاسا اوچ
 یوز ییک انکلیر لیراسنه بالغ اولمشدر اشبو فنار لیلای رهنمای سفائن اولق
 اوزره احداث اولنان ابنیه نک برنجبسی اولوب اولوقت واقع اولدیغی
 مذکور فاروس اطه سنه منسوباً اسمنه فاروس اطلاق اولندیغندن بعده
 اوروپاده بو مقوله فنارلرک کافه سی بو اسم ایله تسمیه اولنوب حتی
 ترکیده مستعمل اولان فنارلفظنک دخی بوندن نشأت ایتمش اولمسی
 ملاحظه دن بعید دکادر

مذکور فنار ییک بشبوز سنه قدر پایدار اولدقدنصکره مرور زمان ایله

هجرة التي يوز الى سنة سنة طوغرى خراب اولشدر اول اثناده ملوك
مصريه دن ملك الناصر اشبو فنارك مقابلنده اكا مشابه ديكر بر فنار
بناسنه شروع ايلش ايسده وفاتي حسيه اتمامه موفق اوله مامشدر

بشجيسى اياصولوقده واقع ديان عبادتخانه سيدر كه درت يوز سكسان
بش قدم طولنده و ايكى يوز يكرى قدم عرضنده غايت جسيم بر بنا
ايدى دروننده الشمس قدم ارتفاعنده يوز يكرى يدى هر مر ديك
موجود اولوب بونلردن اوتوز التيسى غايت نفيس اويمه لر ايله مزين
ايدى همان بتون آسيا اهايسى يوز يكرى سنة بونك بناسنده
ايشلديرلشدر اروسنرات اسمنده بر بوداله مجرد ابقاي نامنه وسيله اولق
غرض فاسديله ميلاددن اوچ يوز الى التى سنة مقدم بالتصادف
اسكندر رومينك ولادتي كوني معبد مذكوري احراق ايلشدر

التنجيسى ردوس هيكل عظيميدر كه زمان قديمده معبود اتخاذ اولمش
اولان شمس مخصوص بر تصوير اولوب ايكى يوز بش قدم ارتفاعنده
تولجبدن مصنوع ايدى ردوس ليانه دخول اولنه جق محله اقامه
اولمش اولديغندن الك بيوك سفائن يلكنلرى اچق اولديغى حالده

ايكى بجاغى ارمسندن هرور وعبور ايدرلر ايدى

اشبو تصويرك صاغ السنه كچه لرى كميله ارائه طريق ايلكه
مخصوص بر فنار وار ايدى و اياقلىرىك باش پرمقلى انسان انجق
قوجا قليه بيله جك درجده بيوك ايدى شارس نام يونانلو مصور
مشهور معرفتيله ميلاددن اوچ يوز سنة مقدم اشبو هيكل عجيبك
اعماله مبادرت اولنوب يكرى ايكى سنة ظرفنده اكمل قلمشدر الى
سكن سنة پايدار اولدقدن صكره يعنى ميلاددن ايكى يوز يكرى سنة
مقدم بر حركت ارض سبيله دكر كنارينه دوريلوب ميلادك التى يوز

یتش سنده سنه قدر حالی اوزره یرده قالمشیدی خلفای بنی امیه دن
معاویه ردوس جزیره سنی فتح ایلدکده بریهودی بازرکانه فروخت ایدوب
اودخی پاره لیه رک طقوز یوزدوه یوکی تونج قالدیرمش اولدیغی مسطور
صحایف توارینخدر

یدنجبسی موسوله اسمیه شهر تشعار اولان قبرد که میلاددن اوچ
یوز الی اوچ سنه مقدم کاری مملکتی قرالی اولان موسولوس وفات
ایتدکده زوجه سی ارتمسیا انک ایچون از میر جوارنده وساحل دریاده
واقع بودرون شهرنده بنا ایلشدر مشارالیه زوجه اولان کمال محبتندن
ناشی اولوقتک عادت اوزره جنازه سنی احراق ایتدیره رک کئی بلع ایتش
و بو وجهله کند وجودنده بر قبر ذیروح تهیئه سیله اکتفا ایتیبوب
ابقای نام غرضیه نیجه یوز سنه لر آفات روزکاردن امین بر مزار
متین اولیق اوزره اشبو موسوله یی بنا ایلدی فقط کمال حزن
واسفندن ناشی اشبو بنای عظیمک ختامی کوره میهرک انشاسنه شروع
اولندقدن ایکی سنه صکره اتش افتراق ایله بنیان وجودی خراب
اولشدر مذکور مزارک نفیس مرمردن اوله رق شکل مستطیلده
یوز اون بر قدم اتساعنده و یوز قرق قدم ارتفاعنده اولوب هر طرفی
اوتوز الی نفیس مرمر دیرک و تصاویر مشوعه ایله مزین ایدی
ته سنده بر هرم ایله درت بارکیر قوشولی بر عربیه رسمی انشا قلمشیدی
الی الان اوروپالور بیننده اومقوله مکلف مقابره موسوله اطلاق اولنور
حکمای یوناندن انا فاغوراس بنای مذکوری تماشا ایلدکده کلی
مصارف ایله وجوده کلدیکندن کایه اولیق اوزره « وای نقدر اقچه
طاشه تحویل اولمش » دیدیکی مشهوردر

اشبو عجایب سبعة سورچینک علاوه اولنماسی دخی عجایبدن کورنمش

اولغله بو عجيبه ك دخى تعريف و بيانى مناسب مقام عد اولمشدر
 سور مذكورك طولى بيك بشيوز ميل اولوب ارتقاعى يكرمى بش و سىمكى
 يعنى قالينلغى يكرمى قدمدر اوستى خيلى منسع بر جاده اولوب اوزرنده
 التى سوارى يان يانه كبدە ييلور اساسدن التى قدم ارتفاعنه قدر
 چار كوشه يوتمه يوك طاشدن اولوب يوقاريسنك بعض محلارى طوغله
 و بعضلى كرىج ايله بنا اولمشدر اشبو سوري چينه جارملاصق
 اولان مغول و منجوق طائفه لرينك هجوم و تجاوزلرندن احترازاً
 تسين خاندانندن تسين سى هوا نغ تى نام خاقان ميلاددن ايكي يوز قرق
 يدى سنه مقدم بنا ايلش ايسه ده مقصد مذكور حصوله مدار
 اوله ميبوب مؤخرأ طوائف مذكوره ممالك چينه اسئبلا ايدرك زمام
 حكومت دخى اللرينه كچمش و بو صورتله برلشدر ك جمله سى بر دولت
 جسيمه تشكيل ايلمشدر

سور مذكورك بناسنده درت بش ميليون ادم اون سنه متواليا
 ايشلديريلوب بونلردن درتيوز بيكي بو يولده تلف اولمشدر
 سراپا اوزرنده قله ل اولوب هر طرفنده دشمنه مدافعه اولنه بيلك
 ايچون اشبو قله لك ارالى ايكي اوق منزليدر و سهولته تجاوز ملخوط
 اولان محللارنده يكديكري محافظه ايتك ايچون ايكي اوچ قات سور بنا
 اولمشدر هرور ايتديكي خط اوزرنده كثرته واقع غايت يوكسك
 طاغلردن و درهلردن دخى سياق واحد اوزره امرار اولمش و اشبو
 طاغلردن بريسي بش بيك ايكي يوز يكرمى بش قدم ارتفاعنده
 بولمشدر بعض ارباب تحقيقك حسابنه كوره اشبو سورك اعمالنه صرف
 اولنان مواد كره ارضى ايكي كره احاطه ايتك اوزره التى قدم ارتفاعنده
 و ايكي قدم قالينلغنده بر ديوار بناسنه كافى اولور درت جسيم تيمور
 قيودن

قیودن بشقه اقتضای موقعه کوره هر طرفه دیگر کوچک قیولی
 اولوب مخصوص مستحفظی وارد روایت اولندیغنه کوره تاتارلر چینه
 دخول ایدرک زمام حکومتی دست تصرفلرینه المزدن اول اصل چینلی
 بولنان ایمپراطورلر اشبو سورک محافظه سنده برملیون قدر آدم استخدام
 ایدوب بر منوال محرر الیوم تاتارستانک جزؤ اعظمی چین ایله برلشدرک
 جمله سی هیئت واحده تشکیل ایلدکری جهته تاتارستان طرفک
 محافظه سنه حاجت قالمدیغندن مواقع سائر سنده ایجاب ایدن بعض
 محارده عسکر اقامه سیله اکتفا اولنور

الیوم لزوم واهمیتی قالماش اولان سور مذکورک انشاسی محافظه
 حدود مقصدندن بشقه پولتیقه جه بعض اغراضه مبنی اولوب
 شوبله که اشبو اثر جسمیه موفق اولان ایمپراطورک بعض اسلافی زماننده
 ممالک چین بیننه تفرقه دوشدرک بر طاقم کوچک حکومتلره منقسم
 اولدیغی حالده ایمپراطور مشار الیه قوه قاهره سیله جمله سنی دائره
 اطاعته ادخال و بو وجهله چینی هیئت سابقه سنه ارجاع ایلدکن
 صکره طوائف مغلوبه یه مدار مشغولیت اوله رق اجرای فتن
 و فساد میدان بوله ماملری ضمنده بونلردن بشوز بیک نفرینی قلعه لده
 توقیف ایله امور نافعیه چالشدیردیغی مثلاً و بقیه سیله سائر اهالی
 ذکورک برثلشی اشبو سور عظیمک بناسنده استخدام ایلشدر

سور مذکورک بناسنده فوق الغایه اهتمام و اعتنا اولندیغی جهته
 البوم ایکی بیک ایکوز سنه مرور ایلدیکی حالده بر وجهله خلاپذیر
 اولدیغی مثلاً و دهانجه بیک سنه پایدار اوله ییله جکی درکاردر

ذکر اولنان اثار قدیمه دهانک چوق امثاللری کبی محیر عقول صنایع
 غریبه و تشبیهات عظیمه یی شامل اوله رق نوع انسانک نه درجه امور

جسمیه مقتدر اولدیغنی ارائه ایلدیکی مثالو متقدمینک کرک صنعت
و کرک اقدام و همت جهتیله فضل و کمالرینه دال ایسه ده بر لحظه
ظاهر بینلک ترک اولنهرق مسئله نك منشأ و حقیقتی ملاحظه
اولندیغنی حالده بعض مقاصد واهییه ضمننده بو قدر تکلفات اختیاری
ناروا کور یله جکی شویله طورسون جباره ملوک و دیعة الله اولان
رعایای کندو هوا و هوسلری مقتضاتنک اجر ایچون خلق اولنمش برآلت
عمیا عدیله اثار مذکوره بناسنده مجبناً استعمال ایتمش اوله جقلری
اکلاشیله جغندن اثار مذکوره احرای اسلافه نسبتله سزاوار ستایش
و ثنا اولدقدن بشقه نهایت ظلم و تعدیلرینه دلیل اولدیغنی مثالو فقرای
اهالینک حال اسارت اشمالری جای تأسفدر یوخسه ملیونلره عمله نیجه
سندلر اجرت مناسبه اعطا اولنهرق حسن رضایله استخدام اولنسنه هیچ
نر مملکت خزینده سی متحمل اوله میوب اهرام مصریه بناسنده قوللانیلان
عمله یه بر قوت لایمیت اولق اوزره یومی یالکز بر اتمک ایله صوغان
و سور چینده ایشلتدیریلان اشخاصه دخی بر مقدار پرنج ویرلیدیکی
منقولدر خلاصه کلام اثار عتیقه مذکوره قدما نك عظم شان و قدرته
علامت اولدیغنی مثالو کال ظلم و تعدیلرینه دخی دلالت ایلیه جکی
مسلم ارباب دقتدر بر مملکتک حقیقه شرف و شانی موجب اوله جق
اثار خیریه افراد اهالی یه مستلزم بارو کلفت اولیه رق فائده سی مساوات
اوزره عمومه راجع اولان شیر اولوب یوخسه اثار قدما نك جمله سنده
مشهود اولدیغنی وجهله چاموری اشك چشم ضعفا ایله یوغریلان
مبانی مشیده دن بانیسنه نه تفاخر واردر صورتده موجب شان و معناده
محض شیندر (پادشاهی که طرح ظلم افکند - پای دیوار قصر خویش بکند)

(مواد حکیمه تلماق)

هر فاملیانک کثرت و قلته کوره مخصوصه مودلار موجبجه اوطه‌لری
 اوفق فاصله‌لی بر سالونی و دهلیزلی از مصرفله اداره اولنور متین
 و مستحکم خانه‌لر بنا و مقدا کیف مایشا انشا اولنان خانه‌لردن اول
 وجهله یکیدن پاییلان خانه‌لرک دها راحت و محکم اولدیغی جمله‌یه
 ارائه و اثبات اولملی و نقش و رسم و نحت صنعتلرنده دخی انجق
 وطن اوغورنده بیوک خدمت ایتمش اولنلرک ابقای نامی خدمتلرنده
 بولمق اوزره اذکیادن بر مقدار کسان بو صنعتلرایله اشتغاله تشویق
 و آت و عربه قوشی محللاریله ریاضت و عافیت بدنیه‌یی ایجاب ایدن
 واسع اویون و یارش میدانلری تنظیم قلملیدر و بلاد بعیده‌دن کلور
 و غالی بهاره صانیلور اقمشه زرتاری و مصصور و منقش اوانی سیم
 وزری و بهارات و عرق و اکسیری یساغ ایله مفروشاتک پک چوق
 طیانور صورتده قوی و ساده اولسی حقنده تدابیر لازمه‌نک اتخاذه
 فتردن شکایت ایدن بعض شهرلر اهالیسنه لزومدن زیاده نقدر اشیایه
 مالک اولدقلرینی حس ایتدیرملیدر

دوام صلحی آرزو ایدن حکمدارک دائماً جنکه مهیا بولمسی اقتضا
 ایده جکندن الات و ادوات حربیه‌نک مکمل و منتظم حالده بولندیرلمسینه
 غیرت و اقدام اولملیدر بنا علیه تیمور و تونج و پولاد اذابه و اعمال
 ایدن استادلری طوبلتدیروب روز و لیال فرونلر و ولقانلر مثالی اشغال
 و لوازم ترسانه دخی اکمال اولملیدر قابل زراعت اولان اراضینک بعض
 محللاری نفوسجه قلت و عدم غیرتدن ناشی بالکلیه متروک اولدیغی
 و یاخود کرکی کبی حراشت اولمادیغی حالده او مقوله اراضی معطله

شهرده زائد عن الزوم بولنان ارباب حرفته تقسیم و محصولاتدن
 قدر مناسب شی ویرلک شرطیه همجوار بولنان مملکتلردن جلب
 اولنه جق ایشجیلره دخی یرلر ویرله رک اسکان وایوا اولمایدرو بو
 وجهله اراضی خالیه ازوقت ظرفنده معمورو تزوج ایتک استیوب عدم
 قدرتی مانع اولنلرک ویرکولری تخفیف ایله امر تزوج و تناسل ممکن
 مرتبه ترویج و هر کسک مقابله سعی و خدمتلرنده خاک پاکک
 ایده جکی مکافاتدن جمله سی متعیش و مسرور اولوب چو حقلر کوچک
 یاشلرندن فاملیالرینه امداده باشلیه رق اک اوفقلری قیرلرده قوزیلری
 دها بیوکلی طاغلرده قیونلری و دها یاشیلری بابار یله برابر ترلارده
 چفتلری رعی و اداره ایدرک خانه لرنده قاریلری زوجیه چو حقلرینه
 حیوانلردن چیقاردقلری سوددن آشلر و یورغون کلوب ایصنوب راحت
 ایتلریچون آشلر حاضرلیه جقلرندن چوبانلر دودکلری اللرنده ترکیلر
 سویلبه رک و چفتجیلر صبانلریله بوینی ایکی طرفه صاللار و اغراغ
 ایاق اتار یورغون اوکوزلرینی سوررک کلدکلرنده اتشک قارشوسنه
 صره لنوب پشوردکلری کستانه لردن و یازدن حفظ اولنان میوه لردن یرلر
 و غم فردادن آزاده خاطر طلی اوینخوی بکلر

بر مملکتده یکی اسکان اولنان اهالی چالشقمده اهمال ایلدکلری تقدیرده
 بعض حکمدارانک یایدقلرینک عکسنی یاپملریدر شویله که انلر تبعه یه بالغ
 مابلغ ویرکو طر حندن بشقه شی دوشمندکلرندن و ویرکونک اغرینی دخی
 رغبت و رواج ایله وقت و زمانده صاتهیم دیو اشیای نفیسه یتشد ر مکه
 سعی ایدن کسان چابکدستان اوزرینه یوکلندکلرندن چالبشانلرکده
 چالشمیانلرکی رخاوت و فقر و مسکنت یولنی طوته کلدکلری اسکیدن
 برو بر فنا عادت اولدیغندن ویرکوی حسابنده و ایجابی حالنده تجریمی

دخی نصابنده وضع و تعیین ایله ایشنده اهمال ایدنلر وقت حریده
 موقعی ترک ایدن نفرات عسکریه مثللو گرفتار جزا و غیرت و همتملی
 طاقلری اعتبار و التفاته سزا قلمغله جمله چالیشوب صاحب ثروت
 و سامان و زمان آسایشده چدلرندن ارثا انتقال ایدن اموالک
 تصرفدن زیاده بوصورت مورث مزیت اوله چغندن ایادی فقراده بولنان
 صباک وطنی محافظه ایده جک شجعان دست ظفر پیوستلرینه انتقال
 ایلدیکی کوریلرک طائفه زراع انظار ناسده مظهر توقیر و رعایت اولوب
 طاغیر باغیر ایله اباد و صحرائر یالیزلی بغدادی باشلرندن برکتمای وقت
 حصاد اولسیله چوبانلرک سوریلری قورددن قورقیوب چایر اوزرنده
 اوتلدقلری وقتلرده کیفلرندن چالدقلری قواللر و او قودقلری موالردرین
 درمدرده اوزون صدار پیدا و بو حالده یالکز انسانلر دکل اسوده حروب
 و فتن اولان بسیط غبرا دخی حکمدار مملکت اولان ذاتک خاگ قدمنه
 یوز سوروب دایما اوزرنندن اکسک اولماسی حقنده دعا ایتمسینه صیت
 معدلت و مرحمت مدار و بو قدر اهالینک راحت و امنیتلری پک
 بیوک افتخار ایکن شهرت و مفخرت حرصیه تقلیب جهان و سفک
 دماء بیکاهان ایتمک روا دکلدر

بر مملکت اهالینک مزاجنه فساد عارض اولوبده مائل عصیان اولورلر
 ایسه بونک دفعی شو وجهله میسر اوله ییلورککه اصول حکمت
 و مزاج مملکته موافق قانونلر وضع اولنوب اشبو قوانین اهالینک
 امن و آسایش اوزره تعیشچون اقتضا ایلیه جک شیلردن ماعداسنی
 کافه منع ایدوب زراعتی اشتغال ایتدیره جکندن بو وجهله کسب
 رفاه ایتدیکجه کنجلیری تزوج ایله فامیلاری ارتوب اللرنده اولاتی مصارف
 یومیلرینه صرف و خرج ایدرک اشترای زوائده سرماییه قالماسیله

زراعت ایلدکلی ترلار دخی کفایت ایتامکه باشلدقده اداره حوایج
 حقیقه لری ایچون یکی یر تدارک و اعمارینه مجبوریتدن آواره و سرسری
 کیسه لر کی سرکشاک فکرنده اوله میه جقلرینه مبنی اراضی یی
 فاملیاره تقسیم و بوبابده بر قاعده وضع و تعمیم ایتک اقتضا ایدوب
 شویله که هر فاملیایه غلبه لکنی اداره یه لازم کله جک مقداردن زیاده
 اراضی المارینه رخصت ویرلینجه زادکان احاد اهلیدن افزون کسب
 سامان ایده میه جکلرندن هر بری حال و مالنه راضی صاحب اراضی
 و بعد بعد فاملیاری چوغالوب اول مملکتک اراضیسنی اداره ایده من
 ایسه اطرافه کوچ ایدوب کتلی انتشار معدلت و قوتی مقتضی اولور
 چوجقلرک تعلیم و تربیه لری ضمیمه مکتبلر انشا و کشاد ایتدیروب
 فاملیارک و باخصوص خواص ناسک حسن امتزاجلرینه نظارت
 و خدمت ایتک اوزره نظار و مأمورین ترتیب و تعیین ایدرک حکمدار
 اولان ذلک سوری صاحبی مقامنده روز و شب متبصرانه حرکت
 ایتسی اقتضا ایدوب یوخسه امنیت شخصیه اهلینک ذل و افتقارنده
 ارا نیلوب حالت یأس و نا امیدیه سر بستانه تنفس ایتدیرمامک پریشانی
 زیر دستانی و ویرانی قرا و بلداندن قلت نفوس کی بر درد دشوار
 درمانی انتاج ایتک ایله برابر او صفتده بولنان حکومتی خلق هر نقدر
 قورقیلرندن ستایش و ثنا ایدرلر ایسه ده امتداد اشتدادیله او یله بر اداره
 جبارانه یه قارشو خیالات انتقامیه نک قیامنه وسیله ویرلمامک لازم کلور
 اشته بر مملکتده شو اصولاره رعایت اولندیغی تقدیرده هر طرفدن
 گروه گروه کوچلر کله رک اهالی موجودیه التحاق و نیجه ییلار عماردن
 دور و منبت و منبت خس و خار و مارومور اولان صحاری و اودییه نک
 حرث و زرعنه تشمیر ساق ایلدکلرینه مکافاة خاک پاک سینه اشتیاقی
 چاکچاک

چاکاک ایدرک فلاحرینه فوا که کثیره و ذخائر وفیره اعطا و وعد
ایتمکین انواع محصول برکتبخش خرمن حصول اولوب اول مملکتکنده
لرزمی اولیان اشیا ایله مبادله اقوام مجاوره دن نان قیون و صغیر
سوریلری صحرا و جبلارده کزوب هر طرفده اثار معموریت و علایم
امن و راحت کوریه جکندن خانه لرنده قالمش الان کوزل قزلر تزوج
و تأهل و کیجه لری بیتابی روزینه یی دفع ایده جک مرتبه ده ضرر سز
اکلنجه لر ایله توغل ایدرک جمله مسرور و خندان و باخصوص پیران
خیده قدان دست رعشه دارلری بر افراشته جانب اسمان ایدرک
یامستعان خلیفه ایولاک ایتک حکمتنه مبنی کتم عدمدن ساحه وجوده
کلوب اولاد و احفاده ره پدر عالیقدر مقامنده بولنان حکمدار هر جتکا
حقنده در خزانة انعام و احسانی کشاد و امتداد ایام عمر و اقبالی ایله
جمله مزای دلشاد ایله دیو دهن باز دعای اجابتشان و یومیه و لیمه
جمعیتلرنده دراری مدایح و ادعیه مأثوره سنی نوعروسان تازه هوسان
قلائد کردن جان ایدرلر

(علم کیمیا)

برنجی فصل

اجسام بسیطه غیر معدنیه بیاننده در

علم کیمیا بر علمدرکه واسطه سیله اجسام بسیطه نک خواص و کیفیاتی
تحصیل و کره ارضک عبارت اولدیغی اجسام هر کبه نک اجزای
فردیه لری تفریق و جمع اولنه رق بر جسم آخر احداث یعنی هر بر جسم
حل و ترکیب اولنور ارستطالیس زماندنبر و حکمای متقدمینک بعضیسی

عناصری درده یعنی نار هوا ماء و ترابه حصص ایدوب کافه اجسام
 هر کبه نك ماده سی اشبو عناصر اربعه دن عبارت اولسنه ذاهب اولمش
 و بعضی بشقه درلو اعتبار ایتشدر فقط متأخرین عنصر تعبیری
 کافه اجسام بسیطه یعنی اجزای غیر متجانسه به تقسیم اولنه میان
 اجسامه تخصیص ایتشدر در حالبو که ما و هوا و تراب اجسام هر کبه دن
 اولدقلری یعنی اجزای بسیطه غیر متجانسه به تقسیم اولنه بیلدقلری
 اثبات اولمش و نارایسه حادثات کمیویه دن عد اولنوب نار طبیعینك
 دخی قابل اولوزن بر جسم اولدیغی حال مثبت و محقق دکلدر شمده به قدر
 اجسام بسیطه اوله رق التمش عدد دن زیاده اجسام بولنوب لکن قشر
 ارضك تحدشده و متجاور و متجاری اولان میاه و غازاتك ترکیبنده دخل
 کلبسی اولوب کثرت اوزره بولنان و علم ژئولوژید بیلنقلری لازم
 کلان اجسام بسیطه اون التي اولوب بولنك اسامیسی زیاده
 تحریر اولمشدر

مولدالموضه مولدالماء ازوت نام دیگر هوای مماتی قاربون یعنی
 فحم کوکرد قلور فلیور فوسفور سیلیسیوم الومینیوم پوتاسیوم
 سودیوم مانیریوم قالسوم تیمور مانغانز

بالاده تعریف اولندیغی اوزره عناصر و یا خود اجسام بسیطه دیو
 اجزاسی متجانس یعنی هر برینك عبارت بولندیغی اجزا بر جنس دن
 اولان اجسامه اطلاق اولنوب اجسام هر کبه ایسه اجسام بسیطه
 مذکوره دن ایکسی اوچی و یا دهها زیاده سیله مترکبدر مثلاً تیمورك
 دروندن فن کیمیا واسطه سیله تیمور اجزاسندن بشقه جنس شی اخراج
 اولنده مز و عبارت بولندیغی اجزاتك جمله سی متجانس اولوب جمله سی
 دخی تیمور در اکا بناء جسم مذکوره مفرد و بسیط دینور حالبو که تیمور

اصلا دیلوب

اصلا دیلوب هواده ترك اولنسه سطحه اینجه صاری قبوق یعنی پاس پیدا اولدیغی جهلهك معلوم و مشهودیدر اشته تیموردن حاصل اولان بو پاس جسم مرکب یعنی بر قاج عنصردن عبارتدر چونکه تیموردن بشقه صوایله هوانك مترکب اولدیغی اجسام بسیطه دن بریله مترکبدر

امتزاج کیمیوی دیوایکی و یا متعدد عناصرك تجمعیه دیگر بر جسمك حاصل اولنسه دینلور اشبوا اتحاد و امتزاج اجسام مختلفهك عادی صورته اجتماعدن عبارت اولیوب شویله که امتزاج کیمیویده اجزای مرتبطه و مجتمعهك خواص و کیفیاتی متبدل اولور حالبوکه اجسام مختلطه ده اقسام مجتمعهك کیفیات سابقه سی باقی اولوب بربرندن ینه فرق و تمیز اولنه بیلور مثلا حدید ایله کوکورد برابر وضع اولنسه و یا خود توز کوکورد ایله تیمور اکندیسی خلط اولنسه هیچ بر عارضه وقوع بولیه رق ایکبسی دخی هیئت اصلیه لرنده قالورلر لیکن حرارت واسطه سیله جسمین مذکورین اریوب بر ترکیب کیمیوی احداث ایدرلر که کبریت حدید تسمیه اولنوب کیفیاتی اجزای اصلیه سی کیفیاتك غیری اولور

بعض قوای طبیعیه واردر که علم کیمیاده و علم ژئولوژیده بیلنملری لابد اولدیغندن بونلرک قولایلقله اکلا شلمسی ایچون بعض مثال ایله تعریف و بیانی لازم کلسدر شویله که بر در النجف و یا ملح قاربون کلس تعبیر اولنان قرستال النوب کسر اولنمق مراد اولنسه ابتدا قوه جزئیه مقاومت ایدرایسه ده قوتك تزایدینه متحمل اوله میوب منکسر اوله جخی درکاردر فقط عباره تجزیه اولندقدن صکره اقسام صغیره سی یعنی کوچك حبه لری دهاتجزیه اولنه میوب بو خصوص ایچون صرف اولنان قوته مقاومت و تحمل ایلر

اشته کیفیت مذکوره دن استدلال اولند یغنه نظر اجسمك اقسامنی بری برینه
جذب و جمع ایلان بر قوت اولوب اول قوتك درجه سی جسمك ثخونت
و خشونتك درجه سنه بادی اولور و بو قوته قوه جاذبه جزو فردیه اطلاق
اولور قوه مذکوره حرارت واسطه سیله زائل اولوب تکرار ظاهر اوله یلور
مثلا کوکورد و یا خود قورشون اذابه اولند قدده قوه جاذبه جزو فردیه زائل
اولوب تبردلرنده قوه مرقومه نك رجعتیله جسم مزبورینه کسب صلابت
ایدرو کذاک مطبخ طوزی صوده اریوب بعده صو تبخیر اولند قدده ملح
مذکورینه تصلب ایدر تیمور تلاری صویه ادخال اولوب چیقارلسه صو
تلاره یا شوب قطره لری اوزرنده قالور و جیوه یه ادخال اولنان تلارده ایسه
جیوه التحاق ایلر بو صورتده تیمور صوی جذب ایدوب جیوه یی جذب
ایلامش اولور اشته بو قوته قوه ارتباطیه تسمیه اولور و بر شیشه دروننه
زیبق وضع اولند قدده بونک سطحی محذب اولور زیرا اشبو جیوه یی لایقینه
جذب ایلر لکن زیبق مذکور معدنی بر قاب دروننه قونسه بالعکس سطحی
مقعر اولور زیرا معدن مذکور جذب ایلدیکندن جیوه قابک کارلرینه
طوغری چیقمش اولور بو ایکی درلو تجربیه دن منفهم اولور که قوه جاذبه
جزو فردیه اقسام متجانسه ده و قوه ارتباطیه دخی اجسام غیر متجانسه ده
موجود در

بر التون سکه جیوه ایچنه وضع اولنسه سکه نك اوزری بیاض اولوب
صویه قونیلان تیمورك اوزرنده قالمش اولان صو قطره لری انه یلدیکی
کی اشبو بیاض زار سکه نك اوزرندن انه میوب نفس سکه یه تأیر
و نفوذ ایتش اولور و حتی جیوه ده بر مدت قالمش اولدیغی حالده
کاملا رنگی بیاض و کندوسی یومشاق اولور و بردورپی ایله دوریلنسه
اکندیسنك زیبق و ذهب دن عبارت اولدیغی مشاهده اولور اشته

جسمین مذکورینک اتحاد و امتزاجنه باعث اولان قوّه مناسبت کیمیویه
اطلاق اولنوب قوّه مذکوره فن کیمیانک اساس حقیقه سیدر زیر ابو علمک
بحث ایلدیککی اجسامک ترکیب و تحلیلنه قوّه مذکوره سبب اولوب
پیلنماش اولسیدی حادثات ژئولوژیه نک سیدلری دخی بزله کوره مجهول
قالور ایدی علت مزبوره لایقیه فہم اولنق ایچسون بوراده بعض
ایضاحات لازم کلور شویله کہ اریمش قورشونک اوزرینه دقت ایله برقاچ
کوچک قلائی پارچه سی وضع اولنسه چونکہ قلائی ذاتا قورشوندن
خفیف اولدیغندن انک اوزرنده منطرك صوده یوزدیککی کی یوزر ایسه ده
ازوقت صکره اریمش بولنان قورشونک حرارتیه متأثر و مذبذب اوله رق
قورشون ایله قاریشوب محو اولور فی الواقع بعد التبرد قورشونده ذکر اولنان
قلائی مشاہدہ اولنمز بو صورتده ذکر اولنان ایکی معدن بری بریله امتزاج
و جسم مذکورک بهر قسم صغیری قورشون ایله قلایدن ترکیب ایدراشته
بالاده تعریف اولندیغی اوزره اشبو کیفیت جسمینک اجزای فردیه لری
بیننده اولان مناسبت کیمیو به تسمیه قلنان قوتدن نشأت ایدروخنی اولمیه
کہ قوّه مزبوره هر حال و محلده تاثیر ایلز مثلا قورشون و قلائی اذابه
اولند قیچہ بر برنیلہ امتزاج ایتمز لر (مثال دیگر) عادی ملح صودن اغرا و لمغله
صوبه وضع اولند قدہ قابک دینہ نزول ایدر ایسه ده بر ازوقت صکره صوده
منحل اولوب علی السویه صویک هر قسمی طوزلی بولندیغی جمله نک معلوم
و مجربیدر بو صورتده ملحک اجزای صویک هر جائینہ علی السویه منجذب
و منتشر اولمش ایدوکنہ حکم اولنور شکر دخی صوده اولیلہ اولور
قلائی ایله نحاس اکندیسی النوب قارشیدیراسہ هیچ بر اثر ظهور ایلوب فقط
حرارت واسطه سیله قوّه جاذبه کیمیو به یعنی مناسبت کیمیو به ظهوره کلوب
دیگر جسم احداث ایلر کہ خواص و کیفیاتی جسمین مذکورین خواصنک

غیریدر مثلاً باقرک رنگی بر نوع قرمزی و قلایک رنگی دخی بیاض اولدیغندن
 حاصل اولان خلیطه نیک رنگی ایسه صاری اولور بوندن بشقه باقر یومشاق
 و قلاهی دهالین اولوب خلیطه لری بالعکس سرت و سخت اولور و نحاس
 پیک آغریب معدن اولیوب قلاهی دخی اندن خفیف اولدیغی معلوم ایسه ده
 خلیطه لری نیک کثافتی ایکه سنک کثافتلری مجموعندن زیاده درو قلایدن بر
 چاک اعمال اولنسه صداسز و باقردن اولانک دخی صداسی قوتسز اولوب
 حالبوکه جسمین مذکوریندن اعمال اولنان چاکلرک صداسی بلند و رقیق
 اولدیغندن چاکلر دائماً خلیطه مذکوره دن اعمال اولنور و اشبو خلیطه یه
 تونج تسمیه اولنور اشته بو خلیطه نیک تحدثی انجق حرارتک واسطه سنه
 متوقف اولوب دیگر صورته بالعمل بو وجهله اتحاد و امتزاج وقوع
 بولیه جغی اشکار درزیرا واسطه مزبوره مناسبت کیمیویه نیک تأثیرینی
 تسهیل و دعوت ایلش اولور

(ادهم)

عن اعضای مجلس والا

(بقیه سی صکره)

(صوده بوغلانلرک صورت مداوات و استخلاصی)

صوده بوغلانلرک مداوات و استخلاصی ضمننده بو طرفلرده معروف
 و متداول اولان اصول قدیمه نیک نه درجه مضر اولدیغی بیانیله اولبابده
 نوجهله حرکت اولمنسی اقتضایده چکنه دائر حذاق اطبادن دوقتور
 نارائزینک اثری اوله رق چکنلرده ژورنال دو قونستانتینو پلده مندرج بولنان
 رساله مختصره فوائد عمومییه بی مستلزم اثار نافعده دن اولمغله مناسب کوریلان
 فقراتی بالترجمه مجموعه عاجزانه مزه درج و تحریرینه ابتدار قلندی

صوده

صوده بوغلانلری قورتارمق ایچون بو طرفلرده جاری اولان اصواک مضرت ووخامتی عند الاطبا معلوم ایسه ده بو کیفیت خلقک اذهاننده بردرجه تأسس و تقرر ایتشدیر که دلائل علمیه ایله بطلاننی انلره تفهیم و اثبات کفایت ایتیبو صرمدی دوشد کجه مضرات واقعه سنی بیان ایله تقبیح اولنسی اقتضا ایدر فقط اذهان ناسده نیجه ییلار دنبروجا یکیر اولمش بو مقوله افکار باطله نک کلباً و دفعه محو و ازاله سی بر امر آسان اولمدیغندن خلقی بوندن واز کچورمک مرور زمانه و اصحاب معلوماتک بالا تفاق مساعی متمادیه لرینه محتاج اولدیغنی دخی انکار اولنه من مؤخرأ ظهوره کلان بر وقعه مکدرمک نقل و حکایه سیله موضوع بحث اولان اصول مضره نک نه دن عبارت بولدیغنی و بونکله غریقک اعاده حیاتی ممکن اولمقدن بشقه بلکه مماتنه سبب مستقل اولدیغنی معلوم اولور

در سعادتده یونان قونسلوسی بولنان موسیو پالتولوغ چند ماه مقدم هکبه لی اطده بر دوسئیه برابر دکره کیرمش و ایکه سی دخی یوزمک بیلدکلرندن درین یره کتیبو کاردده طور مشلر سه ده طور دقلری محل اوچورمسی بریر اولدیغندن موسیو پالتولوغ غالباً ایاغی قایمسیله بردن بره صویه باتوب بر قاج دقیقه صویک ایچنده قالدقدن صکره چیقارق استمداد ایتمش ایسه ده رفیق بونی لطیفه یه حل ایله خلاصیچون هیچ بر تدبیره تشبث ایتماش و مر قوم تکرار صویه باتوب بر قاج دقیقه صکره چیقارق امان باتیورم دیو چاغر مش و خبلی چالبشوب چبالمش ایسه ده یوزمک بیلدیکنندن تکرار باتوب بردها کورنماشدر رفیق بو حالی کورنجه تلاش ایدرک هر کسدن استعانه و استمداده و مر قومی کیم قورتاره بیلور سه زیاده سیله مکافات ایده جکنی اعلانه باشلا دیغندن بر قایق ورود ایدرک ایچنده بولنان قایقچیلر هر تقدیر سائر اطه لور مثللوپک اعلا یوزمک بیلورلر ایسه ده کویا صویه غرق

اولان شخصه فوق العاده بر قوت کله جکندن استخلاصنه چالیشان گسنه
هر نقدر قوتلی و یوزمکده مهارتلی اولسه مقاومت ایده میوب برابر غرق
اولوردیو خلق یسنده بر اعتقاد اولدیغندن مجرد شو فکر باطله مبنی غریق
مر قومی قورتارمق ایچون هیچ بریسی صویه اتلیوب قایق کورکلریله
چیقارمق استدلرندن بو صورتله اون دقیقه قدر اوغراشدندن صکره
غریق کماره کتوررک وجودی بره لنمش اولدیغنی حالدده صودن چیقاروب
باش اشاغی ایاغندن اصمشلردر بر از وقت بویله اصیلی طور دیغنی حالدده
مأموللری وجهله قارندن صو چیقم دیغندن کویا غریق مر قوم دهها
اولماش ایسه قارنده بولمان مقدار جزئی صوموتنه سبب اولورو بو صو
هر تقدراز اولسه ینه چیقارلق لازمدر زعم فاسد یله بیچاره نك کوکس
وقارنده و اموزی باشلرینه عادتاضرب ایتکه باشلیوب بونکله دخی مطلوبلری
حاصل اولدیغندن غریق یره ایندیروب قالدیرمه یوررکی کوکسی وقارنی
اوزرنده یورمکه باشلامشلردر نهایت صاغ ادملره نسبتله بیلک اسرع اسباب
هلاک اولان اصمق و دوکک و تپه لک کی معاملات تعذیبده دن بر فائده
کوره مدکلرندن مأیوس قالدقلری حالدده بر طیب طهور ایدوب غریق
جسدینی صغومش و بره لنمش بوله رق بوغاز طهرندن بر قان المش ایسه ده
خیلی وقت صکره قان اقدیغندن و بر قید قدر قان چیقمش اولدیغنی حالدده
غریقده اثر حیات مشاهده اولم دیغندن طیب کیچ یتشمش و ایش ایشدن
کچمش اولدیغنی بیان ایدرک صاویشوب کتمشدر

ایکی ساعت صکره دیگر بر طیب جلب اولنوب بودخی بعض تدابیره
تسبب ایش ایسه ده بر فائده بی مفید اولدیغندن جنازه واپوره قونیه رق
در سعادت کتورلش و بورایه وصولی غرقندن سکز ساعت مرورنده وقوع
بولش اولغله تجمع ایدن اطبا غریق صودن چیقارلدیغنی انده اجراسی

لازم كلان بعض معالجاتی استعمال ایلشلر سنده هیچ بر فائده سی
کوریله مامشدر

اشته صوده غرق اولنلر حقننده بو طرفلرده نصورتله معامله اولندیغی
تفصیلات واقعدن معلوم اولدی بو بایده اوروپاچه معتاد اولان اصول
بجنده کلنجه متقدمین و متأخریندن خیلی ذوات بو خصوص حقننده چوق
شیلریاز مشلر ایسه ده شوامر خیرك یولیه اجرا سیچون كرك طرف حکومتدن
و كرك اصحاب خیرات جابندن مخصوص جمعیتلر و خسته خانه لر تأسیس
وانشاسنه بداء اولنه لی انجیق یوز سنه وار دریالکز اسق و چیاده دورهام
پسقیوسنك بنا کرده سی اولیق اوزره بامبروغ قلعه سنده کائن غرقا
خسته خانه سی بر قاق یوز سنه لکدر مقدملری الامانیا و فرانسه و سایر
محللرده حکومت مأموری حاضر اولدجه بر غریق صودن اخراج ایتك
ویا خود امدادینه یتشمك قانوناً ممنوع اولوب خلافی حرکتده بولنانلر
مجازات شدیده یه گرفتار اولورلر ایدی حکومت مأمورلری ایسه هر یرده
حاضر و ناظر اوله میه جقلرندن صرف نظر ورودلرندن صکره دخی بر طاقم
مراسمه رعایتله ییهوده اضاعه وقت ایلدکلرندن قورتارلسی ممکن اولان
نیجه بیچارگانک موتنه سبب مستقل اولورلر ایدی حکومتك اشبو
معامله سندن بشقه بر جنازه یه تقرب ایتك اولوق افسکار نیجه دیناً امر
مکروه عد اولوب بو وجهله بر کسندنک ساحلخانه سی پیشکاهنده بر جنازه
کورلسه چبقارلسی خیلی مصارف و تکلفاته محتاج بولندیغندن و اکثریا
جانی مهلکده آتهرق غرقدن ادم قورتارنه دخی هیچ بر کونه مکافات موعود
اولدیغندن خلق غریقلرک یانه یله یاقلاشمق استمز لر ایدی مؤخرأ اشبو
اصول مضره کلیاً لغو اولمشدر

۱۷۶۲ سنه میلادی سی الامانیانک بلاد مشهوره سندن هامبورغ شهرنده

غریقله نوجهله معامله اولمسی لازم کله جکمه و بونلری حیا و یاخود
میتا دك زدن چیقارن کسنه یه ویر یله جك مکافاتا دأر بر نظامنامه
تنظیمیه اعلان اولندی ۱۷۶۷ سنه سی فلنکده امستردام شهرنده تخلیص
غرقا اسبابنك استحصانه سعی ایلك اوزره بر جمعیت تشکیل اولنه رق
ابتدا بو شرفه شهر مذکور نائل اولمش و مؤخرأ اوروپانك اکثر محللارنده بو
مثالو پك چوق جمعیات خیریه تشکل ایلمشدر

۱۷۷۲ سنه سی پارسلی موسیو پیانام ذات صویه غرق اوله رق نفسی طیقانمش
و نبضی حرکتدن قالمش اولنلری استخلاص نیت خیریه سیله پارسده بر
خسته خانه بنا و امر اداره سنی بالذات کندوسی در عهدده ایدوب اوچ
سنه صکره بومدت ظرفنده موفق اولدیغی خدمات خیریه و اتخاذ
و استعمال ایلدیکی اصول مستحسنه یی نشر و اعلان ایلمسیله جمله نك تقدیر
و تحسینی جالب اوله رق مومی الیهك اصولی فرانسه نك اکثر ایالتده اتخاذ
واجرا اولندیغی مثالو مقدمه آمستردامده تأسس ایتمش اولان جمعیتك
زیر اداره سنده بولنان خسته خانه لرده جاری اولان اصول دخی دانیمارقه
دولتی پای تختی اولان قوینهاق شهرنده دخی اجرا قلندی ۱۷۷۴ سنه سی
لوندرده جمعیت انسانیة قرالیه نامیه بر جمعیت تشکل ایدرك غریقله
مخصوص بر جسم خسته خانه یاپلمش و بونده اتخاذ اولنان اصول مؤخرأ
امر یقا و هندستانه دخی تعیم قلمشدر صکره لری اوستریا و لهستان
وروسیه ده دخی بو مثالو نیجه جمعیتلر تشکل ایدرك پك چوق خسته خانه لر
تأسس و انشا اولمشدر

برمنوال محرر اوروپانك هر بر محلنده كرك دولت و كرك اصحاب خیرات
طرفندن جمعیتلر تشکیل اولنه رك و خسته خانه لر یاپیله رق غریقلری نصورتله
قورتارمق و اعاده حیاتلری ضمنده نوجهله مداوات اولمق لازم کله جکمه

دائر بیای اعلانات و نظامات ترتیب و نشر اولندیغی مثلاًو بر جمعیت بر مدت معلومه ظرفنده قاچ نفر غریق استخلاص ایلش و نفسی کسبایوب نبضی حرکتدن قالمش و خلق نظریده چوقدن اولش دینلان تقدرا دمک جانی قورتارمش اولدیغی اره عسره اعلان قلدورایدی موسیو بیانک تحت اداره سنده بولنان خسته خانه حین تأسیسدن یعنی ۱۷۷۲ سنه سندن ۱۷۷۸ سنه سنه قدر ظاهر اثر حیات کورنمیان طقوز یوزاوتوز بش غریقک سکر یوزاون اوچنی قورتارمش اولدیغی مثلاًو لوندیره جمعیتی دخی بش سنه ظرفنده ایکبیک اوچیوز غریقک اعاده حیاته سبب اولمشدر بنی نوعمزدن شو قدر نفوسک استخلاصی مدنیت و انسانیت بر بیوک خدمت اولدیغی تعریفدن مستغنی اولوب بوا یسه اصحاب خیراتدن بعض ذواتک اعانه و امدادی و اطباء حیثت عارندن بعضیلرینک حسن همتی ایله حصولدیز اولدیغندن بو مثلاًو ذوات مر و تسماتک اسملری الی یوم القیام زیور صحائف تواریخ اوله جغی درکاردر هامبورغلی ژان ابراهام و ویلکن دولکمان و فلانکلی قورن و لوندیره لی هاراس و یارسلی پیا و موراوالی قونت لئو بولد بریجتولد ودها سائر لری بو قبیلدن اولوب ایچلرندن قونت بریجتولد کی بعضیلری بویولده فدای جان دخی ایتشلردر

سالف الذکر دولتلرو جمعیتلر بر منوال مشروح بالذات ایتدکلری خدمتله اکتفا ایتسوب سائر افرادناسی دخی ترغیب و تشویق ایچون بر غریق قورتارن و یا خود بویابده براعانه سی تبین ایدن کسانه مکافات مخصوصه تعیینیه اعلان ایلدیله

فلانک جمعیتی میت نظریله باقیلان بر غریق دیرلدن کسنده یه اوزرنده مستخلصک نامی محررا و اهرق الی سه کن: (۱) قیمتده بر مدالیه و میلان

(۱) سه کن عثمانلی لیراسنک نصفه معادلدر

جمعیتی نقداً اون ایکی سه کن و طوسقانه حکمداری بر غریق قور تارمق
ایچون کندوسنی صویه اتمش اولان ادمه یکر می سه کن اعطا ایدر
وقوپنه اقدده بو مثالو خدمت مقابلنده بش سه کن وهامبور غده یوز طالر
(۲) ویریلور ولوندره جمعیتی بر غریق قور تارنه بش کینه (۳)
وچالیشوبده موفق اوله میانه اوچ کینه ویررو اوستریاده یکر می بش فلورین
(۴) اعطا قنور ایدی پارسده مقدملری کیم اولور سه اولسون صودن بر
غریق چیقارنه یکر می بش فرانق (۵) و غریق الیقین قره غولخانه یه
ایصال ایدنه الی فرانق ویرلدیکی حالده مؤخرأ ۱۸۵۰ سنه سی مقدار
مذکور یکر می فرانقه ابلاغ ایدلمشدر موسقوه شهرنده اصحاب خیراتدن
ایکی ذات غریقله مخصوص بر خسته خانه یاللق اوزره اون ایکی بیک روبله
(۶) اعطا ایتدیله خسته خانه مذکور یاپیلوب امر اداره سی موسیو پکنه
حواله اولندی و بر غریق کور روبده اسباب تخلیصیه سنه تیش ایتیه رک
کچنلر حقنده طرف حکومتدن مجازات شدیدہ تعیین و اعلان قلندی
(قدری)

(بقیه سی صکره)

-
- (۲) طالر یکر می اوچ غروشه معادلدر
(۳) کینه یکر می بر شیلنه و شیلن بش بچق غروشه معادل انکلیر سکه سیدر
(۴) فلورین اون ایکی غروشه معادل اوستریا سکه سیدر
(۵) فرانق درت غروش اون الی پاریه معادل فرانسز سکه سیدر
(۶) روبله اون سکر غروشه معادل روسیه مسکو کاتندندر
-

(دارالقنوده درس عام وقوع کشادی)

کچن دفعه دارالقنوده کشاد اولنه جیغی یازلمش اولان حکمت
طبیعیه درس عامی بعضی مأمورین کرام و کتبه اقلام و سائر هر
صنف اهلیدن اوچیز قدر مستمع حاضر اولدیغی حالده اشبو
ماه رجب شریفک یکریمی ایکنجی بازار ایرتسی کونی بدأ اولمشدر
سعادتلو درویش پاشا حضرتلری اولا شو اثر خیرک مجرد ذات
معالی سمات حضرت پادشاهینک تربیه عامه حقنده متوالی الظهور
اولان مساعدات جلیله جمله جمله سندن اولدیغی بیانیله تزايد عمر
و شوکت شهریارلری دعای لازم الاداسنی ایفا و تدریس ایده جکی
حکمت طبیعی و کیمیا فنلرینک عموم حقنده نه درجه لزوم و اهمیتی
اولدیغی بر مقاله مختصره ایله افاده و انبیا ایتد کدنصکره مقصوده
شروع ایلش و اشبو برنجی درسده علمین مذکورینک موضوع
و غایتی و ماهیت هوا و قوه القتریقیه و سائریه دائر بعضی اصول
و قواعد حکمیه بی بیان و اشبو مسائلک درعقب عامه حضورنده آلات
مخصوصه سی واسطه سیله تجربه لرینی دخی اجرا ایلشدر
بو مقوله علوم دقیقه تدرس و تفهمنک بعضی مقدمات علمییه تحصیلنه
متوقف اولدیغی درکار ایسه ده مدرس مشار الیه اوغخ صورتله تقریر
و افاده مرام ایلدیکنندن و بالخصوص قولاً تفهیم اولنان مسائل
اولوجهله فعلاً دخی ارائه و اثبات اولندیغندن مستعینک بالسهموله
استفاده ایده جکی مجزومدر

اجرا اولنان تجربه لر امور غریبه دن اولوب حضارک اکثریسی دخی
برنجی دفعه اولق اوزره بویله شی کوردکلرندن موجب کمال تعجب لری اولوب

بالخصوص قوه القترقيه تجربه سنده آلات مخصوصه سندن ائش شراردلری ظهور ایتدیکدن بشقه بر اینجه تل واسطه سیله قوه مذکوره بر ادمک وجودینه نقل اولندیغی حالده ال و یاخود بشقه بر شی ایله وجودینک قنغی طرفنه طوقنلسه اورادن مائی رنگلو قغیلچلر چیقیمی و بعض ترکیب کیمیوی ایله تیمور تل عادتاً قابل التهاب بر ماده کبی مشتعل و محترق اولسی فوق الغایه موجب استغراب اولمشدر

دفعه اولیدن صکره رجب شریف غایتنه قدر و یریلان ایکی درسته جمعیت دهها زیاده اوله رق درت بشیوز قدر ادم بولنمش و درسخانهک بوندن زیاده یه تحمیلی اولدیغندن بر طاقم کسان دخی یر بوله میهرق عودت ایتشلردر و حضارک جمله سی کمال حرمت و دقت ایله استماع ایدرک هیچ بر یسندن محل ادا ب بر کونه حرکت صدور ایتامشدر

در سعادت اهل پسنگ تحصیل علم و معرفت حقنده مشهود اولان بودرجه میل و رغبتلری فی الحقیقه هیئتجه مایه حبور و مفتخرت اوله جق مواددن اولوب کرک مجموعه عاجزانه مز و کرک اشبو درس حقنده عامه طرفندن فوق المأمول ظهوره کلان حسن قبول بو مقوله تأسیسات علمیهک بی اثر و اعتبار قالمیه جغنه دلیل واضح اولدیغندن و عالمده هر نه اولور ایسه اولسون ممکناتدن اولان بر امره نیت قویه و خالصه ایله تثبث اولندیغی حالده همان دائماً نتیجه مطلوبهک تیسر حصولی مجزوم بولندیغندن او صاف ممدوحه و طنپروری و اهلیت ایله متصف اولان ذوات مملکتک اشد احتیاجی اولوب از همتله حصولی ملحوظ اولان اثار خیریه یه خیال محال نظریله باقیهرق بران اقدام شروع و مباشرت و درگاه الهیدن استدعای حسن موفقیت ایللیدرلر

اگرچه درس مذکور مستعلرینک جزو اعظمی ذات علم و معرفته محبه

تعلیم و تحصیل نیت خیریه سیله کله جکنده ایشباه ایتمز ایسه کده فهم
 و تقدیرندن عاجز بولنان بعض عوام ناس مجرد اجرا اولنان تجربه لری
 کورمک و عادتاً بر او یون کی تماشاسیله اکلمک اوزره کله جکلری دخی
 درکار اولوب بو مثالو علوم نافعیه شونظرله باقنلر قبوله شایان اوله من
 ایسه ده اشبو درس عام اولدیغی جهتله شو ایکی صنفک تمیز و تفریق
 متعسر و بلکه متعذر اولدیغندن اومقوله جهلا طاقنک دخی طلبه مثالو
 رخصیاب دخول و انلر صره سنده جالس مصبطه قبول اوله جکلری
 اشکاردر خالی محل اولدیغی حالده اومقوله لک دخی درسده حاضر
 بولنمسنده بآس یوغیسه ده بونلر اولجه کلدکلری حالده بر چوق محلی
 اشغال ایدرک مداوم و مستعد اولان طلبه نک اچیقده قاله جکلری و بنأ
 علیه بونلر دائماً بر بوله جکلری خصوصنده امین اوله میهرق شو ماده
 ترک و تکاسلارینه سبب اوله جغی ملاحظه دن غیر بعیددر

شو محذورک دفعی چاره سی بولنق پک کوچ دکدر ظن ایدرم مداومت
 اوزره درس استماع ایتک استیازلر بر محل مخصوصده اثبات وجود
 ایدرک مال و شان و درجه اهلیت و استعدادلری ممکن مرتبه تفحص
 و تحقیق و مداوم و مستفید اوله جکلری مأمول بولنانلر بالقبول کلدکجه
 خالی بولق اوزره بونلر برر محل تخصیص اولنوب کیفیت مبین یدلرینه
 برر قطعه دخوله بیلیتی اعطا اولنسیله شو مقصد حاصل اولور

اشبو تدبیر ارباب اهلیتک دوامنه حائل اوله جق محذوری دافع اولدقدن
 بسقه بو تقدیرجه درسک ختامنده او مثالو امتیازلو شاگردانک امتحانلری
 دخی اجرا اولنه ییلوب بونک ایسه امر تحصیلده نه درجه حسن
 تأثیری اوله جغی تعریفدن آزاره در خواهشگران علم و معرفتک
 شمدیکی صورته دخی دوام و استفاده یه سعی و اهتمام ایده جکلری

بی اشتباه ایسه ده مداومتی بر تعهد معنوی تحشده اولدیغی و بالخصوص
بر کون عامه مواجهه سنده ثمره سعی و طلبی سنجیده میران امتحان
اوله جغنی بیلندیکی حالده بالطبع شو کیفیت بشقه بر شوق و غیرتی
مستلزم اوله جغنی درکاردر

شو مطالعات عاجزانه مزی عرض و بیاندن مرادمن حاشا درس مذکور
حقننده بر کونه نقص و قصور اسنادی اولیوب مجرد عموم حقننده
خیرلو اولق اعتقادنده بولندیغمن صورتی اخطاردن عبارتدر هر حالده
بوناك تأسیسنه موفق اولان ذوات حیت سماءك مساعی مشکوره لری
تقدیره مجبورز طوبخانه عامره مشیری دولتلو خلیل پاشا حضر تلی
طرفندن دخی اشبو درس محارینك تنظیم و تسویه سنده خیلی همت
بیورلش اولغله بوسره ده مشار الیه حضر تلی حقننده دخی لوازم
تشکر و محمدك ایفاسنی وجیهه دن عد ایلرز

(منیف)

(خلاصه پولیتیکه)

(ممالك مجتمعه آمریقا مسئله سی)

اشبو مسئله نك منشأ و سببی لایقیله اكلال شلمسی ممالك مجتمعه آمریقا نك
موقع جغرافیسی و اهالیسنك مسلك و مشواری بیلیمسنه متوقف
اولدیغندن اول امر ده بروجده ایجاز بورالری نك تعریف و بیانی لازم کلمشدر
ممالك مذکوره اوتوز درت حکومتدن مرکب بر جمهور اولوب بونلرك
هر بریسنك صورت مستقله ده اداره مخصوصه لری اولوب هیئت
مجموعه لری نه عائد مواد دخی درت سنه ده بر کره تبدیل اولنور بر رئیس

ایله مبعوثان ملتدن مرکب ایکی مجلس معرفتیه تسویه قلمور ممالک مذکوره بتون اوروپا قطعه سی وسعتنده اولوب اوتوز بر بچق میلیون نفوسی شاملدر بونک درت بچق میلیون قدری امر حراثت و زراعتده استخدام اولمق اوزره افریقادن جلب اولمش سیاه کوله در اشبو اهلینک بر مقدار جزئیسندن ماعداسی کافه انگلیزجه تکلم ایدرک همربان و پروتستان اولق اوزره همذ همدرلر ممالک مذکوره ده سائر وسائل نقلیه دن بشقه تیمور یوللر اولقدر کثرت اوزره درکه اوروپانک پک چوق مملکتلرنده بولنان عادی یوللر مقدارینه معادلدر دینلسه مبالغه یه حل اولنده من

الیوم محارب اولان طرفینک بریسی حکومت منتظمه سابقه اولوب شمال طرفنده واقع یکر می بر حکومتدن مرکب دیکری جهت جنوبیده کائن اون بر حکومتدن عبارت اولوب سالف الذکر سیاه کوله لک جزو اعظمی بونلرک خدمتده درلر مذکور یکر می بر حکومت تقریباً یکر می بر میلیون نفوسی جامع اولوب بونلردن یالکز یوز بیکی کوله در و جنوب طرفی اون میلیون نفوسی شامل اولوب بونلرک اوج بچق میلیونی کوله در

ممالک مذکوره نك ابتدای تشکللرنده اسارت اصولی عموماً قبول اولمش ایسده شمال طرفنده واقع ممالک قرق سکز عرضنه قدر ممتد اولوب بودرجه ده بولنان مواقعک هواسیله ایله ایسه زنجیلر امتزاج ایده مدیکندن چوق سورمیدرک مذکور اسارت اصولی لغو اولمشیدی حالبوکه جنوب طرفنک هواسی زنجیلر مزاجنه موافق اولوب ممالک حاره یه مخصوص اولان پرنج و عموق و شکر و چوید و تونون زراعتیچون دخی کلی عمنه نك لزومی اولدیغندن افریقادن مقدار جسیم زنگی جلب واستخدام

قلندی عموماً خرسنجان ملتتری بیننده انسان بیع و شراسی نایته
مذموم و غیر جائز اودینگی حالد اشبور زنجیاریك اختلاف لون و سیمالری
مناسبیه طریق تأریله سلوك اولنه رق کویا بونلر انسان حقیقی اولان
بیاضلرك مادوننده بر نوع خسبس اولدیغندن مستثنا طوتیه رق حیوانات
و اشیا مثابه سنده اخذ و اعطالینه قانونا مساع کوسترلش و بنأ علیه
اشبو اسرا تجارتی شمعی یه قدر کتدکجه کسب توسع ایلشدیر
عمالك شمالیه ده ایسه او قدر زراعتیه قابلیت اولیوب امور صنایعیه ده
دخی زنجی استحضامنده فائده اوله مدیغندن بونلرك دفعی دهها خبرلو
کوریندرک بر طاقسی اعتاق ایله کروه احرازه الحاق و بر طاقسی
جنوبلوره فروخت اولمشدر برده اکثریسی ایرلانده و المانیا اهالیسندن
اوله رق امریقایه هجرت ایدن اوروپا لولرك جزو اعظمی ممالك شمالیه ده
توطن ایتکده اولوب بونلر ایسه اوقه دنبرو امور شاقه ده استحضامه
مألوف و سعی و غیرتله موصوف اولد قلرندن زنجیلر قدر چالشدقدن
بشقه اصول تربیه و مذهبلیری دخی اسارت اصولنه نا مساعد
اولدیغندن اشبو اسباب مختلفه یه مبنی شمال طرفلرنده کتدکجه اسرا
ازالوب نهایت بر منوال محرر شو اصول بالکلیه ترك اولندی
بونك اوزرینه شماللور جنوب طرفندن نذرینه فرار و التجا ایدن
اسرای حیات ایلکه باشلادیغندن بوندن و امثالی خصوصاتدن
طولایی شمال و جنوب حکومتلری بیننده اصول اداره جه مشکلات
کلیه حصوله کله رك منازعات کثیره وقوعندن صکره او مقوله اسرارك
اصحابنه اعاده سی حقنده بینلرنده معاهده مخصوصه عقد اولمشیدی
مع مافیه شماللور اولیابده ایقاع مشکلاتدن خالی اولمامش اسیر
استحضام ایدر بعض حکومتلر مؤخرأ دائرة اتفاقه قبول اولندیغندن
بودخی اسباب اختلافدن بری اولمشدر

اشته مواد مشروحه طرفین بیننده مخالفت متوالیه بی داعی اولوب
 حتی بعض کره یکدیگری ممالکنه تجاوز ایله حرکات جبریه وقسوعنی
 منتج اولشدر شو حال یک سکر یوز التمش سنه سنده رئیس جدید
 انتخابی زمانه کلنجیه قدر ممتد اولوب اولوقته دکنین یالکیز بعض
 حکومتلر بیننده خصوصی بر منشأ نزاع اولدیغی حالده بر مسئلهٔ عمومییه
 منقلب اولشدر موسیو لینقولن شماللورک اتفاق عمومیسیله رئیس جمهور
 انتخاب اولدوقده چونکه جنوبلور اراضیلرینک کمال درجه منبت اولسیله
 برابر بر منوال محرار امر حراشته زنجی اسرا استحضام ایدرک فوق
 الغایه ثروت و سامان استحصال ایلش و بو جهتله بینلرنده یک چوق
 اصحاب نفوذ و اعتبار توره مش اولدیغندن رئیس مشار الیه کلنجیه
 قدر همان دائماً مقام ریاستی بونلر حائز اولوب بو سایه ده اصول
 متحده لرینی ترویج ایله امور پولیتیکیه ده اکثریا شماللورده تفوق
 ایدرلر ایدی هر نصل ایسه دفعهٔ اخیرده شماللور کندولردن بولنان
 مشار الیه لینقولنک رئیس انتخابنه ظفریاب اولدوقده بو کیفیت شاید
 ممالک شمالیه اصول و عاداتنک غلبه سنه بادی اولور عطا لعه سیله
 جنوبلورده غایت کران کلمش و رئیس جدید دخی اسارت اصولنک
 عموماً الغاسنی متضمن بعض تدابیره تشبث ایلش اولغله جنوبلور
 شماللوردن قطع رسته اتحاد داعیه سنه قیام ایله جمله دن اول قارولین
 جنوبی بونی رسماً طلب و عقینده بر بیاننامهٔ عمومی نشریله
 افتراقنی اعلان ایلدی سائر جنوب حکومتلری دخی تدارکات حربیه یه
 مسارعت و طرفین بیننده بعض تجاوزات وقوعندن صکره جنوبلور
 بالاتفاق بر هیئت متحده تشکیلیه سابقا ممالک مجتمعه حربیه ناظری
 موسیو کفرسون داویز نام ذاتی رئیس انتخاب ایلدی

بونك اوزرینه شمالولر مذکور تارولین مملکتنه تجاوز ایله بر قلعه سنی ضبط ایلش اولار یله جنوبولر قلعه مذکورده بی حصر و تضییق ایدرک درونده بولنان شمال عسکری تسلیمه مجبور اولدی

اشته ایلاک دفعه اوله رق وقوعبولان شو محاربه ده جنوبولر غالب کلدیکندن بو کیفیت شمالولرک کمال درجه حدت و تهورلرینی موجب اوله رق رئیس جمهور لینه قولن در عقب یتش بش بیک عسکر جمع و ترتیب و عصیان ایدن مملکتلرک یکرمی کونه قدر کماکان دائرة اتحاده دخول ایلاری ضمنده تنبیهات اعلان ایلدی جنوبولر دخی لوازم مدافعه و مقابله ک تدارکنه مباشرت ایدوب راست کلدکاری شمالو سفائنک اخذ و ک رفتی حقه ده رئیسلری طرفندن جنوبولره رخصتنامه لر توزیع و اعطا قلندی

براز وقت مرورنده شمالولر افتراق ایدن حکومتلر سواحلنک تحت محاصره یه و ضعیفی اعلان ایلدی لر

طرفین ممالکی بینده واقع بوتوماق نهری حد فاصل اتخاذ اوله رق ایکی طرف عساکری نهر مذکور کارلرینه تمشید ایلدی شمالولرک اردوسی سقوط نام جنرالک تحت قوماندنده اوله رق بش فرقه ده تقسیم قلندی وقوعبولان باشلیجه میدان محاربه لرینک برنجیسی بولرین محاربه سیدرکه بونده یکرمی بیک شمالو و یکرمی بش بیک جنوبو عسکری اولوب ایلاک دفعه محاربه ده بولنان عسکرلر اکثریا دوچار خوف و دهشت اولدقلرندن بونده دخی او یله اوله رق غالب و مغلوب معلوم اولدیغی حالده چکملرلردر فقط شمالولر تعقیب اوله رق درتیوز یتش طقوز مقتول و بیک یوز مجروحلری وقوعبولش و بیک بشیوز قدر ادملری اسیر دوشمشدر جنوبولرک دخی اوچیوز طقسان اوچ ادملری مقتول

مقتول و یک ایکی بوزی مجروح اولشد در اشبو و محاربه بی متعاقب جنوبولر ممالک شمالیه صورت هجوم کوسترمش اولملریله شمالولر زیاده مضطرب اوله رق در حال بشوزیک عسکر بردن تحریر و جنرال سقوطی بالتبدیل یرینه ماق قلیلانی تعیین و ویرژینی مملکتدن مرور ایله ممالک جنوبیه به هجوم ایلدیلر اشته بو وجهله یک سکن یوز ایتش برسنه سی نهایته قدر محاربه ممتد اولوب سنه آتیله ابتدالرنده شمال اردوسی الی یوزیک عسکر دن مرکب و معیننده جسیم بردونما اولدیغی حالده ینه محاربه یه بدا ایلدی بر طرفدن جنوبولر ممالک شمالیه تجاوز ایله بعض یرلر ضبط ایتکده ایکن شمالولر دخی ممالک جنوبیه نک مواقع مختلفه سنه دت دفعه عسکر سوق ایدرک خیلی مظفریته مظهر اولدیلر و حتی باش قوماندانک تحت اداره سنده بولنان شمال اردوسی جنوبولرک مرکز اداره لری اولان ریشوند شهرینه بر قاج ساعت قالدجه قدر تقرب ایتش ایکن جنوبولر کرکی کی مدافعه ایتدکن بشقه شهر مذکور جوارنده واقع اولوب متوالیاً یدی کون ممتد اولان بر محاربه عظیمه ده شمالولر کلی تلفات ایله منهزماً رجعته مجبور اولشاردر

شمالولر جمعاً بر ملیون کوکالو عسکر تحریر ایتش اولدیلری حالده غائله حرب مندفع اولوب ارتق اهایلی دخی حسن رضاسیله عسکر یازلمقدن امتناعه باشلادیغدن الیوم صورت جبریه ده اوچیوزیک دهها تحریرینه مباشرت قلمشدر

ممالک شمالیه ده اشبو اردولرک مرکب اولدیغی یدیوزالای ایچون سائر مهمات حریددن بشقه یدیوز موزیقه طاقی تنظیم اولنوب عسکرک بهر نفرینه دخی شهری تقریباً یک ایکیوز الی غروش معاش و بو

نسبتله تعیینات ویرلدیکندن شمدی یه قدر واقع اولان مصارف حربیه یوز ملیون انگلیز لیراسنه بالغ اولمشدر اشبو مصارف جسمیه مدار اولق اوزره مقدار کلی اوراق نقدیه چیقاریلوب بونک دخی الیوم اعتباری یوزده او توز نقصاننه تنزل ایتمشدر

جنوبلور دخی قرعه ایله کلی عسکر تدارک و ترتیب ایتشلر ایسه ده مصارفات واقعدری او قدر جسماتلو دکدر شمدی یه دکن وقوعبولان محارباتده هر بر طرفدن یوزیک قدر ادم تلف اولوب الحاله هذه هر طرفک درتیوزیک عسکری موجوددر

اشته مسئله بدأ ایده لی ایکی سنه یی متجاوز اولوب محاربات عدیده وقوعبولدیغی حالده شمدی یه قدر ایکی طرف دخی بر فائده مادییه نائل اولمامش و روش حاله نظراً ده پاک چوق سنه لر اوغراشسه لر نه بر طرفک دیگرینی صلحه اجبار ایده بیه جک درجه مظفریته مظهر اوله میه جغی ملحوظ بولنمشدر

ممالك شمالیه و جنوبیه میانه سنده واقع ویرژینی مملکتی بیطرفلق حالنی التزام ایلمش و بو حرکت طرفینک دخی مملکت مذکوره حقنده بغض و حصومسی موجب اوله رن ایکی ارت و خ اوزرینه هب و م ایتکده بولنمشدر

اشبو مصائب حربیه بر نهایت ویرلک اوزره مؤخرأ فرانسه و روسیه دولتلی توسط مراد ایدرک انگلتره دولتی دخی بو بایده اتفاقه دعوت ایتشلر ایسه دولت مشارالیه طرفین محاربینک الیوم قوتلری بر درجه ده بولنوب هنوز بر طرفه صنعت و فتور طاری اولمامش اولدیغندن صلح تکلیفک بر فائده یی مفید اولیه جغی بیانیله اجرای توسطدن استکاف ایدوب بونک اوزرینه دولتین مشارالیه دخی اصلاح ذات البین افکارندن صرف نظر ایلمشدر

اشته شو حالته نظراً محاربهٔ حاضرمنك عهد قریبه اندفاعی مأمول
اولیوب درجهٔ قصوای معموریت و اقتداره واصل اولمش اولان بویه
بر مملکت و سیهنك شو وجهله مصائب مالا نهاییه حریبه یه گرفتار
اولسی طوغریسی فوق الغایه جای تأسقدر

—0—

(خلاصهٔ پولنیقیه بروجه عموم)

ممالك مجتمعهٔ امریقا محاربهٔ حاضرمندن طولای پیموغك فقدانیتی
جهتیه فرانسهك بعض ایالتلرنده يك چوق فابریقه لر قیامش
و تحقیقات صحیحیه نظراً یالکزن سن سفلی ایالتی داخلنده ایکیوز یک
نفر عمله ایشسز قالمش اولدیغندن شو حالك اسباب اندفاعیه سی
استحصال اولنه میهرق کسب اشتداد ایلدیکی تقدیرده فرانسه ممالکنك
اسایش داخلینسی محل نتایج و خیمه پی موجب اوله جغی درکاردر
اهل و عیال صاحبی بر چوق عمله بوندن طولای دوچار کال فقر
و ضرورت اولدیغندن شو مضایقهك بعض مرتبه دفعنه مدار اولق
اوزره اهالیدن خیلی اچه جمع ایله محتاجینه توزیع اولمش ایسه ده
اشبو معاوناتك تسکین نأره ضرورت و تخفیف بارسفالتیه کافی اولدیغی
قراین احوالدن استدلال اولنور مع مافیه ارتکاب ذل سؤال ایده میه جك
بر مثالو اصحاب صنعت و غیرت شو حال پرمالاده براغلیه رق
امریقا محاربه سنك ختامنه قدر فرانسه دولتی و یا خود ارباب فتوت
و مروتی طرفندن استحصال اسباب تعیشلرینه بر چاره بولمسی مأمولدر
انکله ممالکنندن لنقاشیر ایالتنده دخینه بوسیددن ناشی يك چوق
کسان ایشسز قالمش ایسه ده اوراده کلی اچه طوپلانیله رق اشبو
مضایقهٔ حالك انار و خیمه سی ممکن مرتبه دفع و ازاله قلمشدر انکله

دولتی وکلای سابقه‌سندن لورد دربی مذکور عملاً به توزیع اولمق اوزره ایکی یوز اللی بیک فرانق اعطایتمش و انکلتره ده هر درلو امور ایچون یک چوق جمعیتلر موجود اولوب بونلرک خیل سرمایه‌لری اولمغله اشبو جمعیتلر طرفندن دخی بو بایده کلی معاونت اولمشدر فرانسه مجالسی کانون ثانینک اون ایکپسنده ککشاد اولنه جقددر مالب ناظری موسو فولدک تقریرندن منقهم اولدیغی وجهله فرانسه دولتی مکسیقا مسئله سیچون بر سنه طرفنده سکسان اوچ ملیار فرانق یعنی تقریباً سکر میلیون کپسه صرف ایتمش و بوايسه بیهوده اواره رق مصارفات فوق العاده دن بولندیغندن فرانسه اهلپسنگ بوندن خشنود اولمه حق‌لری درکاردر و برده بویله بر بعید محله کلی عسکر سوقندن مقصد صحیح نه ایدوکی بدایتندن برومجهول بولوب اگر مراد مک ما نك هیئت حاضره' جمهوریتی تبدیل ایسه انکلتره واسپانیا دولتری بو خصوصده فرانسه دولتیله متحد الافکار اوله میوب بو وجهله انلردن معاونت قویه نامول ایده میه جکندن فرانسه نك دولتین مشارالیه‌ایله عقد اتفاق ایلمسی عبت دیمک اولور و اگر ضبط ایتک کبی دیگر برنیت وار ایسه تدارکات واقعه شو مقصد مهمه کافی اوله میوب بو حالده جزوی بر قوه عسکریه نك مکسیقا ساحلنده هر درلومها لکه دوچار اولمق مخاطره سی حالنده بر اقلیه جغی بدیهیاتنددر اشبو مسئله فرانسه ایله اسپانیا بیننده موجب برودت اولوب اسپانیا پارلمنتوسنده مسئله مذکور نك نتیجه سز قالمش اولسندن طولای هیئت حاضره علیه‌نده دخی مؤخرأ بر طاقم مقالات ایراد و اتیان قلمش و حتی بو ماده یه دایر فرانسه یه طوقنور بعضی الفاظ دخی تفوه اولمش اولمغله فرانسه دولتی خارجیه وکلی بو خصوصدن طولای ایضاحات طلب ایلمشدر

امر یقا ممالك مجتمعه سنده جنوبلور هیئت جمهوریت خصائصندن
 اولدیغی وجهله مترددانه محاربهیه دوام ایلمکده اولوب باش قوماندانلری
 بولان ماق قلیلان مؤخرأ عزل ایله یرینه بورنسايد نصب اولمشدر
 مومی الیهک سبب عزلی تشبثات واقعه سنده تأخیر و تأنی ایله حرکت
 ایلمسی مادهسی ایسه ده طرفین محاربینک حال و موقعلری دخی شو
 حرکتی ایجاب ایتدیردیکندن ارباب پوایلیقه عندنده بو کیفیت جای
 تهمت عد اولمبوب بالعکس رشد و رویتنه حل قلمقه در جنوبلور
 بولسرون نام محله مظهر اولدقلری غلبه اوزرینه پانسیلوانی
 و ماریلاند ایالتلرینه هجوم و اسلیلا ایلمک داعیه سنده بولمشلر ایسه ده
 هر نصل ایسه بوکا موفق اولاماشلردر مومی الیه جنرال بورنسايد
 مأموریتنی متعاقب فریدریقس بورغ نام شهرک بعضی مواقع
 مستحکمه سنده متحصص بولان جنوبلور اوزرینه هجوم ایتش ایسه ده
 منهز مأرجعتده مجبور اولمش واشبو محاربه جسمیده شمالولردن یکرمی
 بیک قدر ادم مقتول و مجروح اولوب جنوبلور ایسه بروجده محرر
 استحکام داخلنده اولدقنرندن جزوی تلفانلری وقوعبولمشدر شمالولور
 ایکی فرقده منقسم اولوب بری عوام ناس طاقسی و دیگری الیوم
 سرکارده بولان مأمورین طرفدارانیدر بونلر خصم مشترکلری اولان
 جنوبلور ایله محارب اولدقلری حالده بو وجهله طرفیکبرلاک منازعاتندن
 دخی خالی اولبوب اردولرینک دوچار اولدیغی هزیمت سرکارده بولان
 طرفک سؤاداره سنده حل ایله زمام حکومت عوام طرفدارانی یدینه
 انتقال ایلمسی دخی بعید الاحتمال اولدیغی روایت اولمقده در
 یونانولور هر تقدیر انکلتره قراایچه سنک ایکنجی اوغلی پرنس الفردی
 قراایچه استملرایسده بو کیفیت انکلتره دولتنک مر ضیسی بیله اولسه

مغایر عهد اوله جغندن دولت مشار الیهما بو بایده اظهار موافقت ایتماش
اولدیغی مثالو پورتکیز قرالنک پدری دون فر دیناند دخی قبولدن
استنکاف ایلمش اولغله بو کره المانیا حکومتلرندن ساقس قوبورغ دوقه سی
ارنست بعض شرائط ایله بو بایده صورت موافقت کوسترمش
وانکلتزه دولتی بونی تنسب ایله قبول اولمسی حقنده یونانلورده نصیحت
ایلمشدر انکلتزه دولتی تحت حمایه سننده بولنان جزائر سبعة یونانستانه
ترک و الحاق ایده جکنی وعد و اعلان ایلمش ایسه ده فرانسه و روسیه
دولتلی بعض محاذیر بیانیه بو بایده صورت موافقت کوسترمدکن بشقه
جزائر مذکوره اها لسی دخی مدعای سابقه لرینک خلاقی اوله رق
یونانستانه التحاق ارزوسندن نکول ایلمشدر در فی الحقیقه جزائر مذکوره
یونانستان ایله برلشدیککی تقدیرجه الیوم انکلتزه اداره سی تحتنده مظهر
اولدیغی مساعدات و صحابتی غایب ایتدکن بشقه کرک امور مالیه
و اداره جه دوچار انواع مشکلات اولان یونان دولتیله همحال
اوله جغندن رأی اخیرلری حقلرنده ده خیرلو ایدوکی درکاردر هر نه
حال ایسه خصوص مذکور شمیدیاک معلقده اولوب لوندرده عقدی
مصمم اولان مجلس مکالمده بالتذکر قرار ویریه جکدر
ایتالیا رئیس الوکلاسی راتاجی و رفقاسی بولنان وکلای سائر کافه
استعفا ایتمش اولدقلرندن یکیدن بر هیئت وکلا تشکیل اوله رق فارینی
رئیس الوکلا نصب قلمشدر رئیس مومی الیهک ایتالیا دولتی اصلاحات
داخلیه سننده یک چوق خدماتی سبقت ایتمشدر ناپولی ایالتنده ظهور
ایدوب شواشاده توسیع دائره شقاوت ایدن حیدود کر وهنک دفع کید
و مضر تلری ضمننده بو دفعه ایتالیا ده بر قوم بیسیون خفی تشکل ایلمشدر

مجموعه فنون سر ماه عربی نهایتند چیتا ریلور

در سعادت ایچون بهاسی

غروش

۶۵ برسنگ

۳۵ التی ایلق

۰۶ بر نسخه

بر سنده لکنه و یا خود التی ایلغند مشتری اولق استلدیکی حالده
یکی جامع جوارنده چیچک پازارنده واقع جمعیت علیه عثمانیه
مرکزینه و یا خود باغچه قیوسنده ترجمان احوال مطبعه سنده
مر جمعیت اولنه

ایالاتده مشتری اولق استیانلر فیئات مذکوره اوزرینه مسافه نك
قریت و بعدینه باقلمیوب بر ییلاق ایچون التی و التی ایلق
ایچون اوچ غروش پوسته اجرتی ضمیمه الحقه سنی پوسته یه تودیعاً
جمعیت علیه عثمانیه ریاستی طرفه کوندردکلی حالده اوقات
معینه سنده محله ایصال اولنور

متفرق صاتیلمان محالمر

ترجمان احوال مطبعه سی	جمعیت مرکزی
بک اوغلنده اینه لی چارشوده	صحافلر کتخداسی حلبلی حاجی
صحاف کولر	حسین افندی
اسکدارده یازیچی عثمان افندی	سلطان یازیده کاغذچی حافظ
بشکطاشده اجزاجی ووحین	اسماعیل افندی

مجموعه فنون

۱۸

جمعیت علمیہ عثمانیہ

مجله

ماه شعبان

نومرو ۸

استانبول

قدیر خانده اورنگخانلی اوغلو، ناسیان آرتین
مطبعه سنده طبع اولمشدر

۱۲۶۹

مکتبہ اسلامیہ دارالعلوم دیوبند

نام و نام خانوادگی

۱۵

عنوان کتاب

موضوع کتاب

۱۶

کتابخانه

تاریخ

ملاحظات

توضیحات

۱۷

مجموعه فنون

۱۳

جمعیت علمیه عثمانیه

رنجی پنه

ماه شعبان

نومرو ۸

استانبول

وزیر خاندان ارزنجانلی اوغلو میناسیان آرتین
مطبعه سنده طبع اولمشدر

۱۲۷۹

(چينده بولنان اهل اسلام)

معنوم اولديغي اوزره من القديم چين ممالكنه اجنبي قبول اولنديغي
مثالو اهاليسي دخی خارجيه چيقيغه مأذون اولمديغدن احوال
و کيفياتي کرکی کي تحقيق اولنده مزايدي فقط انکلتزه و فرانسه دولتارينک
مؤخرأ وقوعبولان غلبه لری اوزرينه چين دولتيه عقدينه ظفرياب
اولدقلى عهدنامده پای تخت اولان بکين شهرنده دولتين مشارالیهما
سفیرلری و بعضی مواقع لازمده قونسولوسلری اقامت ایلمسی و ممالک
مذکوره داخلنده اجانبک سربستانه سیر و سیاحتنه ممانعت اولنماسی
شروطی مندرج بولمش اولغله مقدمجه اورایه عزیمت ایتمش اولان
اوروپا سیاحلرندن بر یسنگ چينده بولنان اهل اسلامک مقدار و صورت
احوالی حقنده تحقیقات واقعه سنه دائر اوروپایه یازمش اولديغي بر
قطعه مکتوب شایان مطالعه مواد مفیده یی شامل اولغله بروجہ اتی
ترجمه سنه ابتداء قلندی

چينک جهت جنوبیه سنده و نانکين طرفلرنده اهل اسلام پک چوق
اروب حتی قانطرون و يوننان طرفلرنده براز وقتدنبر و حکومت عليهنه
قيام

قیام و تالیف و نام بر بیوک شهری ضبط و تسخیر ایدوب ایشتدی بکمه کوره
شهر مذکور حالا قبضه تصرفارنده در شمال طرفلرنده اها لینگ
عشرندن زیاده سی اهل اسلام اولسوب پکینده یکر می جامع شریف
و تین چین شهرنده یالکز بر مسجد وارد و شهر مذکور جوارنده غایت
نقدس و جسیم بر جامع شریف اولدیغنی خبر المش ایسه مده بالذات
کیدوب زیارت ایده مدم

اهل اسلام تافع خاندانندن دردنجی پادشاه اولان چن کوان نام خاقانک
جلوسندن ایکی سنه صکره یعنی تقریباً بوندن بیک سنه مقدم تاتارستان
و هندستان طرفلرندن چینه ورود ایلش لردر اول ائاده ایمپراطوری کویا
کندوسنه مسلط اولان جن طائفه سی شرنندن تخلیص ایلش اولملریله
بوکامکافه بیکر کشیدن مرکب اوچ فرقه عساکر اسلامیه ترتیب ایله محافظه
مملکت عهده اهتماملرینه حواله قلمشدر و بونلرکافه بکار اوله رق کلمش
اولملریله خاقان مشار الیه طرفندن کندولرینه اوچ بیک زوجهد تدارک
واعطاسیله تزویج اولمش لردر و براز وقت مرورنده مذکور اوچ فرقه
رؤساسندن ایکسی فوت اولغله اوچی برلشدیریلسوب امر اداره لری
قلان رئیسه احاله قلمشدر

ابتدا چینه کلان اشبو اهل اسلام سنی المذهب اولوب کرک بونلرک
نسلی و کرک دلالتلریله اهالی چیندن ایتدا ایدنلر حالا بو
مذهبده درلر

چینده یوز سنه دنبرو شیعه مذهبی دخی ظهور ایدوب فقط الان ندرت
اوزره اولدیغندن پکینده بولنان یکر می جامعدن یالکز ایکسی مذهب
مذکور اربانه مخصوصدر اهل سنت یدنده مذهب حنفیده بر چوق
عربی فقه کابیری کوردن بو کابلرک اکثریسی ممالک سائرده یارلش

نسخ صحیح و نفسیه اولوب فقط ارقام صحیف و امثالی دیاته متعلق
اولیان بعض اشاراتی چین حروفیه محرر در
شوراسی جای دقت و تعجب در که عرب لسانک تعلم چون چین لسانی
اوزره صرف و نحو و لغته دائر هیچ بر کتاب تألیف اولمیب لسان
عرب مقدماتی ساده عربی کابلرله مجرد السنه دن تلقی و تعلم اولنور
و بو صورتله قرآن کریم تلاوتی بش اون سنه یه متوقف اولدیغندن
اهل اسلامدن بونی قرائت ایده ییلانلرک نادر در عرب لسانک
اولوجهله مثبت صحیف آثار اولدیغی حالد منسی و متروک اولماینه
سبب دخی عربستاندن و یاخود عرب لسانی تکلم اولنور دیگر بعض
مملکتلردن اراقده علما و فقهای اسلامک اورایه تواریدر الحاله هذه
چینده بولنان علماک بر ثلثی و یاخود بر ربعی اولوجهله خارجدن کلمه
اولوب حتی مسلمان چینلوردن بش اونی برارایه کلدکری حالد
ایچلرنده صاری یه میال عرب چهره سی و حجاز و یمن و عمان طرفلری
اهالسنه مخصوص اسمر سیم مشاهده اولنور چین لسانده حروف
عریه دن بر قاجی نقصان اولدیغندن قرآن کریمی ایوجه تلفظ
ایده منزل و کرک مصحف شریفی و کرک دیاته متعلق کتب معتبره
عریه یی چین لسانه ترجمه ایتموب اصلی اوزره ابقا و قرائت ایدرلر
و حق تعالی یه چین لسانی اوزره صاحب و افندی معناسنی متضمن
(چی) دخی دیرلر ایسه ده علی العموم الله لفظه جلالانی استعمال ایدرلر
چین اهل اسلامک کافه عربی اوله رق برر مسلمان اسملری و ارایسه ده
بونک تلفظنده انلرجه درکار اولان ثقلته مبنی اکثریا چینجه اولان
اسملریله چاغریلورلر و حتی اوراده تمکن ایدن اجانب دخی شو محذوره
مبنی برر چین اسمی اتخاذینه مجبور اولورلر

جوامع شریفده چینجه یازول اولوب بونلر بعض آیت قرآنیه مضامین شریفه سی نو عا متضمن ایسه ده معنای مطابقه نك بولسان ایله کرکی کی افاده سی ممکن اوله مدیخی اکلاشیلور

ائمہ اسلام خانه لرنده اعیاد و مواسم رسمیه و اوقات صلوتی مبین چین و عرب لسانلری اوزره سال تقویملری کوردن اشبو تقویملرک بالاسنده شروط خمسہ اسلامیه دن صوم زکوة صلوٰۃ کلمہ شهادت اولق اوزره یالکز دردی محرر اولوب بشجیسی اولان حج مسطور اولدیغندن بونک سببی بعض علماسندن سؤال ایتدی کیمده حجازک زیاده بعدی و سفر نك صعوبت و کلفتی جه نیله بو فریضه نك ایفاسی کندولرنجه همان درجه استحاله ده بولندیغندن حسب الضروره شرط مذکورک اسقاط اولندیغنی بیان ایلدی اشبو تقویملر پکینده طبع اولوب اورادن کافه جوامع شریفه ارسال اولنور

چین اهل اسلامیه ممالک سائر مسلمانلری بیننده شعائر وادات دینییه جه بر فرق اولیوب انجق چینده جنازه تابوتلرینک الت طرفی کینک کی اچیلوب قیانور و تابوتی درت کشی اوموزلرنده ککوتوروب مزاره واردقلرنده الت قیانی اچیله رق جنازه طوغریجه قبرک ایچنه ایندیریلور چینده بولنان جوامع شریفه نك علی العموم نظافت و حسن انتظامنه اعنا اولوب شکل و هیئتلی دخی ممالک سائر جوامعندن چوق فرقلی دکلدر واکریسنده مناره یه مشابه چارکوشه الحقیق قله لر وارد فقط اذان بونلرک اوزرنده اوقونمق عادت اولیوب جامع حولیسنده و یاخود دروننده اقامه اولنور

اکر جوامع قبولی اوزرنده (خوای خوی ژانغ) الفاظی محرر اولوب بونک معناسی دخی خوای خری یعنی اسلام جمعیکاهی دیمکدر چینده

مسلمانره (خوای چو) و بعضی کره (یکا او من) تسمیه اولنور ایسه ده
کندو یینلرنده مسلمانی دیرلر

چینده مسلمانلر باشلرینه نصف کره شکلنده مائی و یاخود بیاض رنگده
کوچک طاقیه کبوب بونکله بتپرستلردن تمیز ایدرلر فقط بن هیچ
بیاض طاقیه کینلره تصادف ایتمدم بالجه اهل اسلام خانه لرنده ابدست
المغه مخصوص ابر یقلر بولنور

چین لساننده جوامع شریفیه (لی پاسو) تسمیه اولنوب معناسی هفته
عبادتخانه سی دیمکدر و مسلمانلر بو کاله حقیقی معبدی معناسی متضمن
(تسین چن سو) اطلاق ایدرلر علما و فقهای اسلامیه (لا او
چوقو) عنوانی و یریلوب معناسی خواجه پیر دیمکدر اشبو عنوان
چینلور عذنده زیاده تعظیمی متضمن اولوب بعضی کره بابا دخی دیرلر
معلوم اولدیغی ارزره اشبو بابا و یاخود پایاکله سی همان کافه ملل و اقوام
ییننده پدر معناسنه مستعملدر

(منیف)

(صوده بوغلانلرک صورت مداوات و استخلاصی) (مابعد)

غریقلر حقنده اتخاذه و اجرایی لازم کولان تدابیر و معالجاتی بیاندن
اول بر غریق صو ایچنده تقدیر مدت قالدقد نص کره دیر یله ییلوب نوقت
حیاتندن قطع امید اولنق لازم کله جکی و غریقک قارننه کیرن صو
موتنه سبب مستقل عد اولنوب اولنه میه جغی مسئله لرینه دائر
بعض تحقیقاتک افاده سی مناسب کورلشدر

ایکی

ایکی اوج ساعت صو ایچنده قالدقدن وحتی کندولرنده بر چوق موت علامتلی مشاهده اولندقدنصکره دیرلش اولان نیچه غریقلر کورلدیکی رسیده رتبه تحقیق اولوب حتی پارس دولت کتبخانه سی ناظری موسیو تیلازیوس بر قادین حقنده یازوب نشر ایلدیکی رساله ده مر قومه نك اوج کون صو ایچنده قالدقدنصکره دیرلش اولدیغنی و اقادی اعضاسندن موسیو دکل طقوز ساعت صو ایچنده قالمش و دفنی ایچون پاپاسلر حاضرلنش اولان اسویجره لو بر شخصی بعض تدابیر و معالجات ایله دیرلش ایدوکنی و موسیو قسورام قولونیا پسقیوسنك یکنی اون اوج ساعت و مونتیله دار الفونی معلمی موسیو دوو وواژ بر قادیك اون ساعت صو ایچنده قالدقدنصکره دیرلدیکنی رای العین مشهورلی اولیق اوزره روایت ایلشلردر بونلرك امثالی روایات يك چوق اولوب راویلیری دخی ثقاتدن ایسه ده بونلر فوق العاده عد اولنور موسیو پیا ایله لوندره جمعیتك تحقیققرینه کوره بر ادم صو ایچنده اوج چاریکدن زیاده قالمش ایسه انجق اولوقت حیاتندن قطع امید اولنق لازم کلور فقط بر چاریکدن زیاده صو ایچنده قانلرك تخلیصی نادراندن اولغله عندالاطبا یارم ساعت صو ایچنده قالمش بر غریقك بر قاعده حیاتندن قطع امید اولنور

بر غریقده نقدر زمان اثر حیات باقی قاله جغی بحشه کلنجسه غریقك وجودنده صلابت موت مشاهده اولندقجه یعنی دیگر بر سبيله وفات ایدن بر شخصك جسدینه عارض اولان قنیلق کورلدکجه معالجات لازمه دن صرف نظر اولنماسی و جسد تعفن ایتمدکجه دفن ایتدیرلماسی بین الاطبا متفق علیه اولان مسائلدنر بنابرین بر غریق حقنده اتخوذ اولنان تدابیر و عملیاتدن چارچابك اوصانلما ملیدر زیرا طبیعیه

و یا خود مداوات واقعه ثمره سی اوله رق قضانك وقوعندن یکر می درت
 ساعت و دهها زیاده صکره دیرلش پك چوق غریق کورلشدر
 غریقك سبب موتی ماده سنده اطباءى عصرك بعض تفرعاتجه رایلی
 مختلف ایسه ده عند الجمهور مقبول و معتبر و با خصوص یقین وقتلرده
 وقوعبولان تجارب و تدقیقات ایله ثابت اولدیغنه کوره بر غریقك سبب موتی
 تارینه کیرن صوا اولیوب بلکه جکرده بولنان هوایه عارض اولان فساددر
 قدما صویه غرق اولانرك وفاتی مجرد قارنلرینه کیدن صویه اسناد
 ایتدکلرندن دیگر برشی دوشمنیوب مجرد بوضوی چیقارمغه چالبشورلرایدی
 غریقلی ایقلرندن اعماق و ایکی طرفی اچق بر فوجی درونه قویه رق
 یواراق مثللو الیوم بو طرفلرده جاری اولان اصول مقدملری کافه ملل
 و اقوام بیننده مرعی و معتبر اوله رق حتی اطباءن بعضیلریدیخی بوکا
 قائل ایدیلر فقط ازمنه اخیرده اصول مذکوزه اوروپانك هر طرفنده
 ترك اولنه رق یرینه تدابیر صائبه اتخاذ اولنش اولدیغی حالده اصول مضرة
 مز بورهك الی یومنا هذابو طرفلرده بقاسی تأسف اولنه جق حالاتنددر
 اطباءى مملكتك شو حالى مشاهده ایدرك سكوت ایلملری روا دکلدر بو
 بابده خلقك جهالتی مسلم اولغله اصول مذکورده دن نشأت
 ایدن مصائبدن دنیوی و اخروی اطباءى مومى الیهم مسئوولدر
 عصر مزك واصل اولدیغی مرتبه تربیه و مدنیت مناسب تدابیر
 دوشونوب اجراسنی طرف حکومه تکلیف و مخصوص تنبیهامله لر
 نشریله خلق حقیقت حالدن اکاه ایلك مجلس طبیهك و ظائف
 معتنا بهاسندندر

حسب الانسانیه جرح و ابطالی لازمه دن اولان و مدنیت
 حاضریه بروجمله یاقشمنیوب ممالك سائرده چوقدن ترك اولنان بویه

اصول عتيقه ك اثبات بطلانی و اصول جدیده اوزره تشكيل و تأسیس
اولان جمعيات و خسته خانه لرك فوائد و محسناتی بیانی حقنده بو قدرله
اكتفا اولندرق صوده بوغلانلرك تخلصی ضمننده اجراسی لازم كلان
تدابیر و معالجاك بیانه شروع اولنور

يك سكر يوز الی سنه ميلاديه سنده پارس ضبطیه نظارتی جانبندن
قلمه النوب نشر اولنان تعليمات خلقه تفهیمی لازم كلان ماده لری
شامل اولديغندن و بزم دخی مراد من اطبايه تعريف و تعليم اوليوب يالكر
عموم ناسه بعض مرتبه معلومات و یرمك قضیه سندن عبارت بولنديغندن
تعليمات مذكوره خلاصه مالنك بروجه آتی درج و تحریری مناسب
كورلمشدر

(صوده بوغلیوب نفسی طيقانمش و نبضی حرکتدن قالمش اولنلر حقنده
اتخاذی لازم كلان تدابيره دائر تعليماتدر)

ربحی ماده نفسی طيقانوب نبضی حرکتدن قالمش اولنلر حقیقه وفات
ایتمش اوليوب بونلرك شو حالنه موت ظاهری تعبیر اولنور
ایکنجی ماده علم طبه وقوفی اولیانلر موت حقیقی ایله موت ظاهری یی
انجق جسد نوقت تعفن ایدرسه اولوقت فرق ایده ییلورلر یعنی طبیب
اولیانلر بر غربقك وفات ایتدیکنه جسدی نوقت تعفن ایدرسه اول
وقت حکم ایتلیدرلر

اوچنجی ماده چهره ك قزلغی و منکشه رنگنده اولسی و سیاهلغی
و وجودك صغوقلغی و اعضا ك قتیلغی و اوپوشقلغی دائماً موت
حقیقی علامات صحیحه سی عد اولنه من

دردنجی ماده بناء علیه صوده بوغلمش و یاخود بشقه بریرده قاله رق
نفسی طيقانوب نبضی حرکتدن قالمش بر شخصك جسدنده موت

حقیقتیک علامت صحیحہ سی اولان اثر تعفن اولدقجه صوا ایچند
نقدر مدت قالمش اولورسه اولسون اول شخص حقندہ مداوات

لازمہ اجراسندن کیر و طورلما لیدر

بشچی ماده صوده بو غلمش و سائر سیدله نفسی طیقانوب نبضی
حرکتدن قالمش اولئر حقندہ اتخاذ اولنه جق تدابیر و عملیاتی ایشکذار
اولان هر بر شخص اجرا ایده یلور فقط نتیجه مطلوبه یه وصول
ایچون اشبو تدابیرک علی التوالی بر قاچ ساعت اجراسنه دوام اولنسی
لازمہ دندر الی ساعت و دهها زیاده جالشلد قد نصکره دیرلش اولان پک

چوق غریق کورلمشدر

التنجی ماده بو غلمش و نفسی طوتیلوب نبضی حرکتدن قالمش اولان
بر شخصه تداوی اولنه جغی وقت یاننده غلبه لک و ارایسه دفع اولنق
وانجق خدمت ایده جکر قالمق لازمدر خدمت مذکوره ایچون دخی
بش الی ادم کفایت ایدوب بوندن زیاده سنک فائده سی اوله میده جغندن

بشقه اکثرا ضرری کوریلور

یدنجی ماده غریقلرک یاتریلوب تداوی اولنه جق قری پر زیاده صیجاق
اولما لیدر یوز درجه یه منقسم اولان میزان الحراره حسابنجه اون یدی
درجه و سکسان درجه یه منقسم اولانی حسابنجه اون درت درجه
صیجاقلق کافیدر و اجرا اولنه جق تدابیر و عملیاته استعجال اولنمبوب
آهسته آهسته و نظام اوزره اجرا قلملیدر

سکزنجی ماده بر غریق صودن چیقارلمسیله برابر صاغ طرفنه یاتریلوب
آلندن طوته رق باشنی اشاغی یه طوغری براز اکوب و یوا شبحه چکهر لینی
آچوب بو صورته اغزندن و بورزندن کیرمش اولسی محتمل اولان صویک
طیشار و چیقمسی تسهیل اولنماید ر صوبی لایقیله چیقارمق ایچون بر

قاچ دفعه غریقک باشنی جسدندن دها الحیق محله وضع ایتمک دخی
اوله بیلور فقط هر دفعه ده غریقک باشی بو حال اوزره بر قاچ ثانیه دن
زیاده طور دیرلماق لازمدر

طغوزنجی ماده ماده سابقه ده محرراولوب بر دقیقه دن زیاده سورمیه جک
اولان عملیات اثناسنده غریقک بطن اسفل و کوسنک ایکی طرفی
اهسته اهسته و نوبته اشغیدن یوقاری یه طوغری اوغوشدیریلهرق
تنفس اولندیغی وقت عضوین مذکورین نصل حرکت ایدر ایسه
اولوجهله حرکت ایتدیرلملیدر

اونجی ماده عملیات مذکورمک اجرا سندنصکره غریق درحال کچه
و کلیم مثلور برشی و بونلر بولمز ایسه صمان و یاخود یولاف ایچنه
قوبله رق موسمک اقتصاصنه کوره یعنی هوا صغوق ایسه زیاده جه
دکل ایسه خنیفجه اورتیلوب صارلمسی و خسته خانه یه نقلنده دخی
شوقاعده یه رعایت اولنمسی اقتضا ایدر خسته خانه یه وارنجیه دکین غریقک
باشیله صدری اعضای سائر سندن یوکسکجه اولیق اوزره وضع
اولنمسنه و باشی سربست براغیله رق یوزی آچیق بولنمسنه ایوجه
دقت اولنه جقدر

اون برنجی ماده بر غریقک همان خسته خانه یه وصولی انده ممکن مرتبه
سرعتله البسه سی چیقاریله جق و وجودی قوریدیلهرق یوکدن معمول
بر کوملاک کیدیریله جک و یاخود بر احرامه صاریله جقدر باشنه دخی بر
یوک طاقیه کیدیرلد کدنصکره یواش یواش صمان و یاخود یوک طولو
بر شیلته اوزرینه یاتریلوب الته و اوسننه یوکدن معمول بر فانیله
یورغان وضع اولنه جقدر

اون ایکنجی ماده برو یاخود ایکی دفعه دها غریق صاغ طرفنه

یا تر یلوب قارنده کی صوی طیشارو چیقارمق ایچون آکنندن طوئیه رق
باشی براز اشانی یه اکلیدر اگر بو حالدده غریق غریق قارندن صو وکوپک
و یاخود سائر مواد بلغمیه دن برشی چیقمن ایسه فعل مذکوری تکرار
ایمک عبث اولور فقط اگر بلغمه مشابه بعض ماده لر چیقوبده تکلفی
اقدیغی مشاهده اولور ایسه پرمقله و یا برتوی قلم ریشه سیله و یاخود
دلبد صارلمش برچوپ ایله جریانی تسهیل اولملیدر

اون اوچنجی ماده هر اون بش ثابده برکزه غریق صدري و بطنی
اوشدیرله رق تنفس ایدرکن عضوین مذکورین نصل حرکت
ایدر ایسه او یله جه حرکت ایدیرملیدر اون بش یکر می کره عضوین
مذکورین بر منوال محرر تحریک اولندقدن صکره اون دقیقه قدر توقف
ایدوب ینه اوغوشدیرلغه باشلاملی و بوضورتله بر تاج دفعه تکرار اولملیدر
و غریق اغزندن الت مخصوصه و یاخود عادی بر بوری ایله جکرینه
هوا اوفورملیدر

اون دردنجی ماده غریق نفس المغه باشلادیغی حس اولندیغی انده
تنفس ایده بیلیمسیچون استعمال اولنان عملیات مشروحه در عقب
ترك اولملیدر

اون بشنجی ماده اگر چکدر قبالو ایسه زورلیه رق یواش یواش بر
تخته ایله اچق مناسب اولور اچدقدن صکره تکرار قیانماق ایچون
دیشلرک اراسنه بر مقدار بز و یاخود یومشاق بر تخته پارچه سی قصدیرملیدر
اون التجی ماده عملیات مشروحه نك اجرایی اشناسنده غریق
جسدنی ایصتمق ایچون اقتضا ایدن شیلرک استحضار یله اوغراشیله جقدر
مثلا بویله شیلرده استعمال اولنور بر قاب ایچنه بر مقدار صیجاق
صوقویوب غریق اوزرنده اورتیلی اولان یورغانک اوسنندن غریق

صدری و بطن اسفلی و بیل کککری اوزرلنده طولاشدیر یله جق و معدنهك چقور یله قولتقلرك بولم یرلری اوزرلنده اعضای سائرهدن زیاده طور دیر یله جقدر

اون یدنجی ماده بر غریقك وجودینی تسخین ایچون نصل اصول استعمال اولنورسه اولنسون موسك اقتضاسنه کوره حرکت اولمایدیر یعنی هوا صیجاق اولور ایسه زیاده تسخین اولنمیوب قیش موسمنده و باخصوص صوتوکه جق قدر صغوق اولان کونلرده کرکی کبی دقت اولنق و وجود ایوجه تسخین ایدلک لازمدر فقط هیچ بروقتده بر غریقك وجودی خصوصاً صودن یکی چیقارلش اولدیغی وقت یوز درجه یه منقسم اولان میزان الحاره حسابجه اوتوز بش درجه دن زیاده ایصدلماسنه دقت اولمایدیر

ون سکزنجی ماده بر غریقك وجودینی ایصتق و تنفس ایتدیر مک ایچون لازم کلان تدابیر و عملیات ایجرا صره سنده بجاقلریله قوللری و باخصوص بیل کککریك و قلبك اوزری و ایاقلریك التیله اللریك ایه سی بر یوك فانیله پارچه سیله دلك اولمایدیر اون التنجی ماده ده ذکر اولنان صیجاق صوتو غریقك اعضاسی اوسننده کزدیرلدیکی ائنده کذلک بر یوك فانیله پارچه سیله معدنهك چقور یرینی و جسدینك یانلرینی و قارنی و بوکرلرینی دخی دلك ایملک اوله بیلور

اون طقوزنجی ماده اگر غریقده اثر حیات حس اولنور ایسه دلك و وجودی تسخین اولنمغه مداومت اولنلی و تنفسه میل کورلیدیکی انده صدری و بطن اسفلی صیقیله رق حرکتلرینه مانع اوله جق و تنفسجه زحمت ویره جك عملیات در عقب ترك قلملایدیر

یکر منجی ماده غریقده اثر حیات کله رك تنفسه چبالدیغی ائنده استفراغه

میل کوریلور ایسه بر توی قلم صایله بوغازینه طوقنیه رق استفراغی
تعجیل اولمق لازمدر

یکرمی برنجی ماده عقلی باشنده کلزدن و سهولته بلعه استعداد حاصل
اولزدن اول غریقه هیچ برشی ایچورلیه جکدر بونکله برابر غریقه
قوت کیک ایچون اغزینه بر قاج طمله عادی و یاخود کافورلی عرق
و ملبسا یعنی اوغل اونی صوی و قولونیا صوی طملا دلسی فائده دن
خالی دکلدن

یکرمی ایکنجی ماده اگر غریق قارنی کرلش ایسه ایلیق صوایله
احتقان اولنور و احتقانه قوللانیله جق صویک ایچنه بریمک قاشغی
طولوسی طوز قونیلوب اریدیلور

یکرمی اوچنجی ماده مواد سابقده محرر عملیات دوام اوزره یارم ساعت
اجرا اولندیغی حالده غریقده اثر حیات مشاهده اولمیبوب طبیب دخی
هنوز کلامش ایسه اولوقت غریق مقعدندن توتون دومانى اوفورلک
اصولی اجرا قلنور و بونک ایچون مخصوص الت موجود بولمز ایسه
اول تقدیرده ایکی عدد چبوق استعمال اولنور شوبله که چبوغک بریسنگ
لوله سی توتون ایله طولدیریلوب و یا قیلوب دیگر اوجی غریق مقعدینه
ادخال اولنور و اوتکی چبوغک لوله سی بوش اولدیغی حالده طول
لوله ناک اوزرینه قیانیلوب بو ایکنجی چبوغک اغزندن اوفورلکه
باشلنیلور بو صورتده یانان چبوغک دومانى طپشارو چیقیمیوب غریق
بطننه کیدر واشبو توتون اوفورله بهر دفعه بر و یاخود نهایت ایکی
دقیقه قدر ممتد اولوب هیچ بروقتده غریق قارنی شیشوب قباره جوق
و کريله جک مرتبه یه وارلیه جقدر و بو صورتله توتون اوفورله ه
چاریک ساعتده بر دفعه تکرار اولمق اوزره یر قاج دفعه اجر
قلنه جقدر

قلنه جقدر و هر دفعه توتون او فوراد کد نصکره غریق بطن اسفل
یوقاریدن اشغی به طوغری بر قاج دفعه خفیهجه اوغوشد یریه جقدر
ویکیدن توتون او فوراد که باشلا مزدن اول غریق باغرسقارینه زیادهجه
کیرمش اولسی محتمل اولان هوا و یاخود توتون دوماننک بر شرتقه
ایله اخراجی لازمه دندر

یکرمی دردنجی ماده غریقه حیات کلد کد نصکره تسخین اولمش بر
یتاغک ایچنه یاتریله جق و استراحت ایتک اوزره بر ایکی ساعت کندی
حاله براغیله جق و اگر حاضر بر یتاق بولنه مز ایسه صفوقدن
محافظه اولنهرق درحال خسته خانه یه نقل و ایصال قله جقدر اگر
غریقک چهره سی بولندیغی صار یاق حالندن او یقو اراسنده زیاده
رنکلمنکه باشلار و او یاندیرلدیغی صورتده در عقبینه بین النوم والیقظه
بر حاله او غرار ایسه اول تقدیرده غریقک اوموزلری اراسنه و او یلقارینک
وبالذیرلرینک ایچ طرفنه ایلیق صوایله اون و خردلدن مرکب لایه لر
و هر بر قولاغنک ارقه سنه التیدن سکره قدر سلوک یاشد یریه جقدر
فقط سلوک یاشد یرلسی طبیب حاضر اولدقجه اجرا اولنه مز چونکه
غریقدن تان چیقارمق لازمیدر و نره سندن و نصورتله و تقدیر
چیقارلملیدر بورالرینی انجق طبیب اولان فهم و تمیز ایده بیلور

اشبو تعلیمات السنه متعدیه ترجمه اولنهرق کراراً و مراراً خلقه
نسر و اعلان قلمسی و بوغاز ایچنده و اطه لده و سائر لازم کلان
محللرده غریقله مخصوص خسته خانه لر تأسیسی ایچون طرف حکومتدن
استحصال مساعده اولنسی و مذکور خسته خانه لره لزومی اولان آلات
و ادوات تدارک اولنوب خسته خانه لر کیجه و کوندز اچیق بولندیلسی
و ایچلرنده دائماً بر نوبتی بکلدیلسی و بر غریق قورتارن و یاردم

ایدنلره مکافات تخصیص قلمسی و خلاصه جانب حکومته تبلیغی
 لازم کلان کیفیاتك اخطاریله برابر بویابده خلقجه دخی هر درلو
 تشویقات و ترغیبات اجرایی خصـوصـلرینه مجلس طبیه طرفندن
 همت اولنور ایسه و ظائف ترتبه سنی ایفا ایله برابر مدنیت و انسانیتـه
 بیـوک بر خدمت ایتش اوله رق جله نك تشکر و ممنونیتـه مظهر
 اوله جغی درکاردر

(قدری)

(دار الفنون درسلی)

دار الفنونده کشاد اولمش اولان حکمت طبیعیه درسی دوام ایدوب عامه
 طرفندن دخی حسن تلقی و تدریسه اقدام اولمقده در هر دفعه سنده
 وکلای عظام و مأمورین کرام سلطنت سیده دن خیلی ذوات تشویقاً
 للعلوم درس مذکور استماعنه رغبت بیوردقلری مثلاً ماه حاک اوچنجی
 بازار ایرتسی کونی ذات والای سپهسالاری ابهتلو دولتو فواد پاشا
 حضرتلری دخی تشریفه همتـه درسك ختامنده حکمت طبیعیه جدیدـه نك
 درجه اعتبار و اهمیتنی بیان و مدرس پاشا حضرتلرینك شو همتلرینی
 ثنا واستحسان معرضنده اتی الذکر مقاله بلیغه یی ایراد و اتیان بیورمشلردر
 «حق تعالی حضرتلری رب العالمین اولدیغندن نعم و احسانی کافه
 عبادینه شامل اولدیغی کبی دولتک وظیفه سی دخی هر کونه نعمتی کافه
 تبعه سنده منساریاً و تعمیماً ایصال ایلکدر اک بیوک نعمت علم و معرفت
 اولدیغندن بونک بو صورتله دخی نشری ضمیمه و قوعبولان هم سنیـه
 ایچون

ایچون پک بیوک تشکر لری ایتلیز بوراده تدریس و تعلیم اولنان فنه حکمت طبعیه دینور ایسده حقیقته حکمت الهیه درزیرا بزم عجز مزك بیه بیه جکی مرتبه ده معرفت الهیه یی کوستر حکمت بوکا بر آلت و واسطه اولوب حکمت قدیمه ایله حکمت جدیده نك فرقی ایسه یلکن کبسیله واپورك فرقی کبیدر صکره کی ایله منزل مقصوده دها ازمانده مواصلت اولنور بونی تدریسه همت ایدن ذاته دخی مخصوص تشکر ایدرز کندولری مراتب عالیة دولتدن بر درجه رفیعده بولندقلری حالده رتبة العلم اعلى الرتب اثرینی قعلاً کوستر مشلردر واسکی وقتلرده مراتب عالیده بولنان اکا بر علما خدمات رسمیه یی ترك ایتدکلری وقت مدارسده نشر علوم ایلدکلری معلوم اولدیغندن انلرك اثرینه اتباع ایلشلردر»

معلوم اولدیغی اوزره درس مذکورك کشادی مشار الیه حضر تلرینك هنکام صدارتلرنده منصفه پیرای ظهـور اولان اثار خیریه دن بریسی اولوب بو وجهله دخی وقوعبولان همتلری بر قاتدها جای تشکر و محبت بولمشدر

ماه حالك یکر می اوچنجی پنجشنبه کونی ذات والای صدارتپناهی دخی تنزلاً تشریفده همت و بو وجهله کرک مدرس و کرک مستمعینی حائز نصاب فخر و مسرت بیورمشلردر

مقدما آرزو ایتدی کمز وجهله بودفعه اصحاب اهلیت و اقتداردن بعض ذوات مشار الیه درویش پاشا حضرتلرینك اثرینه اقتفا ایلشلردر دیوان محاسبات رئیس عطوفتلو احمد وفیق افندی حضرتلری تاریخ عمومی و مجلس تحقیق رئیس سعادتالوصالح افندی حضرتلری دخی علم موالید درس‌لری اعطاسنه نیت ایدرك وقوعبولان استعدا لری

اوزرینه اراده سنیة حضرت پادشاهی دخی شرفتعلق بیورمش اولمغله
 ماه حالك یکر می التجی جمعه ایرتسی علم موالید و فرداسی بازار کونی
 تاریخ عمومی درسنه بدأ و مباشرت قلمش و اشبو درسارده دخی ایکی
 اوچیوز قدر مستمع حاضر بولنوب کمال رغبت و دقت ایله استماع اولمشد
 مشار الیهما حضراتنک ایکبسنک دخی اهلیت و اقتدارلری مسلم اولوب
 بالخصوص تدریسی درعهده بیورمش اولدقلری فنونده ید طولای
 بولندیغندن شو امر خیرک حسن ایفاسیله بین العموم نشر انوار علم
 و عرفانه موفق اوله جقلری مجزومدر

وکلا و مأمورین سلطنت سنیه محمول دوش هملری اولان بارکران
 مأموریتدن فضله اوله رق عزت و ذلتلری کندولرینه عائد اولان
 صنوف تبعه شاهانهک توسیع دائره معلوماتلری حقنده بو وجهه
 بعضلری بالذات تدریس ایله اختیار کلفت و بعضلری مجرد عامه یه موجب
 شوق و غیرت اولق اوزره استماعنه رغبت بیورملری طوغریسی یقین و قنلرده
 امثالی نامسبوق بر حرکت پرفیض و مسعدت اولدیغی درکاردر
 اشبو تشبثات خیرییهک مملکت حقنده نه درجه فوائد عظمایی منتج
 اوله جغی شویله طورسون شو حال الیوم سرکارده بولنان ذواتک
 علی العموم علم و عرفان صاحبی و یا خود محب و طالبی اولدیغنه دال
 اولوب بو دخی جمله من حقنده موجب ممنونیت اوله جق بر نعمت
 جلیله در چونکه شو زمانده اعصار سابقهده اوله ییلدبکی مثال و اداره
 امور دولت یدنا اهل جهلاده قاله میوب مطلقا بعض فنون مشوعه یه
 و بالخصوص اصول اداره ملکیه و مناسبات دولیه یه مطلع ذواتک
 سرکارده بولنسی لابد اولدیغندن هیئت حاضرهک اولو جهله
 مقتضیات عصره مطابقی شایان تشکر و محمادت مواد دندر
 (منیف)

(لزوم سعی و عمل)

اشرف مخلوقات اولان نوع انسان کندوسنک زه دن کلوب زهیه
 کیتدیکنی ادراکدن عاجز اولدیغی عالده هر درلو علوم و معارفدن
 بی بهره و مدار تعیش و استراحتی اوله جق مال و منالدن تهی دست
 اوله رق قدمه ساحه وجود اولوب نیک و بدی و بیاض و سوادى فرق
 و تمیز ایدنجیه قدر اغوش پدرومادرده نشو و نما بولور ایسه ده سنی
 ایلر اولدجکه فطرت ذاتیه سنده موجود اولان امال و مطالب برر بر
 سر نمای ظهور اوله رق مایه تعیش و تلذذی اولان بر طاقم شیلرک
 تدارک و استحصالنه مباشرت ایدر انجق بونلرک اکثریسنه بالسهموله
 دسترس اوله میه جغندن مطلبوبی اولان شیلرک هیچ برینه مانک
 و متصرف اولیوب صفر الید اوله رق دنیایه کلمش اولدیغنی اولوقت
 حس ایله دریای فکر و حیرته طالر فقط بر طرفدن تجربه و معلوماتنک
 نقصانیت و دیگر طرفدن ایچنده بولندیغنی جمعیت بشریه نک صوری
 و معنوی تابع اولدیغنی قوانین طبیعیه نک احکام جاریه سی مجهولی
 اولدیغنی جهته بازار عالمده تد اول ایدن نقود معنوییه اهمیت
 و یرمیه رک موجودی صرفه اغاز ایدر و بونک عدم کفایتی حالنده سو
 طالغنک تا ثیراته عز و اسناد ایلر بیلز که هر نوع اسباب رفاه و ثروت
 بر درلو مبادله طریقله حصولپذیر اولدیغندن تهی دست اوله رق عازم
 بازار اولنلرک ینه او یله جه عودت ایتملی لازم کلور
 احتیاجات جسمانیه و روحانیه مزى دافع اولسق اوزره بشقه رک
 ید تصرفنده کوردیکمز شیلرک کافه سی سعی و عمله وجوده کلمش
 اولدیغندن اخذ و استعمالی کذلک سعی و عمله موقوفدرکه سالف الذکر
 نقود معنویه بوندن عبارتدر

جمعیت بشریه نك افرادی بیننده جریان ایدن معاملات داد و ستد صورتده اچقه اطلاق اولنان زروسیم مسکوکات ایله اجرا اولنورایسه ده حقیقتده اشبو نقود معنویه ایله تسویه قلمور بنأ علیه کشینك کپسه اقتدارى نقود معنوبه دن تهی اولدیغی حالده حوا یجنك تحصیل و تدارکنه دسترس اوله من مکرکه وقتیه امك صرفیه قزانلمش اولان نقود و املاکه مالک اوله

ایمدی کرک حوا یج ضروریه و کرک غبیه ضروریه منك استحصالی امرنده نوع بنی ادمه لازم اولان (سعی و عمل) اولوب یوخسه عمر و زیدك و هم و قیاس ایتدکلری مسکوکات جاریه دکلر چونکه مسکوکات مجرد سعی و عمل مقابلنده قزانلمش برسرمايه دیمك اولدیغندن خرج اولنوب بتدکده بشقه سنك تحصیلی مطلقا سعی و عمله محتاج اولدیغی و بنأ علیه افراد بشرک سعی و عملسن رفاه و اسایش حال استحصالی ممکن اوله میه جغی قضایای مسئله دندرانکلتره و فرانسه ده پاموغنك قلمندن ناشی ایشسنز قالمش اولان بو قدر بیک عمله نك دوچار اولدقلری حال فقر و مذلت بو بابه صدق مدعايه اوضح دلایل اولوب عمله مذکورمنك تخفیف بارکران سفالتی صمننده اصحاب خیرات طرفندن شمدی یه قدر وقوع و بولان معاونات کلیه ترفیه حالترینه مدار اوله مامشدر اشبو سعی و عمل دخی هر نقدر قاعده عقل و حکمته توفیقا اجرا اولنورایسه اصحابنك مقاصد و آمالی او قدر سهولته حصول پذیر اولور شویله که انسان مهتد دن حده وارنجیه قدر انواع احتیاجاته مظهر اولوب بونلرک دفعی امرنده صرف ما حصل اقتدار ایتسی لازمه دن ایسه ده قوای جسمانیه و روحانیه سنه تقویت و یرمدکجه بوجه مطلوب مقصدینه دسترس اوله من نیچون بر جمال بر ساعتی قدر و بر قایقچی

فایده‌ی بر قیودان قدر صنعتن متمتع اوله من چونکه اسماری برنجی
مرتبه‌ده واقع اولنلرک صنعتلری یالکز قوه بدنیله ایله حصول پذیر اولوب
ایکنجی مرتبه‌ده واقع اولنلرک صنعتلری ایسه قوای بدنیله و عقلیه‌ک
انضامیه حاصل اولدیغندن بونلرک بالطبع او برلندن زیاده فائده منده
اوللری اقتضا ایدر

بناء علیه فراغ بال و رفاه حال استحصالی ارزوسنده بولنانلرک
وحدتده انیس و غمخوار و حال ضرورت و احتیاجده معین و غدارلری
اولان سعی و عمللرینک قدر و قیمتنی ارتر مغه یعنی صنعتلرینک اصلاحیه
زیاده متمتع ایلمک چالشوب اوتیه سنی تقدیرچی قدیره حواله ایتلیدرلر یوخسه
بن بابامدن و یا خود استادمدن بویله کوردم بویله یاپارم دیهرک علی‌العمیا
چالشوب اختراعات جدیدیه صرف افکار ایتمز ایسه عمری اولدقجه
کیجه کوندز چالشسه بابا و استادندن زیاده متمتع اوله میه جی اظهر
من الشمسدر

اخذوا عطا جمعیت بشریه ک اعضا و افرادینی یکدیگرینه ربط ایدر
بر مناسبت قویه تحدثنی و بو وجهله مدنیت و معموریتک توسع
و ترقیسنی مستلزم اولدیغندن بونک مشروعیتی و ارباب کاروکسبک
عنده مقبولیتی درکاردر

فوائد طرفینی مؤدی اولان تجارت علی‌العموم مشروع اولدیغی مثالو
بونک خلافتده وقوعه کلان هر نوع کار و کسب نامشروعدر چونکه
بر حال بر یوک نقلیه الیدیغی اجرتدن استفاده ایدوب بو صوره یوک
صاحبنک دخی ایشی کوریه جکندن طرفین متمتع و مستفید اولور
فقط بر سارق سرقت ایتدیکی اشیا دن طولای بعض مرتبه امک
صرف ایسه دخی سارقک شو منفعتی دیگرینک مضرتیه حصوله
ککش اولمسیله اولکبسی حلال و ایکنجیسی حرامدر

الحاصل انسانك عرق جبیني ايله كچنمسی مراد الهی اقتصاصندن
اولدیغندن هیچ بر شخصك بلا عذر شرعی همجنسناهال اچسی و کندوسی
بیهوده اضاعه اوقات ايله سائرلك کدیمینیه قزانلش شی ايله تعیش
ایلمسی جائز اولامیه جغنی مثلاً حواج ضروریه سندن معدود اولیان
موادك استحصالیچون لازم کلان کلفت وزجتدن اعراض و بو
وجهله حظوظات مشروعه دن نفسی محروم ایلمسی دخی اصول
مدنیته روا کوریه من زیرا انسان اعضاسندن بولندیغنی جمعیت
بشریه نك جائز اولدیغنی درجه مدنیتن از چوق متمتع اولوب بونك
او درجه یه وصول ایه همجنسی و بلکه انای وطنك سعی و همتیه
حصوله کلدیکندن بوکا مقابل كرك کندوسنه و كرك معاصر زینه
کوره توسیع دائره مدنیته خدمت ایلک مرتب ذمت فتوت و بو جهته
حواج غیر ضروریه تحصیل امرنده دوچار اوله جغنی کلفت و مشقتك
ترقی مدنیته و معیوریه وسیله اوله جغنی بیه رك بوندن استنکاف
ایلامسی مقتضای وظائف انسانیتدر

بیاندن مستغنی اولدیغنی اوزیه بر شئك اشتراسی مراد اولندقدیه
فیت حقیقه سی و رایج وقتی بیلنمز ایه بو ایشده ضررلی چیقلمق
اغلب احتمالدر اشته بو قبیلدن اوله رق ایچنده بولندیغمن بازار عالمده
دقیقه بدقیقه سرزده ظهور اولان افعال و معاملاتکده پ دادوستد دن
عبارتدر معلومات اوزرینه حل و عقد اولنه من سه مضرتی اصحابنه
عائد اوله جغنده اشیاه ایوقدر بو صورته ملحوظ اولان مضرتك منع
وقوعیچون هر کس متبصرانه حرکت ایتك استرایسه ده بوکا
موفقیت یالکز استعداد خداداد ايله ممکن اوله میوب مجرد فطرت
انسانیه ده مرکوز اولان قوای معنویه نك تربیه سیله حصوله کلور

بر حالت معنوی به متوقف در اشو حالت واسطه سیله هر کس دائره
وسع و اقتداریدن خارج کورینان معظیات اموره موفق اوله رق هم
کندوری نائل مرام اولور و همده بو وسیله ایله بنی نوعلریه
خدمت ایفا ایدرلر

(محمد شریف)

مترجم تقویم و قایع

(سرکی عمومی عثمانی)

ممالك محروسه شاهانه ده هر درلو حرف و صنایعك ترقی و توسعی
مقصد عالیه اشویك ایکی یوزیتش طقوز سنه سی ماه رمضان
شریفی غره سنده محمولات و مصنوعات داخلیه مخصوص
در سعادتده بر سرکی کشادینه اراده اصابتهاده حضرت شهر یاری
متعلق و شرف صدور بیوریلوب بونك حسن حصولی ضمنده اتخاذی
لازم کلان تدایرک تذکر و اجرایی حالا امور مالیه ناظری دولتلو
مصطفی پاشا حضرتلرینک ریاستی تحشده بر قومسیون عهدده سنه
حواله اولمش و اشو قومسیون طرفندن اولبابده قلمه النان تعلیمات
با امر نامه سامی ولایه عظام و متصرفین کرام و قائم مقاملر جانبده
کوندولمش ایدی مجرد ناظر مشار الیه حضرتلرینک اثر هم وطنپروریلری
اوله رق تسکلیلدن بر قومپانیا کچن جهادی الاخر اوانلنده سلطان
احمد جامع شریفی پیشکاهنده واقع ات میداننده اخشابدن جسیم
و مکلف بر چارشو انشاسنه مباشرت و وقتك غایت طارلخی جهتیه

زیاده اقدام و غیرت اولنه رق بو کره رهین حسن ختام اولمش و کرک
در سعادت ارباب صنایعی جانبدن و کرک ایالاتدن ورود ایدن هر نوع
محصولات ارضیه و صناعیه میدان مزبوره ناظر حریبه انبارلری
داخلنده محال مناسبه یه وضع اولنه رق اوراده اقتضاسی وجهله صنوف
متعدده یه بالتقسیم ترتیب و تنظیم اولمش اولغله بمنه تعالی بر منوال
محرر رمضان شریف ابتدا سنده سرکی مذکورک کشادی مقرر
بولمشدر

مذکور چارشونک ابتدا یالکز ممالک محروسه اشیا سنده مخصوص اولمش
اوزره یدی یک ارشون عرصه اوزرینه انشاسنده بداء اولمش ایسده خفی
اولمدیغی وجهله اوروپاده بخار قوتیه و دهها سائر صورتله اداره اولنور
سهل الاستعمال کونا کون آلات و ادوات اولوب بونلر واسطه سیله
حصواه کتوریلان امتعه ال ایله اعمال اولنان اشیا نك نصفی بهاسنه
و بلکه دهها اشاغییه چیقارلدیغی و با خصوص زراعت آلات و ادواتی
فوق الغایه فائده لو و قوللا نشلی بولمادیغی جهته امر زراعت
و صناعته ترقی سنده مدار اوله جق بو مثالو وسائل نافعته نك بولمادیلمسی
فوائد کلیه یی موجب اوله جی درکار اولغله ممالک اجنبیه اثار صناعیه سندن
او مقوله آلات و ادواتک دخی قبولنه مؤخرأ قرار ویرلش اولدیغندن
بونلر ایچون دخی مذکور چارشو اتصالنده و بشبیک ارشون اتساعنده
دیگر بر محل انشاسنه مباشرت اولنه رق بو دخی ختام پذیر اولمش
اوزره در

اشبو سرکی محارینک مصارف انشائییه سی اولان اوتوز بیك انگلیز
لیراسی مذکور قومپانیا طرفدن تسویه قلمش ایسده شو مصالحت
خیریه نك حسن حصولی ضمننده طرف سلطنت سنیه دن دخی هر
درلو

در لو مساعدده و فداکاری اختیار یورش اولدیغی مثالو کرک قوم و بیسونی
رئیس بولان پاشای مشار الیه حضرتلرینک و کرک اعضاسی اولان
ذوات کرامک مسلم و درکار اولان کمال رشد و رویتلرینه نظرا سرکینک
فوق المطلبوب صورت منتظمه و مستحسنه ده کوریه جکی مجزوم
بولنمیشدر

مذکور سرکی رمضان شریف ابتدا سنده کیشاد اولنه رق اوچ ماه
مرورنده یعنی شهر ذی الحجه غایه سنده قیانه جق و جمعه و بازار و بازار
ایرتسی و صالی و پنجشنبه کوناری ارکک و جمعه ایرتسی و چهارشنبه
کونری قادین سیرجیلره مخصوص ارله جقدر ادم باشنه جمعه و جمعه
ایرتسی کوناری الی و ایام ساروده اوچ غروش دخولیه اخذا و لنوب
بودخی سرکی محاکم انشاسیچین وقوع بولان مصارفه مقابل قومیا نیایه
عائد اوله جق و اشیا صاحب لریله و کیلاری دخولیه اعطا سندن معاف
بولنه جقدر اشیا موضوعه نك اوزر لرینه حصه و اه کلدیکی محل ایله
صاحب نك اسمنی و بهاسنی مبین بر ریافته ربط اوله جق و استنیلان
شیلر اشتر اوله ییله جکسده ده وضع و تشهیر اولنان اشیا بی سرکینک
ختامنه قدر هر کسک کورمسی ملترنم اولدیغندن مشتری لردقلری
شیلرک اچمسنی اعطا ایله اسملرینی دفتر مخصوصنه قید ایتدیروب
سرکی ختامنده اخذ ایده جکلردر

سرکی به قبول اولنه جق اشیا دن شایان تحسین اولنلرینی تفریق
و تمیز و اصحاب نك علی مراتبهم مستحق اولدقلری مکافات تعین
ایتمک اوزیه ارباب صنعت و معلوماتدن مرکب بر اهل خبره مجلسی
تشکیل و اشیا مذکوره اون اوچ صنفه منقسم اولدیغندن هر صنف
اربابی معرفتیه کشف و تحقیق اولنمق اوزره مجلس مذکور اون اوچ

قوم بیسونه تقسیم اولمشدر اشبو مجلس سرکینک متمد اولدیغی مدتیجه
 اشبای موضوعه بی معاینه و تدقیق ایله صنایع و محصولاتینک اهلیت
 و استحکام قرینه کوره انتضا ایدن مکافاتنی قرارلشدیره رق
 نازل مکافات اوللرک اسماری سرکینک قیامتسندن ارل نشر و اعلان
 ایده جکدر اعطا اولنه جق مکافات دخی اوج درجه اولوب برنجیسی مجیدیه
 نشان همایونی ایکنجیسی کموش مدالیه اوچنجیسی پرنج مدالیه در
 اقرانه تفوق داعیه سی فطرت انسانیه ده هر کوز بر کیفیت اولوب
 اشبو ارزوی طبیعی بعضی وسیله لاره تمیج اولندیغی حالده هر کس
 بوکا نظریاب اولق ایچون صرف وسع و مقدرت ایلدیکی امور
 مجربه دندربو مثلاًو سرکی کسادی ایسه اهل صنایعه میدان امتحان
 اچق دیمک اولوب اشیاوضع ایدنلردن بعضیلری بهمه حال بین الاقران
 تمیز ایدرک نشان و یاخود مدالیه اخذینه دسترس اوله جـ قلمری درکار
 اولمغله بو کیفیت سائرینک عرق رقابت و غیرتنی تحریک ایله بوزلرده
 محصولات و مصنوعاتارینی کسب امتیاز ایدنرک درجه سنه و بلکه دهها
 بر مرتبه اعلایه ایصال و اللرندن کلورایسدیکی شیلر احداث و اختراع
 ایلمک بذل مقدور ایلرلر بناء علیه بو مقصواه سرکی هر کسجه قوه
 استعدادیه سنی ارائه و ابرازه بر وسیله حسنه دیمک اولوب بو صورته
 حرف و صنایع موجوده کسب ترقی ایدرک و بر طاقم مخزعات جدیده
 حصوله کلهرک اسباب مدنیت و معموریت کونیکون ترایدا ایدر
 سرکی اصولنک باشلیجه بر فائده سی دخی بر مملکتده حصواه کلان
 کافه محصولات ارضیه و صناعیه نک نمونه لری جهه بر محله کوریلوب
 یکدیگرینه مقایسه ایله ایالات و الویه اهالیسک قوه استعدادیه لری
 اکلاشلق و زراعت و صناعته قغنی تعلیم لری اصلاحه محتاج اولدیغی
 بیلنک ایچون حکومتجه بر مقیاس صحیح اولسیدر بوندن

بوندن بشقه ممالك شاهانه حصه واه کلدیکی حالدیه هر فصله
 اليوم استانبول مجھول بولان هر نوع اشیا و امتعه اشو سرکی
 واسطه سیه کوریلوب محلجه اولان بهاسی اوکرنیه جکندن پای تحت
 ایله ایالات اھالیسی یئندیه تزايد اخذ و اعطایه مدار اوله حق بریوک
 بازار دیمک اولوب بوجہ طرین حتمه دخی فوائد عظیمه پی
 مستلزم اوله جہی درکاردر ممالك عثمانیه ده هر درلو امتعه و ازراق
 حقیقه ایکن بوزار بو طرفه کتور یله مدیکندن استانبول اھالیسی ممالك
 اجیدہ محصولاتہ محتاج اولوب بونک باشلیجه سببی دخی وسائط
 نقلہ نک عدم انتظامی جہتہ زیاده مصارف وقوعی ماده سیدر برده
 کویا استانبولده اوروپا مالہ رغبت اولوب یرو متاعی قولانلار دیو
 طسره اھالیسی یئندیه بعضی باطل افکار اولدیغندن بونک دخی سو
 تأثیری واردر ظن ایدرم سرکی مناسبیله در سعادتہ جلب اولان اشیا
 بوجہ مأمول صاتیله رق ممالك محروسه امتعه سنہ استانبولجہ رغبت
 اولدیغی کوریلور ایسه افکار باطنہ مذکورہ بالطبع زائل اوله رق
 جلبندہ تمتع ملحوظ اولان هر درلو امتعه و اشیا نک در سعادتہ نقلہ
 مسارعت اولنه جہی مجزومدر

مقدمہ نشر اولان تعلیمات مطبوعه ده محرر اولدیغی وجہه سرکی
 ایچون ورود ایدن هر نوع امتعه و اشیا مکرم رسوماتندن معاف
 اولدیغی مثلاً بونلرک اجرت نقلیه سی و کتورن مأموزلرک خراج اھلری
 منسوب اولدقلری ایالات و السویہ مال صندوقلرندن تسویہ اولمش
 و مأمورین مر قوسہ نک در سعادتہ قالہ جہقلری مدتیجه دخی طرف
 دولتدن کندولرینہ مناسب مقدار یومیہ اعطا اولوب سرکیده
 صاتیلان اشیا نک اتمان حاصله سی انلره تسلیماً احبابی طرفه

ارسال اوله جغی مثللو صائبوب قلان اشیا دخی جانب دولت علیددن
اشتراقله رق اقچه سی کک ذلک مأمورین مزبوریه تودیعاً
کوندریله جکدر

بو صورتله سزاوار بیوریلان مساعدات سلطنت سنیه ک افکار تبعه
پروری و خیر خواهیسی مؤید بر کیفیت اولدیغندن ارتق ممالک محروسه
اهل زراعت و صنعتی تشمیر ساعد اهتمام ایله محصولات و معمولاتلرینک
سنه بسنه تزايد و ترقیسی اسبابنک استحصالنه صرف ماحصل مقدرت
و نائل اولدقلری مساعدات سنیددن طولایی بو وجهه ایفای لوازم
شکر گذاری و محمدت ایملیدرل
(قدری)

(منظومه برای سرکئی عثمانی)

اوتوز ایکی عدد دردانه در شاهان عثمانی
اومر واریدلر حفظ ایتک اوزره نظمه شایاندر

برر عبد المجید عبد الحمید اورخان و ابراهیم
زهی عبد العزیزه برکلان سلطان ذیشاندر
خدا ینک ییل عمر ویرسون بو بر شاه دل اکاهه
ایکبشر بایزید محمود خان سلطان سلیماندر

سلیم عثمان و احمد لر رجال الغیب وش اوچلر
محمد مصطفی ارله مر ادلر چار یاراندر
اوتوز اوچ فرض کبی واجب دعای عمر و اقبالی
اوتوز ایکنجی شه حالا شهنشاه جهانباندر

اوتوز بر پادشاه اشته شودرت مصر اعده درج اولدی
ایکی مصرع دخی مخصوص نام شاه دوراندر

حصیرجی زاده سردی سرکی به کالای شاهانه
کتورسونر متاعن شاعران وار ایسه میداندر

بوسرکی نوزمین بر بیتدر طبع اوزره نظم ایتدی

جناب مصطفی پاشا که الحق اهل عرفاند

شهنشہ سایه سنده اول مشیر فاضله سرکی

بقای نام دعواسنده بر اچیقجه برهاند

کوزل نو طرح جای دلکشابق پک نشاط افزا

بوسرکی لطیفه تام تاریخ اراسه چسباند

فلک کوردکده نودیبار اوزره نقش زیبای

دیمشکیم اطلسم هم کهنه هم ساده پریشاندر

سرالدکجه بسیط خاکه مهرک فرش زرتاری

دیسونر سیر ایدوب خلق سایه عبد العزیز خاند

کونش ال کولکه سن امید ایله تقیل ایدر پان

سراپا حضرت عبد العزیز خان ظل یرذاند

(حصیرجی زاده محمد حافظ)

(فوائد شرکت)

نوع انسانک رفاه و سعادت حالک حصول و بقاسنه مدار اولان اسبابک
اهمی ماده شرکت اولوب بو واسطه ایله خلق برادرانه یکدیگرینه
معارف و بر ملک مایه ثروت و اقتداری اولان معاملات و تشبیهاته

مباشرتله ممالك اجنبیه محصولات و معمولاتی کند و مملکتارینه نقل و جلب و کره ارضت هر طرفیه کسب مناسبات ایدرلر افکار شرکت نوع انسانك ساحه بیرای شهود اولمسیله برابر ظهور ایلدیکی ادعا اولدی ییلور شوبله حکه انسان ابتدای امرده حوایج ضروریه سنك تدارکنه حائل اولان موانع و مشکلاتك یالکیز باشنه دفعنه مقتدر اوله مدیغدن بالضریره هجندلرک معاوتنه مراجعت ایدرک برلشیلرله موانع مذکوریه بی ازاله ایتیلر و بوجیهله مقصدلری حاصل اولدقده مساعی مشرکه لری ثمره سی بینلرنده تقسیم ایلشدرلر اشته بو صورتله یعنی دفع احتیاجاری مقصدیه حین اتفاقلرنده اساس شرکت وضع اولمش دیمکدر

اشبو اساس بدایت و ضعندن بروپلیدار اولوب فقط انسان کسب مدنیت ایتدیجه بالتدریج بشقه صورت کسب ایدرک شکل و استعمالنده تعدیلات وقوعه یلشدر شویله که مدنیتك رقیبی جهتیله احتیاجات افسانیه تکثرو تنوع ایلدیجه بونلرک تدارک و استحصالی ضمننده شرکت واسطه سنه مراجعت ایدرک مقدا قوه بدینه لری نی برلشیدر دکلری کی قوه مالبه و عقلیدلرله دخی عقد شرکت ایلشدرلر و بواساس امر طبعی اولدیغی جهته من القیم رعایت اولوب تجارت و علوم و فنون و سائریه دأر تشکل ایدن شرکت و جمعیتلر اشبو اساسدن تولد ایلشدر

امر شرکتك نوع انسان حتمده هر کونه تأثیراتك تعریف و تحقیق حکمایه عائد اولوب بزم بوراده مراد من انبیق تجارت شرکتلرینك انواع و کیفیاتنی و بوندن کرک افراد و کرک عموم حقنده ترتب ایدن منافعنی و برملتک تهذیب اخلاق و کسب مدنیت ایلسه مدار اولدیغنی

ارائه و بیانیدن عبارت در کافه طوائف و اقوامك سبب تشكّل و تبحر
ارلان تعاون و اتفاق افكاندن منبعث تجارت شركتاری بالطبع ممالك
محموده دخي ظهور ايتش ايسه ده سائر ممالك ممتدنه اولديغی
کي ترقی ایده باشد چونکه اشو شرکت لرك اساسی اولان افکار
تجارت هنوز ممالك محروسه اها ایلینده درجه مطلوبه ده بولمادیغندن
افکار شرکت ضعیف قالیدر شورالرينك لا یقيله اکلا شلیسی بعض
ایضا حاته محتاج اولوب ماده مجتوت عنابه دخي تعلیق اولدیغندن
شرح و تفصیله ایتدار اولنور شوبله که عثمانلور زیاده جسور و جنگاور
بر ملت اولوب کره ارضك قطعات ثلثه سنده منبت و معمور خیل
ممالك ضبطیه السوازم ضروریه لینه بالسهمیه دسببس اولدقاری
و کندلری دخي ذاتاً اهل قناعت بولدقاری جهت تجارت صرف
ذهن ایتوب امور حریه ایله اشتغال ایلدیلر و البوم متصرف اولدقاری
بونیجه ممالك و سبعه یی مجرد تکثیر مال داعیه سیله فتح ایتوب بلکه
مفتطور و متخلق اولدقاری شیمه جك ازما یی و بسالت اقتضا سنجه
آورده قبضه تصرف ایلدکلری ممالك اها ایلینی حیرت بخش عقول
اولان شریعت محمدیه احکام عدلیه سندن و بونك منتج اولدیغی نعم
جز بلندن حصه مند ایتك نیت خبریه سنه مبنی اولدیغی درکاردر
مع مافیه وارث مدینت عرب اولدقاری جهت بایه نشین ارلان اقوام کی
توطن ایتدکلری مواقعك محصولاتیله اکتفا ایده میوب بر چوق شیلره
محتاج اولدقارندن بالضرره تجارت مباشرت ایدرك بونك واسطه سیله
ممالك عثمانیدك بعض موقعلریله همکار اولان ممالك اجنبیه یلنده
مالیات تجاریه حصوا کیش والوم هر دوا و اشیاء از اق اخراج و ادخال
اولمندن بولمش ايسه ده اشو تجارت مجرد تحصیل دست یه ثروت و سامان

غرضه مبنی ارباب بلکه احتیاجات محلیه‌نک دفعیچون حسب
الضروریه تشبث ارنش ایدوکی تعریفدن مستغیدر

اوروپا و امریقا اهلپسی ایسه مجرد طریق تجارتله کسب ثروت
ضمننده قرون عدیده دنبره انواع مخاطراتی اختیار و بحراً ممالک بعیده یه
عزیمته اهلپسی ارضا و یا خود اجبار ایدرک تجارتکاهلرا حداثه کشاد
و اورادن مملکتلرینه خام محصولات و سیم و زر و سایر ذیقیت شیلر
جلب ایلدکلی مثلوه هر ملتک مزاجنه موافق و میل و رغبتی جالب
کونا کونا اشیا نقل ایدرک متمتع اولدقاری جهه‌نک معلومیدر اسباب سالفه یه
مبنی افکار تجارت ممالک عثمانیده اولقدر کسب وسعت ایده محبوب فقط
سلطنت سیه بر مدتدنبره تجارتک لزوم و اهمیتی و بوندن حاصل
اولان منافع کثیره یی تیقن ایلدیکندن ترقیسی اسبابنک استحصالی
مقصودیه صنف تجاره امتیازات استثنایه اعطاء و تجارتک مرجعی
اولق ادره بر نظارت مخصوصه تأسیس و اصول و قواعدینی شامل
قانوننامه لر نشر و اجرایی ایچون محاکم مخصوصه کشاد
و رقابتدن وارسته اولق استیازلره نظامات موضوعه‌نک مساعدا واریغی
درجه امتیازل احسان و تجارت داخله یی تشویق ضمننده اخراجاک
رسم کرکنی تنقیص و حتی بو دفعه بر سرکی کنادینه مباشرت و الحاصل
بونیجه معاونت و فداکارلق اختیار بیورمش اولدیغی و بو طرفده
خیلیجه امتعه نفیسه اعمال ارنوب اوروپایه دخی سنوی کلی خام
و معبول اشیا کوندرادیکی حالده افکار تجارت نیچون درجه
مطلوبه ده ترقی ایده مامشدر

اخلاق و آدابیزی بلان بر ذات شورالینی مطالعه ایلدیکی حالده
بونیجه اسباب و وسائل تهیایدن کرکی کی استفاده اولنماسی قوه
انسانیه‌نک

انسانیه‌نک رفع و ازاله‌سنه مقتدر اولدیغی بعضی موانع مغنویه وجودینه
 ذاهب اولور ایسه‌ده اخلاق و ادب‌نزه واقف اولار نزدنده تحری اولنان
 سبیلرک کشف و تعیینی بر اصر اساندر دینه ییلور بونلرک بیلیمسی
 صددمزه موافق اولدقدن بشقه بالوجوه مستلزم فوائد کورنیکندن
 تجارت داخلیه‌نک شمدی یه قدر عدم ترقی‌سنه حائل اولان اسبابدن
 باشلوجه‌لرینک بروجہ اختصار بیانہ ابتدار اولنور

اولا بالاده بیان اولدیغی اوزره ممالک عثمانیه اها لیسسی اهل قناعت
 اولوب بونکله برابر شائبه حسددن دخی مبرا بولند قلرندن اکثریا هر
 کس تعیشنه کفایت ایده‌جک مقدار ماله دسترس اولدقده بوندن
 زیاده‌سنک تحصیلیه اشتغالی افعال نامقبوله دن عد ایدرک موجودیه
 اکتفا ایدر و بو وجهله مجرد کندو وقتی خوش کچوره‌رک اخلافنک حسن
 حالری و سائلنک استحصانه صرف افکار ایلز فقط اشبو اعتقادک
 بطلانی ادنا مطالعه ايله میدانہ چیقار شویله که حق تعالی حضرتلری
 نوع انسانک سعادت حالی ایچون قوه عقل و ادراک احسان بیورمش
 اولدیغندن هر کس چالشغه و بولدیغی مسلکده ممکن مرتبه کسب
 ترقی و کمال ایلکده مجبور اولوب مجرد بو طریق ايله داخل دائره فیض
 و قبول و خلاقی یعنی عقل و ذکاسنی استعمال ایتیدرک ارتکاب بطالت
 ایلدیکی تقدیرده اشبو وظائف بشریه‌نک عدم ایفا سندن طولای دنیا
 و اخرتده معاتب و مسئول اولور

ثانیاً تجارمنک اکثریسی صدق و استقامت و سائر اوصاف مقبوله ايله
 متصف ایسه‌لرده بر مقدار جزئیسندن ماعداسنک تجارتیه دائر اصول
 وقواعد معلومات کافیدلری اولدیغندن اشبو جهالت حقلرنده
 مضرت کلیده‌نی دعوت ایلدیکی کی پک چوق منفعتدن دخی محروم

قالدقلری و معاملاتیجه عدم اقتدارلرندن ناشی دائره تجارتلرینک
توسیعنه سعی و غیرت ایده مددقلری درکاردر هر حال و حرکتده
جهلیدن ترتیب ایدن مضرت تعریفدن مستغنی ایسه ده تجارت حقننده
اولان سوؤ تأثیری اشددر جاهل اولان تجار هیچ بر وقت خطا دن سالم
و معاملاتلرینی اصول و قاعده سنه توفیقه مقتدر اوله میهرق اکثریا
زیانه دوچار اولدقلرندن و سبب صحیحی دخی اکلا یه مدقلرندن بونی
سوؤ طالع و یا مقتضای قدره عز و اسناد ایله اخذ و اعطادن فراغت
ایدرلر حالبوکه تجارتک حیات و بقاسی اخذ و اعطاجه بر طاقم معلوماته
متوقف اولوب بوندن بهره دار اولنلر بولندقلری مملکتک و ممالک سائرهنک
احوال و احتیاجلرینه کوره ایجاب ایدن اشیا و ازراقی وقتیه جلب
و یا خود ارسال ایدرک متمتع اولدقلری مثالو معاملات واقعهلرنده و دفاتر
و سندات تنظیمنده خبط و خطادن اجتناب ایله اهل تزویر و شیطننک
علیهلرنده تصدیء دعوا یه سررشته ویرمزلر

ثالثاً اهل صرف و صنایعک و کرک تجارتک اکثریسی مألوف اولدقلری
مشاغل و معاملات دائره سندن طیشار و چیقیمیوب مسلاک و معمولاتلرینک
اصلاح و اکمالنه سعی ایتمک زعملرنجه کفر و خطا عدا اولنور
بناء علیه بویابده قطعاً صرف افکار ایتیموب بعضی اصلاحات تصور
اولنسه بیله اجرا سنه جـسارت ایده مزملر بو حال حرف و صنایع
و سائرهنک ایلرولمنه مانع اولدیغی کی تجارتک دخی عدم توسعنه سبب
مستقل اولمقده در اگرچه بر وجه مشروح شو حالک دخی منشائی جهل
اولوب وهلهء اولیده بوراسنی ایضاحه حاجت کورنمز ایسه ده جهلاک هر
شیده بشقه بر سوؤ تأثیری اولدیغندن اولوجهله بیانه تصدی قلمنشددر
اوروپا لورک سالک اولدقلری مسلاک و مشوار ایسه سالف الذکر صورته

بالکلیه مباین اولوب بونلر استعداد انسانینک مساعد اولدیغی درجه هر
 شبئتک مرکز کماله ایصال و حرف و صنایع و تجارتک توسیعی ایله عموم
 اهالیکن رفاه حال و اسایشنی مستلزم اسبابک تحصیلنه سعی ایدرلر
 شو مدعایک اثباتی بشقه دلیل اتیاننه محتاج اولوبوب هر کون
 مشاهده و استعمال ایلدیکن اثار صنایعیه لینه اصرار نظر و بونلرک
 نوع و شکل و صورت اعمالرینه دقت اولندیغی حالده بیله اکلاشیلور
 ممالک محروسه ده افکار تجارتک عدم توسعنه درجه ثانیه ده اوله رق
 دیگر بر طاقم سیلردخی تعداد اولنه بیلور ایسه ده بیان و تفصیلی موجب
 تطویل اوله جغندن صرف نظر قلندی قالدیکه افکار تجارتک عدم
 ترقیسنه مواد سالفه دن ماعداد دیگر بر طاقم موانع دخی اولوب
 مثلاً ممالک شاهانه ک هر طرفنده منتظم طرق و امنیت تاعه بولندیغی
 خصوصلرینک ذکر اولندیغنه اعتراض قلندیغی حالده شو وجهله
 جواب و یررز که اولابو محله ده یالکن عادات و اخلاقن اقتضاسندن
 اولان سیلر تحری اولوب موانع مادیه بحثنه کیرشلامشدر ثانیاً بو مقوله
 موانع اکثرجه معاملات اخذ و اعطای تصعیب ایدر ایسه ده افکار
 تجارت تاسیس و تقرر ایتش اولدیغی حالده موانع مذکوره نک رفع
 و ازاله سنه مقتدر اولوب حتی اوائله ده بعض ملل و خصوصیه
 فنیکالور اشبو افکار محرکه نک ثمره سی اوله رق تجارتک اساسنی وضع
 و ملل سائر ایله مناسبات تجاریه تحصیل ایلدیلر

ایمدی شو مقدماتدن تجارت شرکتلرینک عدم ترقیسنه سبب نه
 اولدیغی اکلاشیلور شو یله که بونلر امر تجارتک تسهیل و توسیعی
 ایچون احداث اولمش شیلر اولوب تجارت ایسه ضعیف قالدیغندن
 شرکتلری دخی کسب کمال و ترقی ایده مامشدر بناء علیه تجارت شرکتلرینک

منتج اولديغي انواع فوائد و محسناتك تعريفنه مدار اولور مملكتك مزده
شاين تذكاري آتار بولنده مديغندن بالضروره ممالك اجنبيه امثالنه
مراجعت قلمشدر

تجارتك ايارولسندن طولايي شركتكلر ظاهره كلدكي مثالو بونلر
واسطه سيله جزوي سرمايه لر برلشديريله رك تشبثات عظيمه اسبابي
تدارك اولوب بوسورتله اوروپا و امريقا قطعات سائر پيئنده مناسبات
كلييه پيدا اولديغي و بوسيله ايله دخي بعض اقوام بدويهك كسب
مدنيت ايلديكي كتب توارينجده مسطور اولوب حتي چكلرده ژاپون
و سيام دولتلي سفراسنك اوروپايه سياحتلي اشبو مناسبات تجاريه
نمره سي اولديغي دركاردر

انكلتزه اهاليه سنك كال ثروتي موجب اولان اسبابك باشلوجه سي تجارت
شركتلي اولوب بو طريق ايله احريقا و چين و ژاپون و اول
طرفلرده واقع سائر ممالكده عظيم تجارتكارلار كسادو بو وجهله توسيع
دايره داد و ستاد ايلشدر و اليوم انكلتزه دولتك هندستانده ايكي يوز
مليون قدر نفوسي شامل ممالك و سيعه يه متصرف اولسنگ مبداء
و منشأ ميلادك بيك بشيوز طقسان طقوزنده تشكيل اولمش
برشركت اولوب اشبو شركت اول تاريخدن بروكسب جسامت ايدرك
الحاله هذه اولقدر ممالكده مالك اولدقدن بشقه هججوار بولنان
حكومتلر دخي خراجكذاري اولديغي جهلهك معلوميدر اشته بونجه
فوائد عظيمه مجرد برشركت واسطه سيله حصوله كلدرك ازمه
قديمدن بروهندستانده جمع و ادخار اولنان اسباب ثروت و سامان
بالدريج انكلتزه يه انتقال ايتكده اولوب شو حال نهايت الامر يرلورك
فقير و بيمايه قالملي مستازم اوله ييلور ايسه ده مال متمدنه ايله اولان
اختلاطلي

اختلاطی بعضی سوء اخلاق و ادبیرینک اصلاحیه مدار اولش
اولدیغی دخی انکار اولنه من

فرانسه و فلنک و اسپانیه و سائر مملکتلرده دخی بو یولده شرکتلر
تشکیل ایدرک بعضی ممالک بعیده ضبط و استیلا قلمش اولوب
اگرچه بونلر سالف الذکر هندستان شرکتی قدر مظهر موفقیت
اواهمامشار ایسده دایرة اطاعته ادخال ایلدکلی اهلینک بعضی
مرتبه کسب تمدن و انتظام ایلرینه بادی اولمشدر

اقدکز ایله بحر احمری برلشدیرمک اوزره سویش بوغازینک قطعنی
اوتهدنبرویک چوق حکمدارل تصور و امل ایدرک اجراسنه جسارت
ایده مامش اولدقلری حالدیه بوندن بر قایچ سنه مقدم تشکیل اولنان
بر شرکت شو مطلب مهمک تجربه سنه قیام و اتخاذا ایلدیکی تدابیر
صناعیه ثمره سی اواره رق مشکلات کثیره ملحوظه یه غلبه ایلش وایلرود
موانع سائر ظهور ایلدیکی تقدیرده حسن ختامی میسر اوله رق بو
دخی اهرام جوارنده نوع بشرک بیسوک بر اثر جدیدی اوله جخی
اشکاردر

اوروپا ممالکنده واقع شهرلری یکدیگرینه ربط ایله یولچیلرک امدشینی
و اموال تجارتک نقلی تسهیل ایدن تیمور یوالر و قنالار و جسرلر و سفائن
و بونلرک باریغسی ایچون لیمانلر انشاسی و خلقک تفرجی ایچون
مسیره کاهلر و هر درلو معمولاته مخصوص فابریقه لرشادی و صرافلق
و تجارتلق ایچون موقعلر احداثی و الحاصل منافع عامه یی مستلزم هر
نوع امور معظمه نک اکثریسی شرکتلر واسطه سیله حصوله کلوب
حتی ممالک محروسه ایله اوروپا بیننده ایشلیکده اولان لویده
و مسازری نام واپور قومپانیلری دخی بو قبیلدن اولدیغی محتاج
ایضاح دکلدر

اشته تجارت شرکتلری بو مقوله اثار خیریه احداثه بادی اولوب بو
 وسیله ایله منشیث اولان سرمایه داران اهالی تمتع ایلدیکی مثالوفوائد
 حاصله سندن عموم اهالی دخی حصه مند منفعت اوله رق مملکتک
 معموریتنی موجب اولور ممالک محروسده بو مقوله شرکتلر حصولنی
 داعی اوله جق بر منوال محرر پک چوق اسباب و وسائل بولندیغندن
 هر کس و خصوصیه زمره تجارت طرفندن احداث و توسیعنه سعی
 و غیرت اولملیدر محض عنایت الهیه اوله رق کره ارضک الک منبت
 و محصولدار اراضیه سنده متمکن و بو قدر منابع ثروت و سامانه مالک
 اولدیغندن و بونلرک قوه دن فعله کتورلسی دخی جزوی همته متوقف
 بولندیغندن بران اقدم حسن حصوله همت قلملیدر اتحاد و اتفاقک
 هر ایشده حصول موفقیتی موجب اولدیغی کی تجارتک دخی روحی
 و آلات محرکسی مثابه سنده بولندیغی بی اشتباهدر اشبو اتحاد معاملات
 اخذ و اعطاده شرکت دیمک اولدیغندن ثروت و معموریت مراد
 اولدیغی حالده سرمایه لک برلشدیرلسی ایجاب ایدر چونکه بر ادمک
 قدرت مالیدسی تعلق ایتیان شیئه سرمایه لک اجتماعیه دسترس اولور
 سرمایه لک ایروایر استعمالنده هر نه منفعت حاصل اولور ایسه
 برلشدیرلیدیکی سالدیه انک اضعاغ مضاعفی وجوده کلور

شرکتلر واسطه سبله هر نمقدار محصولات ارضیه حصوله کتورلسه
 اوروپا اهالیسنک بوکا احتیاجی درکار اولدیغندن بیع و تمتع اولنه جغی
 بدیهیدر

والحاصل یسر و سعادت حالزه مدار اوله جق شیلرک درجه کماله
 ایصالنه سعی و اقدام اولمنسی مترتب ذمت انسانیتدر اگر چه درجه
 کمال یالکن قدرت الهیهیه مخصوص بر صفت جلیله ایسه ده انسانه

نسبت اولندیغی حالده قدر تمزك تعلق ایلدیکی مرتبهده بر صورت حسنه و ممدوحه دیمك اولوب بو دخی هر نه درجهیه واصل اولور ایسه اولسون کلمات الهیهیه نسبتله هیچدر اشته بیان اولنان صورتلرک اجراسیه یعنی هر کس منافع ذاتیه سنه خدمت ایدرک ملک و ملت شان و ثروتک تکثیرینه دخی واسطهه مستقله اولور

افکار تجارتک بدایت ظهوری و تجارت شرکتلرینک سبب احداثی و بونک مدنیتجه حسن تأثیراتی و اوروپا ممالکنده نه اسبابه مبنی تکراریدوب ممالک محروسهده توسع ایده مدیکی افادات مشروحه دن جملاً مسلمان اولوب انجق بویله بر ماده مهمه نک لایق وجهله بیان و تفصیلی مجلدات تألیفنه متوقف اولدیغندن شمдіلاک بو قدرله اکتفا و عموم حقنده منافع بی نهایتی موجب بو مثالو بر مصلحت خیریه حقنده مجرد اربانی تشویق و ترغیب نیت خالصه سیله شو مطالعات عاجزانه مک عرض و بیانه اجترأ قلندی

تجارت شرکتلرینک انواع و اصول و قواعدینک تعریفی دخی بالوجه مستلزم فوائد اولدیغندن بمنه تعالی ایلروده بونلرک دخی بیانه ابتدار قلنه جقدر

(واحان)

رئیس مجلس ثالث تجارت

(حدوث مجموعه عبرانته)

بو دفعه درسعادته جمعیت کاتب عنوانیه تشکل ایتش بر جمعیتک اثری اولق اوزره مجموعه عبرانته اسمنده یکی بر فنون غزیه سی تحدث

ایستدرکین رجب تاریخیله چیقان برنجی نومروسنک حاری اولدیغی مواد
 هان کافه مقدماتی احوال غزته سنده کوروش اولدیغندن بو دفعه لک
 ایلچده یکی برشی بو قدر مجموعه مذکورہک قطعہ سی بزمکنک نصفی
 قدر اولوب ایکی آیدہ دخی بر کرہ چیقہ جغندن شمدیلک پک جزئی
 برشی کورینور ایسده مع مافیه نزد ارباب فتوت و انصافده منظور
 نظر استخفاف اولامیه جغی مجزومدر مزروع کشتزار امال اولان اشبو
 تخم صغیر انشا الله تعالی ایلاروده رشحات قلم ارباب فضل و همم ایلہ
 بر نخل سربلند و ثمرات فیض و تربیه سندن عموم ابنای وطن مستفید
 و حصہ مند اولور هر نه ایسه بو مقواه مطبوعات علمیهک قلیل و کثیر
 حسن تأثیری امر غیر سنیر اولدیغی جهتله مجموعه جدیدہ مذکورہک
 حدون شایان تشکر مواددن اولوب بالخصوص جمعیتک مقصدی اولان
 انتشار معارف امر اہمندہ بزه معاونتی اولام جغندن بو دخی بشقہ جه
 موجب ممنونیتز اولہ جغی درکاردر

بو مثالو آثار احدثہ همت ایدن هوسکاران علم و معرفتک نیت
 خیر بهارندن طولابی عرض شکرانیتله برابر بونلرک شوق و غیرت لرینہ
 ایرات خلل ایدہ بیلہ جک هر ککونہ حال و قالدن توقی و احتراز
 ایلمک لکی وجبہ ذمت و طہیریری و حیت عدد ایدر ایسه کدہ ذکر
 اولمان جمعیتک و اثرینک اسلیری حقدہ لایح خاطر بحزمطا هر اولان
 بعض مطالباتک بیانندن کیرو طورہ میر

اولا اگرچه جمعیت مذکورہک صورت تشکل و نظاماتی اعلان
 اولمادیغندن اعضاسی و مقصدی و محل اجتماعی هنوز عامہ جه
 خفایای اموردن اولوب بو جهتله کاتب عنواننی اتخاذدن مراد نه
 اولدیغی بیلندہ مز ایسده اثردن مؤثرہ استدلال اولمادیغنه نظراً

مخلقه انشا و کتابت اصولی تعلیم ایتک مقصودیه تشکل ایتماش
اولدیغی اکلا شبله جغندن بو صورتده اسم ايله مسما نصل توفیق
اولدیور کتابت تعبیرندن مراد فرانسزجه (لیتهرر) لفظنک ترجمه سی
ایسه اولخالده دخی جمعیت ادیه دینمک دهها مناسب اولزمیدی
ثانیا مذکور غزته نک اسمی اولان (مجموعه عبر انباه) ترکیبک صحته
اشباه حاصل اولوب شویله که عبر ايله انباه کلمه لری وصف ترکیبی
مقامنده استعمال اولنش ایسه ده بونک قاعده فارسیه یه توافیق
ایده میه جکی درکار اولوب فقط کتابت عنوانیه معنون پر هیئت جمعیتک
میدانه قویدیغی ایلاک اثرینک تا اسمنده بویله بر خطا ارتکابی دخی
بعید الاحتمال اولدیغندن مذکور ایکی کلمه بیننه پروا و عاطفه وضعندن
سهواً ذهول اولنش اولسی ملحوظدر

شو ملاحظات عاجزانه من مجرد دفع اشکال نیسیله یازلش اولدیغنی تأمین
ایله برابر هر حالده جمعیت کتابتک عفوی نی رجا و من بعد مقصد
مشرکزک حسن حصولی حقنده معاونت و مظا هر تنی تمنی ایدرز
(منیف)

(خلاصه پو لیتقیه)

(فرانسه)

بو دفعه مجالسک حین کشادنده ایمپراطور طرفندن ایراد قلمش اولان
فطن رسمی ماه حال وقوعات مهمه سندن اولوب حی اوروپا غزته لری
بو یابده خبلی افکار و مطالعات بیان ایتشدر در نطق مذکورده فرانسه نک

زمان اتیده اتخاذ ایده جکی مسلاک پولیتقه یه دائر بر شی اولیوب انجق
 مدت مدیده دنبرو حل و تسویه سی منتظر اولان بعض مسائل تو ضیح
 ایدر صورتده احوال ماضیه تحکیم و تذکار قلمشدر نتیجه مالنه کوره
 ایمپراطور مشار الیهک پولیتقه سی ارباب اختلال ایله همدست اتفاق
 اولماق و پایایی دخی الدن بر اقامق شرطیه ایتالیایی تصرف اجنبیدن
 تخلص ایلکدر ایتالیا لورک املی دخی ایتالیا نیک کاملاً برلشمسی اولوب
 بونک حصولی ایسه پاپانک حکومت جسمانیه حقوقندن بالکلیه کف یدایتمسه
 متوقفدر ایمپراطورک ارباب اختلال تعبیرندن مرادی ایتالیا مسئله سنده
 معاونت فعلیه لری کوریلان فرقه اولوب حالبوکه فرقه مزبوره بدایت
 محاربه دنبرو و یقتور امانوئل اغورنده مال و جان فدا و ناپولی قطعه سنی
 دخی بونلر ضبط و اسئلا ایتمش و البوم ونیدیک ایالتی اوستریا دولتی
 یدندن نزعه چالش مقده بولمش اولدقلرندن اشبو فقرمک بعض ضیقات
 متخالقه تگونه باعث اوله جخی درکاردر نطق مذکورک مکسیقا
 مسئله سنه دائر اولان فقره سی بعض مرتبه مهم اولدیغندن بویابده
 وکلا طرفندن مجالسه ایضاحات و یریه جکی مأمولدر ایمپراطور نطق
 مذکورده فرانسه اها لسنک هنوز کند و ذاتر یله قائم یعنی دولتک
 اعانه سندن مستغنی اوله جق بر حالده بولندقلرینه تأسف ایله برابر
 پموغک ندرتندن ناشی دوچار مضایقه و اضطراب اولان عمله یه
 توزیع اولنق اوزره طرف دولتدن ایچنه تخصیص اولمنسنی مجلسه تکلیف
 ایتمش اولدیغندن بعض غزته لر اولوجیهله اهالیدن جمع اولنه جق
 اولان مبالغک دفع احتیاجه کافی اولوب اولدیغنی هنوز بیه مد کدن
 بشقه طرف دولتدن بو مثالو بیوا یکانه ایچنه توزیع و اعطاسی
 اصحاب فتوتی اجرای فعل خیردن تبرید و هر بر ملت افرادینک
 بکدیگر

يکديگرينه واسطهٴ ارتباطلری اولان تعاون و تظا هر قاعده سنی اخلال
ایده جکندن بمثله تدبیر مذکوره اعتراض ایتشلردر فرانسه اهل بسندن
لوندره سر کپسنه اشیا وضع اید نلره خطابا ایمپراطورک تفوه ایتش
اولدیغی نطقده انکلتره اهل بسنک متمتع اولدقلری اصول سر بستی بی
فرانسه لولره دخی اعطا ایتک امل و ارزوسنده ایسه ده بونک اجراسی
عدم وفاقلری جهتیله مصالح دولتک حسن جریاننه مانع اولان بعض
فرق مخالفهک اضمحلالنه متوقف اید وکندن اکا منتظر اولدیغنی
بیان ایلشدر

— ۵ —

(انکلتره)

انکلتره پارلمنتوسی الافرانقه شباطک التبی یعنی ماه حالک اون طقوزنجی
کونی کشاد اولوب قرالیچه حضر تلی حاضر بولنه مدیغندن طرفندن
ایرادی معتاد اولان نطق رسمی بی وکلادن لورد غرانویل وکالة
قرائت ایلشدر نطق مذکورک خلاصهٴ مالی پرنس دوغال ایله دانیمارقه
قرالنک کریمه سی پرنس الکساندرانک ازدواجلری مقرر اولدیغی
و محذوملرندن بریسنی یونانلور کندولرینه قرال انتخاب و اتخاذا ایتک
استمشلر ایسه ده معاهدات موجوده احکامی اشبواملرینک اسعافنه
مانع اولدیغندن موافقت ایده مدیکی و جزائر سبعه جمهوری یونانستانه
التحاقی استر ایسه جمهور مذکورک انکلتره تحت حایه سنه ادخاللری
حقنه ۱۸۱۵ سنهٴ میلادیه سنده دول معلومه بیننده منعقد معاهدهک
تعذیلچون تدابیر لازمه بی اتخاذا ایده جکی وامریقا ممالک شمالیه
و جنوبیه سی میانه سنده تگون ایدن محاربه دن طولای بیان تأسقله
شمدیکی حالده بر حسن تأثیر کوریلهمز مطالعه سیله بونک استحصال

اسباب اندفاعنه تشبثدن احتراز ایلدیکی و محاربه مذکوره مناسبیه
 پوغک ندرتندن ناشی ایشسر قلان عمله گروهی حقنده اهالی طرفندن
 وقوعبولان اعانه موجب ممنوعیتی اولدیغی و امر تجارت مرکز لایقنده
 اولوب بر قاتدها توسعنه مدار اوله جق بعض شرائطی حاوی فرانسه
 و بلچیکا دولتریله تجارت معاهدات جدیده سی عقد اولدیغی
 خصوصاً لرندن عبارتدر

جزائر سبعه نك يونانستانه الحاقی لقرديسی اوزرينه جبل طارق دخی
 اسپانیایه ترك اولنه جغی حقنده مؤخرأ انكلتره ده بعض مقالات تكون
 ایدوب حتی پارلمنتو اعضا سندن موسیو برایت بوکادائر اهالی طرفندن
 عقد اولنان بر جمعیت ریاست ایدرك موقع مذکورك انكلتره یه بر فائده سی
 اولدیغندن بحثله اسپانیایه تركی پك مناسب اوله جغنه دائر چوق سوزلر
 سویلشدراشبو ماده مسائل پولیتقیه عدادینه داخل اوله جق درجه
 کسب اهمیت ایتش برشی اولیوب مجرد شو ائاده وقوع شیوعنه مبنی
 تحریرینه ابتدار قلمشدروکلای معزوله دن لورد دربی و طرفدارانی
 جانبدن یونان مسئله سی حقنده لورد پالمستونك اتخاذا ایلدیکی مسلك
 علیه نه تعریضات شدید و وقوعبولمقده در

—0—

(لهستان)

لهستانده آتش اختلال کونبکون کسب اشتداد ایدوب چونکه
 مسئله نك ابتدای ظهورنده یالکز طلبه و عمله طایفه هوادارلری اولان
 سرسری گروهی عصیانده بولندیغی حالده الیوم اصحاب املاک
 و تجار و اهل قرا و حتی رهبان گروهی دخی انلره ملحق اولمقده
 و شراره فساد لهستانك هر طرفه سرایت ایتکده اولدیغندن عهد
 قریبده

قریبده اورالزجه امن و اسایشك اعاده سی امید اولنده من لهلولك
اسلحه سی غیر منتظم و کندولی غیر معلم ایسه ده ذاتاً جسور و جنگاور
بر ملت اولدیغندن کمال شدت و تهور ایله محاربه ایتمکده درل لهستانك
بعض محاربه بونلر علیه نه سوق اولنان روسیه عسکری مأمول
اولدیغی قدر ایش کوره محبوب شو حال اولوجهله لهلولك مقاومت
دلیرانه سندن ناشی ایسه ده اهلینك احوال پرملالارینه ترجها عسکرک
زیاده شدت کوسترمکدن اجتناب ایلملری دخی ملحوظدر مقر حکومت
اولان وارشاو شهر یله دیگر یوک شهرلر اهلایسی ممکن اوله بیلدیکی قدر
محاربه ایدوب مقاومتدن قطع امید ایلدکلی حالده اورمانلره فرار
و التجا ایتمکده و فرصت بولدقجه ینه میدان چیقماقده درل شمدی یه
قدر وقوعبولان محارباتك اکثریسنده روسیه لولر غلبه ایتش ایسه ده
لهلول دخی خیلی مظفریته نائل اولوب يك چوق ادم اسیر و اسلحه
ضبط ایلملردر

پروسیا دولتی روسیه نك جارملاصتی اولق و همده لهستانك بر جزو
عظیمی تحت تصرفنده بولمق حسبیه اختلال مذکورك کندوممالکنه
دخی سرایتندن اجتناباً بو دفعه روسیه ایله اولبابده بر معاهده عقد
ایدوب بونك ساوی اولدیغی شروطك باشلیجه سی دخی پروسیایه فرار
و التجا ایده جك له عصاتی حقنده نوجهله معامله اولمسی و حین
حاجتده پروسیا دولتنك روسیه یه معارفت فعلیه اجرا ایلمسی
خصوصلرندن عبارتدر

ایتالیاده شایان تحریر بر شی یوقدر رئیس وکلا بولنان موسیو فارینی
هر نه افکاره مبنی ایسه روما مسئله سنی شمدیلک حالی اوزره ترك
ایلملدر داخلیه ناظری موسیو پازولینی دخی براز وقتدنبروناپولی ایالتنده
ظهور ایدن حیدود کروهنك بالکلیه دفع کیدومضرتلری اسبابك

استحصالیله اشتغال ایتکده و بونک ایچون مخصوص تشکل ایتش
اولان مجلس خفی دخی مقصد مذکورک حسن حصوله سعی و اقدام
ایتکده در

روماده پاپا حضرتلری بعضی اصلاحات داخلیه اجراسنه تشبث
ایتش ایتسه ده شمیدی یه قدریک چوق امثالی دلالتیه معلوم اولدیغی
اوزره اشبو تشبثات مجرد صوری و بی اساس شیلر اولوب مملکت
حقنده بر فائده بی منتج اوله میه جغی مجزومدر


ممالک مجتمعه امر یقاده دخی شو ائنده باشلیجه وقوعات حربیه ظهوره
کلامشدر شماولرک باش قوماندانی بولنان بورن ساید فریدریقس بورغ
محاربه سنده وقوعه کلان انهرامی اوزرینه عزل اولمشدر

یونانستان قراللی حالاً تقرر ایده میوب فقط مقدم موافقت کوسترمش
اولدیغی روایت اولندیغی حالده مؤخرأ نکول ایتش اولان ساقس
قوبورغ دوقه سی پرنس ارنست ینه دوقه لغی عهده سنده قالمق شرطیه
بودفعه قبول ایتش اولدیغی مرویدر

پروسیاده مجدداً تشکیل اولمش معبوثان ملت مجلسی دولت طرفندن
تنظیم اولمش اولان موازنه دفترینی قبول ایتیه رک بو خصوص
حقنده وکلانک وقوعه کلان حرکتی قونستیتسیون یعنی شرطنامه
احکامنه مغایر اولدیغندن موافقت اولنه میه جغی مشعر قرال حضرتلرینه
خطاباً بر قطعه عرضحال تنظیم و مجلس مذکور اعضا سندن بعضی
ذوات واسطه سیله تقدیم ایلشلر ایتسه ده مشار الیه بونک اخذ و قبولندن
استنکاف ایتش واصلزاندکان مجلسی مذکور عرضحالک خلا فنده بر
عرضحال تنظیم ایتک اوزره بولمش اولوب بو جهته هیئت وکلا ایه
ملت مجلسی بیننده تکیون ایدن مبیانت و اختلاف دها زیاده مشدد
اولوب بونک بالسهوله اندفاعی غیر مأمول بولمشدر

(مواد مندرجه)

چينده بولنان اهل اسلام	•	•	•	منيف افندي
صوده بوغلانلرك صورت استخلاصى	•	•	•	قدرى بك
دار الفنون درسلى	•	•	•	منيف افندي
لزوم سعى و عمل	•	•	•	محمد شريف افندي
سركى عمومى عثمانى	•	•	•	قدرى بك
فوائد شركت	•	•	•	واحان افندي
حدوث مجموعه عبر انباه	•	•	•	منيف افندي
خلاصه پوليٲقيه	•	•	•	•



جمعيت مهريله ممهور اوليان مجموعه فنون نسخده لرينه ساخته نظريه
باقيله رق طابع و بايعلى مسئول طوتيله جقدر



الحمد لله رب العالمين
الحمد لله رب العالمين

الحمد لله رب العالمين
الحمد لله رب العالمين

الحمد لله رب العالمين
الحمد لله رب العالمين

الحمد لله رب العالمين
الحمد لله رب العالمين

الحمد لله رب العالمين
الحمد لله رب العالمين

الحمد لله رب العالمين

الحمد لله رب العالمين
الحمد لله رب العالمين

الحمد لله رب العالمين

الحمد لله رب العالمين

الحمد لله رب العالمين

مجموعه فون مرماه عربی نهایتند چیتا ریو

در سعادت ایچون بهاسی

غروش

۶۵ برسنه لك

۳۵ التي ایلق

۰۶ بر سنه

برسنه لکنه و یاخود التي ایلغند مشتری اواق استلیدیکی حالدیه
یکی جامع جوارنده چیچک بازارنده واقع جمعیت علمیه عثمانیه
مرکزینه و یاخود باغچه قیوسنده ترجمان احوال مطبعه سنه
مر جعت اولنه

ایالاتده مشتری اواق استیانیلر فیئات مذکوره اوزرینه مسافه نك
قریت و بعدینه باقلمیوب بر ییلاق ایچون التي و التي ایلق
ایچون اوج غروش پوسته اجرتی ضمیمه ایچه سنی پوسته یه تودیعاً
جمعیت علمیه عثمانیه ریاستی طرفه کوندر دکلی حالدیه اوقات
معینه سنده محله ایصال اولنور

متفرق صایتملان محملر

ترجمان احوال مطبعه سی	جمعیت مرکزی
بک اوغلنده اینده لی چارشوده	صحافلر کتخداسی حلبی حاجی
صحاف کولر	حسین افندی
اسکدارده یازیچی عثمان افندی	سلطان یازیده کاغدچی حافظ
بشکطاشده اجزاجی ووچین	اسماعیل افندی

ارسال یو ریله

مجموعه فنون

از

جمعیت علمی عثمانیه

برنجی پشه

ماه رمضان

نومرو ۹

استانبول

جمعیت علمی عثمانیه مطبعه سنده طبع اول نمشد

۱۲۷۹



(مواد مندرجہ)

سرکیء عمومیء عثمانینک وقوع کشادی . . . منیف افندی
 نظری ایلہ عملی بیننده اولان جهت وحدت . . . سعید افندی
 مدخل علم ژئولوژی (کیما) . . . ادھم پاشا
 تاریخ سرکی بروجه عمومی . . . قدری بک
 امید برونده بولسان اهل اسلام . . . منیف افندی
 ظهور مرآت ولہ ایضا
 خلاصہ پولیتیکہ

تجلیت مہر یلہ ممہور اولیان مجموعہ فنون نسخہ لرینہ ساختہ
 نظریلہ باقیلہ رق طابع و بایعلری مسئول طو تیلہ جقدر .



مجموعه فنون

از

جمعیت علمیہ عثمانیہ



برنجی پستہ

ماہ رمضان

نومبر ۹



استانبول

یکی جامع جوارنده واقع چیمچک بازارنده جمعیت علمیہ عثمانیہ
مطبعہ سنده طبع اولنمشدر

۱۲۷۹

(سرکیء عمومیء عثمانینک وقوع کشادی)

سرکیء عثمانینک رمضان شریف ابتداء سنده کشادی مقرر اولدیغی حالده بعض ایالتلردن منتظر اولان اشیانک وقتیلہ ورود ایدہ مامسنہ مبنی بالضروره ماه مذکورک طقوز بی جمعہ کونہ قدر تأخر ایلمش واولکون سلامق رسم عالیسی سلطان احمد جامع شریفندہ اجرا اولندقدن صکرہ سرکی یہ تشریف همایون شاهانہ وقوع بولوب بونی متعاقب عامہ یہ دخی رخصت دخول اعطا قلمشدر . ابنہ سنک کمال رونق واطافتی واشیای معروضہ نک نفاست وانتظامی درجہء مأمولہ دن برقاچ قات زیادہ بولمغله حین دخولده ناظرینہ حاصل اولان حسن تأثیر بیرون عہدہء تعریف وتعبیردر . بعض قرائن حالیہ دن استنباط اولندیغنه نظرأ نزد معالی یوفد حضرت پادشاهیدہ دخی زیادہ رھین تحسین اولدرق بالدفعۃ تشریفہ رغبت ییورلدیغی مثلاً و خزینہء خاصہ دہ موجود بعض مجوہرات نفیسہء نادرۃ الامثالک دخی جالب ووضعتہ مساعدہء سنیہء شہر یاریلری ارزان ییورلمشدر .

اشبو کشاد اولنان قطعہ ممالک محروسہ شاہانہ محصولاتہ
مخصوص اولوب امر زراعت وفلاحہ متعلق اولیق اوزرہ
ممالک اجنبیہ دن کوندر یلہ جک الات واد واک وضعیچون علاوہ
اولنان دیکر قطعہ سنک هنوز بناسی ناتمام اولدیغی مثلاً ودر وئنه
وضع اولنه جق اشیانک دخی ارقہ سی النہ مدیغی جہتہ لہ
بونک کشادی بیرامدن صکرہ یہ تعلیق اولمشدر .

الیوم اچیق بولنان قطعہ مذکورہ یدی بیک ارشون
عرصہ اوزرینہ انشا اولمش مستطیل شکل بر بنا اولوب
طولا ایکی طرفندہ دخی برر جناحی واردر . وسطندہ ینہ شکل
مستطیلدہ و بیک ایکوز ارشون اتساعندہ چمن و شکوفہ ایلہ مزین بر
باغچہ سی اولوب بونک اورتہ سندہ برمر مر فسقیہ انشا اولمشدر .

سائر طرفلری سقفنک اکثر محلی و باغچہ نک کاملاً اوزری
جام ایلہ اورتلمشدر و عامہ نک دخول و خروجنہ مخصوص
جوانب ثلثہ سندہ اوچ بیوک قیوسی واردر . و بنا نک جانب
غربی سندہ ذات معالیسمات حضرت پادشاهی یہ مخصوص
کوچک بردائرہ همایون اولوب بونک دخی خارجا و داخلہ
ایروجه قیوسی واردر . دائرہ مذکورہ نک مقابلندہ یعنی بنانک
جانب شرقی سندہ واقع قیونک اوزرندہ دخی بریسی شہزادگان
نجابت عنوان افندیلر حضراتنہ و دیکری سرکی مأمورلرینہ
مخصوص ایکی دائرہ مختصرہ واردر .

سرکینک داخلندہ دائرہ امدادارا دیوارہ مستند اوچ بچق ارشون
ارتفاعندہ و بومقدار عرضدہ جاملی دولابلر و بونلردن بشقہ الیدن
متجاوز جسامت و اشکال مختلفہ کذلک جاملی اورتہ

دولابری اولوب اشیای معروضه دن قابل اولنلر جنسیتلری اعتبار یله بالتفریق اشدولابلر دروننه وضع وتعلیق اولنمش و خالی قلان بعض دیوارلریله باغچه نك اطرافنده و محال سائره سنده واقع دیرکلر کونا کون قالیچه لر و کچه لر ایله ستر و تزیین قلمشد ر .

حبوبات و عقاقیر و مایعات و امثالی محصولات ارضیه و ضاعیه بلور شیشه لر دروننه موضوعاً اوچ قدمه اوله رق انشا اولنمش اولان باغچه دیواری اطرافنه دیزلمشد ر .

سرکی دروننده موضوع اشیای بحثه کلنجه استماع اولندیغنه کوره اون بیک جنسی متجارب اولوب فقط بونلرک حقیقی وجهله جنس و مقدار و فیئاتی و عامل و محصلارینک اسم و شهرتلی و سائر اقتضا ایدن معلومات نافعیه یی مبین بر قطعه مفصل دفتری در دست تنظیم اولدیغندن بو بابده معلومات صحیحه و وافیده استحصالی دفتر مذکورک اعلا ننه متوقف اولدیغی درکاردر . اشیای مذکوره دروننده شایان دقت پک چوق شیر اولوب از جمله حلب و شام و بروسه منسوجات حریره سیدر که بونلرک اکثریسی ممالک شرقیه اثار قدیمه صنایعیه سندن اولوب حقیقه نفاسی مسلمدر . بری دخی انا طولیده عشاق و کوردوس و روم ایلیده شهر کوی و دیگر بعض محال معلومه ده چیقان کونا کون قالیچه و کچه لر در که اگرچه نقشلری ایران و اوروپا کچه لرینه مقیس اوله هنر ایسده زیاده طیا نقلی و رنگلرینک غایت رونق و ثباتی جهتیه ممالک سائره کچه لرینه بالوجه هر جحد ر . در سعادت و دیگر بعض محللرک صرمه ایشلری دخی غایت نفیس اولوب بودخی ممالک اجنبیه نك بو مقوله معمولاً تندن دون دکلد ر . اسلمیه

فابریقه سنده معمول عبا و امشالی یوک منسوجات دخی پک متنوع
 ونفیسدر . اینجـولی و صرمه لی کونا کون زنه ترلکلی دخی در سعاده
 مخصوص معمولات ظریفه دندر . ترسانه عامره معمولاتـندن
 اوله رق معادن و اخشابدن پک چوق کی آلات وادواتی
 و طوبخانه عامره ده اعمال اولمش ششخانه طوپلر و سائر
 شایان تحسین اولوب عادتاً اورپا فابریقه لری معمولاتـندن
 فرق لری یوقدر . مکتب بحریه شاهانه خواجه لرندن
 اولوب بزم جمعیت علمیه عثمانیه ایکنجی رئیس قائم مقامی
 بولنان رفعتلو سعید افندینک اعمال کرده سی اولق اوزره تیمور
 یوللرده مستعمل لوقو موتیف تعمیر اولنور عرب به لک ربع جسامتده
 برمودلی اربابی عندنده رهین تحسین اولمشدر . در سعادت
 وسلانیک ودها سائر بعض محالارک قیومجیلغه متعلق
 معمولاتی اوروپا ایشنه نسبة دون قالور ایسه ده ایچلرنده
 بعض اینجه و ظریف شیلر اولوب باخصوص در سعادتده
 ملقونیان اوسته معرفتیه اعمال اولمش اغاج شکلنده برچفت
 کوش شمعدارک اوروپا ایشندن هیچ فرق یوقدر .
 بزده رسم صنعتی هنوز حال طفولیتده ایسه ده اکثریسی مکتب
 حریه شاهانه شاگرداننک اعمال کرده سی بولنان متعدد
 لوحدار شایانه تحسین اولوب ممالک محروسه ده اشبو صنعت
 نفیسده دخی کسب کماله مستعد ذواتک نقصان اولمادیغنی اثباته
 کافیدر . فوظوغرافیا صنعتی ایسه بونک الیوم ممالک
 سائر ده واصل اولدیغی درجه یه رسیده اولمشدر .
 معدن کموری توزندن مرکب اولق اوزره برنوع کمور کوریاوب

واضعی اولان ازناور اوغلنك افاده سنه كوره اشبو كورك استعمالنده
اهونیت اوله جغندن ومعلوم اولدیغی اوزره شمدی به قدر كرك
معدنلرده و كرك كور مغازه لرنده تراکم ایدن مقدار کلی توز هیچ
برایشه یرامیوب تلف اولدیغندن بونك اولو جهله استعمالی
موجب فوائد اوله جغی در کاردر .

تفنگچی اصنافدن بری دخی بر اینجه ایکنه پی بوینه دلسوب
ایچندن بر قیل کچور مشدر . شو صنعت عاملنك کمال دقت
ومهارتنه دلالت ایدر ایسه ده بونی بر فائده لو شیده استعمال
ایدرك میدان قویمش اولسه دهها زیاده مقبول اوله جغی
در کار ایدی . بر هزار فن دخی یمور طه اوزرینه نعل رسمنده
بر طاقم کوچك تیمور پارچه لری میخلمشدر . بویله شیلره هنر
دیناسه بیله ظن عاجزانه مزه كوره محضا عبثه اشتغالدر .

شمدیلک بوقدر جق تعریفات مجمله ایله اکتفا اولندی
بمنه تعالی ایلروده شایان دقت اولان دیگر شیلرك تفصیل
کیفیاتیه برابر اشبو سرکی کشادن اصل مقصد نه اولوب
بونك حسن حصولی نمقوله تدابیر اتخازینه متوقف اولدیغی
وعموما ممالك محروسه شاهانه محصولات ارضیه وصناعیه سی
الیوم نه مرکزده اولوب دهانه مقوله حرف وصنایعك
احداث واصلاحنه سعی اولمنسی اقتضا ایده چکی حقنده
مطالبات عاجزانه مز شرح ویان اولنه جقدر .

استخبار اولندیغنه كوره یوم کشادن اشبور مضان
شریفك غایتنه قدر یکر می بر کون ظرفنده سرکی به دخول
ایدن ذکور وانات سیرجیلرك مقداری الی درت بیکه بالغ اولوب

بوصورتده بری بری اوزرینه یومی تقریباً اوچ بیك کشی
گیرمش دیمک اولور .

سرکینک ابتدای کشادنده برقاچ کون دخول ایدنلرک مقدار
صحیحی معلوم اولمق اوزره بیلیت اصولی استعمال اولمش ایسده
بعده اوروپادن کتورلمش متعدد الات مخصوصه استعمالنه
مبادرت اولنوب اشبو آلتلر دخی پک فائده لو و تحف برشی
اولدیغندن انک دخی تعریفنه ایتدار اولنور شویله که زمیندن
برجیق اندازه ارتفاعنده افقی اوله رق خاچ واری موضوع
بردولابدن عبارت اولوب دخولیه رسمی ویردکن صکره
ایچرویه کیره جک ادم اشبود ولابک برقولنی وجودیله ایته رک
اوتیه طرفه کچمک لازم کله جکندن بوصورتله هر بر ادم دخول
ایتدکجه دولابک اشاغی طرفنده وکلیدی بر کوچک صندوق
دروننده موضوع ادوات مخصوصه طبیعتیه رقم وضع
ایلدیکندن برکونه حیه وفسادقاریشه میهرق نمقدار
ادم گیرمش اولدیغنی صحیحاً معلوم اولور .

(منیف)

حکمای یونان کافه علوم صحیحده و بالخصوص علوم ریاضیه
مرکبه نك جراثقال دینلان قسمنده نظری ایله علمی بی تفریق
ایدرک بوزلرک یکدیگرینه مخالف و متباین ایکی شی اولمسنده
ذاهب اولمشلرایدی . هندسه و منطق و موسیقی و رسم و فن
معماری بی یونانلر ایجاد و نشر ایدوب بو وجهله امر مدینه
خدمت ایتدکلری مسلم ایسده حکمت طبعیه و جراثقالده حکمای
مذکوره نك مسلك و مذهبی اکثراً خطایا عظیمه اوزرینه مبنی
اولوب مسلك مذکور بوندن تقریباً طقوز یوز سنه مقدمه
کلنجیده قدر پایدار اولدوق علوم مزبور نك توسعنه و قوانین
صحیحه سنك کشفنه حائل اولدیغی دخی انکار اولنده .

ذکر اولنان مذهب باطله نظراً علوم ریاضیه و طبعیه ایکی
قسمه منقسم اولوب بریسی نظریدر که اجسامك خارجده
کیفیت و ماهیتندن قطع نظر مجرد سلفدن خلفه منتقل
بعض قواعد و بونك نتایجندن بحث ایدن علوم اولوب
بوزلره علوم عالییه و دیگری دخی عملیدر که بالعکس تجربه
ایله اجسامك خواص و کیفیاتی کشف و تحقیق اولمقدن عبارت
اولوب بوزلره دخی علوم عادیه و یا خود علوم سفلیه تسمیه ایتمشلرایدی .
بو مذهبده بولنان مصنفینك حکمت طبعیهده وضع و تأسیس
ایلدکلری اصول و قوانین ساکن اولدیغی سیاره نك سطحی
اوزرنده هر کون مشهود و مجرب مز اولان اثار و قوانین طبعیه یه
ناموافق و بلکه متباین اولدیغی حالده مذهب مذکور خیلی
زمانلر قوانین فاسده مز بوره نك معتبر قالمسنه سبب اولمشدر .
حکمای مز بوره افکارینه کوره اجرام سماویه تبدل و انقلابدن

بری و مدارلری مدور الشکل و حرکتلری دائمی اولمغله بونلر
مکونات تامه دن و سطح ارض اوزرنده کائن اجسام ایسه تغیرات
وانقلا باته مستعد اولوب حرکتلری دخی مستقیم و منحنی اولمق
حسیله غیر دائمی بولندیغندن بونلر دخی مکونات غیر تامه دن
عد اولمشدر.

مذهب مذکور کور کسوء نتیجه سی اولمق اوزره متقدمین جراثقالک
نظریاتی ایله عملیاتی یکدیگرینه متباین کی تصور ایتکله عملیات
جراثقال فنون سفلیه دن اولوب مجرد جر منفعت ایچون تعلم
و تحصیل اولنور یوخسه شان اصحاب عرفانه ناچسباند
دیدرک ابنای جنسارینی لوازم مدنیت اولان کمالا تدن خیلی
وقت محروم براقشلدور. آرچتاس نام حکیم علم هند سه بی آلات
واسطه سیله اراشه و اثبات ایتک مراد ایتش ایسه ده شاگردی
بقراط بو طریق ایله تدریس علمک قدر و شانده ایراث نقیصه
ایتکدر دیدی. مشاهیر حکما دن هند سه و حکمت طبعیه ده
مهارت تامه سی اولان آرشید دخی بعضی آلات واسطه سیله
بر بولکلو سفینه بی قره یه اخراج و اول زمانده دهشت انداز ربع
مکون اولان روما عسکرینی بیله مغلوب و منهزم ایده جک
آلات حریه ایجاد و انشا و بر طریق مخصوص ایله شعاعات
شمسیه بی بر نقطه ده تجمع ایتدیره رک بردونتهایی کاهلاً احراق
ایده بیله جکنی اعلان ایتش ایدی. حکیم مذکورک جراثقالده اولان
معلومات تامه سی و نظریاتی عملیه تطبیق ایتسی زمانمزمده اربابی
عندنده کمال شهرت و اعتبارینی موجب اولمش ایسده کندی
عصرنده و بر ازه دت صکره لری عملیات مذکوره علمدن معدود

اولیوب صنایع سفلیه دن عبارت اولغله علم هندسه کی بر علم جلیلاک
برهانیه مشغول ایکن دولته ابراز خدمت داعیه سیله شان
حکمایه نالایق صنایع سفلیه یه تنزل ایتدی دیومومی الیه
هدف طعن و تعریض قلندی .

عند المتقدمین اصحاب معلومات امور خارجیه
و بدیهه جده اهلیت و اقتدارلری اولسامی افکارینه
ذهاب اولنوب بونک تأییدی ضمننده اولزمان مشاهیر
حکمایه حقنده برطاقم افسانهلر اختراع قلمشدر .

رومالولرک جراثقالک اقسام متعدده سی و باخصوص
طاشچیلق و یول انشامی و موازنت اجسام مایعه
تطبیقا تنده زیاده مهارتلی اولدیغی الان موجود اولان
اثار هندسیه لرندن مستباندیر . فقط قوانین طبیعیه نک
علوم عاوییه و سفلیه یه تقسیی افکاری کتدجکه قوت
بوله رق نهایت بوندن سکر طقوز قرن اوله کلنجیه قدر
بالجمله ارباب معلومات مذهب مزبوری قبول و اتخاذ
ایتمش اولدقلرندن مجرد حکمایه عنوانیه مفتخر اولدقلری
حالده برطاقم مباحثات واهییه ایله امرار وقت ایدن اشبو
کروه نظرنده مهند سین و امشالی معارف نافعده اصحابی
بی قدر و اعتبار قالمشیدی .

اگرچه فی زماننا هذا ایاخوفیه جامع شریفی کی ابنیه جسمیه
و مصنعه ذک امشالی کور یله محبوب بودخی ابنیه مذکوره اقسامینک
متحمل اولدیغی ثقلته کوره حساب و مطالعه اولند یغنه
مینیدر . شو کیفیت ابنیه مذکوره بی انشا ایدن مهند سینک

نظری ایله علمی بیننده اولان جهت وحدت ۳۷۱

علم موازننده معلومات تامه لرینه دال ایسه ده علوم عالییه
اصحابی عملیاتی تحقیق ایدرک علمدن عد ایتدکلرندن وکندولری
سالک اولدقلری مذاهب باطله نك توسیع و تعمیقیه مشغول
اولدقلرندن اومقوله مهره مهند سینک انشا ایلدکلری
ابنیه ده استعمال ایتش اولدقلری قوانین دخی مسطور
صحایف اثار اولدقدن بشقه اکثرینک اسماری بیله
اونودلش اولدیغندن قوانین مزبور نك عصر مزده یکیدن
کشف اولنمسی لازم کلمشدر . اشته حکمای متقدمه نك
علوم طبیعه ده اولان اشبوافکار باطله سی میلادك اون بشنجی
قرنه قدر پایدار اولوب اندنصره علوم مذکوره طرز اخره
کیرمکله مذهب مذکور بالکلیه ترك والغا اولنمش
والیوم نظریاتک تجارب دقیقه ایله صحتی ثابت اولان مواد
اساسیه و بونلردن استنباط اولنان نتایجدن عبارت اولدیغی
تحقیق اولنمشدر .

علم حرکتی غالیله اونام حکیم تأسیس وئوتون اکمال
ایلدکلدن صکره جرائقال سماویه ایله ارضیه یعنی عادیه نك
ایکبسی دخی سهل وساده بر قانون تحتنده اولدیغی و سطح
ارضده اولان اجسامدن الك حقیر کورینان بر تویک بیله تابع
اولدیغی قوانین حرکت و موازنه کائناتی محیط اولان
مسافات غیر متشابه دروننده متحرک کافه اجرام سماویه
قوانین حرکت و موازنه نك عینی اولدیغی ثابت اولش و بناء
علیه کوچک و بویوک کافه مکوناتک هر بر فعل و اثرینک
خواص و کیفیاتنی تفتیش و تحقیق اتمک علوم سفلیه

تنزل ديمك اولديغي وبوندن صرف نظر هيچ بر صنعت
جرائع و حكمت و كيميا علمي قواعدن خارج اولمىوب
جهله سى حكما و علمانك تدقيق و تحريرلر نه اليق و احرا
اولديغي اكلا شمسدر .

اصحاب علوم و معارفك امور خارجيه جه عدم اهليتلى
حقنه اولان زعم باطل دخى بالتدريج محو اولمىوب شويله كه
سالف الذكر نوتون اصلزادكان و يا خود قرال و كلا سى
منسوباتندن اولديغي حالده انكلتره ده ضربخانه ناظرى
نصب اولمش و مومى اليهك اشبوم اموريتى اول وقتلرده
انكلتره ضربخانه سنده اتخاذاى لازم كلان نظامات جديده يك
اجراسى نوتون كي هم نظريات همده عملياته مهارت تامه سى
اولان برذاتك نظارتنه متوقف اولديغي اكلا شمسندن
نشأت ايتسدر . مومى اليهك مأموريتندن برازمدت
مرورنده برهفته ظرفنده ضرب ايتديردىكي كوش مسكوكاتى
سابقنك سكر مثله البلاغ ايلدى . حالبوكه اسلافى زماننده مدت
مذكوره ده ضرب اولنه بيلان سكه دن دهها زياده ضرب
اولمىسى غير ممكن حكمنده طوتيلورايدى .

اولوجهله علوم رياضيه و طبيعيهك نظرياتى ايله عملياتى بيلنده
توهم اولنان مباينتك سوء تاثيرى اليوم ازمنه سابقده اولديغي
قدر دكل ايسده بعضا زمانمزنده دخى مشهود اولمىسى جاى
تأسفدر . فى الحقيقه علوم رياضيهك هر قنغى قسمندن
مثلا علم حسابك اعمال اربعه سندن ضرب قاعده سنى اون
اون بش صحيفه عربى عبارء مشكله ايله قرأت و تحصيل ايتمش

ذواتك اڪثر بسندن برقاچ خانه لی ارقامدن عبارت ایکی
مضروبك حاصل ضربی ندر دیو سوال اولنسه بر جواب شافی
ویره میوب زعمنجه بونی عاردخی عد ایتمز . اشته برشی
حقنده علم ادعا سیله برابر اصل اندن مقصد اولان عملدن غفلت
سالف الذکر مسلك باطل بقیه اثارندن اولدیغی بی
اشتباهدر .

نظریات ایله عملیاتك تفریقندن ناشی حصوله کلان مضمرات
کلیددن بری دخی قوه اختراعیه مالک وال صنعتنده ماهر
اولان اشخاصك ممکن الحصول اولان شیلری اولمیانلردن فرق
وتمیز ایتک ایچون اقتضا ایدن علوم نظریه دن بی خبر
اولملریدر . چونکه مسلك باطل مذکور عملیات اصحابنك
علوم نظریه اربابندن استفاده سنه مانع اولدیغی مثالوا اصحاب
علوم دخی بالتجربه حاصل اولان معلومات ایله صنایعك اصلاح
واکمالی ضمننده تفتیش وتفحصی لابد اولان مسائلك حل
واسخراجنه حائل اولور . اشته بوجمله نظریات اربابی علوم
ریاضیه وطبیعیه جه مشکل عد اولان مسائلك حایله
اشتغال ایدر لك عامه حقنده موجب فوائد اوله جق بر اثره
موفق اوله مزور وبنأعلیه اصول وقوانین عملیاتی تدریجی
ومصارفات کلید ایله اجرا اولنهیلاان تجارب واسطه سیله
تحصیله مجبوریت کلور .

بالکز عملیات ایله اشتغال ایدوب اربابی عندنده معلوم وثابت
قوانین طبیعییه دن بیخبر اولان بعضی کسان برماکنه اعانه سیله
صو حیقار مقویا خود بر فابریقه بی اداره ایتک خلیا سیله

اتلاف عمر و مال ایتد کد نصکره اگر سرمایه اولسه تصور
ایلدیکم ماکنه بی انشا ایدردم فقط حیفاکه بویله شیلره
اعتبار اولنم یوردیه رک برطاقم واهی ادعالرله امرار وقت
ایدرلر . حالبوکه اومقوله کسانک علوم نظریه دن براز
معلوماتلری اولسه تصور ایلدکلری شیئک ممکن اولوب
اولیه جغنی فهم و اذعان ایدوب اربابی عندنده عدم امکانی
ثابت اولان شیلره بیهوده اوغراشملر . ایمدی مسلك مذکور
جهله دن زیاده مهندساکیه یا خود تعبیر دیگر ایله تطبیقات اصول
جراثقاله مضردر . چونکه نظریاته تطبیق اولنمیه رق
انشا اولنان ابنیه متین اوله میوب بو صورتله یاپیلان ماکنه لر
دخی ایشه یرامیه جغندن نظریاتدن بی خبر اولان اصحاب
هنز بر بنا و یا خود بر ماکنه اعمال ایتک مراد ایتد کلرنده
موجود اولنلره تقلید ایله اکتفا ایدرلر . اشبو اصول هر نقدر
مخاطره دن امین ايسده دائما بویولده حرکت اولندیغی
صورتده فنون و صنایع اصلا ترقی ایده میوب دائما برحاله
قاله جغنی بدیهیدر .

لکن نظریات ایله عملیات بینده فرض اولنان مبیئتدن
نشأت ایدن مضرات عصر مزده اوروپانک ممالك غریبه سنده
بالکلیه محو و زائل اولمقده اولوب چونکه نظریات
ایله عملیات اربابی بینده اختلاط و انسیت حاصل اوله رق
یکدیگرینک مسلك و معلوماتنه کسب و قوف ایتد کلری
وبو وجهله نظریات ایله عملیات یکوجود اولدیغی جهسته
بونلرک ایکسنک ثمره سی اولان هر درلو اثار مدنیت کون بکون
ترقی و توسع ایتکده در .

نظری ایله عملی باینده اولان جهت وحدث ۳۷۵

اصحاب علمیاتك انشا ایلدکلی کرک اینیه وکرک ماکنه لرك
قوانین جراثقاله تطبیقا اصلاحي ضمننده بوندن
اون بش یکرهی سنه مقدم لوندره و دویلین و باغاست و قورق
وغالوه و غلاسغو دارالفنونلرنده اصول جراثقال تطبیقاتك
تدریس و تعلیمی ایچون مخصوص صنفلر احداث و خواجدهلر
تعین و تکنولوژی یعنی علم کیماك صنایع متنوعهیه تطبیقی
فنك تعلیمی مقصودله ایدینور غده دخی بوندن یدی سکر
سنه مقدم مجدداً بر صنف کشاد اولمشدر . اشته
اوروپاده فنون و صنایعك کتدجکه ترقیسی و اختراعات
جدیده وجوده کلمسی اشبو تشبثات مؤثره ثمره سیدر .
ممالك محروسه شاهانده صنایعك دوچار اولدیغی حال
و قوفدن تخلیصی دخی مطلقاً بومقوله تدابیر اتخازینه منوط
اولدیغی درکاردر .

علوم علمیهك دیگر بر قسمی مثلاً علم طبك عملیاتی دخی
سالف الذکر خصوصاً مقیس اولوب چونکه مکاتب طبیعه ده
علم طبك نظریاتندن اولان تشریح و فیزیولوژی دینلان قسملرینك
تدریسی کفایت ایتیوب بوزارله برابر جراحلق و سائر
علمیاتك دخی تعلیمی لابد اولدیغی مثلاً علوم ریاضیه و حکمت
طبیعه و کیمیا تدریسه مخصوص مکاتبده دخی بوزارک تطبیقاتی
لازمه دن اولوب فالاً علوم مذکوره تعلیمندن مطابوب اولان
نتایج حصوله کله مز .

غلاسغو دارالفنوننده یوز سنه قدر محفوظ بولان
برک و چک مودل هر کسك نظر نده غایت چرکین و حقیر

کورینوب حتی بر رسام بونک رسمنی الدرق بعض ذواته
 ارائه ایلد کده کورنار رسامک بو عالمده هیچ برشی بولمه میونده
 بونک رسمنه امک صرف ایلمسنه هیچ بر معنا ویره مدیالر .
 فقط مذکور رسامک شوزحتی اختیار ایلمسی نابجا اولدیغی
 بعده اکلاشلدی شویله که بوندن تقریبا طقسان بش سنه مقدم
 جس وات نامنده بر ذات مذکور مودلک تعمیریه مشغول اولدیغی
 صره ده کندوسنک علوم ریاضیه و حکمت طبیعییه ده اولان
 معلوماتنی اکا تطبیق ایدرک فی زماننا هذا کرک تاره ده وکرک
 روی دریاده مشاهده ایلد یکنز واپور ماکنه لرینی اختراع
 ایتمش اولدیغندن اولوقتدن برومز بور کوچک مودل انظار عامده
 جس واتک قوه عقلیه سنک مسکنی عد اولندرق مهرمنیرکی
 کسب اشتهار ایلمشدر . اشته بویله ناچیز وحقیر
 کورینان اشیانک قیمت علم واسطه سیله کسب ترقی
 و اعتبار ایدر .

(محمد سعید)

خواجہ در مکتب بشریہ شاہانہ

(مدخل علم ژئولوژی)
 کیمیا

(اجسام بسیطه غیر معدنیہ بیانده در) (مابعد)

عادی مطبخ طوزی جسم مرکب اولوب ایکی عنصردن
 عبارتدر که ایکسی دخی حال انفرادده انسانه کوره مضر

وممـالك بر زهر در . فقط تركيب ايلدكلى ملح انسانه
 نمرتبه لا زم ولذيد بر يوك نعمت اولديغى بياندن مستغيدر .
 سالف الذكر قوه جاذبه كيميويه يعنى مناسبت كيميويه
 كافه اجسامده موجود اولوب بلكه هيچ بر جسم يوقدر كه
 اجسام سائره ايله بعض مرتبه مناسبت كيميويه سى اوليه
 لكن بعض اسباب مانعه مناسبت كيميويه نك تاثيرينه
 خلل ايراث ايلديكندن هر جسم هر حال ومحلده يكد يكريله
 اتحاد وامتزاج يده من .

قنار صويك ايچنه بر كرج طاشى پارچه سى وضع
 اولنسه صوايله مناسبت كيميويه سى اوليوب يا خود
 غايت جزئى اولديغندن و برده اجزاسى بيشده قوه جاذبه
 بولنديغندن تحليل ايلز . لكن سر كه ايچنه قولنسه انكله
 مناسبت كيميويه سى زياده اولمغله تدرجمله تحليل ايلز .
 فقط كرج طاشى پارچه سى غبار هيئتنده اولديغى حالده
 قوه جاذبه جزؤ فرديه سى تقايل اولنه جغنه بناء يك
 سهولتله تحليل ايله چكى دركار در . والحاصل سر كه يرينه
 تيزاب و يا خود زاج ياغى استعمال اولنسه اشبو حامض لرك كرج
 طاشيله مناسبت كيميويه لرى زياده اولديغندن حجر مذكورى
 در حال تحليل ايدر . تحليل ايدن مابع صو و سر كه وزاج ياغى
 و تيزاب وامثالى مابيعاته بو وجهله محال تسبيه اولنور .

حرارت مناسبت كيميويه نك قوتى بعض احواله كوره
 تزييد و يا تقايل ايلز . مثلا بر مابيعده منحل اوله بيلان
 جسمى مابع مذكور صبحاق اولدقده دهاقولاى و تيز تحليل

ایدوب مثلاً شاب صبحاق صوده دهاز یاده اریر . فقط بعضا
قاوریلمش کرچ صبحاق صوده بالعکس یک از منحل اولوب تبرد
ایلد کده کادلا منحل اولور .

اجسامک اجزای اصلیه لرینک طبایعی و مناسبات کیویه سی
درجات مختلفه اوزره بولندیغندن مواد کیویه نک بری
برینه تأثیرنده حادثات واقعیه مشوع اولوب قوت مناسبت
زیاده اولان جسملر اولکی ترکیب لرینی بوزهرق یکیدن بسته
ترکیب احداث ایدرلر . اولکی امتزاجی ترک ایلدیکندن بشقه
ترکیبی ترجیح ایتدیرن قوته قوه جاذبه کیویه هرجه
تسمیه اولور . اشیو کیفیتک تفهیمی ایچون زیرده برقاج مثال
ایراد اولندی .

ایرلانده جزیره سنده واقع نحاس معدنلری مغازه لرندن
برنده عمده تیمور کورکلرینی اتفاقا اوراده براغوب محل مذکوره
ایسه برک کوچک نحاس منبعی بولندیغندن . مذکور
کورکلر بر مدت قالدقندن صکره نحاسه منقلب اولمش کی
اوزرلری باقر قابالوبه لمشدر .

بو حال معانوم و مشهود اولدقده بشیوز طونه مقداری
تیمور محل مذکوره بر سنه ترک اولوب بو مدتده تیمور مزبور تحال
ایدرك کلی نحاس حاصل اولمشدر . بو کیفیتک سببی شو وجهله
فهم اولور که ذکر اولنان منبعده بولنان نحاس عنصر حالنده
اولیوب حامض کبریت تسمیه اولنان زاج یاغیه مرکب اولدیغی
حالده صوده محلول بولوب لکن حامض مذکورک تیمور ایله اولان
مناسبت کیویه سی نحاسدن زیاده اولدیغندن تیمور ایله ترکیبی

ترجیح ایستاده انکه ترکیب احداث ایتک ایچون حاوی اولدیغی
نحاسی ترك ایلمکه مجبور اولور. یعنی باقر هیئت اصلیه سیاه ظهوره
کلوب تیمور دخی مایعده منحل اولورق باقرک یرینه قائم اولور.
بو مثالده بر جسم مرکب بر جسم بسیط ایله تشبیل ایتش یعنی
صوده منحل ملح کبریت نحاس که قبرس طاشیدر جسم بسیط
بولان حدیدک واسطه سیاه منحل بولنش اولمغله بوکالعت وسبب
اولان قوه قوه جاذبه مرکب بسیط واکر بری بری اوزرینه
تأثیر ایدن جسملرک ایتکسیده مرکب اولسورایسه اولزمان قوه
منکورهیه قوه جاذبه مرکب مضاعفه اطلاق اولور. اجسام
غازیه دیو تأثیر حرارتله دائماً هوا هیئتنده بولان اجسامه اطلاق
اولور. معلوم اوله که غازات ایله مواد بخاریه بیننده فرق اولوب
شویله که مواد بخاریه دن حرارت موجوده زائل اولسه حالت
اولیارینه رجعت یعنی مقدماری صلب ایسلر تصلب واکر مایع
ایسلر تبرده تیغ ایدرلر. مثلاً صوجیوه وکوکرد و سائر حرارت
ایله تجز ایدوب صوجیوه برودت ایله یکیدن مایع وکبریت
دخی صلب اولدیغی جمله نك معلومیدر. لکن غاز تسمیه قلنان
اجسامده بویله اولیوب حرارتله مناسبتری زیاده اولمغله
اجسام مواد بخاریه تضییق ویا برودت ایله تبدیل حالت ایتدیرلر.
اجسام غازییه بسیط نك جمله سی شفاف واکریسی هوای
تسمیه کی رنگسزدر. قشر ارضک داخلا بولان محبوف
محللاری غازات ایله مملو ودرین محللارنده دخی موجود اولوب
بعضاً خارج قشره صعود و بعضاً دخی دهستلو حالات ایله
خروج ایلر. شویله که بعض حرکت ارضده یرمنشق اولوب

شقوق حاصله دن ظهور ایدر . وولقانلردن دخی حلی
غازات شدتله متصاعد اولور .

ومپاه معدنیه ده و طاش کوری معدنیه غازات کثیره
بولور . اجسام غازییه یکدیگریله بالامتزاج ترکیبات
عدیده احداث ایدر لر ایسه ده بونلرک ذکر ویاتندن
صرف نظرله فقط ترکیب ایتد کوری صوایله هوای نسیمیک
تعریف ویایله اکتفا اولمشدر . (اوجنجی فصله مراجعت اولنه)
اشبومقاله نک اولنده بسط و تعداد اولدیغی اوزره علم
رئولوژیده اهمیتلری اولان اجسام عنصریه نک عددی
اون الییه بالغ اولوب بونلردن برنجیسی مولدالموضه دینلان
جسم غازیدر که جله اجسامدن زیاده قشرارضک ترکیبده
مدخلی واردر . عنصر مذکور کافه عنصرایله امتزاج واتحاد
ایله یلدیکی جهتله صوده وهوای نسیمیده دخی بولور .

اگرچه قشر ارضک یوزده الیسی (قوملراکثریاسیلیسدر)
سیلیس تعبیر اولنان جسمدن عبارت ایسه ده جسم مزبور بسیط
اولیوب کندودخی مولدالموضه نک سیلیسیوم دینلان
جسم بسیط ایله ترکیبندن عبارت و ترکیب مذکور یوزده الی
غاز مولدالموضه یی مشتملدر . اشبوجسم غازی بسیط
حیواناتک تنسمه واجسام محترقه نک احتراقنه و نباتاتک
نشوونمسانه مقتضی اولدیغندن مقدمات هوای حیاتی
وهوای ناری اسملریله معروف ایدی .

مولدالموضه یی حاری بریوجک شیشه ویا برفانوس درونه
حازونی بولکشمش و اوجی برار قزدریش و یاخود اوجنه برینار

قاور چه سی قونمش بر تیمور تل وضع اولند قدده شرارات لامعه
 پیدا ایدر ککلیاً مشعل و محترق اولور . و حاصل اولان جسمه
 حص حدید تسمیه اولنور . غاز مذکور دن صکره کثرت
 و اهمیت در کار اولان جسم بسط مولد الماء اولوب بودخی طبیعتده
 يك چوق اجسام ایله مرکب بولنور و صویک ترکیبده داخل
 از لعله بعض احوال کیویه ایله صوباً تحلیل استحصال اولنور .
 اشبو عنصر غاز اولوب رتک ولدن عاریدرو غایت مشعل
 و تنسم و اشتعاله غیر صالح و بوکالدیجی و اجسامک اخفیدر .
 و بو اکابناً بان اعمالنده استعمال اولنور . و مولد الجوضه ایله
 خلط اولنوب بر شمع و یا برینار کاغذکی بر مشعل نسنه ایله
 تماسه کتورلد کده شدنله پاطایوب دروننده بولندیخی شیشه پی
 پاره پاره ایدر . و غاز مذکور اشعال اولند قدده حاصل اولان شعله
 يك ضعیف ضیالی ایدده حرارتی غایت شدید اولوب صعب
 الذبان اولان اجسامی سهولته اذابه ایدر .

فرانسه کیمیا کرلرندن دوروزیه جزئی مقدار مولد الماء
 تنسم ایلش اولد یغندن نفخ ایلرایکن اغزینه قریب محالده
 بر شمع بولنوب غاز مذکور اغزنده پاطلامش و کند یسی دخی
 بر شدید جه رعشه حس ایلش اولدیخی روایت اولنور .
 مولد الماء قشرارضده واقع کک طبیعی و کک عملی منفذلر دن
 اکثراً غازات سائره ایله مخلوط اوله رق متصاعده اولور
 و علی الخصوص کور و طوز معدنلر دن ظهور ایدر .

ممالك چینه متعدد جبالک ذروه لرنده کیجه لری علور ویت
 اولوب بعضیسنده ضیا زیاده اولسیله اطراف و اکثافی اضائه ایلر

بو کیفیت غاز مولد المائک اشتعالندن نشأت ایدر . وینه ممالک
مذکوره ده پک چوق طوز معدناری و طوزلی منبعار وارد رک
ایچلرندن اشبوغاز مشتعلاً خروج و حتی شدت و سرعت
فوران ایلدیگندن رعد کی صدا و پرک ظهور ایدر . و بعض
محلارده شعله مذکوره تدارک و استعمالی ایچون مخصوص
قیولر حفر اول نور .

اوچنجی عنصر ازوت نام دیگر هوای مماتی اولوب قشر ارضک
ترکیبده مدخلی جزئیدر . لکن هوای نسیمیده کثرت اوزره
بولندیگندن انک بمشده ذکر اولور . اشبوغاز رنگسز و تنسم
و احتراقده غیر صالحدر . اجسام عنصریه دن دردنبیسی قاربون
یعنی فحم اولوب بو غایت مبذول بر جسم ايسده خالصی پک نادر در .
کاملاً مواد اجنبییدن جاری اولوب زیاده سخت و کثیف اولان
قاربون جمله نک معاومی اولان الماسدر . بو کامینی بعضی کسان
کوری الماسد قلب و تمویل اینکد چالیشوب هندستان و امریقا
معدنلرنده چقان الماسلره مشابه الماس اعمال ایلک املنه دوشمشلر
ایلدی . جسم قاربون اجسام سائره ایله ترکیبات حاصل ایدرک
طبیعتده پک مبذول بولور . و حاصلات ارضیه ده ترکیبات
مذکوره نک مدخلی چوقدر . و قاربون خالصک یعنی جوهر الماسک
قلت و ندرتی اءور مستغریه دن اولوب اجسام بسیطه سائره دن
بعضیسنک ندرتی کییدر . مثلاً تیمور معادن پک مبذول و قشر
ارضک عبارت اولدیغی احجارک اکثریسی جزئی و یا کلی تیموری
حاوی ايسده طبیعی اولارق حدید خالص پک نادر در .
عنصر کو کرد جمله نک معاومی اولدیغی وجهله صاری

رنگی و مشتعل و غایت منکسر بر ماده در . و بر کدی
 پوستیه دلاک اولنسه بر رایحه مخصوصه حاصل ایدوب
 الکتریک منفی اظهار ایدر . و احتراقنده علوی مائی
 و یا خود حرارتند کوره بیاض اولوب طومانی کسکین و بعض
 مرتبه کوزه سو تأثیری اولور . امر یقا و لقانلرنده واقع
 کبریت معدنلرنده ادخنه کبریتدک عمده به ضعف بصیر ایرات
 ایلدیکی مجربدر . و باغ و باغچه لره و اراضی مزرعه ده تأثیرات
 مضره سی در کار اولدیغندن سچایا جزیره سنده کلیتو
 کو کرد معدنی اولوب مخصوص فروزدرده تصفیه اولندرق
 طومانی اطراف و اکنافه منشور و باغ و باغچه لره تأثیر ایلدجکندن
 فابریقه لک انجیق خالی محالرده و هیچ اولمز ایسه باغ
 و باغچه لردن لا اقل بر میل مسافده انشا اولنسی حقنده
 نظام مخصوص وضع اولمشدر . حرارت شمس ایله
 کو کرده بر رایحه حاصل اولدیغندن معدنلردن چیقوب
 انبارلره وضع اولنجیه قدر پیدا اولان رایحه نک ییله
 عمده ضرری وارددر . بر چوملک دروننده اذابه اولمش
 اولان کو کرد تبیننده منتظم شکلده قرستالانور . و مانع حالنده
 برقاج دقیقه طویلوب صکره صویه القا اولنسه کندوسنه
 بر یوشاقاق و الاستیغیت کلور . کو کرد و لقانلرنده بولوب
 حالا مشتعل و لقانلردن بیاض طومان هیئنده قولوبیا
 ممکنده واقع یقراچه نام و لقانده شول مرتبه ادخنه سی
 ظهور ایدر که بوندن اطراف و لقانده حاصل اولان توز بانترام
 ایکی اوج قدم عمقنده بر کو کرد طبقة سی حاصل و تشکیل

ایلمشدر . وحتی اوجوارہ براغاج پارچہ سی وضع اولنسه
 برقچ کون ظرفندہ کوکرد قرستالریله مستور اولور . کوکرد
 معدنلری کرہ ارضک بش قطعہ سنده دخی محال عدیدہ دہ
 بولور ایسہ دہ جملہ سی خالص دکلدور . حتی بعضاً دخی معادن
 متنوعہ ایله مختلط اولہرق بولور . واوروپا قاپلیجہ لرنده وپروسہ دہ
 وعلی الخصوص اسلانده جزیرہ سنده وسائر محملک میاہ
 معدنیہ سنده گاہ خالص وگاہ مولدالما ایله مخلوط اولہرق
 تصادف اولور . دکن صوینده دخی کوکرد وار ایسہ دہ
 خالص اولیوب بودخی مواد سائرہ ایله مخلوطدر . معلوم
 ارہ کہ اشبو عنصر یالکز احجار و معدنیاتہ مخصوص اولیوب
 نباتات و حیواناتدہ دخی بولور . مثلاً طورپ و شلغام
 جنسندن اولان نباتلردہ و مواد حیوانیدن یورطہ و سائرہ دہ
 کوکرد اولدیخی بالتجربہ ثابتدر .

اجسام بسیطہ دن بری دخی قولور اولوب یشیلہ قریب
 صاری رنگلی وکریہ رایجہ لو ولذتی کندیسندہ مخصوص
 و تنسم و اشتعالہ غیر صالح برغازدر . اشبو عنصرک
 طبیعتدہ خالصندہ هیچ تصادف اولمیوب مواد سائرہ ایله مختلط
 اولہرق بولور . ترکیباتنک دخی علم ژیولوژی دہ اہمیتی
 درکاردر . مولدالما ایله امتزاج ایدوب حاض قاور مولدالمائی
 و سودیوم ایله دخی عادی مطبخ طوزینی احداث ایلر .

غاز قلوور تنفس اولنسه صدوری تضییق ایدرک شدید
 براوکسورکی موجب وزیادہ جدہ تنفس اولنور ایسہ ہلاکی
 مستوجب اولور و مواد ہاونہ حیوانیہ نک لونلرینی کلیاً محو وازلہ ایدر

وغاز مذکورك خاصه لرندن بری دخی اجسام معدنیه دن
 بعضیسنی اینجه لوحه اوله رق تماس ایلدکده اشعال ایلکدر .
 کیمیا کرلر قلووری ایکی هیئتده یعنی مایع وغازی اوله رق حاصل
 ایدرلر . جسم بسیط فلیورهنوز بالعمل خالص اوله رق حاصل
 اولنده مامش اولوب فقط مواد سائره ایله احداث ایلدیکی
 مرکباتك خاصه لرندن استدلال وقیاس اولدیغنه کوره قاور
 و بعض عناصر ایله مشابه اولدیغی مسلددر . طبیعتده
 فالسیوم نام جسم بسیط ایله ممزوج اولدیغی حالده یشل وکوکز
 رنگده شفاف و مکعب شکلنده قرستاللمش تصادف ایدرکه
 حجر فلیوری اسمیله معروفدر . اشوفلیور مولدالمحوضه ایله
 امتزاج ایتیبوب مولدالمواد کراولدیغی اوزره اجسام عنصریه دن
 بعضیلریله دخی مرکبات احداث ایلر و مولدالماء ایله احداث ایلدیکی
 حامضه حامض فلیور مولدالمائی تسمیه قلمور . عنصر فوسفور
 خالص اولدیغی حالده رنگسز و شفاف ولزندن عاری و قوسوسی
 صار مسق قوسوسنه شبیه بر جسم صلب اولوب صلابتی
 بال موئندن زیاده جدددر . وحتی سهولتله کسیده ییلوب کسایدیکی
 محلده جلاسی عینی بال مومی جلاسنه بکزر . وقرانلق بر محلده
 لمعان ایلر . وهوایه ترك اولندقدده مواد المحوضه یی جذب ایدوب
 کندوسندن بریاض دخان حیقارق جزئی تسخین اولنسه آتش
 آلوب ینار و حامض فوسفوره منقلب اولور .
 اکا بناء صودروئنده ویا مولدالمحوضه سز بر هوا دروننده
 حفظ اولنور .

(ادهم)

ناظر تجارت و معارف عمومی

(تاریخ سرکی بروجه عمومی)

بود دفعه در سعادتده کشاد اولان سرکی عمومی عثمانی
مناسبیه علی العموم سرکی اصولک نه وقتدن پرو معلوم و معرفی
اولد یغنه و شمیدی به قدر ممالک سائرده ده اچیلان سرکیلرک
اخر زراعت و صناعتجه نه درجه تأثیرات حسنه سی مشاهده
قاند یغنه دائر بعض معلومات مجمله ویرامی مناسب وقت و حال
عد اولمشدر .

قدمای یونان زمانده رسم و اویمه و امنالی بعض صنایع
اربابی معمولاتلرینی بر سرکی هیئتنه قویه رق انظار عامهیه
عرض و بوصورتله مصنوعاتلرینک عند اناس درجه قدر
و اعتبارینی فهم و تحقیق ایدر لر ایدی . ملل متأخره بیننده
بوعادت کلیاً متروک و منسی قالب بوندن یوزا التمش سنه
اولد کالجیه قدر بویله سرکی کسادی کسه نک خاطر و خیالنه
بیله کلامش ایکن فرانسه مشاهیر مصوریندن موسیو مانسارک
هتیه ۱۰۸۰ سنه هجریه سنه مصادف اولان ۱۶۹۹ سنه سی
پارسیده کک طاشدن مصنوع و کک کاغذ اوزینه هر سوم
مجسم و مسطح تصاویر مخصوص بر کوچک سرکی کشاد اولوب
اندن صکره دخی اره صره شو اصول اجرا قلنمشدر .
صنایعک ترقیسی حقنده اش بوتدیرک حسن تأثیراتی کورلد یکندن
بر بی دفعه اولمق اوزره ۱۷۹۸ سنه سی پارسیده فرانسه نک
هر نوع معمولات و معمولاتنه مخصوص بر سرکی کشاد قانیدی .

صکری ہری ہر سہ ویاخود ایک اویچ سہدہ بر کرہ پارسیدہ
 بومثالو سرکی کشاد اولنغہ باشلیوب مشاہدہ اولنان فوائد
 عظیمہ سہدہ دینی شوعادت بتون اوروپایہ سرایت ایدرک ۱۸۳۰
 سہدہ سی بلچیقادہ و ۱۸۳۴ سہدہ سی برلیندہ و ۱۸۳۵ سہدہ سی
 ویانہدہ بومثالو خصوصی و مؤخرأ ۱۸۵۱ سہدہ سی لوندرہدہ
 ۱۸۵۵ سہدہ سی پارسیدہ ۱۸۶۲ سہدہ سی دفعہ ثانیہ اولہرق
 ینہ لوندرہدہ عمومی سرکیلر کشاد اولنمشدر *

اشبو سرکی اصولی مقدملری پک کوچک اولہرق
 باشلامش و اوروپادہ الک اول کشاد اولنان حرف و صنایع
 سرکبسی سالف الذکر ۱۷۹۸ سہدہ سی پارسیدہ اچیلان سرکی
 اولوب یرہفتہدن زیادہ تمتد اولمامش ایدی • مذکور سرکی یہ
 یانکز یوزاون کشی اشیا وضع ایدوب ایچلرندن اون ایکبسی
 مدالیہ اخذ ایلمش و مرکز صنایع اولان پک چوق شہرلردن
 بیلہ اشیا کوندرلمامش ایدی • فقط مذکور سرکبدہ شایان دقت
 بعض مصنوعات کوریلوب اربابی تشویق اولندیغی حالہ
 دہازیدہ الرترقی ظہور ایدہ جکی اکلا شغلہ کلہجک سرکبدہ
 ابراز مایہ لیاقت ایدنلرہ طرف دولتدن یکر می عدد کموش
 و بر عدد التون مدالیہ اعطا اولنہ جغی و بواشتون مدالیہ
 انکلترہ معمولات قطنیہ سہدہ بہاسی دخی اوجوز اولمق شرطیہ
 الک ایو تقلید ایدہ جک اولان اہل صنعتہ و یریلہجکی
 اعلان قلندی •

بونک اوزرینہ بیک سکزیوز بر وایکی سہدہ لرنده متعاقبا
 ایک دفعہ سرکی کشاد اولنوب مسوجات قطنیہ و حریریہ

و مصنوعات سائردهن شایان تقدیر خلیجیه شیر مشاهده
اوله رق اینکجی سرکیده یکر می ایکی عدد اتون و خلی کوش
مدالیه اعطا اولندی . بوند نصکره خلته زیاده شوق و غیرت
کله رک ۱۸۰۶ سنه سی کشاد اولنان سرکی یه ۱۸۰۲ سنه سی
سرکی سندن اونقات زیاده ادم وضع اشیا ایلش و اولکی
سرکیلره اشیا ککوند ر مامش اولان پک چوق شهر لر بو
سرکی یه اشیا از سالیه نائل امتیاز اولمش لرد ر . اولوقت
ایمپراطور بولنان بر بی ناپولیون طرفندن اجرای تشویقاتده
هر نقدر مبالغه اولندی سده اهل صنایع حکمت طبیعییه و کیمیا
ملاو علوم مسانلندن و بونلرک صنایعه صورت تطبیق و اجرا سندن
بیخبر اولم لریله یاپدقلری شیلرک اساس و حکمتی بیلمیوب
بوجهتله یکی بر شی ایجاد و اختراعنه مقتدر اوله مز لر ایدی .
موسیو شابلال و موسیو برتوات و امثالی علوم طبیعییه عملیاتنده
کسب تفنن و مهارت ایتش اولان بعضی ذوات خواص و طبایع
اشیایی درس عاملر اعطاسی و وسائط سائره ایله خلعه
تفهیم و تعلیم حسن همت ایدوب بوجهتله اکثر ناس و با خصوص
حرف و صنایعه میل جلیسی اولنلر علوم طبیعییه تجار بی
مراقبه دوشدرک شو حال ککون بکون صنایع جدیدیه
و مخترعات غریبه ظهورینه باعث اولمشدر .
مؤخرأ مشارالیه بر بی ناپولیونک خلعی وقوعیله فرانسه
غوایل حربیه دن خلاص اولدقده درت بش سنه ده بر کره ده
منتظم سرکیلر ککشادینه باشلانمشدر . بواشاده اچیلان
سرکیلره بالذات قهرال و خاندانی دخی کله رک سیر و تماسا و بوبابده

هر درلو تشویقاتی اجرا ایلش اولار یله شو کیفیت ارباب حرف
 وصناعه زیاده موجب شوق و غیرت اولار ق سرکی یه اشیا
 وضع ایدنلرک مقداری کتد کجه تکرایدوب ۱۷۶۸ سنه سی
 سرکیسنه یالکز یوز اون کسه اشیا وضع و بونلردن اون ایکسی
 مدالیه اخذ ایلش ایکن ۱۸۳۹ سنه سی کشاد اولان سرکی یه
 اوچبیک اوچوز سکسان کشی اشیا وضع ایدوب سکر یوزی
 مدالیه اخذ ایلشدر *

برمنوال محرر فرانسه ده اچیلان سرکیلرک زراعت وصناعه کجه
 فائده سی درجه وضوحه واصل اولدیغندن اور و یازک هر طرفنده
 شواصولک اجرا سنه اعتنا اولندی . و بو وسیله ایله بتون
 اور و پاملتلی حرف وصناعه یکه دیگره تفوق داعیه سنه
 دوشدرک بریسی خارجه بر سرکی کشادینی خبرالدقده در عقب
 اورایه مخصوص مأمورلر ارسالیله فائده لو بولان شیلرک
 صورت تحصیل و اعمالی کرکی کی تحقیق و اقتضا ایدن
 اورنک و نمونه لری جلب اولدق حسن حصوله اهتمام ایلدیلر *

شو حال اوزرینه انکلیزلر بر سرکی عمومی کشادی و بو وسیله
 ایله کافه ممالک اجنبیه محصولات ارضیه و ضاعیه سی نمونه سنی
 لوندیره یه جلب ایله بونلرک ایچنده انکلیتره جه مع فائده اعمال اولنه
 بیله جک شیلر وارایسه نمونه سنه تطبیقا تقلید ایلکی تصور
 ایدرک ۱۸۵۱ سنه سی برنجی دفعه اولق اوزره لوندیره بر سرکی
 عمومی کشاد اولندی . اشو سرکی سنه مز بوره مایسی ابتدا سنه
 اچیلوب تشرین اولنک اون برنجی کونی قپانه رق بش آی
 اون برکون ممتد اولشدر . بونک ایچون داور سرای اسمیله

مخصوص انشاقران محاک طول سرکینک کشاد اولسندیغی سنه
 عداد نجه بیک سکن یوز الی بر و عرضی درتیوز سکن انکلیر قدیمی
 اولوب بوندن بشته اتصاانده طولا طقوز یوزاوتوز الی و عرضاً
 قرق سکن انکلیر قدیمی وسعتده دیگر بر محل دها تخصیص اوله رقی
 خلاصه سرکینک استیعاب ایلدیکی عرصه بمسابق تربیعی
 اوچوز طقوز بیک ارشون ایدی . سرای مذکورک یکریمی برقیوسی
 اولوب بونارک اوچی سیرجیلرک دخوانه و اون سکرزی خروجلرینه
 تخصیص قلمشیدی . دروننده موضوع اجناس اشیانک مقداری
 برمیایونه و بونارک واضعلری دخی اون سکن بیکه باغ اولوب اشبو
 واضعلردن بشیک ید یوز طقسان اتبسی مدالیه اخذ ایلشدر .
 مدالیه اخذینه مستحق اولنلری تحقیق و تعین ایتک ایچون
 نصفی انکلیر و نصف دیگرى اجنبی اوله رقی اوچوز اون درت
 اعضادن مرکب و متعدد قوشه سیوناره منقسم بر اهل خبره مجلسی
 تشکیل قلمش ایدی . مزبور سرکی بی تماشا ایدن سیرجیلرک
 عددی الی میلیون یدی بیک طقوز یوز قرق درت نفره و بوناردن
 اخذ اولنان دخولییه نک مقداری بشیوز بشیک یوز یدی
 انکلیر لیرا سنه بالغ اولمش و تشرین اولک یدنجی کونی
 ایکی ساعت قدر سرکی دروننده طقسان اوچبیک کشی
 موجود بولمشدر . انکلیر اغنیاسی سرکینک تماشا سندن
 استفاده ایده یله جک فقرای اهالینک دخولییه لرینی و یروب
 سیرایتدیر دکلری مثلاً و انکلیر بلاد مشهوره سنده بولنان اکثر
 فایر یقه جیلر لازم کلان مصارفنی کندولری تسویه ایدرک
 فایر یقه لری عمله سنی لوند ره یه ارسال ایله کرکی کبی استفاده
 ایده بیلار چون بالدفعت سرکی بی تماشا ایتدیرملر در

مؤخر ۱۸۵۵ سنه سی پارسده دخی اوندره ده اولدیغی کی
 برسرکی عمومی کشاد اولندی . اشبو سرکی سنه مزبوره
 مایسی ابتدا سنده اچیلوب تشرین ثانسی غایه سنده قیانه رق یدی ماه
 متمد اولمش و بو کایکرمی بشبیک کنشی اشیا وضع ایدوب قرق
 نشان والی بیک سکر یوز اون بری مدالیه اخذ ایشدر .
 اشبو مدالیه لک اوچ یوز سکسان عددی التون وایکی بیک
 اوچ یوز التمش یدیسی کومش وقصور درت بیک التمش درت
 عددی باقر ایدی . نشان و مدالیه اخذ ایدن بشفه یوز قدر
 آد مه دخی مکافات تقدیه اعطا اولوب درت بیک اکیوز یکر می
 ایکی کسینک دخی انار موضوعه لری هر نقدر تحسین اولمش
 ایسده ذکر اولان صورتشویقه یه استحقاق درجه سنده
 اولدیغندن معرض استحقاقده اسامیلرینک طبع واعلانیه
 اکثفا قلمیشدر . اشبو مکافات لک تعینی ضمنده تشکیل اولان
 اهل خبره مجلسی متعدد قومیسونه منقسم اوله رق مالی مختلفه
 اصحاب مع اوماتندن و اوچ یوز طقان اعضادن مرکب ایدی .
 دفعه نایه اولدرق یکن سنه لوندره ده کشاد اولان سرکی عمومی
 ۱۸۶۲ سنه میلادیه سی مایسنک ابتدا سنده اچیلوب سنه مزبوره
 تشرین ثانسی ابتدا سنده قیانه رق التی ماه متمد اولمشدر .
 بونک ایچون یاپیلان محاک و معنی مقدمه کک ایکی منلی قدر ایسده
 انک کی یالکز تیمور ایله باوردن یاپلمش اولم یوب کار کیر
 اولدیغندن اولقدر کوسشلی دکل ایدی . دروننده بولان
 اشیا نک مقدار یله بوزارک و اضاعه لری نک و سیر چیلرک عددی جهت یله
 دخی ۱۸۵۱ سنه سی سرکی سبیه بیلارنده پک بیوک فرق

کوریله میوب انجیق بونده مختراعات جدیده و غریبه ده ها زیاده
 بولمیشدر . اشبوسرکی یه ممالک محروسه شاهانه
 اهل بسندن در تیوزدن متجاوز کسینه اشیا ارسال ایدوب
 بولردن سکسان اوچ کشی یه مدالیه اعطا اولمش و قرق
 در دینک دخی مصنوعاتلری زهین تقدیر اولدیغنی مبین
 اسملری طبع و اعلان قلمشدر .

اشبوسرکیده ارباب استحقاقه توزیع اولان مدالیه لر کافه
 باقرا اولوب تلطیفی لازم کلا نلرک جمله سنه بلا استثنا بوندن
 اعطا اولمیشدر . سرکینک یوم کشادندن اعتباراً اون بش
 کون قدر ادم باشه برر انگلیز لیرا سی دخولیه انوب بعده برای
 قدر دخی ایکی یچوق شیلین اخذ اولمش و مسکره لری نهایتنه
 قدر هفته ده ایکی کون کذلک ایکی یچوق و سائر کونلر یالکز
 بر شیلین المیشدر . بولردن بشقه سرکینک ختامنه قدر حادلی
 استرسد هر کون دخوله مأذون اولمق اوزره هر بری بش لیرایه
 اوله رق سرکینک کشادندن اولدخی بر چوق دخولیه بیلیتلری
 صا تمشدر . اشبوسرکینک مصارف انشائیه و سائر سی
 بشیوز بیک انگلیز لیرا سنه بالغ اولدیغنی حالده یالکز در تیوزاللی
 بیک لیرا حاصلاتی اولدیغندن بونی در عهده ایدن قومپانیانک
 اللی بیک لیرا اچیغنی ظهور ایتشدر .

برمنوال محرراره صره اچیلان عمومی سرکیلردن بشقه
 اوروبانک هر طرفنده و علی الخصوص انگلیزه و فرانسه ده محصولات
 داخلیه مخصوص سرکیلر کشاد اولدیغنی مثلاً ویول شهرلرده
 اوقات معینده ده هر بر صنعت اچون بشقه بشقه سرکیلر اچاورد .

(امید بروننده بولنان اهل اسلام)

افریقاده واقع انگلتره ممالکندن امید برونی اهالی مسئله سی
 یلنده بعضی مسائل دینه دن طولایی برمدتد نبروتکون ایدن
 اختلاف و فساد کتد کجه کسب اشتداد ایتکله اهالی مذکوره
 شو مسئله نک حلی ضمننده مسندارای خلافت کبری اولان
 ذات مقدس صفات حضرت پادشاهی یه مراجعته قرار ویره رک
 لوندره سفارت سیده سی واسطه سیله کیفیتی طرف دولت علیه یه
 عرض و اعلام و مبادیت مذکور نک استحصال اسباب
 اندفاعنه همت بیورلمسی استرحام ایلش و اشبواختلافک منتج
 اولدیغی مذاکرات بالطبع حکومت محلیه جبه دخی موجب صداع
 اولدوق بر آن اقدام بونک صورت مصلحانده حسم و فصلی ارزو
 اولدیغی جهته التماس مذکور انگلتره دولتی طرفندن دخی
 ترویج قلمش اولغله اعتقادات صحیحه اسلامیه نک اولخوالیده
 نشر و تلقینیه تفرقه واقعه نک رفع و ازاله سنه سعی و اهتمام
 ایلک اوزره علمادن ابوبکر افندی طرف سلطنت سینه دن
 انتخاب و معینه مقدار کلی کتب دینییه اعطا اولدوق
 بوندن بش الی ماه مقدم انگلتره طریقیه امید بروننه اعزام
 قلمشیدی

کچن شعبان شریفک بشی تاریخیه مؤرخا بو دفعه افندی
 مومی الیه طرفندن صوب عاجزی به ورود ایدن بر قطعه مکتوب
 مالیه نظراً مومی الیه حسب المصلحه براز وقت لوندره ده

قالقد نصكره بحر محيط غربى طريقه صوب مقصودينه
 عزيمت ايدرك رجبك يكرمى التيسنده اورايه مواصلت ايلشدر *
 مكتوب مذکور امید برونده بولسان اهل اسلامك احوال
 وکيفياته وخصوصات سائريه دائر بعض معلومات نافعہ ي
 شامل اولمغله خلاصہ سنك زيده درج و تحريرينه
 ابتدار قلندى *

” جادى الاخر ك اوز بر بى كوتى انكلتره سواحلندن برواپور
 سفينه سنده راكبأ امید برونده عزيمت واثناى راهده مساعد
 هواره تصادف اولنه رق متعدد يلكن دخى اچلمش اولمغله
 رجب شريفك يكرمى التيسنده يعنى قرق درت كون ظرفنده منزل
 مقصوده مواصلت قلمشدر * اوروپا ايله محل مذکور
 بيننده آمد شد ايدن واپور سفائى اثناى راهده
 كمور اله جق محبارك ندرتندن ناشى حامل اولد قلرى كمورك
 احراقنده زياده سيله تصرفه رعايت ايدوب مساعد هواردن
 ممكن مرتبه استفاده ايلكه سعى ايتدكلرندن مسافه مذكوره ي
 اكثريا اوچ درت يماه ظرفنده قطع ايله بيلدكلرى استخبار
 اولمشدر *

دونكى كون والى ايله ملاقات ايدرك لوندره سفارت سنيه سى
 واسطه سيله انكلتره امور خارجيه وكالتندن اخذ ايتمش
 اولديغم توصيه نامه ي تسليم ايلدم * مشاراليه داعييارى حسن
 صورته قبول ووقوع دأمو ريتندن طولابى اظهار كمال
 محظوظيت ايلدى * ومدت مدیده دنبرواهل اسلام
 بيننده ظهور ايدن مبادت دينيه منازعات ومخاصمات

متوالیدی مؤدی اولوب بونك حكومتجه دخي سوئتاثيراتي
 حصوله كلدیكنندن بحثله مأموریت عاجزانم ثمره سیله
 مومسكلاتك استحصال اسباب اندفاعی میسر اولد جخی مأمول
 قویسنده بولندیغنی بیان وبوحوالیده حاکم بولنان موسیو
 روبكس نام بر ذاتی واقع اوله جق امور وخصوصاتی تسویه
 وآسپیل ایتك اوزره رفاقت عاجزانه مه مأمور وتعیین ایلدی .
 مرکز حکومت اولان امید برونی شهرنده سکنز باب جامع
 شریف وطقوز مسجد موجود اولوب قصبات وقراسنده دخي
 خلی جوامع ومساجد بولندیغنی وبونلرك جله سنده قرائت
 خطبه وادای صلوة وسائر مراسم دینه تك ایفا قلمنقده اولدیغی
 مشهور ومسبوعم اولمشدر .

تحقیقات واقعه مه کوره اهالی مذکوره بیننده ظهور ایدن
 مبايتك منشاء وسی شیووجهله درکه مطلع افتاب جهانتاب
 محمدی اولان عمالك اسلامیه کمال بعدیتی ووسائط اختلاط
 ومخابره تك همان بالکلیه فقدانینی جهتیله بوحوالی اهل
 اسلامی خلاف شرع مصطفوی بعض اعتقادات باطله یه ذاهب
 اولوب بووجهله جله سی یکمذهب اولد قبری حالدیه
 تقریباً بوندن الی سنه مقدم اهالیدن بعض کسان ادای
 فريضة حج نیتیله جانب حجازه عزیمت وحریمین محترمینده
 بعض امور دینهك برطرز اخر اوزره ایفا اولندیغنی مشاهده
 ورؤیت ایتلریله عودتلرنده کیفیتی اهالی یه بیان واعلان
 ومجاوبلری اولان طرف ایله بالاتحاد ائمه وخطیبای اصول
 قدیمه لرینی ترك ایله صحت اوزره ایفای خدمات دینه یه اجبار

والأعزل أوله رقی یرلرینه بشقه لرینی نصب ایملک داعیه سنه
قیام ایتمش و حالبوکه ذکر اولان ان ائمه و خطا اشبو و نلایفه
من القدیم وراثت طریقیله متصرف اولدقلری جهته اشبو
تکلیف آبا واجداد لرندن کورمش اولدقلری اصول باطله یه
منافی اولدیغی مثالو منافع ذاتیه لرینک دخی خلا فنده برشی
اولدیغندن قطعاً موافقت کورستر میوب بو وجهه طرفین بیننده
مباینت و خصوصت شدیدیه تکنون ایتمش و حکومت محلیه
هر نقدر تألیف طرفینه سعی و اهتمام ایلمش ایسده بر فائده یی
منتج اوله مامشدر .

اعتقادات صحیحه اسلامیه نک تعلیم و تلقینیه اصلاح ذات البینه
شدیدن مبادرت ایملکلکم حقنده بعض طرفدن تعجیل اولمش
ایسده ماده فساد زیاده کسب جسامت ایتمش اولدیغندن کمال
تأنی و ملامتله حرکت اولمشی مناسب حال و مصلحتدر
ظن ایدرم . اهالی مزبوره کافه اهل سنت اولدیغندن
و اختلافلری دخی پک اساسلی شیر اولمیوب مجرد حب ریاست
روحانیه و غیرت جاهلیه دن ناشی بولندیغندن یاوریه توفیق الهی
ایله عهد قریبه شو نزاع و شقاقک مبدل حسن وفاق اولمشی
مأمول و اولخالده یالکز ملت اسلامیه دکل بلکه انسانیتیه
بر خدمت ایتمش اوله جغمدن هر حالده حسن موفقیتم الطاف
الهیهدن مسئولدر . داعیلرینک کیم اولدیغم و زهدهن و نه مقصدله
کلدیکم غزتهلر واسطه سیله جمله یه اعلان اولمش ایسده
شدیلک اعتماد اولمیه رقی بعضیسی باشار و بعضیسی مکه شریفدر
و باخود بوزلره قریب برشیدر دیو درلوا فکاره ذاهب اولمشلردر .

داعیلرینی کورمک ایچون کیجه کوندز کذر کاهمی بکلیانلرک کمال
 تراچندن ناشی صوتاقلردن کچلمک متعسر اولدیغندن اکثریا
 طبشارویه چقه میوب بولندیغم محله محبوس کی اوتورمقده یم .
 رفاقمه تعین اولان مومی الیه موسیو روبکس خصوصیات
 عاجزانه مک ترویجینه زیاده سیله سعی واقدام ایدوب ذاتاً دخی
 الوف و بشوش برادم اولدیغندن کند و سندن غایتله خشنودم .
 بو طرفلرک هواسی غایت سحاق اولوب الیوم کانون ثانینک اون اوچی
 اولدایخی حالده حرارت هوا عادتاً استانبواک تموزی درجه سنده در
 وهر درلو مویه وقتیدر . شهر ساحل دریاده واقع و ابذیه سی
 کار کبر و غایت متین اولوب صوتاقلری واسع و غازیله منوردر . شهرده
 بولان اهلای مسلمه نک اکثریسی عربیه جی و بالقجی ورنجبر
 اولوب ایچلرنده زنکین و معتبر ادم پک ازدر . قراوقصبه لرند بولانلر
 دخی بولره مقبدر . واهالینک لونلری بیاضه میال اسمردر .
 حیوانات اهلیدن ات و صغرو وحشیده دن فیل و زرافه و سائره
 موجود اولوب شهرک اطرافنده دخی پک چوق باغ و باغچه و اورمان
 واردر .

معلوم اولدیخی اوزره مذکور امید برونی افریقا قطعہ سنک
 نهایتده اوتوزدرت عرض جنوبیسنده واقع اولوب اولخوالیده
 بولان انکلره ممالکینک مرکزیدر . پورتگیزلر هندستانه
 بحر بریول بولمق نییله افریقانک سواحل غریبه سی بویینه
 کیدرک ۱۴۸۶ سنه میلادیه سنده محل مذکور کشف
 ایللردر . بو خصوصه مأمور سفائنک باش قودانی بولان
 (بارته لمی دیاز) اورالرده تصادف ایتدکلری بعض شدا ئد بحر یه

مناسبیله محل مذکورى اول امرده فورطنه برونى تسميه
ايش ايسده پورتکيز قرالى بولسان ايکنجى يوان اورادن هندستانه
کيديله ييله جکنى جزم ايدرک بوجمته محل مذکوره اميد برونى
اسمى و برمش و ۱۴۹۷ ده (واسقودوغاما) نام قيودان مذکور
بروندن کزار ايدرک برنجى دفعه اولق اوزره اوروپا سفائى
هند دکرلینه واصل و بوجمه قرال مشاراليهك اشبو
اميدى حاصل اولمشدر .

پورتکيز لر اول حوالیده بولسان محلمارى ضبط ايتشار ايسده
اهاليسيله امتزاج ایده مدکلى جهته برونده يرلشه ميوب محل
مذکور انجق هندستانه اعد شد ایدن سفائنه کذرگاه
اولمشیدی ۱۶۰۰ سنه سنده هولانده لولر بعض ذخائر تدارکچون
اميد برونده چيقمغه باشليوب فقط اهاليسنك سو قصدندن احترازاً
ساحلده برقله بنا ايدرک اوراده بولندقلرى مدتيجه درونده
اقامت و حين عزيمتلرنده تخليه و ترک ايدرلر ایدی .

۱۶۴۶ سنه سنده برکى جراحى بولسان (ژان وان ريبک) نام
برذات موقع مذکورک لزوم و اهميتنى فهم ايدرک کيفيتى تحريرا
هولانده لولر متعلق هند قومپانيه سنه عرض و بيان ایلدی .
واشبو تصوراتى مذکور قومپانيه نرندده قبول و استحسان
واجراسنه کندوسى مأمور قلنمغه ۱۶۵۲ سنه سنده اوراده
کلیتلو اوروپا مهاجرینی اسکان ایلدی . انگلیز لر خیلی مدت
بونک ارقه سنده اوله رق نهایت ۱۷۹۵ سنه سنده قبضه تصرفه
الديلرو ۱۸۰۲ سنه سى امین مصالحه سى اوزرینه ينه هولانده لويه
ترک ايتشار ايسه کندولرنجه درکار اولان کمال اهميته مبنی ۱۸۰۶

سندہ سندہ تکرار ضبط ایل دیلر و ۱۸۱۴ سندہ سی هولانده قرالیله
عقد ایلدکلی مصالحه موقع مذکورک انکلیزله اتقالنی
تأمین ایلدی .

(منیف)

(ظهور مرآت)

کین دفعه (مجموعه عبرانیاه) اسمنده بر فنون غزته سی تحدث
ایلدیکنی یازمشیدق . بو دفعه دخی مرآت اسمنده اوله رق
بر دیگرینک ظهورینی اعلان و بوجمله انتشار معارف
وسائطنک تکرری بالطبع موجب منویتمز اوله جغندن بونک احداثه
همت ایدن هوسکاران علم و معرفتک مساعیلرینی تقدیر ایله
حسن موفقیتلرینی ارزوایدرز .

چوقدنبرو بومقوله مطبوعات علمیدنک لزوم و فائده سی حس
اولندیغی حالده شو امر خیره بر طرفدن تشبث اولانیوب مجموعه
عاجزانه مزک ظهورندن بر تاج ماه کچر کچمز بو وادیده ایکی غزته نک
دخی تحدث ایلمسی فی الحقیقه شایان دقت و بلکه جای عبرتدر .
استه دنیا ده هر شی بویله اولوب بر طرفدن بر مسلاک حساب انما
کساد اولندقدده او انره اقتفا ایدنلر ظهور ایده جکندن شو کیفیتک
مملکت حقنده خیر او هر در او انار احداث ایلمریمچون ارباب
اهلیت و فتوته بادی جسارت اوله جغی درکاردر .

(منیف)

(خلاصهٔ پولیتیکه)

انگلتره

انگلتره دولتی طرفندن مؤخرأً من غیر رسم رومایه کوند رلش
اولان موسیواود و روساک پارلمنتویه تقدیم ایلدیکی تحریراتده
حشمتلو پایا حضرتلری لدی الحاجه مالطهیه و یاخود انگلتره
ممالکندن آخر بر محاله چکلمک مراد ایدر ایسه انگلتره دولتک
بوکاموافقیت ایدوب ایتیمیه جکنی اول امرده مشارالیه پایا سئوال
واستمزاج ایدوب کندوسی دخی موافقت اولنور جوانی ویرمش
اولدیخی کوسترلش و کیفیتک یارلمنتویه بوصورتله عرض اولندیخی
پایا طرفنه منعکس اولدقد و وقوع حال بوبله اولمیوب پایانک
من بعد روماده اقامتی مشکلات عظیمه بی انتاج ایده چکندن
بمثله اگر مشارالیه حضرتلری مالطهیه چکلمکی اختیار ایدر
ایسه کمال ممنونیتله قبول اولسه جغنی دولتی طرفندن اولمق
اوزره ابتدای امرده موسی الیه اوردوروسل تکلیف ایتیش
و پایادخی اسبوتکلیف دوستانه دن طولای ابراز تشکرله شمدیلاک
رومادن مباعدتی اوویه میه جغندن ایجابی تقدیرنده انگلتره
دولتک تکلیفی قبولدن استنکاف ایتیمیه جکنی جوانی ویردیکی
بیانیه مأمور موسی الیهک وقوعبولان روایتی تکذیب و دولتی
طرفند و وقوع حالک خلافی عرض ایتیش دیواتهام اولنه رق
کندوسیله قطع منخابره قلمشدر .

لهستان مسئله سی حقیقه انگلتره دولتک اقتضایده جکنی میسلیکک

امتیضا حنه دائر پارلمنتوده لورد النبورو طرفندن وتوعبولان
سئواله لورد جون روسل جوابه ابتدار ايله لهستانك احوالنى شرح
وايضا حدن صكره روسيه لوبعده لهستانى دلخواهى اوزره
پايمال ايلكه وسيله اولق ايچون قصدأ اختلاله بادی اولديغى
ويكن شياطك سكرنده روسيه ايله پروسيا بيننده عقد اولنان
عهد نامه اقتضاسنجه پروسيا دولتى بويابده بيطرف قاله ميوب
فقط اوستريا دولتى بيطرفلغنى اعلان ايلديكى وانكلتره دولتنك بويابده
اتخاذ ايده جكي پوليتيکه مطالعات عميقه يه محتاج بولنديغى
خصوصلرينى بالتفصيل بيان ايلشدر .

مؤخرأ مشار اليه لورد جون روسل لهستانك مقاسمه اخيره سى
اتناسنده ۱۸۱۵ سنه سى معاهده سنى امضا ايتمش اولان دولتره
متحد المال بررقطعه مذكره ارسال ولهستان اختلالى اوزرينه
روسبه دولتنك اجرا ايلديكى معاملات شديد دن بحمله معاهده
مذكوره احكامنجه لهستانك نائل اولديغى حقوق امتياز يه نك
ظاھرہ اخراجى ضمنتده دول مشار اليهم چانندن توسط اولمىسى
لزومنى اخطار و بيان ايلشدر . بويابده اسوج و پورتكيز
دولتلى طرفندن موافقت كوسترلمش ايسده دول سائر نك
نه يولده حركت ايده جكلرى هنوز معلوم دكلدر .

پرنس دوغال ايله پرنس آلکساندرانك تزويجلى مارتك
اون ايكنجى كوني ويند ضرور سراينده اجرا اولمشدر .

فرانسه

فرانسه مبعوثان ملت مجلسك حين كشدنده ايمپراطور طرفندن
 ايراد اولنان نطق رسمي اوزرينه مجلس مذكور دن تنظيم اولنان
 جوابنامه نك ايمپراطور پوليئيقه سي عليهنده بولنان بعض اعضا
 كند و افكار لرينه موافق صورتده اولسنه چالشمش ايسه ده اعضاي
 سائره موافقت ايتميه رك ايمپراطور ك مسلكني تحسين واديسنده
 يازميش و ايمپراطور مشاراليه دخي مسلك متخذي نك ملت مجاسي
 افكارينه توافقي فرانسه ايله حكمداري بيننده جاري اولان حسن
 اتفاقك د ليلي اولديغي بيانيله مجلس مذكوره ابراز ممنونيت ايلمشدر
 ايمپراطور مشاراليه طرفندن ماه شباط اوائلنده جزاير واليسي
 مارشال پليسيه يه خطاب ايازيلان تحريراتك خلاصه مألنده
 جزاير قطعه سي فرانسه مها جرينينه مخصوص اوليوب حقيقت
 حالده برعرب مملكتي ديمك اولديغندن فرانسه دولتي جزاير اصول
 اداره سنك وعلى الخصوص اراضي حقوق تصرفيه سند دائر نظاماتك
 عربلر حق ننده دخي مساعد صورتده تعديل و اصلاح نيتنده
 بولنديغي جهته مسكنلري معلوم اولان قبائل وعشايرك
 هر نه نام و صورته اولور سه اولسون من القديم متصرف
 اولدقلري اراضينك من بعد اللرندن نزع اولنماق اوزره انلره
 تملكي اساس اتخاذ اولنق شرطيله بر نظامنامه تنظيمي خصوص سنك
 سنا مجلسنه حواله قلنديغي بيان اولمشدر
 بونك اوزرينه جزايرده بولنان فرانسه مها جريني طرفندن
 تنظيم و مجلس مذكوره تقديم اولنان عرض حالده جزايرجه

اجرا سی لازم کلان اصلاحات بیان و تعداد اولند قدن صکره
سمدی به قدر فرانسیدن جزایره هجرت اید نلره اراضی اعطاسیه
تشویق اولنوب حالبو که اولوجهیه عربلره اراضی تملکی حقوق اعطا
اولندرق اراضینک دولت الندن چیقارلسی فرانسزلرک
بوندن بویله جزایره هجرتیه عدم رغبتلرینی منتج اوله جفندن
بشقداشبو اراضی تملکی سببیه عرب مشایخی باشلرینه برطاق
ادملرجع ایدرک فرانسه علیهنده بولملری ملحوظ اولدیغنه دائر
بعض محاذیرایراد اولمشدر . مسئله مذکوره مجلس مزبورده
در دست تذکر اولسوب نصورتله حل اولنه جغی هنوز معلوم
اوله مامشدر .

فرانسه دولتی طرفندن لهستان مسئله سنه دائر روسیه دولته
بعض محررات کوندر یلوب بوزلرک خلاصه مألنده پروسیا ایله
روسیه بیننده منعقد مقاوله نامه احکامی علی العموم ظن اولندیغی
کی ایسه دولتین بیننده صحیحاً عقد اتفاق اولمش دیمک اولوب
هیچ بر دولت ایسه حقوق بیطرفی بی اخلال ایتش اولقسزین
لهستان علیهنده روسیه یه معاونت ایده میه جکی ولهستان
اختلالی اوروپایی اشغال ایده جک درجه کسب جسامت
ایدر ایسه شو حالک بر طرف اولسی ایچون دول معظمه طرفندن
بالاتفاق روسیه دولته بعض تکلیفات وقوع عبوله جغی محرر اولدیغی
مرویدر . بودفعه ۱۸۶۲ سنه سی موازنه دفترینه ذیل اولق
اوزره سنا مجلسنه تقدیم اولان دفترده مکشیقا مسئله سندن
طو لایی سنه مذکوره ده فرانسه دولته سکسان میایون فرانق
مصارفی وقوع عبوله جغی کوستر لمشدور .

پروسیا

پروسیا مبعوثان ملت مجلسی طرفندن رد اولانان موازه
 دفتری اصلزادگان مجلسنده قبول اولمشدر . دولت مشارالیه
 ایله روسیه بیننده شیطاطک سکرزنده عقد اولانان معاهده نك
 مواد معلومه سی لهستان عصا تنی تعقیب ایچون روسیه اردوسنك
 پروسیا حدودینی تجاوززه مأذون اولسی و پروسیا عسکری دخی
 لهستانك روسیه یه تابع اولان قطعده سنه کچدرك روسیه لولرله بالاتفاق
 عصاة علیهمنده حرکت ایلمسی خصوصاً لرندن عبارت ایسدهده بعض
 شرائط مکتومه سی دخی اولوب بوزلرده مسئله مجحوت عنهما
 حقنده دول سائر طرفندن قولاً وفعلاً مداخله وقوعی
 تقدیرنده دولتینك التزام ایده جکری مسلکه دائر اولدیغی
 مرویدر .

پروسیا ملت مجلسنده لهلو بولانان اعضا لهستاندن پروسیا
 تحت اداره سنده بولانان پوزن ایالتی والیسی طرفندن اهالی یه
 وقوعبولان اعلانات خصمانه نك سبینی وکلان دن سؤال
 ایتدکلرنده باش وکیل موسیو بیسمارق لهلولرك قالقشمالردن مقصد
 لهستانی برلشدیروب بر دولت مستقله تشکیل ایتمك قضیه سی
 اولوب بوماده نك ایسه پروسیایه طوقنه جغی درکار اولدیغی
 حالده حکومت طرفندن پوزن ایالتنده بعض مرتبه اختلال
 اماره لری حس اولمش و پروسیا دولتینك هر تقدیر لهلو بولانان
 تبعه سنك صداقتنه وثوق واعتمادی وار ایسدهده بوزلری روسیه
 لهستاندن ایالت مذکوره یه هجرت ایتمش اولان اصلزادگان ایله

روٲسای روحانيہ طاقٲك اضلال و افساد ايلملری ملحوظ
اولد يغندن اسابش عمومي بي اخلال ايده ييل، جك برکونه حال
و حرکت مشاهده اولنور ايسه در عقب تسکينه سعي اولمنسه
قرار و يرلمش و حکومت طرفندن پوزن ايالتی اها ايسنه و قوعبولان
اعلانات دخی حس اولنان بعض اختلال اماره لرنده نشأت
ايتشد ر جوانی و يرلمش ايسده مجلسي اقناع ايده مامش اولد يغي
بر قاچ کون صکره سربسبت طرفدارانی جانبدن مجلس مذکوره
لهستان مسئله سی ايچون پروسیا دولتی حقنده مسلك بي طرفی
التزام اولنسی خير لوی اولد يغندن بحثله نه روسیه دولته
ونده لهستان عصاتنه معاونت طرفنده بولنلماسی و سلا حیرینی
تسليم ايتد کجه طرفیندن هيچ برکيسه يه پروسیا حدودینی
تجاوزه رخصت و يرلما سی خصوصنه دائر وقوعبولان
تکليفاتك قبول و تصديق اولمنسندن استدلال اولنور، پروسیانك
لهستان حقنده اتخا ذ ایلدیکی پوليٲيقي هر نقدر ملت
مجلسی طرفندن تقبیح اولمنقده ايسده اصلزادگان ایله عسکری
طاقی بویابده دولت ایله متفق اولد قلری **اکلا شیلور** .

لهستان

لهستانده آتش اختلال کتد کجه اشتعال ایدوب روسیه دولتی
بویابده عسکرینك چو قلغه دخی استناد ایده میه جک در جدیه
کلمش واهالی حقنده غصب و غارت و سائر درلوشدت کوستمك

اوزره عسکرينه مرخصيت کامله ويرمشدن . عساكر مذکورہ نك
ارتكاب ايتديكى انواع مظالم و تعدياته دائر اور و پاغزته لرنده يك
چوق تفصيلات وارايسده مجموعه مزك تحملى اولد يغندن
نقل و بيانندن صرف نظر قلمشدر . بين الاهالى تشكيل اولنان
بر جمعيت مليه لوازم حريه يي ترتيب و تنظيم و كندولرينه منضم
اولق اوزره خارجدن كلان اشخاصى سلك عسكريلرينه
ادخال ايتكده در . عصاة اردوسنك اكثريسى دارالفنوناردن
جيقمش دايقانلورلدن مركب اولوب فقط بوزلر شجاعت ذاتيدارينك
دشمنه مقابله يه وافي اولد يفتى اكلامش اولد قلرندن كونبكون
اصول عسكريه يي تعلم ايله كسب انتظام ايتكده درلر . اشبو
اختلاك باشلوجه سبي اولان عسكر تحريرى ماده سنه مجرد
لهلولرى ازعاج ايله عصيانه مجبور ايتك و بوبهانه ايله قهر
و تنكيللارى اجرا قلمق مقصديله تشبث اولند يفتى بودفعه قراقوده
اله كچمش اولان بعض تحريرات خفيه دن اكلامشدر . بودولى
وولهنى ايا لتلى دخی بوكره تحت محاصره يه اليمشدر .
وارشاوده دولت و مملكت مجلسلى اعضاسى شمدى يه قدر
صورت انقياد و اعتدالى التزام ايتمش اولد قلرى حالده بودفعه
استعفا ايدرك عصاة طرفنه ميل و انجذاب كوستر مشارددر .

مجموعه فون مرماه عربی نهایتند چیتا ریلور

در سعادت ایچون بهاسی

غروش

۶۵ برسندك

۳۵ التي ايلق

۶ برسندك

برسند لكه ويا خود التي ايلغنه مشتری اولق استند كده يكي جامع
جوارنده چيچك بازارنده واقع جمعيت عليه عثمانیه مرگزینه مر اجعت
اولنه . ايلاتده مشتری اولق استيانلر فيئات مذكوره اوزرينه مسافه نك
قریت و بعد يته باقليوب بريلاق ايچون التي والتي ايلق ايچون اوج
غروش پوسته اجرتي ضميمه الحقه سنی پوسته يه توديعاً جمعيت عليه عثمانیه
رياستی طرفنه كوندردكاری حالده اوقات معينه سنده محلنه ايصال
اولنور

ممالك اجنبیه ايچون مسافه سنده كوره لازم كلان پوسته اجرتي ضم اولنور

متفرق صايتلار ان محال

بك اوغلي جاده سنده صحاف

كول . . نومرو ۳۲۳

اسكدارده يازيچي عثمان افندی

بشكطاشده اجزاجي ويچين

جمعيت مرکزی

صحافلر كنخداسی حلیلی حاجی

حسین افندی

سلطان يازيدده كاغدجی

حافظ اسماعیل افندی

مجموعه فون دربی مراد اولمان مواد مناسب جمعيت مرگزینه

ارسال يوريله

مجموعه سنون

از

جمعیت علمی عثمانیه

برنجی

شوال

نومرو ۷۰

استانبول

جمعیت علمی عثمانیه مطبعه سنده طبع اولم شد

(مواد مندرجہ)

منیف افندی	ضمیمہ سرکی عثمانی
کامل پاشا	مواد حکیمہ تلماق
منیف افندی	چاو
صفوت پاشا	صویک ماہیت و انواع و خواصی
منیف افندی	امید برونی حوادثی
قدری پک	سرکی عمومی عثمانی
محمد جیل پاشا و خلیل پک	قدمای ملوک مصریہ تاریخی
	خلاصہ پولیتقہ

جمعیت مهریله ممہور اولیان مجموعہ فنون نسخہ لرینہ ساختہ
نظر یلہ باقیلہ رق طابع و بایعلری مشول طوتیلہ جتہدر



مجموعه سنون

۱۳

جمعیت علمیه عثمانیه



برنجی پنه

شوال

نومرو ۱۰



استانبول

جمعیت علمیه عثمانیه مطبعه سنده طبع اولنمشدر

۱۲۷۹

(ضمیمہ سرکی عثمانی)

اشبو ضمیمہ شهر شوالک اون دردنجی جمعہ کوئی کشاد
اولوب آدم باشہ ایکی غروش دخولہ تعیین اولمشدر . قطعہ
مذکورہ دیگر ینک جانب غریبسنده و دیکیلی طاشک اوتہ طرفندہ
واقع اولوب حجر مذکور ایکپسنگ اراسندہ قالمشدر . اشبو محل
مقدم دخی یازلدیغی و جہلہ دیگرندن کوچک اولہرق بش بیک
ارشون عرصہ اوزرینہ مبنی اولوب بودخی مستطیل الشکل
ایسہدہ جانب شمال غریبسنده واقع گوشہ سنہ دیگر دیکیلی
طاش تصادف ایتدیکندن گوشہ مذکور ایچرودہ قالمشدر .
دیگری مثلاً بونک باغچہ سی اولیوب فقط سالف الذکر دیکیلی
طاشلار اراسندہ واقع تونجندن معمول بورولی طاش دینلان
ارقدیم اورتہ سنہ تصادف ایتدیریلہرک بونکاکہ تزیین قلمشدر .
طولا ایکی طرفندہ باشدن الحق طوانلی ایکی جناح اولوب
بونارک ما بینی خلی مرتفع اولہرق جام ایلہ مسقفندر . ایکپسی

جانب شرق پسند و بری دخی طرف غرب پسند اوله رق اوچ
قیوسی وارد در .

درونده بولان اشیا بجنه کلنجه بونلرک اکثریسی زراعت
ولوازم بیتیه به متعلق اوروپا کاری آلات و ادوات اولوب ایچلرنده
شایان دقت اولنلرک بروجه آتی تعریف و بیانه ایتدارقلانور .

بغدای وارپه بشاقلرینک در عقب دانه سنی صمانندن
تفریق ایلکه مخصوص اولمق اوزره یدی سکر بارگیر قوتنده
بروایور ما کینه سیله اداره اولنور بر دوکن . بونک برویا خود ایکی
چفت حیوان ایله اداره اولنور کوچک لری دخی وارد در . اشبو
آلنلرک فوائدی تعریفدن مستغنی اولوب استعمالی تقدیرده
بزم بو طرفلرده جاری اولان اصول قدیمه اوزره برچوق زحمت
وامک ایله خرمن دو کیلوب آندن صکره دخی صاورمق ایچون
بروقت روزکار ظهورینه انتظار اولنمق ایجاب ایتمز . کرک اشبو
آلنلر و کرک بیوکنی اداره ایدن واپور ما کینه سی ثابت اولوب
تکرار لکر اوزرینه موضوع اولدیغندن بر محله ایشنی
بتور دکن صکره بالسهوله بشقه محله نقل اولنور .

حیوان ایله وال ایله اداره اولنور جسامت و اشکال مختلفه ده
دکر منلر . بونلر بغدای طحن ایدوب کیکنی دخی آپردقدن بشقه
برقاج جنس دقیق چقارلر . اشبود کر منلر دخی متحرک اولوب
استیلان محله نقل اولنه ییلور . حیوانلر ایچون حیویاتی قرق
ویا خود بلغور یا بمق ایچون دخی بوقیلدن آلنلر وارد در .

اسطوانه شکلنده ال ایله اداره اولنور غلبور . بونک دلیک لری
استیلان درجده اینجه و یا خود قالین یا ییله ییلور و درونده وضع

اولنان حبوبانك تميزني اشاغی طرفدن وایریجه طاش و امشالی
شیلری یوقارودن وتوز و صمانی بریانندن اخراج ایدر .

برآدم اوقوتیله بش بیک قیده قدر یوک قالدر مق ایچون مقره .
خنی اولدیغی وجهله اشبو آلت واسطه سیله برآدم برآنده اوقدر
اغر جسمی قالد یرمغه مقتدر اولور دیمک اولیوب مشلا برچاریک
ساعت مدته برآدمک صرف ایده جکی قوت اشبو آلت واسطه سیله
تجمع ایدرک بو اولمق سزین تحریکی دائرة اقتدارندن خارج بولنان
اجسام ثقلیه رفع اولور .

اینک صاغمه مخصوص الت . اشبوات یکی ایجاد اولوب بونکله
بهرندن دقیقه ده خیلی مقدار سود چیقارلق اوزره اینکک درت ممسی
بردن صاغیلور حیوان بوندن اصلا متفر اولیوب حظا ایدر واستعمالی
دخی عادتاً برکورک اوفلرکی ایکی صاپنک تحریکندن عبارت اوله رق
غایت سهولتلی اولدیغندن هیچ تجربه سی اولیان ادم دخی
قوللانه بیلور . تئاتندن اولان قوغه سیله برابر ایکی بچق قیه
اغر لغنده اولوب تميزلمسی دخی پک قولایدیر . الیوم امریقاده وانکلترده
واوروپانک ممالک سائره سنده هرکس بونک استعماله رغبت ایدوب
کچن سند لوندرده کشاد اولنان سرکی عمومیده دخی زیاده تحسین
اوله رق موجدینه مکافاة مدالیه اعطا قلمشدر .

یموغی دنک باغلامغه مخصوص الت . یموق محصولاتی محال
بعیده یه نقل اولنق استناد کده کیده ویا خود عربده ده ممکن مرتبه
ازیرطوتمق ایچون حجمی تصغیر اولنق لازم کله جکندن اشبو
الت واسطه سیله اجرا اولور .

تکرار لکلی یانقین طلوممسی . بونک ایکی خرطومی اولوب

برای بوطرفلرده مستعمل طلوعبلرده اولدیغی کی استنلان محله
 صوآتیلوب دیکرینک اوجی دخی برحوضه ویاخود برقیویه وصل
 اولنهرق برطرفدن او برخرطوم ایله صو خارجه کتدیکی حالدده
 بریکی خرطوم ایله خارجدن صوکلور و بووجهله ایراد و مصرف
 یکدیگره موازن اوله رق دور دائمی صورتده ایشلدیلور .
 باغچه صو ارمق ایچون! دخی ایکی تکرلکلی طلوعبلر واردر .
 ایکی تکرلکلی تیمورال عربده لری . بونلر چفتلکلرده و ابذیه
 انشا اولنان محللرده کوبره وطاش و طوپراق نقانه پک الویرشلی اولوب
 مستوی یر اولدیغی حالدده اشبوعربه ایله برادم بش اون ادمک
 کوره جکی ایشی کورر . بالاده مسطورالات کافه انکلتره ممولاتندندر .
 دیکشی ماکینه سی . اشبوات هر درلو اینجه و قالین منوجات
 اوزرنده دیکش دیکوب بلکه اون بش یکر می درزینک کور دیک
 ایشی کوره یلور .

اچمه و سائر ذیقیمت اشیا حفظنده مخصوص ویانه کاری یتور قاصدلر .
 بونلر دوکه یتوردن اوله رق زیاده متین و کلید لری غایت مصنع
 اولق جهتیه قرلمسی و اختار اویدیرلمسی همان درجه استحالده
 مشکل اولدیغی مثالو حریق و قوعنده یدی سکز ساعت اک شدید
 اتش دروننده قالدیغی حالدده دخی برزیان کورمز . محال سائرده
 بالد فعاة و قوع و ولدیغی مثالو بش التی سنه مقدم در سعادتده
 دخی علی ملأ الناس اجرا اولنان تجربه سی شو مدعای مصدق
 بولمشدور . مذکور قاصدلرک هر درلو بویالسی اولوب حتی بریسنگ
 اوزرنده غایت نفیس رسملر ایشلمش اولدیغی نندن زینت ایچون دخی
 براوطه په وضع اولنه یلور .

قیطان و اینجه شریعت و بویکه اعماله مخصوص آتله . بونلر
بالسهوله ال ایله اداره اولاندقده مطلوب اولان قیطان و سائر
طبیعتیه حصوله کلور .

ترسانه عامره معمولاتندن اوله رق درت کورکلی و بیاض تنه لی
غایت نفیس برقطعه صندال . در سعادتده صندوقچی علی بک
اعمال کرده سی اولق اوزره ال ایله اداره اولور غلبور . بونک تجربه سی
مشهود من اولامش ایسده سالف الذکر انگلیز کاری مذکور غلبور
کبی ایش کوره جکی قیاس اولور .

یاغ چیقارمغه مخصوص کوچک دولاب . بونک ایچنه سود
وضع اوله رق ال ایله دوندردیکی حالده یاغ ایله ایران یکدیگرندن
ایریلور .

طویلده یوان اسمنده براهل هنک اعمال ایتمش اولدیغی بریل
دکر منی مودلی . اشبو آلت ایکی طاش اداره ایتدکدن بشقه
اغاج قطعه مخصوص ایکی بچی دخی تیریک ایدر .

ممالک محروسه نیک چوق محالردن مورود هر رنگ سختیان
و دشین . اشبو نمونه لر زیاده شایان تحسین اولوب بالخصوص
اوروپا لورک نظر دقتی جلب ایتکده در .

ممالک محروسه محصولات اوله رق یکر می بش اوتوز جنس
رنگارنگ و نفیس هر مر نمونه لری اولوب بونلردن معمول برقاج
قطعه اوجاق دخی وارد در .

اوروپا و ممالک محروسه مصنوعاتندن اوله رق دها پک چوق
سیلر و ارایسده جه سنک بر دفعده تعریف و بیانی موجب تطویل
اوله جغندن شمیدیاک بو قدرله اکتفا قانیدی .

سالف الذکر الاتدن بخار قوتيله تحریکی لازم کلانلر سرکی دروننده مخصوص واپور ما کیندلی واسطه سیله اداره اولندیغی مثالوال ایله تحریک اولانلرک دخیانی باشنده بکلیان ادملر معرفتیه تبر بهلری اجرا قلندرق صورت استعمال و محسناتلری سیرجیلره فعلا ارا ئه و تعریف قلمقده در .

اسبو ضمیمه ممالک محروسه محصولات متنوعه سنه مخصوص دیگر سرکی محلی قدر کلیتلو سیرجی کلیوب شمکیلک کونده نهایت برقاج یوز آدم بولمقده در . هله قادی سیرجیلرک ندرت اوزره اولوب بونک ایچون دخی آنلره مخصوص کون تعیین اولمیه رق رجال ایله برابر دخوالرینه مأذونیت ویرلمشدر .

(منیف)

(مواد حکیمه تلماق)

امر حکومت و حکمرانی امور مشکله دن اولوب سرکارده بولانلر اخلاق حمیده اصحابندن اولمدقلری صورتده امور عامه یی هرج و مرج و ایو آدملر اولورده اصلاح حال و مصلحتلرینه چالیشورلر ایسه بدمنشان و کجروشان طرفلرندن اولنان اعتراضاته مقاومته سرمایه اوقات حیاتیه یی خرج ایدرلر . نشو و نما لری فاعلیلرندن زیاده لازم ولابد اولان اطفال تربیه سز قالوب منصبه کچد کدن صکره عزل و تبدیللری محن و مشاققه اوغرا سلمقدن ایسه سرکاره کچد جک قابیلی ویره جک تربیه مقتضیه لرینه اب عموم

مقامنده بولنان حکمدارک تقيدات متمادیه سيله ذوق وسفا هت
 وقباحندن وکذب و تزوير و فضا حندن قاچنوب وطنلرينه محبت
 وجنکاوران کدشتکانک ستايشلرينه الفت ايدرك دوستلری حقنده
 محب وعادل و دشمنلری عايهنده بيله معتدل اولملريله برکسهيه
 کوتيلک ايتک وحشت احوال حياتيه ودهشت احوال مماتيه دن
 اشد اولديغنی کوش هوشلرينه طولديرمق ايچون مکتبلرور يا صت
 بدنيه يي مؤدی اولور انواع لعبک اجراسی ضمننده وسعتلی ميدان
 ومحللر يابد يريلوب اويونلرده اقراننه فائق اولنلرينه بادی شوق
 وهوس اوله جق بعض تصف و طرف اهدا و غنی و فقير ديميو ب
 عقل و اندامنی بکندکلری قزلر ايله تزوج و تاهللرينه پدر و مادرلری
 طرفندن رخصت اعطاسا قلمغله از زمانده کسب کمالات و مصالح
 معتابها ده استخداده اهلیتلرینی اثبات ایدرلر

امر حرب مجهول العاقبه خطوب جسمه دن اولوب بر طرفده
 ظفر و نصرت قوه قریبه يه کلديکی حالده ادنی مرتبه ده بر حالک
 وقوعيله غالب مغلوب اولديغی واقع اولديغنه بنا کار پیکاره هر نه
 صورته باشلانسه و غلبه کليه يه نابل اولنسه بيله اهالینک ازالسی
 اراضینک زراعنسر قالمسی تجارک کیرولسی قانونک اجرای
 احکامی کوشوب طبایعک بوزلسی و چو جقلرک تحصیل معارفده
 حایلانلمسی نظامات عسکریه و ضابطه بلديه نک سکتله لنسی
 جهتلريله اعدایه اولان ضرر قدر جانب غالبک ملکنده زیان
 وقوعی متحقق و بوتقدیرجه نیل افتخار و مظفریت یا خود توسیع
 خریطه حکومت آرزوسيله بغیر حق متجاوز واساله خون بیکناهان
 زندنده جائز اولان حکمدار کار ایده جک صروده ضرر ایتکه
 مستحق اولور

بر مآلکته هکام صلح و صلاح متمادی اولدیغی حالده اهلایسی
 تبارب حریبه دن ذاهل و رفته رفته طبایع ناس راحت تیروی
 ایله الفتانوب قیمت و غیرت مله زائل اوله رق سائر ملل محاربه سهولت
 غلبه دن فائده مند و حربك اتیان ایده جکی نتایج مضره دن
 قاجنور ایکن عدم قدرت مدافعه دن ناشی ربقه رقیته رقبه بند
 اوله جقلری درکار بولندیغی جهته شو حال منتج الملالدن احترازا
 چو جقلرك بیچیده قاط مهاد وجود اولدقلرندن برومدحیه پهلوانان
 ایله قولاقلری الشدیر یلوب اقتضای ترتیب تربیه و تعلیمی هر شبهه
 قابلیت ذاتیه لرینی مورث اوله جفندن دوست و متفق اولان ملتك
 مات آخرله حرب و ضربی ظهورنده ایچلرندن طبعاً مستعد
 حرب و ستیز و صاحب فهم تیز اولملری سچیلوب کوندر یلوب
 اوکرتدیرملریله بین المل شهرت و شان فراوان قزانیلوب بو
 صورتده سائر دولتلار اول دولتك اتفاقنه طالب و فقدا نندن
 مضطرب اوله جقلری حسبیه وقوع حربی تبعیده و مدت صلحی
 تمذیده مدار قوی اوله جق قدر کفایه طوائف عسکریه نك
 نظام و انظام لرینه و مال اجنبیه تعلیمات و حرکاتنی ییلور ادملرك
 استخدا منه دقت و اعتبار و حرص و شان املیه ایقاع غوائل
 حریبه دن اجتناب کوستر مکه برابر ظهور حربدن دخی قورقوب
 وقت ضرورتده مستعد و مهیا اولدیغی اشعار ایدنبه همجواری
 اولان دولتلر سودای غوغا وجدالدن دور و جالب خشنودی قلبنه
 مجبور اولملریله زمان صلح و صلاح اوزون و معموریت سکان
 بلدانی مزاید و افزون اولوب متفقلردن بری دیگر یله جنکه
 آنکه استعداد و تهی کوستر دیکی تقدیرده دخی اوله و اعلای

تدابیر متوسط آشتی را حتجش اولمقدر که بوطریق ایله فتو حاندن
زیاده شرف و شهرت اکثساب واجانبك تعظیم و محبت و احتیاجنی
اجتلاب ایدرك امانتکار اسرار و عهد و شروط عمومیه تك
محافظه سنده حاکم ذی اقتدار اولمغله اول مملکتك حکمداری
بر مقتضای وظیفه حکمداری اهالی یه حکم ایتدیکی قدر انلره ده
اعتماد و امنیت صفت هر ضیه سیله اجرای نفوذ ایلیه جکندن
همای عنوان و شانی دیاردن دیاره طائر و رایحه طیبیه نام
عدل اتسامی بلاددن بلاده سائر اولوب خلاف معدلت کند و سنده
اعلان عداوت ایده جك اولنلر اسباب اقتدارینی حاضر و آماده
بوله جقلرندن بشقه امنیت عامه یه سبب اولدیغندن محافظه سی
یابنده همجوارینی پرسلاح و لذتیاب صلح و صلاح کوره جکلرندن
تابع خوف و هراس و طالب حسن استیناس اولورلر . اشته
بوصورت حصار استوار و قال و بروج فلکمداردن زیاده متین برقلعه
حقیقی و رصین ایکن دریغا که اکثر حکمداران خیالات کاذبه یه
فریفته و بوشرف سرمدی شهر اهندن کریخته اوله کلمشدر .
ییلارجه کو کلمش اولان اولو اغاجك ساق کیری صورت
مطلوبه یی قبول ایدن تازه فداته بکزه مدیکی کبی پیرانك دخی
عادات مألوفه لرندن تحویلی محالاتدن و نادر اخطارینی اعتراف
و تأسف ایتسه لر بیله مخ استخوانلرینه ایشلمش اولان علت پیری
تأثیرندن قورتیله مدقلری مجرب و مسلم حالاتدندر .
حیف صد حیف که بهره ور عتل و ادراک اولمیان شیر شیر و پلانك
پلانك ایله چکا چك چك اولیوب جنسك غیر بیله صواشور ایکن
بیچاره ابنای بشر روی ارضده دردالمدن عبارت عمر قصیره مظهر

اولو بده معایر مقتضای عقل و ادراک بری برلرینی آغشته خون
 هلاک ایتک روامیدر . عالمده بو عربده وغوغا تدر . انسانلک اکوب
 بچمکه قادر اوله جققرندن زیاده اراضی یوقیدر . فتحکارلق
 نامی اغورینه بر حکمدار ممالک بلدانده ایقاد تار قتال وسکنه یی
 غلا و بلا دن گرفتار دوشاخه ضرورت حال ایتکدن ایسه
 جنکدن دائم صاقنوب برملی ملت دیکرک هجوم و ظلمدن محافظه
 نیله حین احتیاج حقیقده حربی اختیار ایده بیلیدر . یوخسه
 حرص و حظ نفس ایچون آچیلان حرب دشمندن زیاده یادی
 اظلمک ملکنه مضرت ایده چکی مجربدر .

رأس ادویه پرهیز و حیه در . ذهن و فکرک راحت و یوریمک
 وایلمک ایله وجودک ریاضتی سبب تصفیة دم و علت ادامه صحت
 بی آدمدر .

شبهه دوهومده قریندسیله برانسان تصل مجازات اولنه ییلور .
 بوقبو آچیلنجده افک و افترا دن کیم قور تیلور . بر مجرمی کمال رفق
 و اعتدال ایله استجواب و صغرو کبر تهمته کوره تکدیر و عتاب
 ایتلیدر .

حرکت وزوالی غیر قابل کورینان ارض سخت التدن یواش
 یواش حفر و نحت ایله دفعة سقوط ایدوب یارلر و اوچور ملر پیدا
 ایلدیکی کبی بر حکومت ظالمه دخی قوت جبر و تعدی ایله نقدر
 ثروت و سامانه مالک و فرمانفرمای ممالک اولسه قاعده اجباریه سی
 غاقبه العاقبه اندراس اساسنه علت و آلت قویه اولور .

حکمدار عاقل اصول حریده واقف اولوب صلحی دخی سوملی
 و نایح حرب و صلحه معلوماتی اوله رق جنکدن حذر ایتلیدر .

تجربه امور ایتماش ضعیف القلب و ساده دل حکمدار زمام
حکومتی نا اهلانک الیرینه و یروب دلالت غرضکارانه لریله اکثرا
باب حرب و ضربی اچارککه اصل محل حساب واجتناب
بوراسیدر .

(چاو)

وصافی تاریخندن نقلا مجموعه فنونک بشنچی نوهر وسنده
یازمش اولان چاو ماده سنه ذیل اولق اوزره در سعادتده
فرانسه سفارتی سرکاتب ترجمانی موسیوبلین طرفندن
تحریر اولوب ژورنال دوقونستانینویلمده مندرج بولان برینده
اولبابده بعضی معلومات مفیده پی شامل اولمغله بروجه اتی ترجمه
وتحریرینه ابتدار قلندی .

وصافی تاریخندن نقلا مجموعه فنونده محرر اولدیغی وجهله
هجرتك التي یوز طقسان اوچ سنه سنده ممالك ایرانده ایخانیاندن
کیخاتوخان زمان سلطنتده چاو اسمیله اوراق نقدیه احداث
اولوب فقط شواصول مملکتک هر طرفنه تعمیم اولنه مامشیدی .
چونکه خان مشارالیهک برادرزاده سی اولان قزان خان تحت
اداره سنده بولان خراسان الکاسنده چاوک تداولنی قبول
ایتمیدرک کیفیتی کیخاتوخان طرفندن بو خصوصک کندوسنده
تبلغه ما مور اولان ذات واسطه سیله مشارالیه طرفنه
اشعار و شووجهله بیان اعذار ایتمشیدیکه زیر حکمنده بولان

صوئک ماهیت و انواعی و خواص حکیمه و کیویه سی ۴۱۹

مملکتده و باخصوص مازندرانده هوارک کمال در جدر طوینده بینی
هر نوع اسلحه وزره بر سنه بیه طیسائیوب کاغذ ایسه کثرت
تداولدن ناشی بیرانه رق پرده عنکبوتیه دوندیکندن هیچ
طیسائییه جغی درکاردر .

قران خان اولوجهله بیان کیفیت ایتدکدن صکره کینخاتوخان
طرفندن ورود ایدن اوراق تقدیه پی و بونک اعما ایچون کوندریلان
آلات وادوانی کاملا احراق ایتدیردی .

اشبو چار اوزرنده محرر کلماتدن اریلق اوزره و صاف تار یخنده
ذکر اوانوب فقط معناسی بیان اولنماش اولان (ایرینجین تورجی)
کله لری بحثنه کلنجه کلمات مذکوره فرانسه مؤلفلرندن سویسینک
مسکوکات شرقیه دایریازمش اولدیغی مکاتیک یدنجی
قطعه سنده شرح اولمشدرشویله کدالسنه و علوم هندیه ده ید طولاسی
اولان مشهور اوژین بورتوفک تحقیقنه کوره اشبو ایرینجین تورجی
الفاظی تبیت لسانی اوزره اوله رق معنای لغویسی ذیقیت الماس
وکذلک مشاهیردن موسیو اردمانه نظرا ذیقیت عصای حکمداری
اولوب کینخاتوخانک حین جلوس سنده بعض پیشوایان دین طرفندن
ویرلمش بر عنوان ایدی .

(منیف)

(صوئک ماهیت و انواعی و خواص حکیمه و کیویه سی)

صوا کثر حالده شفاف ورنکسز ولدتسز اوله رق قابل تضییق
والا سنیق بر جسم اولوب برودت و حرارت واسطه سیله
تبخیر ایدر .

صو حکمای متقدمین عندندہ اجسام بسیطہ دن عدو اعتبار
اولش ايسهده متأخرین مولد المومنه و مولد الماء دینلان غزلردن
مرکب اولدیغنی و برجنش مولد الماء کی نظر اولانه بیلدیکی حالده
طبیعتده غایت مبذول اوله رق اوچ حالت اوزره بولاند یعنی اثبات
ایلمش لردر . اوله هوا ده و بلوتارده سیال والا سنیقی یعنی بخار
و نایا معلوم اولدیغنی اوزره دکرلرده و کوللرده و ایرمقلرده مایع
و ناکشا قار و طولو و بوز هیئتده اوله رق جهاد حالنده بولور
و بولردن بشقه کافه اجسام عضویده ده دخی موجود اوله رق آنلرک
نشوونما بولارنده مدخل کلپسی وارد و اجسام معدنیه دن
اکثر یسنگ دخی بر جزو مرکب اصل یسیدر .

مایع حالنده بولان صویر محلیده جزئی مقدار اولدیغنی حالده
رنکسز کورینوب زیاده جه بولندیغنی صورتده مائی یه قریب
یشیل رنکده کورندیکی معلومدر . صو طبیعتده خالص ارله رق
پک نادر بولوب فقط برمدن یغان یغوردن صکره نزول ایدن یغور
صولری خالص و مواد اجنبیه دن عاریدر .

صو اجسامک اکثر یسنی حل ایدر یعنی اریده بیلور ايسهده
کندوسی بخاره منقلب اولدقده دروننده منحل اولان مواد اجنبیه
تبخراتمه رک حال اصل یسند رجوع ایله کسب انجماد ایدر . بناء
علیه بخار حالنده اولان صویه دخی خالص نظریله باقیله بیلدیکندن
عادی صو اندیق ایله تقطیر اوله رق یعنی قینا دیلوب تبخراتمه کده
حاصل اولان بخار بر محله جمع ایله تکاثف ایتدیر یله رک تصفیه اولور .
فقط بو حالده ابتداری انسان بخارک تکاثفندن حاصل اولان صو
ایچنده ینه از چوق مواد اجنبیه بولانه چغندن بو کا صافی نظریله

صو يك ماهيت وانواعى وخواص حكيمه و كيمويه سى ۴۳۱
باقيله ميوب صكره لرى حاصل اولان صواخذ و ياخود مكررا
تقطير و بورجه ماه حصوله كلان صوره دخى ماء مقطر تعبير
اولنور .

صوانواع ثابته منقسم اولوب برينه ميايه خالصه ياخود ميايه
مقطره و ايكنجيسنه ميايه عاده و اوچنجيسنه دخى ميايه معدنيه
اطلاق اولنور . نوع اول بيان اولنديغى اوزره تقطير ايله استحصال
اولان ماء مقطر اولدوق اجزاخانه لرده و كيميا خانه لرده مستعملدر .
نوع ثانى قوللاند يغمز عاده صولر اولوب بونلر ملح كبريت كلس
و ملح قاربون كلس و ملح كبريت پوتاس و سائر مثالو بر طاقم
امله متوعه يى حاويدر .

ابو طوز لردن نصابندن زياده مقدارى حاوى اولان صورك
لذنى اجى اولدوق بونلره سبزوات طبخ اولانه مديغى مثالو صابون
دخى كوپه رديله مز . بو مثالو صولر ايله سبزوات طبخ اولانه مامسك
سبز دخى ميايه مذكوره نك حاوى اولدوغى ملح قاربون كلس و ملح
كبريت كلس مواد نباتيه نك اجزاي فرديه سى ارالرينه حيالوت
ايله سبزواتك سرت اولمىنى استيزام ايلمىيدر . و صابونك
كوپور ماسى دخى صابون ياغ ايله سوده دينلان ماده دن
مركب اولديغندن اجى سودروننه صابون قونلديغى حالده
بونك حاوى اولدوغى ملح كبريت كلس و ملح قاربون كلس تحليل
ايدرك حاض كبريتيه حاض قاربونى صابونك جزؤ مر كى
اولان سوده ايله بالاسنراج مختل اولان ملح كبريت سوده و ملح
قاربون سوده دينلان طوزلر حاصل اولدقدن بشقه ياغ ايله
كرجندن مركب و سودروننده غير مختل ديكر بر نوع

صابون تحدث ایتسندن نشأت ایدر . بو مثالو صول دروننه
 بر مقدار ملح قاربون سوده دینلان طوزدن ویاخود ملح مذکوری
 حاری بولان بر مقدار عادی کول وضع اولدیغی حالده سبرواتک
 طبخنه و صابونک کوپور مسنه مدار اولور و بونک سبی
 دخی ملح مذکور واسطه سیله صویک حاوی اولدیغی ملح
 قاربون کلس و ملح کبریت کلس تحلل ایدرک ملح قاربون سوده ایله
 ملح کبریت سوده یه منقلب اولوب بو طوزلردخی منحل اولمزلندن ناشی
 سبروات طبخنه مانع اولماسی و صابونی دخی تحلیل ایده ماسی
 جهتله اصلاح اولنش اولور .

نوع ثالث یعنی میاه معدنیه دخی حیات حیوانیه اوزرینه
 از چوق تاثیر اولان بر طاق مواد کیمویه یی حاوی صولدرکه
 بونارک تفصیلی ایلاروده کله جکدر .

عادی صول دروننده دائماً مواد نباتیه و حیوانیه بولند یغندن
 بونار بر محله را کد اوله رق چوق وقت قالدقلرنده مواد مذکوره
 چوریه رک تحلل ایتسیله بر طاق غازلر تحدث ایدر و بو غازلردن
 بر مقداری دخی منحل اولدیغی حالده صول دروننده قالد یغندن
 تعفن ایدوب فنا حاله تمولنی موجب اولور و بو مثالو متعفن صول
 کوردن مهول سوز کچلردن سوز یلهرک تصفیه اولورلر . وایچیلان
 صولارک مضرت ویرماسنک سبب مستقی دروننده دائماً بر مقدار
 هوا بولمسیدر . اکثر یا صهریح صولرنده مقدار وافی هوا
 بولندیغندن دائماً بو صوی ایچین کسانک اکثریسی امراض
 جادیه یه مبتلا اولورلر . بنابرین سوز کچلردن سوز یلهرک تصفیه
 اولنش صول سوز یلور ایکن اجزای صغیره کیمیه تقسیم اولدرق

(صوكت ماهيت و انواعى و خواص حكيمه و كيمويه سى) ۴۲۳

سطوح كيره سى چوق وقت هوا ايله تماسده بولنديغى جهتله
ايچمك ايچون سائر صولره هر جحدر .

صوكت الاسطىقتى و قابل تضيق اولسى حكماى متقدمين عندته
چوق وقت مشكوك قالمش ايسده متأخرين بويابده زياده تابع
ايدرك الاسطىقتى و قابل تضيق اولديغى و تضيق سبيله حجمى يوز
بيك جزئدن قرق سكر جزؤ مقدارى كوچالديكنى تحقيق و اثبات
ايمشالردر .

معلوم اولديغى اوزره هوانك كافه اجسام اوزرينه قسوه
تضيقيه سى جارى اولديغندن صوعا دى تضيق تيشنده يعنى
سطحى سطح درياه موازى اولان بر محاصره حرارته كوسترلديكى حالده
سانبخراد يعنى يوز درجه يه منقسم اولان ميزان الحراره حسابجه
الديغى حرارت يوز درجه يه وارنجيه دكين تدرىجا تسخن ايدوب
درجه مذكوره يه وصولنده مائع حالنده قالدېغى مدتجه ارتق
درجه حرارتى تزايد ايتدرك قينا مغه باشلار . والديغى حرارت
يوز درجه يى تجاوز ايتدكده تبخير ايدوب حجمى بيك التيسوز
طقسان سكر مى قدر يو يهرك شفاف و غير مرئى بر غازه منتقل
اولوب اشبو غازه صوب بخارى تعبير اولنور . وقينا ديلا ن
صواوزرينه تضيق اجرا ايدن ستون هوا بئيك طولى زياده
اولدقجه طبعى اغرلغبنده زياده اوله جغى دركار اولديغندن
مذكور صوعا دى تضيقدن دون بر تضيقك تحت تاثيرنده بولنور
يعنى سطحى سطح دريادن مرتفع بر محاصره اولق اوزره مثلا
بر يو كك طاغ تپه سنده تسخين اولغى مراد قلنور ايسه يوز
درجه دن از وعا دى تضيقدن زياده بر تضيقك تحت تاثيرنده

یعنی سطحی سطح ذریادن الحق بر محله بوانور ایسه یوز درجه دن
زیاده حرارتله غلیانه باشایوب علی کلا التقدیرین بخارینک قوه
الاسلیقه سی یعنی دروننده بولندیغی قایلک اطرافنه اجرا ایلدیکی
تضییق بخارک درجه حرارتی نسبتنده تزايدوتناقص ایلدیکی بالتجربه
ثابت اولشدر . آنفایسان اولندیغی اوزره صوب بخارینک حجمی
مایع حالنده کی حجمینک بیک آلتیوز طقسان سکز منلی اولدیغندن
صوب بخاره منقلب اولدقده حجمینک شوصورتله تزايد ایلسی مناسبتیه
حاصل ایتدیکی قوه الاسلیقه بر طاقم ما کیندر ایچون قوه محرکه
مقامنده استعمال اولنور .

صوب بخاره منقلب اولقسزین یعنی صفر درجه دن یوز درجه یه
وارتجیه قدر بلع ایتدیکی حررات میزان الحراره ایله کوستریله بیلوب
فقط بخار حالنه کچرکن اخذ ایلدیکی حرارت آت مذکوره
واسطه سیله بیلنده من . مثلا برقیه وزتنده اولان بخار مایع حالنه
کچورلمش اولسه آندن یوز درجه حرارتده برقیه صو حاصل
اولدقدن بشقه صفر درجه ده بولسان بش بچق قیه ضویک
حرارتی یوز درجه حرارته ایصال ایلکه یعنی غلیان حالنه
کوره مکده کافی حرارت دخی حاصل اولور . بوجوهله برقیه صویوز
درجه یه قدر ایصند قد نصکره بخاره انقلا بنده صفر درجه حرارتده
اولان بش بچق قیه ضویک درجه حرارتی یوز درجه یه ایصاله
کافی مقدار دخی حرارت بلع ایتمش اوله جغی ظاهر اولغله بر منوال
محرر میزان الحراره ایله کوستریله یوب بخار تمیع ایلدیکی حالده ظاهره
چیقان اشبو حرارته حرارت خفیه تعبیر اولنور .

(صفوت)

ناظر مکتب حریه

(بقیه سی صکره)

امید بروی و اول حوالیده بولان اهل اسلامك احوالنه
و خصوصات سائرهیه دائر بو کره دخی کچن شعبان شریفك
یکرمی دردی نارنجبله مؤرخاً ابوبکر افندی طرفندن ورودایدن
بر قطعه مکتوب کچن دفعه یازدیغیمز مکتوبه ذیل اولمق اوزره
بر وجه خلاصه زیرده درج و تحریر قلمشدر .

"بو حوالیک مرکز حکومتی اولوب انکلیزجه (کپتاون)
دیتلان شهرک بنا و اعمارینه بدأ اولندی تقریباً ایکی یوز سنه
اولوب فقط یکرمی سنه دنبرو جسیم بنار و صباحه قدرینار
عازر و تیمور یوللر انشاسی و اطرافنده باغلر و باغچه لر احداثیه
عادتاً اوروپا شهرلری کبی هر درلو اصلاحات و تزیینات اجرا
قلمشدر . انکلیزلردن مقدم بو طرفله متصرف اولان فلشکل
الاری اولق اوزره داخلا و خارجا یک چوق قلاع و استحکامات
و ابنیه میریه و باغلر و اورمانلر اولوب بونلرک تنظیم و انشاسی
حقنده ملت مذکوره نك وقتیه و قوعبولان مساعی و تکلفاتی
فوق مایتنصوردور . شهرک جانب شرقیسنده واقع سواحله
بولان قصبات اصول جدیده اوزره اصلاح و تزیین
و انکلیزه و المانیلار دن لاینقطع کلیمکده اولان مهاجرلر اورالرده
اسکان و توطین اولندرق جسیم شهرلر شکل ایتمکده در . امید
برونی ایالتک جانب شمالیسنده واقع اولوب یکرمی بر عرض
جنوبیه قدر ممتد اولان مملکت جسیمه فطار تسمیه اولان
بر طائفه ایله مکنون اولوب بونلر زیاده جاهل و وحشی بر ملت
اولدیغی جالده الیوم بعضی مرتبه کسب تربیه و تمدن ایدرک

اورالرده دخی مجدداً شهر لر و قصبه لر بنا اولمقده در .
 تحقیقات عاجزانه مکوره بورادن واپور سفینه سیله اوج کوناک
 مسافده رافع هندوان جزیرسی کافه اسلامدر واستقلال
 اوزره بولان حکمدارلری دخی کندولرندن اولوب انکلتره لو ایله
 دوست و متفقدر . اولجوارده واقع اولوب مقدا فرانسه لویینده
 اولدیغی حالده بعده انکلتره لویه انتقال ایتش اولان موریس
 جزیره سنده دخی پک چوق اهل اسلام وارددر . جزیره مذکوره ده
 برنج و شکر و محصولات سائره کلیت اوزره حصوله کلور . وزنگبار
 جزیره سی دخی اهل اسلام ایله مسکون اولوب مسقط امامی
 تحت حکومتنده در .

بو حوالیده واقع براهل اسلام مملکتندن بودفعه والی طرفنه
 ورود ایدن بر مکتوبده امید بروننه بر عالم کلیمش اولدیغی استخبار
 ایتش اولدقلرندن بجه بعض مشکلات دینه لری حل اولمق
 و بر ماهه قدر اعاده قلمق اوزره داعیرینک اولطرفه اعزامی
 استدا اولمش و مشار الیه کیفیتی مخلصارینه تبلیغ و بیان
 ایتش اولمغله بالتذکر رمضان صکره محل مذکوره عزیمته
 قرار ویرلشدر . اشبو مملکت اها لیسنک اکثریسی اسلام
 اولدقلری حالده اصول اسلامیتدن اصلا خبردار اولیوب انجیق
 اراقده بعضاری حجه کدوب کلدیکی جهته اسلام اسمنی غایب
 ایتماشلرددر .

بو طرفلرده مسلمانلر انکلیرلره صداقت ایدوب رقباری بولان
 فلمنکلور دن متفر اولدقلری جهته انکلیرلر عندنده سائر
 ملتلردن زیاده مقبول و معتبردرلر . مقدا بو طرفلر فلمنک دولتی

تحت حکومت شده بولندیخی ائناده اهل اسلام انلردن زیاده سیله
سوء معاملہ کورمش اولدیغندن شمدیکی حالدن پک خوشنوددرلر .
مقدم دخی یازلدیخی وجهله نفس امید برونی شهرنده اون یدی جامع
ومسجد اولوب **کک** بونلرده وکک خارجدہ بولسان جوامع
ومساجدہ کمال سر بستی وامنت ایلہ اجرای وظائف دینہ
اولنوب فقط جوامع مذکورہ ک منارہ لری اولدیغندن اذان
حولیدہ اقامہ اولنور . منارہ لر بناسنہ انکلیترلر طرفندن مساعده
قلمش ایسده هنوز انشا اولنماشدر .

سالف الذکر قطار طائفہ سی غایت جاہل وساده ذل برملت
اولدیغندن اوروپالور مخصوص پاپاسلر ارسالیہ بونلری کندو
دینلرینہ دعوت وتعلیم اصول مدنیت ایتکده اولدقلری جهتہ
طائفہ مذکورہ بی دین مبین اسلامہ دعوت ایلاک اوزرہ حکومت
محالہ طرفندن داعیلرینہ دخی رخصت ویرلشدر . فقط اول امرده
بوراجہ اصل مقصد اولان خصوصات تسویہ اولنوب اندن
صکرہ طائفہ مذکورہ ایچنہ کیدرک شو امر خیرک دخی اجراسنہ
سعی واهتمام اولنسی مصمدر .

بورانک قیش و یاز موسملری استانبول کی آلتیشرماهدر . فقط
خفی اولدیخی وجهله بورالری کرہ ارضک نصف جنوبیسنده
اورالری نصف شمالیسنده واقع اولدیغندن مواسم یکدیگریک
عکسنہ وقوعبولوب اورالری قیش اولدیخی وقت بورالری یاز
ویاز اولدیخی وقت قیش اولور . کوناردخی بویله اولوب اورادہ
اوزادقجه بورادہ قیصلور .

بو طرفک هواسی غایت لطیف وصاغلم اولدیغندن اہالیسنی

قوی البنیہ و تندرستدر . علی واسقام دخی ندرت اوزره اولوب بزم
 طرفلرده عموماً اطفالک دوپارا اولدقلری چیچک عالتی بیلہ نوار دندر .
 فقط بر کره ظہور ایتد کده هر کسه سرایت ایدرک طاعون کی کلی تلفاتی
 موجب اولور . بو حوالی غایت مثبت و محصولدار اولوب هر درلو
 ذخائر و فواکد و سبزوات مبذول ايسده زراعت و تجارت طریقہ ثروت
 و سامان تحصیل ایلک اوزره اور و پادن کلیتہ نفوس کلمسی ذخائر
 و ارزاقک ترقی فیئاتنه سبب اولمشدر . بزم الحقه حسابیلہ برقیہ
 لجم اون ایکی واتمک درت و برنج الی غروشه کلور فقط بالق و اوزم
 فوق الغایه مبذول و اوجوز اولوب باغک قیسسی بش الی واک
 اعلا اوزم اون بش یکر می پاره یه در . و علی العموم اہالی درت
 اوکون طعام اکل ایدوب غایت اکول و تنبل آدلر در .
 حکومت طرفندن داعیلرینه درت اوطہ لی برخانہ اعطا
 و اقتضا ایدن خدمہ دخی تعیین اولمش اولدیغندن بحمدہ تعالی
 رفاه و راحتہ برکالدر .

مذکور موريس جزیره سی بحر محیط شرقیده اون سکر ایله
 یکر می عرض جنوبیسی بینده واقعدر . و اکثر محللری طاعلق اولوب
 انجق بشده بر جزوی قابل زراعتدر . ممالک حاره و معتدله یه
 مخصوص هر درلو محصولات چقد قدن بشقه انواع بهارات دخی
 یتشدیرلشددر . میون پک کثرت اوزره اولدیغندن زراعتہ زیاده
 مضرتی اولور . بوق و قهوه دخی حصوله کلور ايسده با شلیجه
 محصولی شکر در . مرکز حکومتی جانب شمال غربیسنده
 واقع لوئی لیمانی اسمیلہ معروف شهر اولوب یوز یکر می بیک قدر
 نفوسی جامعدر . جزیره مذکورہ یی میلادک ۱۵۰۵ سنہ سنده

غیر مسکون اولدیغی حالدده پورتکیزلر کشف و (ایلها داسرنو)
تسمیه ایتشلر ایسه ده اهالی اسکان ایتما مشلر ایدی . بعده
هولانده لولر ضبط ایدرک الیوم متعارف اولان موریس اسمنی
ویرمشلردر .

۱۷۲۱ ده فرانسیه انتقال ایدرک فرانسه اطه سی تسمیه اولمش
وهروجهاه اسباب معموریتی اکیال قلمشدر ۱۸۱۰ سنه سننده
حربا انکلیزلر ضبط ایدوب الیوم انلرک تحت حکومتنده در .
بکر افندیگ اشعارینده کوره اشبو موریس اطه سنده خیلی اهل
اسلام موجود ایسه ده بمقدار ونه حالده بولندقلرینده دائر
جغرافیا کتابارنده برکونه معلوماته تصادف اولنه ما مشدر .
ذکر اولانان زنکبار جزیره سی دخی افریقا ساحلنده بو اسم ایله
معروف مملکت پیشگاهنده واقعدر . کرک جزیره مذکورده وکرک منسوب
اولدیغی مملکت اهالیسی علی العموم اهل اسلام اولوب ایچلرینده
پک چوق عرب دخی وارددر . اهالیسی و حکمداری اهل اسلام اولق
اوزره مکتوب مذکورده بیان اولان هندوان جزیره سی بخشه کانجه
بونک نره ده اولدیغی تحقیق اولنه مامش ایسه اشبو جزیره نیک
جغرافیون عنینده نام دیگرله معروف اولسی احتمالی درکاردر .
امید برونک جانب شرقبسنده (کافر) و جانب غرببسنده
(هوتانتو) اسملریله مسمی ایکی مملکت جسیه اولوب بونلرک
ایکبسنک دخی اهالیسی صید و شکار ایله تعیش ایدرک غایت متوحش
و کدولرینه مخصوص بعض اعتقادات باطله یه متمسکدرلر .
بکر افندیگ طانک شده سیله ذکر ایلدیگی (فطار) طائفه سی
بونلردن قنغیسی اولدیغی دخی اکلا شیه مامشدر .

اشو مجبور و مناسبت اولان خصوصاته دائر ایلاروده استحصال
ایده بیله جگمز معلوماتك تحریر و بیاننه مسارعت اولنه جنی
درکار در .
(منیف)

(سرکی عموی عثمانی)

سایه معمریتوایه حضرت پادشاهیده بودفعه کشاد اولانان
سرکی عموی عثمانی ممالک محروسده ایلاک دفعه اچیلان سرکی
اولدیغی حالده مشهود اولان حسن ترتیب وانتظامی طوغریسی
درجه مأموله نك ما فوقنده بولندیغندن جملہ نك منظم و تقدیر
وتحسینی اولمشدر . علی العموم سرکی اصولی نوقتدنبرو معلوم
ومرعی اولوب ممالک سائرده اچیلان سرکیلر ابتدالی تصورنله
باشلا دیغی و مؤخرًا نوجهله کسب توسع و ترقی ایدرک امر زراعت
ومصناعت حقنده نه درجه تأثیرات حسنه سی مشاهده اولندیغی
مجموعه مزك طقوزنجی نومر و سنده بر تفصیل بیان و تحریر
قلمش ایدی . شواصولك ممالک محروسه حضرت پادشاهیده
دخی قبول واجراسی بر مبدأ فیض و ترقی اولوب بوندن بویله دخی
اره صره کشادینده همت بیورلدیغی حالده کتدجکه کسب توسع
وانتظام ایله زراعت و صناعتجه فوائد عظیمه یی منتج اوله جنی
بی اشنباهدر . سرکی مذکورده مشاهده اولانان خام
اشیانك اکثریسی الاعلا جنسدن اولوب محصولات صناعتده
دخی تقدیره شایان خیلی شیار وار ایسده بعض صنایعك

پك زياده كبروده بولنديغي دركاردر . شو حالك باشليجه
برقاج سبي اولوب برنجيسي اصنافك اجراي صنعتلرچون
لازم كلان بعض فنوندن بي بهره بولملري ماده سيدر . چونكه
اوروپا اينسي اوله رق كوريلان معمولات مصنعه هپ ما كينه
ايله يابلش شيلر اولديغندن ارباب صنايعك كافة اهل معرفت
و فطانتدن بولنسي اقتضا ايتز ايسه ده اشبو ما كيندرك
يوليله استعمال و عملياتك اصول فنه تطبيق ضمنده ايجلرند
صاحب معلومات اوستهلر بولنسي لازم ولا بددر .

مسيو عمزه كوره طرف سلطنت سنيه دن در سعادتده بر مكتب
صنايع كشاديله هر درلو حرفت و صنعت اربابندن آند جق
شا كردانه اصلاحي مقتضي اولان صنعتلرك نظريات و عملياتي
تعليم ايتد يرلسي متصور اولوب بمنه تعالى سايه معايلوايه
حضرت پادشاهيده اشبونيت خيره قوه دن فعله كتورلديكي
حالده صنايعك ايلرولسي حقنده فوق الغايه تاثيراتي كوريله جكي
دركاردر .

ايكنجي سبب اصنافز بيننده جاري اولان كوره نك صنايعق
ماده سيدر . اشبو كوره نك دينلان شي دخي صنعتلرينه دائر
اوستهلرندن كوردكلري اصول اولوب بو كا كويا امور ديند دن
برشي كي نظر ايدرك هيچ بروقده تغير و اصلاحي تصور ايتك
شويله طور سون بر طرف دن كندولرينه بعض صور حسنه
اخطار اولاندقده كوره نك اولامش جواني ويرلر . حالو كه
اورو بالور كوره نك صايه رق دائما اصول قديمدرني محافظه ايتش
اوله نردي واپور سفينه سي و تيمور يول و تلغراف و امشالي نجه

صنایع نافعه نك اختراعیاه مدنیت وانسانینه بویه بیسوك خدمتگر
ایفاسنه نصل موفق اوله یلورلردی - کوره نك صایمق دائم
برراده ده قالب ایلرو کیده مامك ایچون برسد سیدر - شو قدر
سنه لردیبرودرسعادت اهلایسنك اکثری ویا خصوص مأمورین
دوات ومعتبران مملکت کافه اوروپا کاری قوتدره استعمال
ایلدکلری حالده بزم دیکجیلر الی یومنا هذا بوتك اعماله رغبت
وتسبب ایتماشلردر - جوارنده بولنان بر اوروپالو دیکدیکی قوتدره بی
یوز غروشه ودها زیاده یه صاتمقده اولدیغنی کوردکلری
و کندولری اعمال ایلدکلری قرمز یمنی و صاری پابوچی اون
غروشه و بردکلری حالده مرقومك دیکدیکی قوتدره بی الوب
اکا تقلیده چالشق و اوکرنوب کندولری ده انک بی یوز غروشه
صانه رقی کونده اون غروش قزانه حق یرده قرق المی غروش ودها
زیاده قزانمق افکاری هیچ بروقت خاطر لرینه کلامشدر -
بومقوله صنایعك تعلم واجراسنه هیچ بر مانع وحائل اولیوب مجرد
ذکر اولنان کوره نك اصولی بلا سیدر - مملکتك ترقی صنایعنی
و کندوسنك حصول منفعتنی آرزوایدن ارباب حرف و صنایع
اسو کوره نك افکار باطله سنندن صرف نظر ایدرک یاپدیغنی
سبی کوزی اوکنه قویوب اندن دهامصنعا مثالی وارایسه اکا تقلیده
چالشق یوق ایسه تجبا بودها برکوزل صورتده یایله بیلورعی دیو
صرف ذهن ایتك وخاطرینه کلان صورتی همان اجرا ایدرک
موفق اوله مزسه اوصانویوب دیگر بر طریق ارامق لازم کلور -
اشنه بوقاعده یه رعایت ایلدکلری صورتده تهایتنده همه حال
مصنوعاتلرینی بر حسن قالبه افراغ ورفته رفته ایلروایوب یکی شیلر
دخی اختراع ایده یله جکلری امر مجزومدر -

سرکی مذکور ایچون آت میداتنده انشا اولسان محل
صورت مطبوعه و مستحسنده یا بلش اولوب وسعتی دخی بوتدن
بویله برقاج دفعه ده اچیله جق سرکیلر ایچون درجه کفایه ده
ایسه ده استماع اولدیغنه کوره سرکی قانقدن صکره ابنیه مذکوره
هدم اوله جغندن بو کیفیت جمله نک موجب تأسی اولمقده در .

فی الحقیقه در سعادت کبی بر شهر عظیم ایچون میدان مزبور
ملاو بر دکل برقاج واسع محاک لزومی انکار اوله میوب بناء علیه
الده بوانان میدانک بو مسورنله ابنیه انشاسیله قیادلسی
نجویر اولده مز ایسه ده مشهور اولدیغی اوزره میدان مذکور
هیئت منظمده اولدیغندن اهالی استابولک بوتدن استفاده
ایده مدکلری ظاهر در . اشته شومطالعاته مینی میدان مذکوره
یا بلان ابنیه سرکینک ختامنده یقلمیوب دیگر منظم بر سرکی
محل یا بلنجیه قدر حالی اوزره براغلمسی وایکی اوچ سنده بر کره
بو سنده کی کبی محل مذکوره سرکی کشاد اولنسی مناسب حال
و موافق مصلحت کبی کورینور .

چارشوی مذکوره اوتوز یک انکیلر لیراسی یعنی الی یک الی
یوز کسه مصرف وقوع بلش اولوب یقلمدیغی تقدیرده انقاضی
اثنانی مبلغ مذکورک عشرینه مقابل اوله میدجی درکار در .
یالکز بر دفعه سرکی کشادی دخی نتیجه مطابو به حصوانه کافی
اوله میدجغندن بر منوال محرر هر ایکی اوچ سنده بر کره بومشلاو
سرکی کشادی لازمه دن اولدیغی و هر سرکی ایچون دخی بر
چارشو انشاسی خیلی تکلف و مصارفه محتاج اوله جغی جهته
چارشو یا بق تکلفی سرکی کشادینه مانع اولسی ملاحظه دن

بعید دکلدر . فقط ابدیه مذکورہ مک دائمی صورتہ میدان مزبورده
 ابقاسی دخی جائز اوامیه جغندن بر قاج دفعه محل مذکورده
 یالکز ممالک محروسه محصولات و مصنوعات مخصوص سرکیار
 کشاد اولاند قد نصکره در سعادتہ بر سرکی عمومی کشادی
 زمانی کلدکده مناسب بریره دها واسع و منتظم بر سرکی محلی
 یاپیلہ رق میدان مزبورده بولان چارشونک اولوقت تخریبی
 مناسب اولور .

برده سرکی کشادی یالکز در سعادتہ حصر اولفیوب از میر
 وسلانیک و مناسبتر و شام و حلب مثلاً و مرکز صنایع و تجارت
 اولان شهرلرده هر سنده بر دفعه خصوصی سرکیلر کشاد اولنسی
 و مملکت مزجہ زراعت و صنعتک قنغی شعبه لری نک اصلاحی دها مهم
 کورینور ایسه بوزلری بروجه مطلوب اصلاح ایچون مکافات
 مناسبه تخصیصیلہ اولجہ اعلان اولنہ رق اهل صنعت
 و زراعتک بو وجهله دخی تشویق و ترغینہ همت بیورلسی
 بو بایده اتخازی لازم کلان تدابیر مؤثره جله سندندر ظن اولنور .
 (قدری)

(قدمای ملوک مصریه تاریخی)

فیرون

اشبو فیرون سالف الذکر مشهور سیر و ستریسک اوغلی
 وولی عهدی اولوب میلاددن یسک در تیوز الی یدی سنده اول

یدرینک وفاتنده جالس مسند حکومت اولمشدر . مشارایه یدری کبی عالی همت اولسوب یالکز کبر و غرورده اکا تفوق ایتشیدی . حتی برسنه نیل مبارکک فیضانی پک زیاده اولوب کلی خساراتی موجب اولدیغدن غضبه کلوب کویا نیلی تأدیب ایتک زعمیه صوبه برمزراق اتمش اولدیغی مرویدر . حضرت موسی علیه السلام ملک مشارایه ایله معاصر اولوب طائفه بنی اسرائیل دوچار اولدقلری اذا وجفادن تخلیص قصدیه معجزات معلومدی انلهماردن صکره مصردن هجرت ایلد کلرنده تعقیب ایدوب بحر احمرده غرق اولان ومصر حکمدارلرینه مخصوص فرعون اقیله مشهور بوانان ملک اشبو فیروندر . یونک اخلافدن یالکز پروته ور امپسنیه نامنده ایکی حکمدارک اسماری معلوم اولوب فقط هیچ براترلی مشهود اولماشدر .

کیویس و شفرن

کیویس الی سنه و آندن صکره شفرن الی الق سنه اجرای حکومت ایدوب بونلر انواع ظلم و کفر ارتکاب وقوانینه رعایت ایتیه رک درلو درلو تکالیف و رسومات تحمیلله مملکتی خراب ایلدیار . و مجرد ابقای نام غرضیه اهرام مصریه نک ال بیوکلی اولان ایکبسنی کندولرینه مزار اولق اوزره کلی زحمت و تکلف ایله اهالییه بنا ایتدیردیار . کرچه بو وسیله ایله ابقای نام ایدرک مقصدلری حاصل اولمش ایسده برصورت مذمومده اولدیغدن خیلی زمان مصر یون عننده لعنت ایله یاد قلمشدر .

میسرتیوس

میسرتیوس سالفاد کرکیویسک اوغلیدر . مشارالیه پدری کبی غدار اولوب یدی سند ممتد اولان زمان حکومتده لوازم عدالت و حقانیتی ایفا ایلشدر . بونک عصرینده مصریون قوانینده رعایتی ترک ایله سفاهت و تسبییه میل ایتشلر ایدی .
 ایوم فیوم اقلینده واقع کریمچدن معمول اهرام تپدسی اشیو میسرتیوس زمانی اثارنددر .

آسیخچیس

بالاده ذکر و بیان اولندیغی اوزره بر ادم ایچه استقراض ایلر کده مقابلهده پدرینک جسد محفوظنی رهن صورتیله مستقرضه تسلیم ایلک ماده سی ملک مشارالیه زماننده قانونه درج اولوب بوتدن بشقه بر اثری یوقدر . فقط مصرده بنی سویف ایله فیوم اقلیلری بینده واقع لاهون قریه سنده کریمچدن معمول اهرام تپدسی دخی مشارالیه زماننده منسوبدر .

میلاددن بیك اون اوچ سنه اول مصرده بر حکمدار اولوب کریمه سنی بنی اسرائیل ملکی اولان حضرت سلیمان علیه السلامه تزویج ایلشدر .
 بوتدن بشقه اثری معلوم اولدیغی مثلا فرعون لقبیله معروف اولوب اسم مخصوصی دخی اوتودلمشدر .

سیران

سیران میلاد دن طقوز یوز ایتش سکر سنه اول مسند نشین
حکومت اولمشدر . حضرت سلیمان علیه السلامک مخدومی اولوب
بنی اسرائیل ملکی بولان رحیم ایله محاربه یه قیام و بلاد کنعانه یه
جسیم براردو سوق ایدرک بنی اسرائیل قومنی تارمار ایتش
وقدس شریفه دخول ایله حضرت سلیمان علیه السلامدن
قالش اولان اوچوز قطعه التون قاقانلری اخذ ایدوب مصره
عودت ایلمشدر .

زارا

زارا میلادن طقوز یوز قرق بر سنه اول جلوس ایدوب مصر و حبش
ممالکده متصرف اولمشدر . یهودیلر ایله محاربه یه قالدیشوب اوزر لرینه
بر میلیون عسکر و اوچوز عربیه دن مرکب بر جسیم اردو سوق
ایتش ایسه ده اولوقت قدس شریف ملکی بولان آسا غالب کله رک
مصر لولری منهزم و پریشان ایتشیدی . مذکور زارادن
صکره آنیز بس نام حکمدارک سلطنتنه قدر یوز الی سنه دن
متجاوز مدتده مصرده کیلر حکومت ایلدیکی و نه مقوله حالات
وقوعه کلدیکی عندالمور خین مجهول بولنمشدر .

آنیز بس

مشار الیه آنیز بس اعما اولدیغی حالده میلادن یدی یوز
التمش یدی سنه اول تخت حکمداری یه جلوس ایلمشدر .

اولوقت حبش ملكى بولسان ساباكوس مصر الكاسنى بالاستيلا
الى سنه حكمدارلق ايدى جكى هاتف غيبدن كويا كندوسنه خبر
ويرلديكندن مصره عسكر سوقيله كاملا ضبط و تسخير ايلش
وكندوسى كمال درجه مرحمت و حقانيتله متصف اولديغندن
قتل جزا سنى بالكليله لغوايدوب بوكا مستحق اولانلر كابتيه ميريه ده
استخداميله اكتفا اولوردى . الى سنه ميرورنده زمام حكومتى
اولوقته قدر اختفا ايتش اولان آنريسه اعاده ايدرك اصل محل
حكومتى اولان حبش مملكتنه عودت ايلشدر .

سيتوس

سيتوس بالاده ذكر اولسان حبش ملكى ساباكوسك اوغلا اولوب
ميلاد دن يديروز اون طقوز سنه اول جلوس ايتشدر . اولزمان
اعتقادات باطله سنه زياده تمسك و رعائيت اولديغندن مرتب
ذمت اولان اداره امور عبادى ترك ايدرك عبادت ايله اشتغال ايدرايدى
وصنف عسكرى يه اصلا رعائيت ايتيهرك اسلافك عساکره
زعامت طريقه و يرمش اولدقارى اراضى يي بيله استرداد ايتشيدى .
بو جهته عسكرى طاقى كندوسندن دلکیر اوله رق سنا خريب
نام سريان و عربان ملكى مصره تيجاوز ايتد كده عساكر مصریه
سبتوسك اغورينه محاربه دن امتناع ايلدكلرندن مشار اليه
اصناف و احاد ناسدن باشنه برطاقم كسانى جمع ايدوب سنا خريبي
مقابله يه چقد كده كويا كيجدلين سريان اردوسنده فوق العاده فارملر
ظهور ايدوب عساكر ك اوق و يايلىرىك كرىشلىرىنى كاملا
ييدرك صباح اولدقده بريانيلىر سلا حسن قالدقارىنى كورد كده

مخاربه به عدم اقتدار لرینی اکلامر یله میدان محاربه بی ترک ایدوب
فرار ایتدکلی قدیم مصر و یونان تاریخلرنده روایت اولمشدر .

تاراقه

تاراقه حبش حکمداری ایکن سیتوسک یرینه مصرده دخی تخت
حکومته جالس اولوب اون سکر سنه اجرای حکومت ایتش
وبوندن صکره حبشدن مصره حاکم کلماشدر .

کتاب تاریخ مطالعه سندن اکلاشیله جغی وجهله بالجمله ملئک
اساس قوت واقتدار لری بعض قواعد ملکیه و دینه وادیه
اوزرینه مبنی اولوب بونلره رعایت و دقتده تجویز تسامح
اولندقدده اول ملکته شوکت واقتداری تنزل و انحطاطه
یوز طوتوب اولحالده علامات انقراض روغا اولنور .
شویله که مصر یونک حکمدار لرینه صداقت و قوانین دینه و ملکیه
رعایت و تسبب و سفا هتدن دخی مباعدت ایلدکلی مدتجه
قوت واقتدار جهته معاصر لری اولان ملئک برنجیسی دینکه
شایان اولوب حسن اتفاقلری ثمره سی اوله رق اجانبک تعدیاتندن
خوف ایتدکدن بشقه عسا کر شجاعت مأثر لری افریقا و آسیا
قطعه لرینک ثروت و سامان ایله مشهور اولان ممالکنی ضبط
و تسخیر ایلشارایدی . لکن بوقنوحات موجب کبر و غرور اوله رق
حکمدارلر اثار قدما و نصایح عقلایه احاله سمع اعتبار ایتوب
کندور ایلرینی قوانینه ترجیح ایتلریله بوندن نشأت ایدن
مظالم و تعدیات اهلینک نفرینی مؤدی اولمشدر . و فتح
ایلدکلی نعلردن کتوردکلی اموال و اشیا خلق

برطاق تزیینات و سفاخته میل ایتدیردیکی جهته ملک و ملت
اولان محبت و صداقت زائل اولش و بوججهله سیر و ستر یسدن
صکره حکومت مصریه انحطاطه باشلا یوب حضرت عمر رضی الله
عنہک زمان نصرت اقترا نلرینه دکین حبش و سریان و پارس
و یونان و روم مالورک متعاقبا اللرینه دوشد کدن صکره ضمیمه
ممالک اسلامیہ اولش و اولوقدن برودولتری بالکلیه انقراض
بولمشدر .

بالاده ذکر و بیان اولندیغی اوزره حبشدن کلان حکمدارلرک
نسلی منقطع اولدقدہ عموم اہالیئک انتخابیلہ زمام حکومتی الہ
الہ بیله جک کبرای ملدن برکسه بولنه مدیغندن بو بابتہ بین الہالی
ظہورہ کلان اختلاف ایکی سنہ قدر ممتد اولدقدن صکره کبرای
ملدن اون ایکی ذات بالاتفاق مملکت مصریہ یی بینارندہ تقسیم
وهربری مستقلا اجرای حکومت ایدوب حسن امتزاج ولدی الحاجہ
یکدیگرینہ معاونت ایلمکی تعہد ایلدیلر . بونی متعاقب برکاهن
هاتف غیب تلقینی اولمق اوزره مذکور اون ایکی حکمداردن
قنغیسی معبودلری اولان اصنامدن ولکین نام بت عشقنه بر باقر
قدحدن شراب ایچر ایسه منفرداً مصره مالک اولہ جغنی اعلان
ایلمیله بو کیفیت منعقد اولان رابطہ اتفاقک اخلائی مؤدی اولقدن
احترازا کاهن مذکورک قولیله عمل اولنماسی حقنندہ قسم ایله
یکدیگری نی تأمین ایلدیکندن حسن امتزاج و اتفاقلری اون بش سنہ
بردوام اولمش ایدی . بونک شرفنه الان فیوم اقلیندہ
آناری مشہود ولایت نامیله مشہور اولان اون ایکی سرایدن
مرکب جسم بنایی مشترکا انشا ایدوب بوسر ایلر سطح

ارضده يك بشيوز وایام حاره ده اقامت اولمق اوزره زیرزمینده
 كذلك يك بشيوز دائره یی مشتمل ایدی . برکون مذکور
 حکمدار لر عبادتگاهده اجتماع ایله عادتلی اوزره مذکور ولکین
 نام بنک عشقه شراب ایچلمسی لازم کلد کده رهبانلر هر برینه
 التوندن مصنوع قد حار تقدیم ایدوب فقط اشبو قد حار اونیر
 اولوب حکمدارانک عدد ندن بر نقصان اولمسیله حکمداران دن
 پسامتی اصلا بر سوء نیته مبنی اولیه رق مجرد سبقت ایدن یمنندن
 ذهول ایلدیکندن باقردن معمول تاجنی باشندن چیقاروب ایچنه
 شراب طولدیره رق نوش ایلدیکنی رفقاسی کورد کده کاهنک
 ویرمش اولدیغی خبری تخطر ایله پسامتیدن روکردان و محترز
 اوله رق مومی الیهی نفی و تغریب ایتدی لر . پسامتی شو حال دن بالطبع
 منفعل و مکدر اوله رق اخذ نار ایتمک اسبابنی تحریده ایکن آق
 دکرده بر فورتنه ظهور یله یونان عسکر یله مملو بر سفینه ک مصر
 سوا حلنده قاره یه دوشدیکنی استماع ایلدیکندن کیدوب عساکر
 هر قومده یی استصحاب و مملکتده اولان طرفدارلر نی دخی جمع
 ایدر کدیگر حکمداران اعلان حرب و عسکر نی پریشان و مغلوب
 ایدوب مصر الکاسنی کاملاً ضبط و زمام حکومتی ید اقدارینه
 اخذ ایلدی .

(محمد جیل)

سفیر پارس

(خلیل)

سفیر پترسبورغ

انگلتره

انگلتره سواحل مندن امر یقاده جنوب لوره اسلحه و سائر مهمات حربیه نقل اولندیغی جهتله بو حرکتک اصول بیطرفییه مغایر اولدیغی بیانیله شمال لور طرفندن اعتراض وقوع بولمش و بوبابده انگلتره دولتی طرفندن و بریلان جوابده تبارک استدکلیری محالره اسلحه و مهمات حربیه نقل ایتملیری انگلتره قوانینی اقتضاسیجه منع اولنه میه جغی بیان قلمشیدی . بونک اوزرینه شمال لور اشبو اسلحه نقلنک منعی ضمنده مخصوص سفائن تعیین ایدرک امر بقایه کیدن بالجمله انگلیز کیملیری حقنده یوقلمه اجراسنه مبادرت ایدوب بوکادخی قاعدهٔ حقلمی اولدیغی درکار ایسه ده مؤخرأ امر یقانک محال سائر سینه عزیمت ایدن و دروننده لوازم حربیه دن هیچ برشی بولمیان بر طاقم انگلیز کیملرینی دخی بعض بهانه لره اخذ و توقیف ایتملریله بو کیفیت طرفین بیننده زیاده برودتی مستلزم اولمش و حتی حربی منتج اوله جغی دخی کینلرده شیوع بولمشدر .

لهستان

لهستان اختلالنک درامی کرک روسیه و کرک عموما اوروپا حقنده مضر اوله جغندن شو مسئله نک بر صورت مناسبه ايله حل و تسویه سی ضمنده فرانسه و انگلتره و اوستریا دولتملری طرفندن روسیه دولته بعض تبلیغات دوستانه اجرا قلمش و دولت عسار الیهانک بوباید ویردیکی جواب هنوز عامه جه

معلوم دکل ایسہ دہ تبلیغات مذکورہ ک بر حسن تأثیری
اولہ میہ جغی ملحوظ بولینشد . لہستان عصاتندن مایس
ابتداسنہ قدر دائرۂ اطاعتہ کیرنلرک جرایم سابقہ سی عفو
اولہ جغی کچنلردہ روسیہ دولتی طرفندن اعلان قلمنش ایسده
غزتلرک بیانہ کورہ کورہ عصاة بوکا یناشمدقدن بشقہ
آتش اختلال کتدکچہ کسب اشتعال ایتکده در .

لہستانہ بولان روسیہ جنزالی برغ معبشدہ اولان عسکرلہ
مقاومت ایدہ میہ جگنی فہم ایدرک کندوسنہ مقدار کافی امداد
کوندردلہ یکی حالہ استعفایہ مجبور اولدیغنی پترسبورغہ
اشعار ایلشد . لہلول طرفندن بودفعہ عموما اوروپا
اھالیسنہ خطاباً نشر اولان برقطعہ اعلاننامہ دہ مسئلہ
حاضرہ دہ اورپا دولتلری تو سطنک لازم ولابد اولدیغنی و روسیہ
عسا کرینک لہلول حقندہ نہ درجہ مظالم و تعدیات ارتکاب
ایتدکلری بسط و بیان قلمنشد .

اسوج ونوروج دولتی لہلول حقندہ سائر اوروپا دولتلرندن
زیادہ مساعد کورینوب شواثنادہ بعض تدابیر حریریہ دخی
نسبت ایلش اولدیغندن روسیہ دولتی طرفندن بویابدہ دولت
منار الیھا دن توضیحات طلب اولمنش اولدیغنی مرویدر .

بعض غزتلرک افادہ سنہ کورہ اسوج واسپانیہ و پورتگیز
و ایتالیا دولتلریلہ اسویچرہ حکومتی دخی فرانسه وانکلترہ و اوستریا
دولتلری مثللو لہستان مسئلہ سی حقندہ روسیہ تبلیغات
اجرا ایتش و بوسورتدہ ہمان عموما اوروپانک مسئلہ مذکورہ
حقندہ متحد الافکار دیمک اولدیغنی جہتلہ روسیہ دولتی بویابدہ
عدم مبالات کوسقترہ میہ جکی ملحوظدر .

ممالك مجتمعة امریقا

جنوب بلور له شمال لور یئنه ده محاربه درام ایدوب مصادمات وقوعی
 دخی اکسک دکل ایسه ده بو کونلرده باشا وجه برشی یوقدر . فقط
 جنوب طرفنده ققط وغلا ظهور ایدوب ارزاق و ذخائر یک فاحش
 بهایه چیقیش و امتعه و اشیا فیئاتی دخی بونسته ترقی ایلشدر .
 حتی بعض محللرده بموق زراعتی منع اولوب ذخائر زرع اولنمی
 حقنده طرف حکومتدن تنبیها ت اکیده اجرا و خلاقی حرکتده
 بولانلرک شدیداً تأدیب اولنه جنی اعلان قلمشدر . شمال
 طرفنده عموم اهالی بالجه اوروپا دولتری و بالخصوص انکلتره
 دولتی علینده اولوب حتی بعضاری انکلتره ایله بالکلیه قطع
 مناسبات اولنمی اقتضا ایده جکی افکارنده در . انکلتره ایله
 امر بقالورک خصوصتی یکی برشی اولیوب بالخصوص بو دفعه
 انکلیر لک جنوب لور حقنده بعض مرتبه مساعد کورنمی
 و بالاده ذکر اولندیجی اوزره انکلتره دن اورایه اسلحه نقل اولنمی
 ماده لری دخی برقاتدها تشدید ایلشدر . مقدا امریقا تیمور
 بولرینک کمال انتظامی هیچ بر مملکت تیمور یولنه مقیس دکل ایکن
 الیوم یک فنا حالده بولندرق سرعتی ساعتده ارن میله تنزل
 ایتیش و عربه لر دخی اولکی حوله لرینک انبجق نصننی نقل ایتیمکده
 بولنمشدر . اشبو یوللرک مرور ایتدکلری محللرده اورمانلرک کثرتی
 مناسبتله تعمیرلری غایت سهولتو ایکن قومپانیه لرینک عدم
 اقتداردن ناشی باقیله میوب کتدکجه خراب اولمقده در . التونک
 فیئاتی ایسه اوراق نقدیه یه نسبتله برقاچ قات تزیاید ایلشدر .

یونانستان

اوتونك خلغندن برومحمول بولسان یونان قراللی ایچون پاك
 چوق ذوات تصور اولمش ایسده بعضیلری قبولدن استنكاف
 ایدوب بعضیلرینك دخی انتخابنده پولیتقه جه محذور کورلدیكندن
 بوماده شمدی یه قدر معلقده قالدیغی حالده نهایت بودفعه دانیمارقه
 ولی عهدینك ایکنجی مخدومی پرنس کیلوم یورکی بعض اوروپا
 دولترلی طرفندن تنسب و تکلیف و یونان جمعیت ملیه سی جانبندن
 دخی قبول و تصدیق قلمشدر . پرنس مشارالیه هنوز کنج اوله رق
 قانونا محدود اولان سن رشده واصل اولنجیه قدر مناسب برذات
 ولی حکومت تعیین اولنه جقدر . قرال سابقك منسوب
 اولدیغی باویه را قرالی خاندانی یونان قراللی حقندن حالا فراغت
 ایتامش و انتخاب اولسان پرنس مشارالیهك پدری ایسه مخدومی
 ایچون قرالیت مذکوره بی قبولی باویه را خاندانك اولبابده ترك
 حقوق ایتسند تعلیق ایلش اولمغله بر مقدار اچه اعطاسیله
 خاندان مشارالیهك الزامی و یا خود کیفیتك صورت آخر له
 تسویه سی متصور بولمشدر . قرال جدیدی اتنه یه کتورمك
 اوزره یونانستانده اوچ داندن مرکب برقوق مپسیون تشکیل
 اولنه رق دانیمارقه نك پای تختی اولان قوپنهاق شهرینه اعزام
 قلمشدر . فقط باویه را خانداننه ترك حقوق ایتدیرمك و اقتضالیدن
 ولی حکومت تعیین اولنق مسئله لری فیصله لیر اولمده قرال
 مشارالیهك اتنه یه عزیمتی غیر مأمولدر .

ایتالیا

چن بیک سکزیوز التمش ایکی سنه سی نهایتنه قدر کوریلان
محاسبه ده ایتالیا دولتک اوچ یوز یتیش درت ملیون اچیغی
ظهور ایتیش اولدیغندن هم بونی تسویه ایتک و همده امور مالیه
بر تحت رابطه یه ادخال اولنجیه قدر مصارفات دولته مدار اولق
اوزره یکیدن یدی یوز ملیون فرانق استقراضنه و بونک نصفی
یوزده اوتوز نقصانده ایتالیا دن و نصف دیگر ی پارس ولوندره دن
اخذینه قرار ویرلشدر .

جنرال غاریبالدینک یاره سی مؤخرأ نکس ایدرک شو حال احباسنه
زیاده موجب خوف واضطراب اولمش ایسه ده مومی الیه قاپره را
جزیره سنه عودتندنبرو بعض مرتبه کسب افاقت ایتشدر .

مجموعه فنون سر ماه غربی نهایتند چیتا ریلور

در سعادت ایچون بهاسی

غروش

۶۵ برسندك

۳۵ التي ايلق

۶ برسندك

برسنه لکنه ویا خود التي ایلغنه مشتری اولق اسئلده کده یکی جامع
جوارنده چیچک بازارنده واقع جمعیت علمیه عثمانیه هرگزینده هر اجع
اولنه ایالاتده مشتری اولق استیانتلر فیئات مذکوره اوزرینه مسافه نك
قریت و بعد یتنه با قلیوب بر ییلاق ایچون التي والی ایلق ایچون اوج
غروش پوسته اجرتی ضمیمه الحقه سنی پوسته یه تودیعاً جمعیت علمیه عثمانیه
ریاستی طرفه کوندردکلاری حالده اوقات معینه سنده محلنه ایصال
اولنور

ممالك اجنبیه ایچون مسافه سنه کوره لازم کلان پوسته اجرتی ضم اولنور

متفرق صا یلمان محالمر

بك اوغلی جاده سنده صحاف

کولر . . . نومرو ۳۲۳

اسکده ارده یازیجی عثمان افندی

بشکطاشده اجزاجی و یچین

جمعیت مرکزی

صحاف لر کتخداسی حلبلی حاجی

حسین افندی

سلطان یازیده کاغدی

حافظ اسماعیل افندی

مجموعه فنون در بنی مراد اولنور لئان مراد و مناسب بیت مرکزین

ارسال یوریلر

مجموعه سنون

از

جمعیت علمیہ عثمانیہ

برنجی پتہ

ذی القعدہ

نومرو ۱۱

استانبول

جمعیت علمیہ عثمانیہ مطبعہ سندیہ طبع اول نمشد ر

۱۲۷۹

نایب میرزا

یا

نایب میرزا

یا

یا

یا

مجموعه سنون

از

جمعیت علمیہ عثمانیہ



برنجی پستہ

ذالقعده

نومرو ۱۱



استانبول

جمعیت علمیہ عثمانیہ مطبعہ سنده طبع اول نمشدر

۱۲۷۹

(تاریخ تلغراف)

تلغراف لفظ یونانی اولوب اوزاق معناسنه اولان (راه) و یازدیق معناسنه کلان (غرافو) لفظلرندن مرکبدر که اوزاق یازن و یا خود دور نویس دیمک اوله رق بیراق و آتش و امثالی بعضی اشارتله ایله مطلقاً اوزاقدن مخابره اولمق صنعتیدر . فن مذکور عندالمتقدمین معروف اولوب سریانیلر و مصرلر و چینلر و دیگر بعضی ملل قدیمه یونانی خلی اصلاح و اکمال ایلشیرایدی .

میلاددن بشیوز سنه مقدم ایرانلر یونانلر ایله وقوعبولان محارباتلری اثناسنده اشبو اشارت اصولی کمال انتظام ایله اجرا ایدوب اتنهدن آذربایجان ایکی کون ظرفنده خیرایصال ایدرارایدی . و اشبو اصول قدیمه الی یومنا هذا چینده جاری اولوب وسط مملکتده واقع مرکز حکومت برقاق ساعت ظرفنده هر بر رأس حدودیله مخابره ایده یلور .

اشعر شعرای یونان اولان مشهور اومپروس ایلیاد نام منظومه بلیغده سنده ذکر ایلدیکی وجهله یونانلر تروا شهرینی محاصره

ایتدکلری انسادہ شہرہ ہجوم ایتک ویاخود شہرلورک خروجنده
مدافعه ایلک اوزرہ کیجہلری یینلرنده اتشدن اشارتلا استعمال
ایدرلرایدی و دیگر بعض مؤرخینک قولنه کورہ شہر مذکور فتح
اولند قده اورادن برقاج کوناک مسافده واقع آغرو شہرینہ بعض
علامات ناریہ ایله درعقب کیفیت تبشیر قلمشد .

بولیب نام مؤرخک تحقیق و بیانہ نظراً مقدونیا قرالی بولسان
قلب زمانندہ دخی اشبو اشارت فنندہ زیادہ کسب مہارت اولوب
مسافات بعیدہ ایله ہر دورلو مخبرہ اجرا قلنور ایدی .

روما جزالری بینندہ ابتدا ژول سزار مواقع مختلفہ متفرق
بولسان اور دوسند بعض تنبیہات اجرا سی ضمنندہ اشارت
استعمال ایتش وروایت اولندیغنه کورہ رومالور اشبو
اصولی فرانسزلک اصلی اولان غول طائفہ سندن تعلیم
ایلشردر .

فی الواقع طائفہ مذکورہ اغزدن اغزہ نقل اولنور بعض اصوات
مخصوصہ واسطہ سیلہ مخبرہ ایدوب اشبو اصواتک معناسی
دخی یالکز رؤسای قوم عندندہ معلوم اولدیغندن ایشیدنارو بلکہ
تلفظ ایدنلر صورت حالدن خبردار اولہ مزلر ایدی . مذکور
غول طائفہ سنک اشارت صنعتندہ زیادہ مہارتلری اولوب
سکسان ساعتدن متجاوز مسافہ یہ اون بش ساعت ظرفندہ خبر
ایصال ایدرلرایدی .

رومالور اولوقتدنبیرو فتح ایتدکلری ممالکدہ انشا ایلدکلری
منتظم یوللراوزرندہ قلعدلر بناوبولنلرک بالاسندہ برطرفدن
کور دکلری اشاراتی دیگر طرفہ نقل ایلکہ مامور دید بانلر

اقامه ایدر لر ایدی . اشبو تلغرافی اصولی قرون متوسطه ده
 دخی استعمال اولوب حتی اهل صلیب رؤسا سندن سن لوئی
 قیصریه و صور شهرلرینی ضبط ایتد کده فلسطینک دیکر بر موقعنده
 بولانان جسیم بر اهل صلیب اردوسنی اشارت واسطه سیله
 نزدینه دعوت ایلشدر . اشبو اشارت لر قمری اطلالیدن
 مصنوع برخا چدن عبارت اولوب چو جقلرک استعمال ایتد کیری
 اوچورمه کی هوا یه رفع اولور و هر بر نغمه سی بر معنایه دلالت
 ایدر بر بوری ایله افاده مرام قلنور ایدی وینه اوتار یخارده عربار
 دخی یراق و اتش و فنار لر واسطه سیله مسافات بعیده ایله مخابره
 ایدر لر ایدی .

اشبو اتش تلغرافی الیوم قره طاغده دخی مستعمل اولوب
 بر محله علی العجله عسکر سوق وارسالی لازم کلد کده کیجه لین
 یوکسک طاغلرک تپه سنده اتش لر یاقیلوب کیفیت جله یه اعلان
 وروایت اولندیغنه کوره نره یه ونوقت ونه صورتله تجمع اولنده جخی
 ییله بو طریق ایله افهام و بیان قلنور . قره طاغلورک بو وجهله
 ازوقت ظرفنده تجمع ایتلری اکثر یا ایشلرینه یرایوب حتی محاربه
 اخیره اوائلنده اشقودره سنجاغی طرفندن حسن خود رفاقتیله
 جبهه سوق اولانان بشیوز قدر عساکر موظفه یه طاغلورک غلبه سی
 مذکور اتش تلغرافی سایه سنده اولدیغی امر محققدر . چونکه
 عساکر موظفه مذکوره یه فرداسی کون ملحق اوله جق امدادک
 ورو دینه میدان براقیه رق همان بر کیجه ظرفنده مقدار وافی عسکر
 جمعیه اوزر لرینه هجوم ایلشدر .

میلادك بك التي يوزيتمش التي سنه سنه فرانسه انجمن دانشی
اعضا سندن موسیو آمونتون تلغرافده دورین استعمالنی یعنی
دورین ایله کوریله بیله جک مسافدرده قله لر بنا اولوب
اوزرلنده عادتاً حروف هجایه دلالت ایدر اشارتلا کشیده
اولنمشنی تصور ایدوب بوبابده مخصوص رساله لر تألیف ونشر ایلش
ایسده اول اثناده بومقوله اختراعات نافعه یه فرانسه ده یک اعتبار
اولنمیدیغی جهته اشبو اصول اجرا قلنماش ایدی .

اندن تقریباً یوز سنه صکره هانوره لی برغ شتراسر نام هنورینه
سالف الذکر آمونتونک تصور کرده سی اولان اساس اوزرینه
مبنی بر تلغراف اصول جدیدی تصور و اعلان ایدوب اولوقت
المانیاده بونک لهسنده و علیهنده یک چوق مباحثات جریان
ایتد کدن صکره نهایت ممتنع الاجرا اولسنه حکم اولنمش ایسده
انکلتره دولتی خلاقک اعتراضاتنه احاله سمع اعتبار ایتیه رک اصول
مذکور ی اتخاذ و اجرا و موجود مومی الیهه موجب شوق و غیرت اولق
اوزره بش یک لیرا اعطا ایلدی .

یک یدی یوز اوچ تاریخننده اصول مذکور فرانسه ده دخی
اتخاذ و لازم کلان مواقع مهمده تلغراف خطلری انشا قلندی
اشبو اسارت ایله بر خبر اون ساعتک مسافه یه اون دقیقه
ظرفنده نقل اولنه بیلور ایدی . خفی اولیه جفی وجهله اشبو طریق
ایله یالکز کوندزلری هوا اچیق اولدیغی حالده مخابره ممکن اولوب
سائر وقتلرده ایشه یرامدیغندن ۱۸۴۳ سنه سنه لیلأ دخی
استعمال اولنق اوزره فرانسه ده بعض اصول تصور اولنمش
ایسده اولابابده اختیار اولنجهق تکلفاته مقابل فائده سی ملحوظ

اولدیغندن اجرا سندن صرف نظر قلمشدر . اوروپاده
انشا اولنان بو مقوله تلغرافلر دولت امورینه مخصوص اولوب
افراد اهالی استعمالنه مأذون دکلا ایدی .

مصر والیسی اسبق محمد علی پاشا دخی اسکندریه ایله قاهره
بینده اصول مذکور اوزره بر تلغراف خطی انشا ایدوب موقعین
مذکورین میانده یارم ساعت ظرفنده مخابره اولنور ایدی . خط
مذکور بر ساعت بعدنده قرق قله دن عبارت اولوب ۱۲۳۹ سنه
هجریه سنده ابرو اسمنده هزارفن برارمنی معرفتیله انشا اولمشدر .
اشبو تلغراف هوایی هر نقدر اصلاح اولمش ایسده بر منوال
محرر کجه لری و پوسلی هوالرده ایشلمدیکدن و تیمور یول احداثدن
صکره اکثریا حوادث تیمور یول ایله ده اولل محله واصل اولدیغندن
تلغراف مذکورک اهمیت و اعتباری قائماشیدی . بنأ علیه
نقل اخبار ایچون دهیا بر صورت سریعه تحری اولنه رق قوه
القتریقیه اصولی کشف اولمشدر .

اشبو تلغراف القتریقی مخترمات جدیده دن ایسده ده موقع
بحث و تذکره قونیه لی تقریباً یوز سنه واردر . اک اول جنوهلی
لساژ نام بر هنور میلادک ۱۷۷۴ سنه سنده هر بری بر حرف
هجایه دلات ایتک اوزره لاتین الف باسی عدد نیجه یکرمی درت تل
تمدید و بوزلری بر القتریق ما کینه سی ایله تحریک ایدرک افاده
مهرام اولمنسی طریقنی تصور ایشیدی . بعده رایزرا اسمنده بر
المانیالودخی مومی الیه لساژک اثرینه اقتفا ایله ۱۷۹۴ ده قوه
مقاطبسیه بی تلغرافده استعمال ایلمکک چالشمش و اسپانیاده
سالوا نام بر ذات دخی بونک تصوراتنه بعض شی علاوه ایشدر .

۱۸۱۱ ده سوهرینک اول انشاده یکی اختراع اولمش اولان
 وولتا ستونی تعبیر اولنور برنوع القتریق آلتک بو خصوصده
 استعمالی تصور ایدوب بوندن براز وقت صکره اورستد
 اسمنده بریسی دخی سیالہ القتریقیہ نک مقنا طیسلی بر میلی محل
 اصلبندن تحریک ایلدیکنی کشف ایلدی . شو اساسک ظاهره
 اخراجی متعاقب آمپر نام ذات بونک تلغرافده استعمالی تصور
 ایدوب فقط ۱۸۳۲ سنه سنده شیلینک نام ذات مقدمجه
 شوایغر معرفتیاه کشف اولمش اولان غالبوا نومتر اصولی
 واسطه سیله سالف الذکر آمپرک تصورینی فعله کتوردی .
 تلغراف القتریقی الک اول باویہ را و بلجیقادہ انشا و استعمال اولنوب
 بعده انکلتريہ انتقال ایتش و فرانسه ده برنجی خط ۱۸۴۵ سنه سنده
 پارس ایله ویرسایل بینده تمديد قلمشدر .

استه اولوقدن نبرو تلغراف القتریقی از وقت ظرفنده زیاده
 ترقی و توسع ایدوب بونکله مخابره نک سرعتی فوق مایتصور
 بر امر عجیبدر . ضیابر ثانیہ ظرفنده یتش بیک ساعتک مسافه
 قطع ایلدیکی حالده قوه القتریقیہ دهابوندن زیاده سرعتله
 حرکت ایدوب بوصورته اشارات القتریقیہ همان آن واحد ده
 محله واصل اولوردیمکدر .

مثلا در سعادتن کشیده اولنان بر اشارت صدوری
 انده پارس ولوندره و بغداده واصل اولور . بو مثلاًو بر خط
 القتریقیک ایکی ارجنده بولنان ایکی شخص حروف هجایه
 دلالت ایدر اشارات ایله مصاحبت ایتک ایچون نقدر وقت لازم
 کلور ایسه او مدت ظرفنده یکدیگرینه افاده مرام ایدرلر .

و بر دقیقه ظرفنده یوزیکرمی اشارت نقل اولندیلور
 انکلهزده صنعت و تجارتجه سرعت مخا بره نک کمال اهمیت
 جهتیله تلغراف القریقینک ایجادندن برقچ سنه هرورایدرایتز
 یوز الی شهر بیننده و اوچ بیک ساعت امتدادنده خطوط
 تلغرافیه تمید قلمشدر .

ممالک مجتمعه امر یقاده دخی بونک تکثیرینه زیاده اهتمام اولندرق
 بش الی بیک ساعتک مسافده خطوط تلغرافیه انشا قلمشدر .
 الوم فرانسه و المانیاده و الحاصل اوروپا نک هر طرفنده فوق
 الغایه تکثرایتشدر .

اشته تلغراف القریقینک صورت اختراع و انیساری وجه
 مشروح اوزره اولوب سائر مخترعات جسمیه مثالو از وقت
 ظرفنده فوق الغایه کسب ترقی و انشایا یشدر . حکومتلر تلغراف
 واسطه سیله زیر اداره سنده بولان ممالک وقوعاتندن در حال
 خبردار اولدق مهمام مصالح مملکتی طوغریدن طوغریه تسویه
 ایتدکلی مثالو عموم ناس و با خصوص اهل تجارت و صنعت
 بوندن فوائد لایحسی استحصال ایدرلر .

یقین وقته قدر اوروپاده تلغراف ایله مخا بره ایملک حکومته مخصوص
 اولوب افراد اهالی یه تعمیمی امن و اسایش مملکت جهتیله
 محاذیر عظیمی مستلزم اولور ظن اولور ایدی . فقط تیمور یوللرک
 احداننده بوزلرک حسن اداره سی مطلقا مخا برات تلغرافیه یه متوقف
 اولدیغی اکلا شمشدر . شویله که کرک تیمور یولجه برکونه
 سقطلاق ظهورنده و کرک عرب قطارلرینک یولده برقضایه
 تصادفنده در حال کیفیتک باتلغراف اقتضایدن محالره اشعاری

ممکن اولدیغندن بو کیفیت یولجیلره موجب امنیت اوله جنی مثللو
 تیمور یول قومانیلری مخابرات واقعلرینی تلغراف واسطه سیله
 اجراده سهوات و اعونیت کوردکلرندن بونارک وقوعبولان
 استدعارینه مبنی تلغراف ایله مخابره ایتلرینه طرف حکومتدن
 مساعدده کوسرلشیدی . بونک اوزرینه خلقات تلغراف ایله
 مخابره ایلسی ظن اولدیغی درجه مخاطره لو برشی اولدیغی
 اکلاشلش اولغله بعض قیود و شروط رعایت اولنق شرطیه
 اولبایده عمومه دخی رخصت ویرلشدر .

شروط مذکوره نک باشلوجه سی دخی ارسالی مطلوب اولان
 مکتوبک حاوی اولدیغی امضا حقیقه مرسلک اولدیغی تحقیق
 قلمق و کوندریلان مکاتیبک مالی صریح اوله رق مطلقا تلغراف
 مأمورلری واسطه سیله نقل و محمل نظام و اداب کورینان تحریرات
 رد اولنق قضیه لرندن عبارتدر .

برمنوال محرر تلغراف القریقینک سرعتی فوق مایتصور امور
 غریبه دن اولوب بونک درجده سی اکلاشلق اوزره زیرده بعض
 منال ایراد قلمشدر ۱۸۴۶ سنه سنده ممالک مجتمعه امریقا
 رئیس جمهورینک مکسیقا محاربه سند دائر تلفظ ایلدیکی برنطق
 بیوک قطعده بر غزته نک اینجه حروف ایله ایکی ستونی طولدیره جق
 قدر مطول اولدیغی حالده اوج ساعت ظرفنده تلغراف ایله نقل
 واستنساخ اولمشدر . کذلک ممالک مذکوره رؤساسندن
 برینک المی بیک کلمه دن عبارت یعنی تقریبا اورتیه قطعده یوز
 صحیفه لو برکاب جماعتنده اولان بر قطعده تحریاتی برخط اوزرنده
 واقع اونیدی شهره برکون ظرفنده نقل و ایصال قلمش و ۱۸۴۹

سند سندہ ملت مجلسك كسادى مناسبتيه بلچيقا قرالك
 نرت بيك الق يوز كلدن مركب اوله رق تنوه ايلديكي بر مقاله
 رسميه قرق يدى دقيقه ده انورس شهرينه نقل اولمشدر .
 تلغرافك فوائد و محسناتى دخى همان سرعتى نسبتنده اولوب
 اليوم دنيا ده بولسان خطوط تلغرافيه نك الك ارزونى بولسان
 امر يقا خطبرى واسطه سياله بعض كره فورطنه ظهورى دخى
 استخبار و اك كوره تدابير لازمه يه تشبث اولنور . قضاي ناكهاني
 سرعتده ضرب مثل و مبالغات شعريه ده دخى بو مقامده مستعمل
 اولديغى حالده حكم خفيه الهيددن اولان اشبو سياله القريقيه نك
 اك دخى مسابقتى فى الحقيقه اغرب حالات و بونك تلغرافده
 استعمالى اعظم مخترعاندر .

هله تيمور يولرينده مشهود اولان فوائدى تعداد و بيان كلمز .
 از جمله عربيه قطار لرى اوقات معينه سند و ورود ايتدكلرى حالده
 سبب تاخر لرى در عقب تلغراف ايله معلوم اولديغى مثالو بر قضايه
 اوغرادقلرى و ياخود بر مضايقه ده بولندقلرى صورتده دخى در حال
 معاونت لازمه اجرا قلنور و تعجيل و تسريعى مراد اولنديغى
 حالده تلغراف ايله خبر و يريله رك استقباليه بر اوقوع عوتيف ده
 ارسال و ياخود تهيه اولنور و الحاصل تيمور يول يولچيلرينك
 بالوجه امن و اسايشلرينه كللى مدارى وارددر .

تيمار كندولرينه متعلق سفائنك حركت و مواصلاتى و ممالك
 سائرده هر درلو امتعه و ارزاقك فيئاتنى و كافه دول اسهامنك
 ترقى و تدريسنى در حال استخبار ايده يولورلر و امريقا و اوروپانك
 بونك شهرلرند و اخبارات تلغرافيه محال بعيد ايله بخبريه مخصوص

اولیوب بر محله ده یانقین ظهور ایتد کده در عقب اقتضا ایدن
محله اخباری و امور ضبطیه جه قراغول خانه اده تنبیها ت عاجله
اجراسی ضمنده تلغراف استعمال اولند قدن بشقه افراد اهالی
درون شهرده اوزاقجه بر محله بولند قاری حالده خانه و یا خود
معاظه لینه تلغراف واسطه سیله خبر کوند زار و الحاصل بعض
اسکی مشالرده ایشلدیکی وجهله اشبو تلغراف بر شهر معلوم
قیلندن برشی اولوب انسان محل بعیده ده بولان اقربا و احباب سیله
عادتاً مجلس کی مصاحبت و الفت ایده بیلور و کرک اهریقاده
و کرک انگلتره ده شطرنج مراقلوری الی الخ ساعته ک مسافده
بولند قاری حالده تلغراف واسطه سیله شطرنج اویناد قازینک
وقوعی دخی پک چوق کورلشدر .

سیالہ القتریقہ بر ثانیہ ظرفنده کره ارضی اوچ کره دن زیاده
دور ایلدیکن کره ارضی اون یک کره احاطه ایده جک امتدادده
بر تلغراف القتریق خطی فرض اولنسه براوجندن دیگر اوجنه
خبر کوند ریلوب بونک جوابی الی قدن صکره تکرار بعضی ملاحظه
بیان اولنوب بوکا دخی جواب قطع الی الخ بر کون ظرفنده
ممکن اولور .

قتل و سرقت و امشالی حرکات غیر هر ضیه ارتکاب ایدن اصحاب
جرائمک برسی تیمور بول عربیه سنه را کبا بر طرفه فرار ایلدیکی تقد یرده
در عقب متهمک اشکالیه برابر صورت حال تلغراف واسطه سیله
هر طرفه اخبار اولنهرق مجرم عربیه دن چیققدده اخذ و گرفت
اولور

بعضی اغرخسته اق حائده دخی تلغراف واسطه سیله الی الخ بعیده ده

بولان مشهور طبیبانہ مراجعت اولوب بوحالده خسته وطیب
بولندقاری محار تلغرافخانه لرینه کیدرک مخابره وطیبیک بوصورتله
ویره جکی رچته موجنبجه عمل اولور .

تیمور یول قطاری کیدرکن بعض کمره واقع اولدیعی
وجهله ما کینه جیسی بر قضایه اوغرایه رق قطار کندو باشنه کندیکی
حالده نهایت بریره کمال شدتله چاتوب کرک دروننده بولسانلری
وکرک مقابلنه کلدجک ابندی تلف ومضمحل ایده جکندن اولخالده
تلغراف ایله خبر ویریلهرک واقع اوله جق خساراتک منع وقوعی
ضمنده تدابیر مقتضیه یه تشبث اولور .

تحت البحر تمديد اولان خطوط تلغرافیه نک قاره خطلرنده فرقی
بالکرن تلک قعر دریاده بولنمسنندن عبارت اولوب برده دکر تلاری
تأثیر رطوبتدن وقایه غوته یرقا تعبیر اولور برنوع صمغ ایله
قابلودر . اک اول بوقبیلدن انشا اولان تلغراف خطی ۱۸۵۰
سنه سنده فرانسه ایله انکلتره بیننده واقع قاله بوغازینک برطرفندن
دیگر طرفنه اولوب ۱۸۵۱ سنه سنده دخی انکلتره ایله ایرلانده
ولوندره ایله اوسنند وقوپنهاغ بینلرنده تمديد قلمشدر .

میلادک ۱۸۵۸ سنه سنده انکلتره ایله امریقا بیننده تحت البحر
بر تلغراف خطی تمديدینه مباشرت اولوب بعد مسافه جهتیله
تل تحمل ایده میدرک ایکی دفعه قرلمش ایسه ده او چنجبسننده
موفق اولندرق سنه مذکورہ اغستوسنک اون اوچنده ختام
بولمش ورسماکشادی کونی اولان اون التپسننده اوتوز برکله دن
هرکب اولق اوزره امریقادن انکلتره یه یازیلان بر تلغرافنامه اوتوز
بش دقیقه ظرفنده انکلتره یه وقرالیمده حضر تلری طرفندن رئیس

جمهوره خطاباً طقسان طقوز کلمه دن عبارت تحریر اولسان
جوابنامه دخی التمش بش دقیقه ده امر یقایه نزل اولمشدر . اشبو
خطك برارجی ایرلانده ده واقع والنیاودیکری نیوفاوندلاند اسکله لرنده
اولوب اون بش کون قدر ایشلد کدن صکره بوزلمش و بونک کلی
مصارف و تکلفاته متوقف اولدیغی جهته شمده یه قدر تکرار
انشاسنه تشبث قلمنا مشدر .

(منیف)

(مدخل علم ژئولوژی)

ایکنجی فصل

اجسام عنصریه معدنیه بیاننده در

خلقك احتیاجی وزر و زیوره اولان حرص و طمعی اجسام
معدنیه نك کشف و تحریر یسنه سبب مستقل اولمش وازمنه قدیمه ده
بیله نوع انسان ایشنه یرایه جق مواد معدنیه بی بیلوب کندینه
مقتضی اولان آلات و ادواتك تدارك و اعمالی ایچون مواد مذکوریه بی
زیرزمینده تحریر ایشدر . چونکه لوازم مدنیته دن اولان
حرف و صنایع اجسام معدنیه دن معمول آلات و ادواته محتاج
اولوب بونارك اصلاح و درجه کماله ایصالی مدار عمران و آبادانی
اوله جغی ازاده قید و پیاندر .

حکمای متقدمین اجسام معدنیه بی مرکب ظن ایلد کلرندن
 بونلرک جهه سی جنسیت جهتیه شیء واحد اولوب فقط
 مختلف الخواص اولاری مواد اجنبیه سائر ایله مخلوط بولند کلرندن
 نسات ایتدیکند ذاهب اولدیر ایدی . بوسببه منی معادن
 مذکور هک بعض خسیسارینی التون وکشه تحویل ایلنک طریق
 وچاره سنی تحری ایلش لردن . وذهبی دخی معدنی جسمارک اساسی
 قیاس ایلد کلرندن مخلوط بولنان مواد اجنبیه مذکور هک
 بالتغریق تصفیه اولدیرق التونه قلب و تحویلاری ممکندر ظن
 ایدر لر ایدی . و حکمای متقدمین زمانلرنده معلوم اولان اجسام
 معدنیه زیبق نحاس حدید قلانی اسرب فضه ذهب اولق اوزره
 یدی اولوب تجربه لری دائماً اولکی بش معدنی التون ویاخود
 کشه تحویل ایلک مقصدینه منحصراً لهرق بوفنه دخی علم کیمیا تسبیه
 ایتش لرایدی . اوروپاده یله برقاج قرال علم مذکور هک هوس ایدر لب
 حتی آلمانیا ایمپراطوری اوچنچی فریدر یق کویا حصونه کتورمش
 اولدیغی التوندن سکه ضرب ایتدیرمش و علم مذکور ایله
 مشغول اولانلاره دخی اصلزاده لک عنوانی ویرمش ایدی . لکن
 ۱۵۰۰ سنه میلادیه سنده ورتنبروغ دوقه سی بولنان فریدر یق
 بومثالوشیاره معتقد اولدیغندن کیمیا کلر لدن برینه تیموردن
 بردار انا جنی التونه قلب ایلسنی تکلیف ایدوب اول دخی وعد ایلش
 ایسه ده بالطبع انجاز ایده مدیکندن مذکور داراغا چند صلب
 ایتدیرمش اولدیغی روایت اولور .

(اجسام عنصریه معدنیه نك خواص عمومیه سی)

معلوم ازله كه اجسام معدنیه نك الوانی متنوع اولیوب اجسام سائره نك السوانندن پك بشقه در . والتون ایله باقردن بشقه لری صاری وقرمزی رنگارده بولنمیوب اکزیسی بیاض ویاخود یوگامیال واکثرحالدده مجلا و غیر شفاف اولورلر . جلا قبول ایللری بدرجده اولیوب بعضیسی آز و بعضیسی زیاده جلا قبول ایدر و بودخی اجسام سائره نك جلا سنبکزمیوب معدنلره مخصوص برحالتدر كه جلائی معدنی تعمیر اولور . علی العموم معادنله لذت وراحت یوغیسه ده بعضیلرنده دلك و تماس ایله برفشارایچه ظهور ایدر و صوده منحل اولیوب فقط حامضات تسمیه اولان مایعاتده منحل اولورلر و ثقلت جهته دخی درجات مختلفه ده اولوب اجسام سائره دن خفیف و ثقیل واردر مثلاً پلاتنه تعمیر اولان معدن الك اغری و پوتاسیوم الك خفیف اولوب حتی مسودن دخی اخفدر . اجسام معدنیه خفیفه ایکی قسمه منقسم اولوب برینه معادن قلوبه و دیگرینه اربه قلوبه ویاخود معادن ترابیه قلوبه تسمیه اولور و معادن قلوبه اوج و اربه دخی اوچدر و ثقلتاری زیاده اولان معادن دخی بین الناس معلوم و علی الاطلاق معدن تسمیه اولان اجسامدر

معادنك خواص عمومیه لرندن بریدهخی مذاپ اولمایدر . لكن هر برینه درجه اذابه لری مختلف اولوب زیبق ایسه عادی حرارته بالطبع مایعدر و پوتاسیوم و سودیوم و قلائی و بیرموت معدنلری جزئی حرارته اریوب حیدك اذابه سی فروزنده بعمل حصول

ممکن اولان حرارت شدیدیه محتاجدر و معادنن بعضیلری زیاده
حرارتله طیار اوله رق ادخنه یه منقلب اولورلر و بعض معادن دخی
اریمکسزین اشتعال ایدوب مثلاً غایت اینجه توتیا چوققلری
علوده مشتعل اولور . صلابت خصوصنده دخی معادنده درجات
مختلفه وارددر و تیمورک چایکه تحویلی مثلاً الوبالمل بعضاً درجه
صلابتلری تزید اولنه یلور . متقدمین اسلحه لرینی نحاس و توتیا
معدنلرندن عبارت بر خلیطه ایله اعمال ایدرلر ایدی یعنی
بو اختلاط ایله صلابتلری تزید اولور ایدی . كذلك اجسام
معدنیه درجه مختلفه متصوت اولور مثلاً یومشاق اولان
معدنلر اصلاً متصوت اولیوب الك زیاده سرت اولانلر جمله سندن
زیاده متصوتدر

معادنن بعضیلری متطرق یعنی چکیچ ایله ضرب اولندقدده
منکسر اوله رق اینجه لوحه و ورقه حالنی کسبه صالحدر . اتون
کمش باقر قلائی پلاتینه قورشون توتیا تیمور زیبق صلب و سائر
کبی متطرق اولان معادنک جمله سی دخی قابل الانجرارددر یعنی
حده دن امرار اولندقدده اینجه تل حالنی کسب ایده یلور و جمله سندن
زیاده منجر اولان اتون کمش پلاتینه تیمور و باقر معدنلری اولوب
لکن اکثریا معدنلرک تطرق و انجرار خاصه لری پیشده تناسب یوقدر
مثلاً تیمور غایت اینجه تل حالنی کسب ایده یلور حالبوکه تطرقه
قابلیتی پک آز اولمغله اینجه لوحه صورتنی کسب ایده من و معادنک
قوه ارتباطیه سی دخی اولوب مثلاً اینجه تل حالنده اولدقلرنده
اوجلرینه تعلیق اولان ثقللره متحمل اوللریدر . بودخی قوه
تطرقه و قوه انجراریه کبی جمله معدنده غیر مساوات اوزره در .

بوذکر اولسان قوتلرک مهما ممکن درجه لری اکلا شلق ایچون
 بو محلهده برقاج مثال ایراد اولنور . کشک قوه تطرقیه سی
 بر مرتبه درکه غایت خالص اولدیغی حالده بر اصبعک یوز بیک
 قسمنده بر قسمندن $\frac{1}{1000000}$ دها اینجه راده سنده لوحه حاصل
 اوله ییلور والتون دها زیاده متطرق اولوب بر بغدادی مقدارندن
 الی الی اصبع مربع محلی استیعاب ایده جک قدر بیوک لوحه حاصل
 ایتدیر یله ییلور . و رصادلرک استعمال ایلدکلری کش تلرک ثغنی
 بر اینجه شعردن آذر و بر بغدادی مقداری کشدن در تیوز قدم
 طولنده بر تل چکیله ییلور و انتونک قوه ارتباطیه سی شول
 مرتبه درکه بر اصبعک عشری مقدار ی قطری اولان تلک
 اوجنه یوز الی بش قیه اغر لغنده بر ثقل تعلیق اولنسه مذکور تل
 منکسر اولمز و اول قطرده بولنان تیمورتلی ایسه انجق یوز قرق قیه
 متحملدر . معادنده قوه ارتباطیه سی ال زیاده اولان التون اولوب
 قوه مذکور سی ال آزا اولان قور شوندر (ادهم)

ناظر تجارت و معارف عمومی

(صویک ماهیت و انواع و خواصی) (مابعد)

بر مایع بخارینک قوه الاستیقیه سی انک اوزرینه اجرا اولنان
 تضیقندن زیاده اولدیغی حالده غلیظانی ظاهر اولوب صویک دخی

غلیانی بروجه آتی وقوع بولور . شویله که بر قاب دروننده
بولان صویک ابتدا آتیه یقین اولان قسم تختانیسی تسخن
ایتکه باشایوب ایصنمش اولان اجزای فردیه سی ایصننماش اولان
صو طبقاتنک اجزاء فردیه سندن ده اخفیف اوله جفتدن اشبوخفت
کسبایدن اجزاء فردیه قاب یان طرفلرندن یوقارویده طوغری صعود
ویوقاروده بولان صغوق اجزاء فردیه سی دخی تسخن ایتش اولان
اجزاء فردیه سنده نسبتاً ده اغرا اوله جفتدن قاب اورتیه سندن اشاغی یه
نزول ایتکه باشایوب بوجمه قاب دروننده جهت متقابلده ایکی
جریان حاصل اولور . صویک کافه اجزای تسخن ایدرک مساوی
بر درجه حرارتیه کلد کدنصکره بخاره مغلب اولغه باشلرایسده
صویک اوزرینه هوای نسینک اجرا ایلدیکی تضییق سببیه
اسبو بخار سربسته خارجه چیده میوب بخارک درجه
حرارتی زیاده لشدکجه قوه الاستیقده سی دخی تزايد ایدرک نهایت
هوای نسینک تضییقنه غلبه ایلد کده اولوقت سربست اوله رق
طیشاری چیقغه باشایوب صعود دروننده دخی برفقرتی حاصل اولور
واسته غلیان بوندن عبارتدر . سوحاله نظراً بر صویک غلیانی
ایچون لازم کلان حرارت صواوزرینه اجرا اولان تضییق ایله
متناسب اولوب تضییق زیاده اولدکجه غلیان ایچون اقتضا ایدن
حرارتک دخی زیاده اولسی ایجاب ایده چکی اکلا شیلور
صویک هر طرفی محکم قالو بر قاب دروننده تحلیل ایتکسرین
بیاض درجه حرارت شدتنده تسخن ایلک ممکن اولدیغی مثلاً
هوای تخلیه اولمش بر محله دخی صویک زائد درت درجه حرارتده
بخاره مغلب اولدیغی مجرب و معلومدر .

بولدن بشقه صوئک ثقات اضافیه سنک تخلفی دخی غلیانی ایچون
 مقتضی اولان درجه حرارتی تبدیل ایده یلمور . شویله که صوئک
 درونه بر مقدار اسپرتو قونلدیغی حالده اسپرتوئک صوایچون اولان
 مناسبت کمیویه سی زیاده اولوب صمودن دخی زیاده طیار
 اولدیغندن اسپرتوئک اجزای فردیه سی اثنای تبخرنده صوئک
 اجزای فردیه سی برابر آلوب کوتوره جکندن اولکی حالده هرقاچ
 درجده غلیان ایدرایسه اسپرتو قونلقدن آدن اون ویا اون بش
 درجه دون واسکر صوئک ایچنده بر مقدار عادی طوز حل
 اولدجق اولور ایسه طوزک اجزای فردیه سی صوئک اجزای
 فردیه سی طوته جغندن عادی صو هرقاچ درجده قینار ایسه
 طوزلو صو آدن یدی وسکز واون درجه زیاده حرارتده
 غلیان ایدر و برده درجه حرارت هر نقدر زیاده اولور ایسه
 اولسون صوئک یالکز حرارت واسطه سیله تحلیل ایلدیکی
 امر محققد .

صوهوای نسیمینک حرارتده مساوی اولان عادی درجه
 حرارتده دائماً مایع حالده بولوب لکن تبرید اولنهرق درجه
 حرارتی میزان الحاراره نک صفر درجه سندن اشاغی بر درجه یه
 قدر تنزیل اولن دجق اولور ایسه صلب حالنی کسب ایدرک بوزه
 منقلب اولور . کافیه اجسامک تبرید اولنهرق درجه حرارتی
 تنزیل اولندیغی حالده حجماری منقبض اولور و حجماری کوچلدکجه
 ثقات اضافیه لری تزیاید ایدر فقط صو بولندیغی درجه حرارتدن
 زائد درت درجه یه قدر تبرید اولنقدن اجسام سائره مثالو
 حجمی منقبض اولنهرق ثقات اضافیه سی تزیاید ایدر سده

درتدن صفر درجه‌یه قدر تبرید اولند قده بالعکس حجمی منبسط
اوله‌رق ثقلی تناقص ایدر وکافه اجزای صفر درجه حرارت
کدکده تجمد ایدرک حجمی اون درت جزوده بر جزو مقداری
زیاده‌نور یعنی اون درت قدم مکعبنده اولان صوت تجمد ایلدکده
اون بش قدم محلی استیعاب ایدر .

اون بش درجه حرارتده اولان صویک ثقلت اضافیه سی واحد
فرض اولندیغی حالده انک تجمدیله حاصل اولان بوزک ثقلت
اضافیه سی ۹۲ مقدار ی اولور .

صوت تجمد ایدر ایکن حجمک بیومسیله بر قوه دافعه کسب
ایده جکدن قبش کونلری صغوق اولان هوالرده صوت تجمد
ایلدکده دروننده بولندیغی قابلی قیردیغی جله‌ک معلومیدر .
حتی بر بر مق تخننده اولان تیمور بر طوب صوت ایله مملو و هر طرفی
مسدود اوله‌رق شدید بر صغوغه ترک اولند قده اون ایکی ساعت
ظرفنده دروننده بولان صویک کاملاً تجمد ایتسیله ایکی یرندن
چاتلادیغی و اون بیک بشیوزاوتوز درت قیه مقداری بر قوت ایله
قیریله ییله جک درجه‌ده قالین و باقردن معمول بر کره وجه مذکور
یارلادیغی فیلور انچه شهرنده بالتجر به مشاهده اولمشدر .

قبش کونلری اجسام نباتیه‌ک فناشملری مساماتلرینه نفوذ
ایتمش اولان اجزای مائیده‌ک تجمد ایتسیله اساس عضویله‌رینه
خلل کلکدن و مساماتلری زیاده‌جه اولان طاشلرک قبش کونلری
چاتلاملری دخی ذکر اولان سبیدن نشأت ایدر بر کیفیتدر .
بناء علیه اینده‌ده مستعمل اولان طاشلر ابتداءدن تجربه
اولندرق چاتلا یوب چاتلامیه جغی اکلاشلی ایجاب ایدر و بوزک

تجربه سی دخی استعمال اولنه جق طاشدن بر پارچدسی ملح کبریت
سوده محلول دروننه وضع اولنه رق انده براز مدت توقیف
اولندقدن صکره چیقار یلوب هوایه ترک اولندقدن محلول مذکور دن
طاشک یارقلرینه و مسامانه نفوذ ایتش اولان مقدارینک
قرستالانیله اثر مذکورک عینی وقوع عبوله جغندن اگر بو تجربه
ایله مذکور طاش چاتلایه جق اولور ایسه ابنیه ده استعماله الویرشلی
اولدیغی تبین ایدر .

بر بچق پرمق ثخننده اولان بوزیا لکز برادمک و اوچ پارمق
ثخننده کی بوز مسلح بر سوارینک و اون ایکی پارمق ثخننده کی بوز
دخی یوکلکی بر عربه ک اغرلغنه متحمل اولدقدن بشقه اوزرنده
مکمل براردو دخی هر ور ایده یلور .

هوادن صکره طبیعتده الک زیاده مبذول اولان جسم صوا اولوب
صورک ایچنده دخی الک زیاده کثرت اوزره بولسان دکز صولریدر .
دکز صولری کره ارضک اوچ ربعنی احاطه ایدوب مجموعتک
حجمی دخی تقریباً کره ارضک حجمندن اون بیک قات کوچک
اولدیغی حالده همان قاره ک هر بر طرفی دکز ایله محاط کیدر .
ودکز لر ارض اوزرنده بر صورت منتظمه ده منتشر اولوب نصف
کره جنوبیده بولسان دکز لر نصف شمالیده بولساندن زیاده در
دکزک کندوسنه مخصوص بررنکی اولوب اکثراً بحر محیط
یشیل و بحر سفید مائی دکزورینور . بوزنک دائماً روی سماءک
ایچقلغنه کوره تحول ایدوب ایو و کوزل کونلرده هوا زیاده سیله
صاف و براق و بولوتلرده دخی زیاده لطافت اولدیغی حالده
شعاعات سماءک سطح دریایه مائلاً ورودنده دکزک رنکی مائی به
قزیم کش رنگنده مشاهده اولور .

عموماً دکز صولرینک طبعی طوزلو واجی اولوب دروننده بر مقدار
 عادی طوز ایله ملیح کبریت مانعزیا و ملیح قاربون کلس و ملیح قاربون
 مانعزیا و یک جزوی مقدار دخی منحل اوله رق ملیح کبریت کلس دینلان
 طوزلر بولوب اشبو طوزلرک مقدار ایله دکز صوینک ثقلت
 اضافیه سی موقعه کوره مختلفدر . قره دکز اق دکردن
 دهها مقدار عادی طوزی حاوی اولدیغندن قره دکزک صوی
 اق دکزک صویندن خفیف اولوب بوجهته مثلاً اسکندریه دن
 وارنه یه کیده جک بر سفینه یه هرور اولنه جق دکزلر صولرینک
 ثقلت اضافیلری حساب اوله رق اکا کوره یوک النسی لازمه دندر .
 زیرا اجسام سابعه یعنی صویه باتموت اوزرنده یوزن جسملرک
 خفیف یعنی ثقلت اضافیه سی از اولان بر مایع دروننده ثقلت
 اضافیه سی زیاده اولان دیگر بر مایع دروننده بولندیغی حالدن
 دهها زیاده یری باندیغی حکمت طبیعیه ک مسائل مثبته سندن
 اولغله اومقوله سفینه حداعتدال دن زیاده یوکلی اولدیغی حالده
 اق دکردن هرور ایدوبده قره دکره دخوانده آقد کرده بولندیغی
 قسمنده زیاده مقداری دکره باته جغی جهته ته اگده بولنور .
 هر مره دکرزی اق دکز ایله قره دکزک آقندیسی اراسنده
 بولندیغی جهته هر مره دکرزی قره دکردن از طوزی حاوی اوله رق
 بودکز صوینک ثقلت اضافیه سی قره دکز صوینک ثقلت
 اضافیه سندن دهها زدر .

بحر لوطک صوی سائر دکزک صویندن زیاده طوزلی
 اولوب بحر مذکورک ییک قیه صوی ایکوز التمش یدی قیه قدر
 مراد ملیه یی حاویدر . دروننده زیاده مقدار مواد صابیه بولنسی

سببیه نقات اضافیدی شول درجه زیاده در که بحر مذکور دروننده
ایاقلری قعر دریاه طوقتمقسنزین برادم ایاق اوزره طوره ییلد کدن
بشقه کو بکندن یوقاریسی صویه باتمدیخی دخی محققدر .
مختلف دکزلیک حاوی اولدقلری مواد ملحه مقدارینی و صولرک
نقات اضافیدلرینی بیلک اهل سفاینه الزم بر ماده اولدیغندن طاتلو
صو واحد اعتباریه مختلف دکز صولرینک مواد ملحه بیلک
مقدارلری بروجہ آتی کوستریلور .

۱, ۰۰۰	عادی طاتلو صو
۱, ۰۳۰	آق دکز صوی
۱, ۰۳۹	وندیک دکز
۱, ۰۳۸	بحر محیط
۱, ۰۳۵	بحر خزر
۱, ۰۱۸	یونان دکز
۱, ۰۱۴	قره دکز
۱, ۰۱۳	مرمره دکز
۱, ۰۱۲	ازاق دکز

اشبو دکز صولرینک نقات اضافیدلری دخی ذکر اولسان
مقدارلره متناسبدر .

(صفوت)

ناظر مکتب حریم

(علائم سماویہ دائر محاورہ) (تابعہ)

(خواجہ)

میزان الہم - وانك قاج نوع اولديغنى و بونك نوجمہلہ اعمال
و استعمال قلنديغنى كچن درسده (۱) سويلش ايدم . خاطر كزده
اولمليدر .

(شاگرد)

اوت خاطر مده در . آلت مذكوره هوانك درجه خفت و ثقالتنى
تعيين ايتكده مخصوص اولديغنى و بوسيله ايله يغمور ياغہ جغى
ويا خود اچيقلق اوله جغى اكلاشيله ييلديكنى اوكرندم . انجىق بونكله
يوكسك طاغلو و بر موقعك ديكر بر موقعه نسبة ارتفاعى دخی
اولمليديكنى ايشتدم . صحیح محمد .

(خواجہ)

اوت صحیح محمد . میزان الهوانك باشلوجه بر فائده سيده بودر .
معالم مکرز اولديغنى اوزره كافه جبالك ارتفاعى سطح درياه
تسبتله اولچيلور و ساحل بحره ايكن میزان الهوا اوزرينه تضيق
اجرا ايدن ستون هوا ئى ساحل مذکور دن مثلاً بيك ارسون
مرتفع بر طاغ تپه سنده فرض اولان ستون هوا ئيدن اوزون
اوله جغندن اغراغیده زياده اولق امر طبعی اولمغله میزان الهوا
بوريسنده کی جيوه ساحل بحره بولنديغنى وقت نه درجه ده ايسه
طاغك تپه سنه چيقلديغنى وقت البته براز تنزل ايدر . وقوعبولان

مجر بهاره کوره میزان الهوا اون درت ارشون ارتفاعده بر
 میلایمتر و تنزل ایتدیکندن اکریا مهندسلر بر موقعک دیگر بر موقعدن
 نقدر مرتفع اولدیغنی بواسطه تطبیقا حساب ایدرلر . مثلا
 سلطان بایزید میدانک باغچه قیوسندن نقدر یوکسک اولدیغنی
 اکلامق ایچون لریده اولان میزان الهوا به بر کره باغچه قیوسنده
 باقوب نه درجده اولدیغنی اکلا دقندن صکره کیدوب برده سلطان
 بایزید میدانده نظر ایدرلر . سلطان بایزید میدانده میزان الهوا
 اوزرینه تضییق اجرا ایدن ستون هوا بجه حال دیگرندن قصه
 اوله جغندن میزان الهوا درجه سی تنزل ایتک لازم کلور . اگر ایکی
 میلایمتر و تنزل ایتش ایسه سلطان بایزید میدانی باغچه قیوسندن
 یکرمی سکر ارشون و اگر اوچ میلایمتر و تنزل ایتش ایسه قرق ایکی
 ارشون مرتفع اولدیغنی اکلا شیلور انبجق بر میلایمتری اون درت
 ارشون ارتفاع اعتبار ایتک پک مرتفع اولیان مواقع و جبال ایچون
 صحیح اوله یلور سده کچن در سده سویلدیکمز وجهه یوکسکه
 چیلد قجه طبقات هوا خفیفلاشه جکندن غایت مرتفع اولان محال
 حقه بوقاعده تعمیم اولنه میوب شو فرق دخی حساب اولنق
 لازمدر و بوندن بشقه هوا دائما بر حالده بوانه میوب آز بروقتده
 تغیر ایتک احتمالی اولدیغندن بر طاع اولحیه جکی تقدیرده بر آدم
 انده بر میزان الهوا ایله طاعک اتکنده بکلمک و دیگر بریسی کذلک
 انده بر میزان الهوا اولدیغنی حالده طاعک ته سته چیقوب
 ایکبسی بروقت معینده میزان الهوا زینه نظرله اکا کوره حساب
 اولنق اقتضا ایده جکی مثلا طاعک ته سته چیلد قجه بروقت
 زیاده لسه جکندن و حرارتله منبسط و برودتله منوطی یعنی منقبض

اولیٰ کافه اجسامک خاصه سندن بولندیغندن طاعنک په سنده کی
 میزان الهواده اولان جیوه برودتدن منوطی اوله رق حجمی تناقص
 و بوجمله بوری ایچنده زیاده جه تنزل ایدوب اولوجمله اولان
 حساب طوغری اوله میه جغندن اکثرا میزان الهواره برده
 میزان الحراره ربط ایدرلر و بوسورتله طاعنک اتکیله تپه سی بیننده
 اولان حرارت و برودت فرقی بولوب اکا کوره حساب ایلرلر .
 بواحتیاطلرک جمله سی غایت مرتفع محال ایچون اولوب یوخسه
 زیاده سیله مرتفع اولیان و مسافه بعیده ده بولنمیان مواقع ایچون
 یکده احتیاج کوریلرله مز .

افادات مشروحه یه نظرا میزان الهوا ایله برمحلی اولچمک
 حسابات مختلفه یه متوقف عمل کثیرکی کورینورسده ده علوم
 ریاضیه یه وقوف تامه سی اولان ذوات کوره براهره یسیردر .

(شاگرد)

میزان الحراره نصل آتدر واجسامک حرارتله منبسط و برودتله
 منقبض اولسی نه دیمکدر .

(خواجه)

میزان الحراره فرانسزجه ترمومتر تغییر اولان التدرکه حرارت
 و برودتک درجاتنی ییلدیرر . اساسی اجسامک حرارتله منبسط
 و برودتله منقبض اولسی قاعده سی اوزرینه مبنی اولوب تفصیلی
 کتابک درس لرنمک برنده بیان ایدرم .

شاگرد

هوانك نصل جسم اولديغى وبعض خواص و كيفياتنى اكلام فقط
بوندن نه مقوله علائم واثار تولد ايدر .

خواجه

هواندن نشأت ایدن علائم واثارك برى روزگار اولوب بونك
نه صورتله حاصل اولديغنه دائر هيچ بر معلوماتكز يوقدرظن ايدر .
روزگار هوانك موج وتلاطمندن حاصل اولان بر اثر اولوب بشقه
برى دكلدر . وهوانك موج وتلاطمى بر قايچ سببدن نشأت ايلديكندن
يونلرى صره سيله سزه بيان ايدر . مثلاً اوقات حارده روزگار
اولديغى وقتلر يلازه استعمال اولور . وبوصورتله هوا تحريك
اولاندى روزگار حصوله كتور يلور . چونكه صوقارشديرلديغى
حالده نصل طالعده نور ايسه يلازه ايله تحريك اولندقجه هوا دخی
ايله جه موج ايدر .

شاگرد

هوانك تعريفنده غير قابل اللمس بر جسمدر ديويورمش ايدىكر
(۱) لمسى ممكن اوله ميان بر جسمك تحريك و تمويجى نصورتله
اوله يلور .

خواجه

فى الحقيقه هوا زياده سيله رقيق بر جسم اولسد يغندن ال ايله

طوتلمسی ممکن دکلدر . انجق اجسامك خواص عمومیه سندن
اولان عدم تنافذ خاصه سندن ناشی ایکی جسم آن واحدده
برمکانی اشغال ایده میه جکاری حکمت طبیعیه نك مسائل مشته سندن
اولغله یلپازه نك تحرك ایتدیکی یرلرده بولسان هوای تبدیل مکان
ایدرك محل اخره انتقال ایدر . وصورت انتقالی کافه اجسام
رقیقہ مثل لوت موج ایدرك وقوع بولور . بر حوضك ایچنه برطاش
القا اولور ایسه نه حال مشاهد اولور .

شاگرد

صوده بردائره تشکل ایتدیکی کوزیلور .

خواجه

بوندن اکلاشیلور که صویه اتیلان طاش ذاتاً صوایله مملو برمکانی
اشغال ایدرك اول مکانده اولان صوی هر طرفه دفع ایتسی جهتیله
صویه اتیلان طاشك جسمته و اتیلور کن الدیغی قوتك درجه سینه
کوره شدنه اطرافه طاغیلور و هر طرفه علی السویه منتشر
اولدیغندن دائره کبی کورینور . کچن کون قایقله کلور ایکن
یانمزدن بروا پور کچدی و بونك حاصل ایتدیکی طالعده بر درجه قوتلی
ایدیکه از قالدی قایغمری دویره جك ایدی او یله دکلمی .

شاگرد

اوت واقعا او یله اولدی . او کوندن برویانمزدن واپور کچرکن زیاده
تلاش ایدیورم .

خواجه

صویری تحریک ایدن سبیلر هوایی دخی تحریک و تهیجه قابل
اولدیغندن و هوایی تحریک ایدن یلیازه صویری طالعاندیرن واپور
چرخلرینه مشابه بولندیغندن چرخلرک قوتنده بریلیازه اعمال
اولندرق هوا تحریک اولنده جق اولسه بر قوتلی ادمی ییقه جق
درجده شدتلی روزکار وجوده کتورلمسی ممکندر.

شاگرد

روزکار هوانک تموجندن حاصل اولدیغنی و هوایی تحریک ایله عملی
روزکار استحصالی ممکن ایدوکنی اکلادم انجق یاز موسمنده سرین
و خفیف روزکارلر هبوب ایتدیکی و فصل خریف و شتاده بنالری
ییقه جق و اناجلری دویره جک درجه ریاح شدیدیه اسدیکی وقتلرده
هوایی تحریک ایدن قوت ندر.

خواجه

برمنوال محرر بونک اسبابی مختلف اولوب برنجیسی هوانک حرارتله
منبسط اولسیدر مثلا برقهوه جزوه سی یاریسنه قدر صوایله
طولدیریلوب اتشه سوراسه صوایصنوب قاینایه رق جزوه نك
اغزینه قدر چیقار و اتشه دهه زیاده طوتیلور ایسه طاشوب
دوکیلور.

شاگرد

صحیح اولددر و بوجوقدنبرو مراقدر صوایصندیغنی حالدده

چونالمسی ندن نشأت ایدیور . تعریف بیورمکزی رجا ایدرم .

خواجه

صویك ایصندیغی حالده چونالمش کورنمسی حرارتله منبسط اوله رق
حجمك تزايد ایلسندن و بودخی اجسامده بولنان قوه انبساطیه دن
نشأت ایدریغی قنغی جسم اولورسه اولسون تسخن اولندیغی
وقت مساماته حرارت دخول ایدرك جزؤ فردلری نی سیرلتدیکندن
ناشی اول جسمك حجمی تزايد ایلر .

شاگرد

اوله ایسه قوه انبساطیه دیمك جسملرده اولان تزايد حجم خاصده سی
دیمکدر .

خواجه

اوت اودییمکدر . بو معنی ایلروده تفصیل ایده حکم . اولوقت لایقیه
اکلار سکر مؤخرایان اولندجق بعض اسبابه مبنی هوا تسخن ایدرك
منبسط اولدقده جزوده صوت اینادیغی وقت طالع لندیغی کبی هوا
دخی تموج ایدرك روزکار حاصل اولور و نقدر زیاده منبسط اولور ایسه
اولقدر زیاده تموج ایدر . اره صره هبوب ایدن ریا ح شدیدیه اکثریا
کره نسیم زیاده جه منبسط و متوج اولدیغی وقت لظهور ایدر .

(بقیده سی صکره) (قدری)

(امید برونیدن مکتوب مخصوص فی ۲۷ رمضان)

امید برفی شهری بر کوچك كورفزنه اینده واقع اولوب لیانی
دخی یوزارون اوچ قولاج عمقده در . بو طرف اهل اسلامی بیننده
جمل قاف اسمیه معروف اوله رق جوار شهرده غایت جسم و مرتفع
برطاغ اولوب بوندن نبعان ایدن طلمو صولر شهرك احتیاجا تنه
ونا ایتد کدن بشقه حواله سنده بولنان باغچهدلر واورمانلر دخی
اندن اسقا اولنور . شهرك اهالی مسلمان مال سائره دن اولان سکنه
سندن یکان یکان زیاده درولسانلری مختلف اولوب ملای و ملیباری
وهندی و عربی تکلم ایدرلر .

بو طرف اهل اسلامی بیننده موجب نزاع و قتال اولان مسائل
دینی تحقیق ایلدم . بونلرک اکثری شریعت مطهره یه نسبت
قبول ایدر شیلر اولدق دن بشقه تحفیات قیلندندر . جمله اختلافات دن
بریسی جنازه نك حین دفننده اول باشی یا خود ایا قلمری قبره
ادخال اولنق اقتضا ایده چکی مسئله سیدر . اعتقادات قدیمه لری
اقتضا سنجه بر آدم صقال صالیو یرد کدن صکره تراش ایدر ایسه
اکا کافر نظریه باقیله رق جنازه سی نمازی قلمز و بالعکس ببقلمری
تراش ایلیان ادم دخی اهل اسلام دن عد اولمیب اومقوله ره سلام
ویرلر . انسان کندو لعابنی باع ایتک اورجی افساد ایدوب
بوندن احترازاً رمضانده هر کس اوطدلرنده مخصوص توکرک
حقه سی استعمال ایتدکلی مثلاً بونلری جامعده دخی برابر
کزدیرلر و اغزلرنده استعمال ایتدکلی بر نوع انفیة مبطل صوم
عدا اولمز . ونسانک مهری بش شیلن یعنی یکرهی یدی بچق
غروشی تجاوز ایدر ایسه نکاح صحیح اولمز و عقد مجلسارنده قول قوله
صارلق و او پوشمک شرائط نکاح دندر و هر جامعده اوقات نمازده

اون التي مؤذن واون ذرت جابي برلكده قامت ايدرلرودها يوقيلدن
برچوق اعتقادات باطنه يه ذاهب و متمسكدرلر . مقدم دخی یازلدیغی
وجهله وسائل سفریه نك تكثيريه ممالك بعیده یه عزیمت کسب سهولت
ایلد کدن صکره ایچلرندن بعضیلری حجازه کیدوب کله رك تصحیح
اعتقاد وسائرلرینی بو طریقہ سوق ایتملری اختلافات حاضرہ یی منتج
اولشدرد . اهالی مذکورہ نك اليوم مستغرق اولدقلری کمال جهالتہ مبنی
علوم دینیہ نك اصولیہ تعالیم و تدریسہ قابیلیتلی اولدیغندن شمدیلک
الک مهم اولان فرائض و واجباتک لساناً تعلیمی ضمنندہ اولد قچه جسم
بر مکتب کشاد و تنظیم ایلدم . بعونه تعالی حسن تأثیراتی مشاهده
اولنه جغنی مأمول ایدرم .

کچن دفعه بعض احوالندن بحث ایتش اولدیغم زنکبار جزیره سیله
افریقا اراضیسنده بونک ملحقاتندن بولنان (بنباسه) و (لامو) و (کلوه)
و (عام) و (سیو) و (پنبه) نواحبسی اهلپسی عموماً اسلام اولوب عربی
و حبشی و دیگر برلسان ایله تکلم ایدرلر . محال مذکورہ مسقط امامنک
بر حبشی زوجه سندن اولان مخدومنک زیراداره سنده در . مشار ایله
غایت فطین و درایتکار برذات اولوب سواحلدن برایلق قدر ایچرو
طرفلرینی تحت اطاعتنه ادخال ایلمشدر .

تحقیقات عاجزانه مه کوره مذکور زنکبار جزیره سی و توابعی
مقدما بمن ملحقاتندن اولدیغی حالده برارالق پورتکیزلی اسئلا
ایتمش و وهابی ابن سعود شقا و تنمود ایامنده مسقط امامی بولنان
سعيد بحر بن طرفندن جمع ایلدیکی نفیر عام ایله جزیره مذکورہ یه
بغته هجوم ایله برکیجه نك ایچنده اخذ و استردادینه ظفریاب اولمشدر .
زنکبار جزیره سی ایله ساحلده بولنان مذکور بنباسه بیننده
واقع مسافده یلکن کبسی ایله اکثریا اوچ کونده قطع اولشور .

ملل سائرہ التي ایلق مسافده واقع ممالك بعیده ایلہ کسب مناسبت
و بو طریق ایلہ توسیع دائرہ تجارت و صناعت ایلدکلری حالده
بزم طرفارده بومقوله تشبثانده بالکلیہ اہمال اولنسی جای تأسفدر
افریقانک اکثر طرفلری اہل اسلام ایلہ مسکون اولوب بونلرلہ
بیمزده جہت جامعہ اسلامیت اولدقده بشقہ مقام خلافت کبرایہ
شدت ارتباط وانسائیلری درکار و بناء علیہ ہر یرده مظهر حسن
قبول اولہ جنم آشکار اولدیغندن ممالك محروسہ شاہانہ ایلہ اہالی
مذکورہ بیندہ بعض مناسبات دوستانہ حصواہ کتوراسہ منافع
عظیمہ بی نتیج اولہ جغی مجزومدر .

بوندن درت سنہ مقدم مذکور زنکبار جزیرہ سی اہالی
مسلمہ سندن برچوق اشخاص اولاد و عیال لریلہ رنجبرلک ایتک
اوزرہ اولجوارده واقع دیگر بر محلہ عزیمت ایدوب عودتلارندہ
انکلیر بکلاک سفائنندن بریسی بونلرہ تصادف ایدرک امر یقایہ نقل
اولور اسرا کروہندن ظن ایتکلہ طاقیلہ طوتوب امید بروننہ
کوتورہرک اورادہ سبیلرینی تخلیہ ایلش و مر قوملر مسافدنک
بعدی جہتیہ ممالک کلرینہ عودت ایدہ دیوب اولوقتدنبرو بو طرفارده
دوچار فقر و سفالت اولہرق قالملارددر . بو بیچارہ لریک دارودیارلرندن
تدرکین ایدلمسی اولوجہلہ بریا کلاشلق وقوعنہ مینی اولدیغندن ینہ
انکلیر سفائی ایلہ مملکتلرینہ اعادہ سی موافق حقانیت اولہ جفندن
شوکیفیت رسیدہ سمع عالی اولہرق اولیابده انکلترہ دولتنہ تبلیغات
اجراسیلہ اہالی مذکورہ نک مملکتلرینہ ارجاعی اسبابانک
استحصانہ ہمت بیوراسہ موجب اجر عظیم اولہ جغی درکاردر .

(خلاصه پوليټيقي)

انگلتره

چكلرده پارلمنتوده لهستان مسئله سي درميان اولديغني صبرده
 اعضادن بريسي كلامه اغازايله لهستان روسيه نك تحت اداره سنده
 قالدقجه اوراجه مطلوب اولان صلح واسايشك حصول و دوامى
 ممكن اوله ميوب بو كيفيت دائما اوروياجه موجب صداغ
 اوله جغندن اسايش عمومينك بقاسى مطلقا قطعاً مذكوره نك
 روسيه دن تفريقه متوقف اولديغني بيان ايلش وخارجيه
 ناظري لورد جون رسل بوكا جواباً انگلتره دولتي لهستانك
 استحصال استقلالى ياكز روسيه دولته طوقميوب اوستريا
 و پروسيا دولترينك دخي مغاير منفعتلري اولديغني وبومطلبك
 حصولي دول ثلثه مشاراليهم ايله محاربه يه متوقف اولوب بوكا ايسه
 انگلتره نك پوليټيقيسي مساعد اولديغني بيان ايله حرب درجه سنده
 قدر كيدلمز ايسده لهلولك اصلاح حاللري حقتده هر درلو معاوضتك
 دريغ اولميه جغني ايراد ايلشدر .

انگلتره سواحلندن امريكا جمهور جنو بيسنه اسلحه ومهمات
 حربه كتمسندن و بونك اوزرينه جمهور شمالي طرفندن انگلتره
 سفائني حقتده يوقله اصولي اجراسي وسيله سييله بعض معاملات
 مسديده وقوع بولسندن طولاني طرفين بينده تگون ايدن منازعه
 حربى انتاج ايده جكندن خوف اولنوركن بونك صورت مصلحانه
 فصل و دفعي ضمنده بودفعه جمهور شمالي طرفندن لوندره يه
 برآمدور مخصوص كوندولش . ومومى اليهاك قواعد حقوق ملله
 زياده معلومانى اولديغندن لوندره ده مقيم امر يقاسفيريله بالاتفاق
 مسئله مذكوره نك حانه مأمور بولمشدر .

انگلترہ دولتی دخی جمهور شمالینک اتحاد ایتدیکی ایشیوتدبیردن
اطهارکمال ممنونیت ایدوب بوو جهله طرفین بینده محاربه وقوعی
احتمالی شمیدیاک برطرف اولمشدور .

روسیه

لهستان مسئله سی حقنده اورو یادولتله رینک روسیه یه وقوعبولان
تبلیغاتی صورت دوستانه ونازکانه ده اولوب دول مشارالیه
هیچ بریسی بوماده دن طولایی روسیه یه اعلان حرب درجه سنه
قدر کتیه جکی روس حالدن اکلاشیلور ایسده روسیه دولتی
شو حالک نتایج وخیمه سندن امین اوله مدیغندن برازوقتنبروتدارکات
کلبه حریده تثبیت ایدرک مبالغه حسیمه صرفیه قرون شتاد لیماتی
برقاندھا تحکیم و بحر بالطقده کشت و کذار ایتک اوزره بر مکمل
دوئنا تجمیر ایتک اوزره بولمشدور . دولت مشارالیه تدارکاتی
امور بحر یه یه منحصر اولوب عساکر بریه فرقه لری دخی ترتیب
وتنظیم ایتکده در .

لهستان

لهستان اختلالنک صورت مصیحتخانه ده دفعی اسبابنک
استحصالی خصوصنه دائر انگلتره و فرانسه و اوستریا دولتله
طرفندن روسیه یه اجرا اولنان تبلیغات دوستانه یه دولت
مشارالیه جانندن ویریلان جوابلرده دول مشارالیه

مظلومى كند و سىئتك دخی اخص امالى اولوب فقط شواهرىك
برآن اول حسن حصولى حقیقه ارز وایدنار كروه عصاته موجب
غیرت و جسارت اوله جق تحریكات اجنبیه تك منعی و سائنك
استحصانه همت ایللری لابد اولدیغنى بیان ایلشدر .

روسیه دولتتك اشبوجوابی دول الیهیمك دلخواهنه موافق
اولدیغدن اورو پاچه زیاده سوء تأثیرى اولمش و فقط بوتك اوزرینه
نه مقوله تدابیره تشبث اولنه جغنى هنوز مجهول بولمشدر .

لهستان اختلالی ككونبكون توسع ایدوب حتی شمى یه قدر
حال اطاعتده و بوانان تبار و اهل قراعتاتك مظفریتنه اغتراراً
انلره ملحق اولمقده و روسیه عسكرى دخی ككان لهاولر حقنده
انواع مظالم و تعدیات اجرا ایتكده درلر . ازجمله پیالرف شهرى
اهالیستك عصاته بعض معاونت معنویه ده بولمش اوللری
بهانه سیله روسیه عساکرى بوزاردن اله كچنلری قتل عام و شهرى
كاملاً تخریب و احراق ایلشدر .

وارشاورده بعض اهالی ایلره هبان طاقى محاربات حاضرده
وفات ایدن همشهریلرینك روحی ایچون کلیساده دعا ایتمش
اوللریله برحق رهبان روسیه لوطرفدن اخذ و گرفت اولندرق
قلعه بندايداش ایسه ده پترسبورغدن ورودايدن امر اوزرینه
چوق كچكسزین سبیللری تخلیه قلمشدر .

اسویچره جمهوریه ممالك متحده الاماینانك بعض كوچك
حكومتارندن ماعدا عموماً اوروپا دولتلری دول ثلشه اثرینه
انباع ایله لهستان مسئله سنده ائروسیه دولته تبلیغات
اجرا ایلشدر .

یونانستان

یونان قرالغنه انتخاب اولان دانمارقه پرسی کلیوم یورکی
شومسندك قبولی بعض شرائطه تعلیق ایتش و بونك مذاکره
وتسویه سی ضمنده دول حامیه هر خصایلرندن مرکب لوندرده
برقوانفرانس تکمیل اولمش ایدی . مؤخرأ النان تلغراف حوادشه
نظراً هر خصایلرینده اتفاق حاصل اوله میدرق طاعلمشلردر .
بناء علیه یونان قرالی انتخابی مسئله سی یکیدن مشکلاته دوچار
اولمشدر .

مسئله مذکورہ نك بوصورتله اوزامسندن ناشی الیوم
یونانستانك اکثر محلی بر حال فترده بولندرق هر طرفه محل امن
واسایش حالات وقوعبولمقده و حتی آتندده پك چوق فناقلرتحدث
ایتمکده اولوب ازجمله فرانسه تبعه سندن چند نفر اشخاص حقندده
سوء قصد وقوعیه جرح اولمش و در سعادتده دخی اوینامش
اولان جانباز سولیدك او یونجیلرندن براوستریالو قزی اوتوز قدر
روم جبرأ اخذایله هتك ناموسنه اجنسالر ایلشلردر . حکومت موقتہ نك
کمال ضعفندن ناشی بومقوله اصحاب جنایات مجازاتسز قالدیغندن
اتندده مقیم انکلتزه و فرانسه سفیرلری طرفندن حکومت مذکوریه
معرض تهدیدده مذکره اعطا اولمشدر . حکومت موقتہ
اعضاسی اولوجمله جریان ایدن او یغونسز لقلرك دفعندن عجزلری
حسن ایدرك وقوعبولان استعفالرینه مبنی جمعیت ملیه معرفتیه
یرلرینه بشقعلری انتخاب اولمشدر .

فرانسه

بود دفعه فرانسه قوانین مجلسی وقت معینه سنك حلوليله قیامش
 و ملت مجلسی اعضا سنك انتخابات عمومیه سی اشبو شهر مایسك
 اوتوز برنجی كونی اجرا اولنده جغندن طرف حكومتدن رخصت
 مخصوصه تحصیل اولند قجه اهالیدن یكرمیدن زیاده اشخاصك
 بریره تجمع ایده مامسی حقنده موضوع اولان قانون بوكره فرانسه
 رسمی غزته سیله عامه یه اخطار اولمشدر . فرانسه دولتلك
 مكسیقاده بولنان عساکری پوابله شهری اوزرینه بالهجوم
 ضبط ایلشردر .

(مواد مندرجه)

تاریخ تلغراف	منیف افندی
مدخل علم ژئولوژی	ادهم پاشا
صویرك ماهیت و انواع و خواصی	صفوت پاشا
علائم سماویہ	قدری بك
امید بروندن مکتوب مخصوص	ابوبكر افندی
خلاصهٔ پولنیقیه	

جمعیت مهریله ممهور اولیان مجموعه فنون نسخده لرینه ساختده
نظریله باقیله رق طابع و بایعلری مسئول طوتیله جققدر



Handwritten text in the top right corner.

Handwritten text in the top left corner.

Handwritten text line.

Handwritten text line.

Handwritten text line.

Handwritten text line.

Handwritten text line.

Handwritten text block.

Handwritten text block.

Handwritten text line.

Handwritten text block.

Handwritten text line.

Handwritten text	Handwritten text
Handwritten text	Handwritten text
Handwritten text	Handwritten text
Handwritten text	Handwritten text

Handwritten text block.

Handwritten text line.


Handwritten text in the bottom left corner.

Handwritten text in the bottom right corner.

مجموعه بنون

از

جمعیت علمیہ عثمانیہ



برنجی پستہ

ذی الحجہ

نومرو ۱۲



استانبول

جمعیت علمیہ عثمانیہ مطبعہ سائندہ طبع اول نمشدر

۱۲۷۹

(اعلان)

مجموعه عايزاته من احداث اولادى اليوم تمام برسنة اولوب اشبو
نسخه ايله برابر اون ايكي نومروسى چيتمارلمشدر . شومدت من بعد
دخى ثبات ودوام ايله جگم حقتده عامه يه موجب امانت اوله جنى
مثلاو عامه طرفندن مشهود چشم ابتهاجز اولان حسن قبولك
بقاسى استدلالنه دخى كافى اوله ييله جكندن من غير لياقة مظهر اولديغمن
سو موفقيت تحديث نعمت قبولندن اولمق اوزره كندومزجه برمايه
مباهات ومسرت عد اولندرق اولبابده وجيبه شكرانيق ايفا
والى ماشاه دوام و ترقيسى اسبابك تيسر حصوانى درگاه الهيدن
تمنى واستدعا ايدرز .

شمس طقوز سنه سنه مخصوص اولان اشبو اون ايكي
نومروسى براسديريلوب بشيوز يكرمى ايكي صحيفه دن عبارت اوله رقى
بركاتب هئتمنده تبليد وجهله سى ايچون مخصوص فهرست
ايله برقطعه خطا و صواب جدولى تنظيم وعلاوه قلند جقدر .
منتريلاريدنده بولنان نسخه اردخى استناديكي حالده اولوجهله تبليد
اولمق اوزره اشبو اون ايكنجى نومرو و نهايتنده مذكور فهرست
ايله خندا و صواب جدوالارندن برر نسيخه ر بعد اولمشمدر .

مجموعه فنونك بعض نسخداری ایام موعوده سنده چیقاریله میوب
 اراقلده تخلف وقوعبولش واکرچه ابتداکی نومرومن ده دخی
 بالاناسبه بیان اولندیخی وجهله بومقوله فنون غزتهلری اوراق
 حوادته مقاس اولیوب هر وقت وحالده مطالعه سندن استفاده
 اولنه یله جکندن براز تاخرنده باس اولدیخی درکار بولنش ایسده
 تاخرات واقع مجرد کدو مطبعه من اولیوب سائر محالرده طبع
 ایندیولسندن نشأت ایش و مؤخرأ کرک مجموعه فنون و کرک
 سائر کتب و رسائل نافع طبعه مخصوص بر مطبعه تنظیم قلنش
 اراقله بوندن بویله مجموعه منک اوقات معینه سنده چیقاریله جخی
 مجزومدر

ابتدا چیقاریلان نومرولردن از باصلمش اولدیغندن
 بعضلری کامللا سوریلوب نسخداری قالماش اولدیخی جهتهله مسکره
 ظهور ایدن مشتریکه اشبو نقصان نومرولر وقتیه یثددریله مامش
 ایسده مؤخرأ تکرار طبع اولدوق محالینه ارسال قلنش
 اولغله ضروری الوقوع اولان اشبو تأخردن طولانی بیان
 معذرتله برابر بوندن بویله مقدار وافی نسخه باصلدیغندن طالب
 اولانه جق نومرولرک بلا تأخیر محله ایصال اولدجغنی تأمین ایدرز
 مجموعه عاجزانه مزه درج اولنق اوزره بعض ارباب معارف طرفندن
 انظفا ارساله همت بیوریلان مواد جمعیته شایان قبول کورلدیکی
 حالده دخی مجموعه نك عدم وسعتی جهتهله بعض کره در عقب طبع
 اولانه میوب براز تاخر ایلمکده ایسده بویک کیفیت مجرد ترتیب
 ورود اصوله رعایت اولمشندن نشأت ایندییکدن بوندن بشقه
 بر معنایه حل بیورلماشنی اخطار ایدرز

يتمش بانورسند سند محسوبا مشترى اولان ذواتك مدتارى
اشبو ذى الحجه غايتنده ختام بولديغندىن مجموعىلىرىنىڭ
وقتيله كوندولسىنى طلب ايدىنار سىنە ايتە ايچون اقتضا ايدىن
بدانك بلا تا خير ارسالى خصوصىنە ھىمت بيورملىرى رجا اولنور .
مجموعه فنونە متعلق ھەر درلو اوراق ونقود جمعيت علميە عثمانىہ
رياستنە خطاباً يازيلوب جمعيت مذكوره ك چيچك پازارندە واقع
مركزينە ارسال اولىنىسى اقتضا ايدر .

(وسائط تنويريه)

كونشك غرويله ضياعى زائل اولدقدە انك مقامە قائم
اولە جق برشى وجودە كتورمك عمر انسانى يى تضعيف ديمك
اولديغندىن دفع ظلام ليله چاره بولنىق اعظم اسباب تمدن
واجتماعدن اولديغى روشن و آشكاردر .
فطرت اصليه اوزرە تعيش ايدىن اقوام شومقصدك حصولى
ضمنده چام وكوكنار وعود وائشالى مواد دهنىه يى شامل
بعض اخشاب استعمال ايدرلر . بوندن درت بيك التيورسنە
مقدم هندستانده و آسيانك ديكر بعض ممالككنده بال مودىك معروف
اولديغى قدماى مؤرخين عندندە متفق عليھدر .
مصريو برية الشامده وباخصوص يونانستانده ازمنه قديمه دنبرو
چراغ ايله زيت و دهن حيوانات ايقاد اولنور ايدى . ويونانستانده
انجىق سكرنجى اولمىيادك اواخرندە يعنى تاريخ ميلاددن

یدی یوز قرق درت سنه مقدم بال مومی احداث و بعض
جسیم عباد تخانه لرنده لیلأ اجرا اولنان هر اسم دینه اثنا سنده اشغال
قلنورایدی . بونک اوزرینه چوق کچمکسزین بال مومی عباد تخانه لر دن
حکمدار سرایلرینه انتقال و بعده افراد اهالی بیننده دخی
کسب انتشار ایلشدر .

ازمنه قدیمه ده افریقا و آسیا ملل معظمه سی اولان ایرانی
وسریانی و مصری لر معبد و سرایلرینک و پایتخت زقا قلرینک
چراغلر ایله تنویرنده بر درجه افراط ایدر لر ایدیکه اهالی کیمه ایله
کوندزینی اصلا فرق ایده مز لر ایدی .

اشبو چراغلر دخی پرنج و یا خود طاشدن مصنوع اوله رق
درون لرنده ایدلش ایچ یاغی ایله غایت قالبن فتلر ایقاد
اولوب سراپا زقا قله دیزیلور ایدی . فوق الغایه جسیم اولان
اشبو شهرلر جاده لرینک بعضیلری برق اچ میل مسافه امتدادنده
اولوب ذکر اولان چراغ قابلرینک بهری دخی تقریباً یوز قیه
یعنی بس الی صغردن حصوله کله جک قدر یاغ اسنعباب ایدر ایدی
او ملل و غایت جسیم شهرلرک هر طرفنده بو وجهله چراغلر یا قلمسی
نقدر حیوانات و مصارفه محتاج اوله جغی ارتق حساب اولنه
فی الحقیقه ملل مذکور هک کمال اقتدار و مدنیتلری محیر
عقول اولوب اگرچه فی زماننا اوروپا لوردخی امر مدنیست
و انتظامده بر درجه اعلایه واصل اولمشلر ایهده متقدمینک
شوعظمت و اقتداری ایله بینلرنده بون بعید اولدیغی کندولری
عندند دخی رهین تسلیم و اعترافدر .

انکلیزلر اوچوز سنه قدر معبد و خانه لرنده یالکز حیوانات

وزیتون یاغی ایله ایقصاد اوانور قندیل استعمال ایتدکدن صکره
میلادک ۱۲۹۰ سنه سنده یاغ مومنی اختراع ایدوب فرانسه ده دخی
اول وقت کنجیه قدر قرال سرایلی و اغنیا قوناقلرنده یاغ
باتریش چبوقلر یاقلدیخی حالده بیک اوچوز التمش تاریخلرنده
ژان نام فرانسه قرالی مذکور یاغ مومندن برقاچ دانه
فرانسه یه کتورمشیدی .

یاغ مومنی اولوقت سائرینده نسبتنه نظافت و سهولت استعمالده
مبنی چوق یکمکسزین بتون اوروپایه منتشر اوله رق فرانسه و المانیا
و اسپانیا و ایتالیا مملکتلری دخی اولسایده انکلتره لویه تقلید ایلدیار
فقط اشبو یاغ مومی اعمالده انکلیر لرایله فرانسه زلر
مالل سائرهمه زیاده تفوق ایتدکلرندن یک چوق سندلریاغ مومی
مملکتین مذکور تینک باشلو تجارتندن معدود ایدی .
اول ائنده وندیکلور بال مومی استعمالده باشلا یوب بو جنس موم
اولوقت قدر کلساره مخصوص اولدیخی حالده بوزک انور دنیویهمه
دخی تعمییه میلادک اون دردیجی قرنی اواخرندن بدأ ایله دوزلر
یعنی جمهوریت مجلسی اعضا سنک و پاپالریک سرایلرنده یالکز و ندیک
بال مومی ایقصاد اوانور ایدی . اشبو صنعت اولوجهله ایتالیا دن
ظهور ایدریک موخرأ فرانسه یه انتقال ایدوب بین الاهالی
زیاده کسب اشتهار و فرانسه ممالکندن (بوردو) و (مارسیا)
و (ناربون) شهرلرنده دهها اصلاح اولنده رق ایتالیا بال مومنه
فائق موم اعمال قلدنور ایدی . بو صنعت کتدیجه ترقی
ایدریک الی یومنا هذا پارسده و دیگر بعضی شهرلرده بال مومی

اھمال اولنور ايسەدە ايچنە پك چوق شيلر قاتلدىغىندىن ھىمان
مومك اثرى يوقدر دىنلە يىلور .

اوروپا شىرلەندە ايللا زقاقار ك تۈپرىنە باشلاپلە لى خىلى
زمان اولمشدر يارسىدە ھەركس خانە سىنك اوكنە ايچ ياغى ايلە
ايقاد اولنور بر چراغ وضع ايلسى حقنە ۱۶۵۸ سىنە سىندە
بر نظام وضع اولنوب خلافى حر كىدە بولسا نلر تېجىم و دفعە
تايەدە حبس اولنور ايدى . بوا سول ايكي يوز سىنە قدر
اجرا اولندى قىن صكرە مذكور چراغلار ياغ موملرىنە و بر نوع
فىزە تىويل قلىدى .

پارس شىرىنك سىياق واحد اوزرە تۈپرى ۱۶۶۷ سىنە سىندە
تصور اولنەرق مناسب اولان محالارە اوچيوز فانوس تقسيم اولمش
وبو وجهلە شىرىشقىلە برزىنت واطاقت كسب ايلشىيدى
بومقدار فانوس پارس كې بر شىرە كورە پك جزوى كورينور ايسەدە
اولوقت سىمدىكى جسامتدە اوليوب دائرە بلدىيە سى وارداتى دى
انجق بولكا متحمل ايدى . فقط چوق وقت شو حال اوزرە قالميوب
كتدىكە فانوسلار ك مقدارى تزايد ايدرك ۱۷۲۹ سىنە سىندە
بش بىك ايدى يوز يتمش ايكي عددە بالغ اولمش ايدى .

بولندىن اللى سىنە ھىر ورنە ضبطىيە قائمە سامى بولسا ن (لئونور)
نام ذات ھەركىم پارس شىرىنك دى ھار حسن صورتلە تۈپرىنە بر چارە
بولور ايسە كلى مكافاتە مظهر اولە جغنى اعلان ايتكلە بالى اسىندە
برىسى آينەلى لامپىنى ايجاد و بىشقىلرى بولنى دى ھار اصلاح ايدرك
استعمال قلىدى . اش بول فانوسلار ك مقدارى صكرە دى ھار تزايد
ايدرك ۱۸۱۹ سىنە سى اون ايكي بىك التى يوز يتمش ايكي عددە

وبونك مصارف سنويه سى التى يوزقرق التى يكرمى اوج فرانسه
يعنى تقريبا التى يكسبه رسیده اولمشیدی .

لیون اسمندہ فرانسه لی برمهندس غاز تعبیر اولنور برما بع
هوائینک هر درلویاغ وزیتدن زیاده قوتلو برضیا حصوله کتوره جکئی
تصور ایدرک پارس شهری زقاقارینک بونکله تنویر اولمنسن
۱۸۱۱ سنه سنده اداره بلدیہ مجلسنه عرض وفوائد و محسناتنی
بیان ایلش ایسده هر نصلمه قبول و اجرا اولنماش و بعض
انکلیتر مومی الیهک اشبو اختراعنه کسب اطلاع ایله ۱۸۱۰
سنه سنده الک اول لوندردہ احداث قلمشدر . بونی متعاقب
فرانسه ده دخی خسته خانه و امشالی بعض محله ده غاز استعمال
اولنمش ایسده پارس زقاقارینک بونکله تنویری انجق ۱۸۳۰
سنه سنده وقوع بولمشدر . الیوم اشبو غاز استعمالی اوروپاده
بالکنز پایتخت و بیوک شهرله منحصر اولوب انکلیتره و فرانسه
و المانی و ممالک سائرہک الک کوچک شهرلری و حتی بعض
قریہ لری یله کیچهنری غاز ایله منوردر .

شمیدی قدر ایجاد و استعمال اولنسان غاز استخراجی اصولنک
الک ادلاسی (روبر) نام زانه منسوب اصول اولوب بونک
فنا را یحدسی و دومان و باطماق و امشالی سوء تأثیراتی اولمدقدن بشقه
هوانک تصفیه سنه مدار اولور .

غازک الک زیاده فائده لو اولان برخاسه سی دخی کوزی اتعاب
ایتماسیدر . چونکه غیر متحرک اولان ضیاسی مائی یه مائل
زمین اوزرنده غایت یاض اولوب سائر ضیالر ایسه اتشی
قرمزى زمین اوزرنده بیاضه مائل صاریدر . کونک دفعه ظلام

و كرك اجرای سفاقت و احسان ایچون غازك اهو نیت و سهولت
 و انطافق جامعدر . دنیاده دیکنسز كل ارلادیغندن غازك دخی
 بر محذوری واردر چونكه خنی ارلادیغی وجهله بر شهری تنویر
 ایدن نماز كافه بر محلدن تقسیم اولندیغندن بر طاق اشقیا
 بر ایله مظلمه ده بخته هجوم و غاز مجراسنی تخریب ایله آن واحدده
 شهری ظلمتده براغدرق استدکاری و جهله قتل نفوس و نهب
 امواله اجنسار ایله بیارورل . اوروپا لولر ایلا شهرک هر طرفنی
 روز روشن کی متور کورمکه مالوف اولدقلرندن بویله بر مصیبت
 ظهوریله ظلمتده قالمارینی محذور قوی عد ایدرلر ایسده بزم شهرلر
 کیجدری دائمقرانی اولدیغی جهتله محذور مذکور خاطر هنر یله
 کلر مؤخر اغار زقا فده قالمق استیوب مخازن تجار و مجالس کباره
 دخی ره یاب دخول و ایوم بو وجهله جهله عندنده رهین حسن
 قبول اولشدر . ایوم معروف و مستعمل اولان سائر صنایع ضیازه
 نسبتله غازك بالوجه فوائد و محسناتی درکار ایسده اندن
 دهها زیاده ضیادار اولوب عادتاً نور شمسینه شبیه اولان ضیای
 القویفك استعماله ایلروده بر طریق سهولت کشف اولندیغی
 حالده غاز دخی قندیل و یاغ مومی کی انداخته گوشه نسیان
 اوله جغی امر عیاندر .

غاز قدیم نسه لسانی اوزر روح معنا سنه اولان (غاست)
 لفظندن محرفی اولوب حکمت طبیعه جد هر بر مایع هوا نی یعنی شفافك
 و قابل تضییق اولمقلق جهتیله هوایه مشابه اولان اجسامه اطلاق
 اولشور . بونك انواعی اولوب بوراده موضوع بششمن اولان ماده

دیگر لریدن مدار تمیز اولی ایچون یاقیله جق گاز تسمیه اولنور
ایسده ده السنه ناسده اشبو صفتك حذفیله یالکز گاز
زبانزد اولمشدر .

اشبو گاز فحم ایله مولد المادن مرکب ایکی ویا خود ده
زیاده غازك اعتبار اجندن حاصل اولوب بالجمله مواد عضویه
و بالخصوص معدن کوری وزفت و ساقز و بالق یاغی و چوقه
فابریقه لرده متراکم صابونلی صو و سائره دن تأثیر حرارت
و اعطای سببه استخراج اولنور . یاقیله جق غازك ترکیبی هر نه ماده دن
چیقاریلور ایسه انك جنسنه و درجه حرارته کوره تخلف ایدوب
اشتعال ایدن جزئی دائماً فحم ایله مولد المادر . معدن کوری انك
اهون کلدیکدن اکریا بوندن استخراج اولنور . معدن کورندن
چیقان غاز اکریا حامض فحمی و کبریتی بی شامل اولوب بودخی
بر رایحه کریهه بی شامل اولدیغندن اشبو ایکی حامضی جذب
و اخذ ایده جك بعض مواد دروندن کچوریلرک تصفیه اولنور .
واندن صکره (غازومتر) تعبیر اولنور بر جسم حوض دروننه
طولدیروب اورادن بوریلر واسطه سیله اقتضا ایدن محالره تقسیم
اولنور . غازك استخراجندن صکره قالان کوره کوق تسمیه اولوب
ینه اوجاقلرده استعمال قلنور .

۱۸۳۰ سنه سنده انکلتره ده قابل نقل و متضایق بر نوع غاز ایجاد
اولمش ایسده استعمالنده مشهور اولان بعض محاذیری
و بالخصوص پاتلامسی جهتیله ترك اولمش و مؤخرأ فرانسه لی
هوزو مؤیرون فابریقه لرده تراکم ایدن صابونلی صولردن قابل نقل
و غیر متضایق بر نوع غاز استخراجنه ظفر یاب اولوب بونك استعمالنده

محمدوز اولد یغندن الیوم فرانسه ده و ممالك سائر ده
منتشر اولمشدر .

(منیف)

(کبوترنامه بر)

امر مر اسله ده کوکرجین استعمالی اصولی فی الاصل ممالك
شرقیه مخترعانندن اولدیغی حالده الیوم بو طرفلرده بالکلیه
حلسی و مزوک اولوب انجق (خبرکله یا کبوترکله یا یک دیو کوزمک
برسی در برسی روزن کوزه در) کی بعضی اشعار قدیمده
ذکری قالمش و ظن عاجزانه مه کوره (اطباره سوی سامیاری
قلان) و (علی جناح الاستعجال قبیله دن اولدق منشأ تده مستعمل
تعبیرات دخی اصول مذکوره بقیه آثارندن بولنمشدر .

کوک قاره و کرک دکر اوزرندن مکاتیب ار سال و با خصوص
تحت محاصره ده بولسان مواقع خارج ایله مخابره ایتمک اوزره
بواصول استعمال قلوب بو مثالونامه بر اولان کوکرجینلر
ساعتده اون میل مسافه قطع ایدرلر .

اشبو کوکرجینلر اول امرده بروجده اتی تعلیم اولنق اقتضایدر .
سویله که بر محل مخصوصده بسلوب ارالسقده طیران ایدرک
اولحوالی بی اوکرتمش اولان برویاخود متعدد کوکرجین
برقفس در ونه وضع ایله مخابره اولنسی مطلوب اولان طرفه
متوجها کوتوریلوب اولایارم ساعت و بعده بر ساعت مسافدن

و بوجهاه بالتدریج دهها اوزاق محالردن عالیو یرلور و اولخالده
 بونارد عقب محل اصلیارینه عودت ایده جکندن بوصورنله
 رجعت ایده جکی طریق تعلیم اولندقدن عسکره بو خط اوزرنده
 استلان موقعده بر محله حبس و خوشلرینه کتمید جک دانه ایله
 اطعام ارانور و مستعجل بر خبرار سالی لازم کلدکده بر کوچک مکتوب
 ایله بونارک بریسی اطاره قانور . اشبه مکاتیب غایت اینجه کاغده
 یازیلوب قوشک ایاغنه ربط واثنای راهده یغمر و سائر
 تأثیرندن ناشی اصلنسنندن خوف اولندیغی حالده دخی بر اینجه
 مشمع دروننه لف اولانور . کوکر جینک بوجهاه پوسته جیاقدده
 استخدای ایکی بیگ سنه دنبرو معروف اولوب اتمالک شرقیه
 مخترعاننددر

اسکی زمانده اناطولیده و یاخود مصرده سفره کیدن برآدم یولدن
 مملکنه مکتوب یازماق مراد ایتدیکی حالده یاننه برقاج معلیم کوکر جین
 الهرق استدیکی یرلردن مکتوب ایله اعاده ایدراییدی . فقط یولده
 دانه آرامق غائله سیله تأخر ایتما ماری ایچون اطاره لرندن اول
 قارنلرینی طو بورماق و صویه کیروب مکتوبی اصلا تماملرچون
 ایاقلرینی سرکه ایله ییقامق لازمدر .

بعین کره کوکر جین یولی شاشیره رق و یاخود بر قضایه
 اوغرایه رق منزل مقصوده واصل اوله مدیغندن حوادث مهمه یی
 شامل اولان مکاتیبدن ایکی نسخه تحریر اولنده رق هر بری بر کوکر جین
 ایله ار سال قانور . دیشیسی یورطه اوزرنده یتان ارکک کوکر جین
 واسطه سیله کوندریلان تحریراتک دهها اسرع صورتده محالنه
 واصل اولدیغی مجربدر .

اشبوا اصول رومالور عندندہ دخی مستعمل اولوب مشهور
 جزائرندن ماریوس میلاددن قرق درت سنہ مقدم مویتانام
 محاذہ محصور اولدیغی حالده کوکرجین واسطه سیله دوستلرینه
 خبر کوندردیکی ومؤخرا قرون وسطاده بریه الشامه هجوم
 واسیلا ایتش اولان اهل صلیب دخی بوجملهه مخابره ایتدکلی
 مسطور صحایف تواریح اولوب ازجه در سعادت ایله اسکندریه
 بینده کوکرجین ایله برکون ظرفنده مخابره اولور ایدی ۱۱۷۴ ده
 ملوک مصریه دن نورالدین محمود منتظم برکوکرجین پوسته سی
 ترتیب ایتش اولدیغی مثللو خلفای عباسیه دن احمد خلیفه دخی
 ۱۲۲۵ سنه سنده دهها جسیم ومکمل برپوسته تنظیم ایتشیدی
 اول اناده بوجملهه نامه برلکده استعمال انسان کوکرجینلر غایت
 مقبول ومعتبر اولوب برتکی بیک مجار التونده قدر فروخت اولور
 ایدی ۱۴۵۰ سنه سنده دخی مصرده تنظیم اولان برکوکرجین
 پوسته سنه مخصوص اوله رق جابجا قله لر بنا قلمشدر
 مؤخراً بواسول اوروپاده وعلالخصوص هولانده وبلجیقادہ
 دخی اجرا اوله رق هولانده محاربه مشهوره سی اثناسنده ۱۵۷۳
 سنه سنده هارلم و ۱۵۷۴ سنه سنده لایپزین شهرلنده محصور اولنار
 اخر مخابره ده کوکرجین استعمال ایتشدر
 ازمنه جدیدده تنظیم اولنش اولان کوکرجین پوسته لرینک
 الک مشهوری بلجیقادہ واقع انورس شهرنده در . بونک اداره سی
 خیل مصارف وتکلفاته محتاج اولدیغندن شو صنعت
 پکده تمنع غرضیله اجرا اوله محبوب اکثرا اهل مراق اولانلر بونکله
 اشتغال ایدرلر . مذکور انورس پوسته کوکرجینلری

اکثراً پارس و لوئدره و آمستردامه آمد شد ایدوب ارن بش میل
مسافده واقع امستردامدن بر بحق ساعتده و اوتوز بش میل
مسافده واقع پارسدن اوج ساعتده و لوئدره دن دخی کذاک
اوج ساعتده انورسه کلورل ایدی .

بو اینده ممالک شاهانه یه مخصوص برنوع کوکرجین استعمال
اولورکه سائر جنسارینه نسبتده هم ایری و همده زیاده
سرعتله طیران ایدر .

اشبو کوکرجین پوستسی بورسده و سائر تجارتجه مهم
اولان اخبارک نقلده استعمال اولندیغی جهتله مقدملری
ایشده یرار ایشده تلغراف القریقینک ظهورندن برو بالطبع
اهمیتی قالمامش و کیدرک بالکلیه ترک اولنه جغی درکار
بولمشدر .

(منیف)

(مواد حکمیة تلاق)

درون بلده مزین و معمور و خارجی خراب و مغمور اولسی باشی
یوک و اعضاسی ضعیف و کوچک وجود اعجوبه نموده بکره دیکندن
برملتک دارات و احتشامیه مملکتک حالی بیننده بر نسبت
مناسبه اولسی اقتضا ایدر .

هر بر حکومتده ایکی درد دشوار وارذر بری حکمدارک جریان
اراده کیفید سیدرکه آرزوی مزاجندن غیری قانون وقاعدهیه
اعتبار ایتینجه عقلا قبول زوایه خول و ارباب غرض و طمع

دیوان حشمت و عنوانه ابواب متشوعدن دخول و حلول ایله
طوغری بی کیسیدن ایشیدرک اهالی ممالکی اسرا و ممالیکی
حکمنه کیرمسی حالنک امتدادی برکالنک کیریشی غایت مرتبه ده
کریلویده کوشدلا مکردن دفعه قیرلادیغی کبی ملک و حکومتک
بادی ویرانی و برپادی اولور . دیکری زیتدرکه بیوکدن کوچکه
سرعت سرایتله تسیم مزاج ملت ایدر برعلتدر . چونکه اعضای
خاندانی حکمداری و صفاری بکاری تقلید و کذا و کذا کبی ثرونی
کوسترمک و کبی فقرینی سترایتمک ایچون درجانی تزید ایده ایده
یکحال و بویله بوشی مضری دخل ایده مدکلرندن فضله صانکه
اهالی حرث و زرع اراغیدن تعیش ایده منزلده بویولده
اغیا صرتندن کچورلر نه مضرتی واردر مطالعه خطا کارانه سنی
کوسترمکده همقال اولدیرله رفته رفته لوازم یومیدن عداولتان
بیهوده مصرفی اداره افرنده هرکس مال قزاقیق و خلایق
طولاندیرمق سوداسنه دوشوب میدان پیکارده و سائر کارده
یرارلق ایدناره و هنزو معرفت کوسترناره اعتبار اولنما مغله
آفت سفاهت اسنیلا و احداث انواع بلا ایلیدجکندن دفع
و اصلاحنک چاره سی دائره حرکات ناسی تحدید ایده جک قانون
معدلتقرون ایسهده بوده هرکسک اجرا ایده جکی شی اولیوب
مکرکه بر حکمدار فیلسوف افکار داننده مثال اعتدال ارائه سیله مفلس
مختلاری معیوب و شرمسار و ملک و ملتی وارسته ضرر و خسار ایلید
حکمدار غافل مفردات امور ایله چوقی اوغرا شوب محتاج رأی
صیح اولان مصالح جسمیه بی دگری درجده سنده دوشمنز حالبوکه
وظیفه حکمداری هرشیئی کدیو کور مکدن عبارت اولیوب بویله

فوق الكل بوانسان ذات معلا جناب اداره امور ايدن وکلای
 امتحان واتخايب ايدوب على وجه العموم جريان مصالحه غيرت
 ورخاوتلرينه كوره ترفيع وتنزيل درجات ومكافات ومجازات ايله
 چالشديرمقدر . يوخسه مواد جزويه ايله يوريلان ذهن قوت
 ولذتي اوليان درد شرابه دونوب ملاحظه مصالح مهمه ايدنه
 في المثل برغمه كا رديزكون ساز و آوازي طويلو بده احداث اصوات
 متناسبه بي بردا ائريده برلشديره مامك يا خود بر معمار بيوك ديرك و تراش
 وتسويه اولمش طاشلر تدارك ايدنه رك ايله چني بناك قوائم وزواياي
 موافقه سني تعيين ايدنه مامك كبيدر . شرق اوقيان كسه
 بر قاچ ايو شرق اوقوسه ده ينه خواننده اولوب اصل اداره ايدن
 سنك تراش ينه سنك تراش اولوب هيئت كليئ بنائيه يني مطالعه
 ايلد جك ينده معمار اولديغي مثالاو حكمدار بو كاردن هيچ برينه مديد
 ابتدار ايتديكي حالده جمله سني ينه كندوسي ياپديره جغنه بنا منفعتي
 ملك و ملت راجع اولان مصالح كليئك ايلر ولسنه بروجده تعميم
 صرف ذهن سليم ايدرك حكومتي ساز موزون و بناي رسالتونون
 كبي ياپمليد .

حكمدار عاقل متدين اولوب فقط منازعات مذهبيه نك فصلني
 اهل واربانه حواله ايله جانبين معارضيندن هيچ بريني التزام
 ايتيه رك نه يايه النهايه ويرييله جك قرارى خالدين وقايه ايتلدير
 حكمدار اولان ذات منازعات شنيصيه نك روييتي بالذات قبول
 ايلديكي حالده خلق اطرافني صاروب باطلجه شيلري مطالعه يه
 ميدان ويرميه جكلرندن بشقه محاكم و مجالسي عبث حكمنده
 قالد جغندن مفردات امور ايله قطع اوغرا شيوب قانونه حواله ايلمايدر .

و تأهل ماده سنده فلان قرینی فلانه و یرون یولو تنبیه و اراده
 فاملیا سنده داماد و وارث انتخاب ایدیه جک والد و والدیه نک حریتی
 سلب و انجا و اهالی نک مشاق منزله لری مسئولیتی المفی اقتضا ایدر
 امر خارج العاده اولمغله حقیقه مکافات ایدیه جک آدمی و ار ایدیه
 دیون مکافاتیه سنی اغنیایک قرلر نی و یردیر مکه خلقک کبسه سندن
 اوده میوب قابلیت صحیح لرینه و قدم خدمت و استقامت لرینه کوره
 بعضی اراضی خایه ایله حائل لرینه مناسب رتبه و متصب
 و رسمی و انعام و احسانی فضل معینه سندن تعیین ایتمی ایله
 سایه سنده کسب رفاه ایتدیر ملیدر . شعرك اعلا سی و ادناسی
 چوق ات کوروب زائد و نقصانی وضعف و توانی یلنلر و دو اوین
 اشعار مطالعه سنده علاوه شاعر ماهر اولنلر ایله الفت
 و صحبتدن یلندیکی کی انسانلرک دخی سقیم و مستقیم فعله
 چقارمق دا ثما حال لرینی مطالعه و تدقیقه منوط و بوده خارجده
 براز ادم کوروبده برقاج کلات رسمیه سویلشمک و فضلیت و استحقاق
 اطلاق اولنان شیئی الفاظ متناسبه استعمالندن کایتدر
 ظنیه حقیقت فضیلتدن وایه و مایه سی اولمیه رقی انجق اصطلاحاتیله
 افتخار ایدنلری سویلتمک ایله وجود بولایوب معلومات و مکانی
 موقوف و ممتد اولان ذواتدن استحصال اولنده جق و قوف اوزرینه
 خلقک ضعف و قوت لرینی تصور برایدن افکار ذهنیه لرینی و لیاقت
 صحیح لرینی خارجه چقارمغه هر بوط اولدیغندن نمایش
 صدق کاذب ایله شهره انصافدن خفی انحراف ایدنلرک قیاس
 اجسامه مخصوص اولان اولچی مقایسه کی قوه ممیزه دلالتیله
 حال لرینی ظاهره چقاروب عقول سلیمه احتمالنک تصدیق

ایده حکمری صورتده اعلان حکم ایتک کر کدر . یوخسه اینسانی
 ادمک حریتی واوزرلرینه اولسان حکمک غایتی بیلدیوب معدل
 ترازوی تقویم امور عامه اولان فضیلت واهلیت صحیحه بی اراقدن
 اینجنه رک مداهنلرک کذب و اغفالرینه اغتراراً روی ارضده
 اعتبار و اعتماد شایان انسان یوقدر اعتقاد یله الفت واحوال
 خفیه لرینی خلقک تجسس و تحقیق ایلدکلرندن غفلت ایله امرار
 ایام حیات و انهماک لذات شهوات ایدنلر قولاغوز و قپودانی اولیان
 سفینه یه راکب و بحر بیکران حیرته غائب اولان کیمسه یه تشبیه
 اولمغله لباس صداقتکاریده کورینان محیل و مکار اشخاصدن
 علی الدوام صاقتوب ارباب صداقت و فضیلتی بولدقده حوصله
 هضمکلرندن زیاده نفوذ و ثروته نائلیتله مزاجلرینی افساد ایتیه رک انلری
 و واسطه لر یله بولنه جق ادملری مناصب کیره و صغیره ده
 استخدامدن انتفاع واحوال تبعه یه کسب اطلاع ایتلیر .
 النیدن ایش کلور فنا ادملری خدمات دولته قوللا غمق جائز
 اوله مز ايسده ده چونکه بومقوله اشرار برارالق دسترس کاروبار
 و بعضی ذوات ذوی نفوسه چاندکلرندن تبعه کلیرنده مضرت درکار
 اولمغله بر درجه یه وارنجیه یعنی احکام مبرمه زمانیه یه اتباعاً
 او مثلاً لولرک مدت استخدامکلرنده تاروپود اسراردن یدلرینه دعوی
 محرمیت امور ایده جک سر رشته امانتکاری و یرلیه رک اداره موقته لری
 هنکامنده الده بولنان برقاج اعدقانک معاونلر یله ادملریتشد یروب
 کوجک ایشلرده استخدام واعظام و مناصب رفیعه به نصب
 و تعینلرینه اهتمام ایله ارکان دولت استحکام حقیقسنی بولمجه
 حسب الزمان خدمته بولمش اولالرینه ریمایه هر برینک معامله

مناسبه ایله دفعه نه و او مقوله لک ظهوره کنوردکلری محسفات
من جهة ینه سیئات عدادندن معدود اولغله بعددا بوتاعده
مضره نك دخی رفعه همت اولمیلدر .

مصلح دولته استخدام اولنق اوزره اهلیتلوو درایتلو ادم
یتشدرمك ظن اولندیغی قدر مشکل و چوق زمانه محتاج اولیوب
حال یأس ونومیدیدن ناشی کوشه ائزوا و اختفایه مائل یاخود
فضیلت ذاتیه ایله میدان المغه فقر و فاقه سی حائل اولمش ادملر
بولندیغندن برکله مصلحت اربابی انتخاب ایتمک نیات صحیحه سی
اناری کورینجه منزوی و مأیوس اولار سرغمای ظهور
و کوچکلرده انلرک اثرلرینه اقتضاً یتشوب رفته رفته مساند
کیرهده مستعد رتیق و فتق امور اولورلر .

دائرة فاخره ثروت و سامانده مولود وهر استدیکی حاضر
و موجود اولان پرنسار اثنای راهده تصادفی ایتدکلری بر
بچاره نك سالندن متأثر اولورلر ایکن صاحبی طرفندن چوبانه
اعمارانان سوری کبی ید اداره لرینه و دیعه جناب خدا اولان
تبعه وزیر دستان برکدره اوغراسلر تقدیر میحت ایتلری
لازم کلور .

حکمدار بولان ذات معدله عنوان بر سوری یه نظارت ایدن شبان
یاخود فاملیا یننده پدر مهربان کبی اولوب بی ادبانی تأدیب
و فرمانبرانی تطیب ایله بنی ادمه خدمت و حفظ ناموس قوانینی التزام
ذمت همت ایدرک هر حال و حرکتدن شادان و دنیا و آخرتی
معهور و آبادان اولور .

کیفیت خلقت انسانیه نه غریبدر که ادم آرزو ایلدیکی شئی برآورده

دست تصرف ایاد کده هیچیه صایوب نائل اولدیغی املک
 حصوانه قدر خلیجاندن خالی اوله من
 صبر هر کارده تانی و احتیاط ایله حرکتی نصیحت و صاحبی
 کند و منفعتنه و ناسک اوزرینه اهلیت ریاسته دلالت ایدر بیوک
 فضیلتدر صبر سزلیق بادی نظرده قوت و شدت قلبیه مقتضیاتندن
 کورینور ایسه ده عند الحقیقه اوله اولیوب زحمته تحمل ایدر مامکدن
 نشأت ایدر صفات مذمومه دن اولمسیله ادمه نفع و ضرری
 و خیر و شری حساب ایتدیر میوب میوه سی ده اتمکاله ایرماش اغاجلرک
 دالارینی قردیرر و دق ایلدیکی بابک ککشادینی بکلمیوب کسر
 ایتدیرر و مزروعاتی حلول اوان حصادنن اول بچدیرر که بونلرک
 جله سی فنا و ضمنتده مأ مول اوانان اولکلرک ظهور و خفاسی
 عالم رؤیاده مشاهده قلنان شبک وجودی حنظ نفسه مؤدی
 اولمسیله آن انبیا هده کم و نابید اولدیغی مثلوا انسان موبدا
 ید تملکنده ظن ایلدیکی شئی دفعه غیب ایده جکنی اشعار
 ایدر نیچه معنا اولدیغی مجرب ارباب نهادر
 حکمدار عادل نوبت حکومتمده شرف و مخبرتی طریق اعمارده
 ار ایوب هر کسی سویلدوب از کیسه یه اینا ملی دائماً الدا نمقدن
 قورقوب الداندیغی تقدیرده دخی خلقه بیلدیر مکدن احتراز ایتمالی
 اهالی بی سورب سولک فضیلتی خاطر دن چیقار میوب حاکم و محکوم
 بیننده محبت اولینجه اخافه اقتضا ایدر ایسه ده خطرناک علاج
 استعمال ایدر جه سنه کدر واسف ایله استعمال ایتلی و بر مصلحتک
 ابتدادن مقدم انتها سی دوش نوب بعد المباشره غبور و ثابته قدم
 اولمایدیر

حکمدارانك استحصال منافع مهمه به همتلری قرنا بعد قرن باعث نك
نام وعكسی سبب تقلیب اسایش قلوب انام اولغله جسیم ومهم
مصلحتلر اوزرینه رای خفیف وسخیفنی قبول ایتدیرمکدن نیجه
فرصتلی فوت و حال یاس وفتورده ادمه تمنی موت ایتدیرن هوای
افسه ابد او عیوب اعظم خزان قلبیه انسانی ومنع عقل وعدل
کار انسانی اولان خوف خرابی برآن خاطر دن چیتار ماملیدر .
تم

(بانقه عثمانی)

دولت علیه نك خارجاً و داخلأ اعتبار مال بسنك تزید و تأییدی
ضمینده در سعادتده بر بانقه کشادی بالدفعه تصوری اولغیش
ایسده بونك حسن حصولی اوراق نقدیه نك تداولدن المنسبه
متوقف بولندیغندن بوسنه به کلنجیه قدر شونیتك قوه دن
فعله اخراجی ممکن اوله مامش ایدی سایه موفقیت وایه حضرت
بادشاهیده اوراق نقدیه نك رفع والغاسی مبسر اوله رق
متصور اولان بانقه نك کشادی زمانی کلمش اولدیغنه وایلروده
بیان اولنده جغی اوزره بانقه معاملات صرافلق قبیله دن بر نوع
م تجارت دیمك اولوب کافه ممالکده بعض شرائط امتیازیه ایله
قومانیلره احاله اولنه کلدیکنه بناء سلطنت سنیه بانقه سنك
امتیازی دخی چند ماه مقدم مؤسسلی انکلتزه و فرانسه
سرمایه دارانندن مرکب بر قومانیایه اعطای قلمش ایدی

اشبه قومپانده حصه كساديله بوكره لازم كلان سرمايه نى تدارك
وتهيئه ايتش اولمغله اشبه شهر ذى الحجه نك اون النجى كوتنه
مصادف اولان حزينان فرنكى ابتداسى كوني بانقهنك
كساديله اجراى معاملات مباشرت اولمشدر . مذكور
بانقه شمدىك موقتاً غلطده پنجشنبه بازارنده واقع بانق اوتومان
دائره سنده اجراى معاملات ايتكده ايسده استماع اولديغنه
كوره بر مدت صكره استانبولده يكي خان قربنده كائن اسه نام
جديده اداره سى مركزنده نقل ايده جك و مؤخرأ جسر جديدك
استانبول طرفنده واقع اسكى كرك يرينه قومپانده طرفندن مجدداً
منظوم بر بانقه محلى انشا اولنه جقدر .

مزبور بانقهنك معاووله نامده سى و نظامات داخلده سى ايلروده
رسمأ اعلان اولنه جنى دركار اولديغندن شمدىك بوكا
وعلى العموم بانقهره دائر بعض معلومات مجمله اعطاسى مناسب
كورلمشدر .

مذكور بانقه عثمانلى بانقده سى اسميله مسمى اوله رق دائمه
سلطت سنيه نك تحت نظارت عاليه سنده بولنه جق و اولبابده
طرف دولت عليه دن بر ناظر ايله بر محاسبه جى تعيين قلنه جقدر .
بانقهنك شمدىك سرمايه سى بهرى بش يوزفرائق حسابيله
۱۳۵۰,۰۰۰ يوز اوتوز بش بيك حصه بدلى اولان ۲,۷۰۰,۰۰۰
ايكى مليون يدى يوز بيك انگيز ليراسندن يعنى بشيوز طقسان
درتبيك كيسه دن عبارت اولوب مؤخرأ ايجابنه كوره سرمايه
مذكور تزويد اولنه ييله جقدر .

بانقهنك مدت امتيازيه سى اوتوز سنه اولوب اشبه مدت

ختمنده بانقه بی فسخ ایتک و یا خود امتیازینی تمديد ایتک
رأی سلطنت سنییه محول اوله جقدر .

بانقه نك اسئلدیکی انده بدلی باشه باش مسكوكات مشروعه
اعطالا اولمق اوزره بانق نوط یعنی بانقه تحویلی احداثه صلاحیتی
اوله جق و بو تحویلات عثمانلی لسانی اوزره محرز بولنه جقدر .

ودوات علیه نك موافقتی استحصال اولمقدجه ایکیشریوزغروشلقدن
اشاغی تحویل چیقار یله مید جقدر . وایکی سنه مدت سرماییه سنك

ایکی مثلی اوراق چیتاره یلوب مدت مذکوره نك ختمندن صکره
اویچ مثلی چیتاره یله جقدر . بانقه نك مدت امتیازیه سی اولان

اوتوز سنه ختمنده قدر دولت علیه اوراق نقدیه چیقار مامغه
تعهد بیورمشد . بانقه نك مدت امتیازیه سی منقضى اولوب طرف

دولت علیه دن فسخ اولانه جخی تقدیرده بدانه باش مسكوكات
مشروعده اعطالا اولانه رق تدا ولده بولان بانقه تحویلاتی

چکیله جقدر . بانقه نك مرکزی در سعادتده اوله رق ممالک
محروسه نك سائر مناسب محالرنده متفرعاتی دخی بولانه جقدر .

بانقه نك در سعادتجه امر اداره سی اویچ نفر دیر کتورایله اویچ اعضادن
مرکب بر مجلسه محول اولوب بوزلر بش سنه ده بر کره تبدل ایده جک

ویزلرینه نصب اولانه جقدر دولت علیه نك موافقتیه حصه داران
مجلسی عمومی طرفندن انتخاب قیانه جقدر .

بانقه پولچه و هر درلو بونوزی وسائر سندات و اوراق مشروعه
تجاریه بی و مالیه سرکیلرینی اسقونطو ایده جک یعنی وقتنه کوره

یوزده مناسب مقدار نه صانیله قیره جق و کرک کندوی و کرک دیگر
حسابنه اوله رق دولت اسهامی راستقراض تحویلاتی و قوماییدر

حصه لری سنداتی الوب صاته جق و بومثالو اسهام ونحو یالات
وسنداتی وتحت نظارتنده بولنه جق هر درلو امتعه تجاریه بی رهن
الهرق الحقه اقراض ایده جك وامانت اخذ و حفظ ایله جك و دیگرینك
حسابنه اولهرق بر اجرت مناسبه اخذیله امتعه بیع و شراسته
دخی كیریشه جك و الحاصل بانقه یه متعلق هر درلو معاملاتی
اجرا ایده بیله جكدردر . دولت علیه نك استقراض داخلی
و خارجه سینهك فائض ورأس المائنه محسوبأویر یلان مبلغ سنوینك
ایفاسی خصوصیلری بانقه یه محول اوله جقدردر .

هرای بانقه نك حال حاضری در سعادتك تركحه و فرانسه رجه
غزته لریله اعلان اولنه جق و هر سینه ختامنده محاسبه سی
كور یله نك تمتعات واقعیه سی حصه داران بیننده توزیع
و تقسیم قانده جقدردر .

بانقه تشکیلاتدن مقصد معاملات تجاریه بی تسهیل ایله مملكتك
استحصال ثروت و سعادت حالیدر . بانقه مناسبیله فائضك
مقداری واسقونظوفیاتی تنزل و امر تجارت توسع ایدر زیرا
طائفه تجار بر محلدن دیگر محله الحقه ارسالی غائله و تهاكك سندن
قورتیله جفندن بنده نقدا ارسالی حالنده وقوع عبواه جق مصرفه
نسبه از بر مصرفه الحقه بی استدیگی وقت معتبر پولیچه یه تحویل
ویدنده بولان بر قاج ای وعده لو پولیچه و سندلری لزومی اولدیخی
انده بر مقدار جزوی نقصانیله الحقه تبدیل ایده جك و کندی
مغازه سنده و یا خود مخازن عمومیه ده بولان امتعه سنی
صا تمغه مجبور اولیه رق مجرد رهن صورتیله الحقه الیه یلوب ایشنی
كورده جك اولدیغندن بانقه نك امر تجارتیه فوائده

محضه سی در کار در با علیجه درت نوع بانقه اولوب برنجیسی
 تحویلات متداوله بانقه سی ایکنجیسی اسقو نطوبانقه سی
 اوچنجیسی امانت بانقه سی در دنجیسی پولیجه بانقه سیدر تحویلات
 متداوله بانقه لری بین الناس تداول ایده جک تحویلات اخراج ایدن
 بانقه لدر بونلر دیگر بانقه لک معاملاتی دخی اجرا ایتدکلرندن الیوک
 بانقه ل بونلر و عندندر چونکه بونلر بانقه لرتد ارله وضع ایتدیکی اوراق
 سایه منده سرمایه حقیقتنک ایکی اوچ مثل ودها زیاده سرمایه
 استعماله مقتدر اولدیغندن دائره معاملاتی زیاده سیله توسیع
 ایده یلور اسقو نطوبانقه سی پولیجه و بونلر و سائر هر
 درلوسندات معتبره تجاریه اسقو نطو ایدن بانقه لره اطلاق اولنور
 بر پولیجه و سند اسقو نطو ایتک یغی قرمق حقیقتنه نظر اولندیغی
 حالده فائضی بشین الارق اچه اقراض ایلک دیمکدر

امانت بانقه سی ایجابنه کوره یوزده یارم و بر ربع ودها دون اجرته
 شونک بونک اچه سی و التون و کش سبیکه لرینی و مجوهراتی اخذ
 و حفظ ایدن بانقه لدر اوروپاده اکثر ناس و با خصوص تجار
 طائفه سی اچه لرینی ککندویا نلرنده حفظ ایتدیوب بومثالو
 بانقه لره و یا خود معتبر صرافلره اعطا و ایجاب ایتدکجه حواله
 سندی ویره رک اچه جلب ایدرلر بوجهته بین التجار و قوعبولان
 بیع و شراده اچه تعداد و قبض ایتک اقتضا ایتدیوب یکدیگرینه اولان
 ویره جکلرینی بانقه یه و یا خود صرافلرینه حواله تأدیه ایلدکلرندن
 و بانقه و یا خود صرافلر کلان حواله سندی موجنجیه ویرلمسی
 اقتضا ایدن مبلغی برینک حسابندن تنزیل ایدوب دیگرینک
 حسابنه یازمقله ایفا ایتدکلرندن بو صورته اچه تعداد و قبضی

لازم کلسه بر چوق کونلره محتاج اولان بيع و شرا بر ساعت
ظرفنده بالسهموله اجرا اولور . امانت بانقدهلر ينك معاملاتى
اکثر يابوندن عبارتدر .

پوليچه بانقدهسى بر مناسب قوميسيون اخذيله تجاره ممالك
اجنبیه اوزرينه پوليچه ویرن بانقدهلردر .

اوروپاده بردائره معلومه اينجنده اجرای معاملات ايدر يك چوق
كوچك بانقدهلر اولديغى مثالو مقدار وافی سرمایه واعتبارى اولان
برصراف بيله کندو باشنه بانقه تجارت و معاملاتيله اشتغال
ایده ياور . فقط بونلر بين الناس تداول ايده جك بانقه تحويلاتى
چيقاره ميوب اشبو امتياز عمومى بانقدهلره مخصوصدر . عمومى
بانقه ديوسالف الذكر بانقه عثمانى مثالو بر چوق حصه دارانندن
مرک و برقايچ يوز بيك کيسه سرمایه يه مالک قومپانيه لر معرفتيله
تأسيس اولان و سرمایه سنك برقايچ مثلى بانقه تحويلاتى چيقارمق
و معاملات واقعدهلر ينى اشخاص معاومديه حصر ايتيوب عموم ناس
ايله اجرای معاملات ايلک و بويابده جله حقنده شرائط مساويه يه
ريات ايتك مثالو برطاقم امتيازات وقواعدده متصرف وتابع
بولان بانقدهلره اطلاق اولور . و دولجه تصديق اولنوب بانقه ناميله
معروف اولان بونوع بانقدهلردر .

عمومى بانقدهلر ك خصوصى بانقدهلره رجحانيتى درکار ايسه ده
معاملاتنده خصوصى بانقدهلر كى سر است اوليوب دولت طرفندن
نايل اولديغى امتياز و مساعداته مقابل بعض وظائف ايله دخى
مکلف اولمسي امر طبعى اولديغندن عمومى بانقدهلر ك نظاماتى
و مسؤريت حرکتلرنى و وظائف و حقوقلرى شرائط اساسيه سى

و اولی الامر بر فسادن تنظیم و تعیین اولی نور . بوجهتله عمومی بانقدر
 هر مملکتک حال و موقعه و حکمدار ینک افکار ینه کرده تغیرایتدیکندن
 بوزلر حال و معاملا تبجه یکدیگر ندن پک چوق فرقلیدر .
 خصوصی بانقدر بوبله اولیوب مملکتلرک کسب ایلدکلری درجه
 مدیت و مهموریت کوره هر یرده همان جله سی برسیاق اوزره در .
 عمومی بانقدرک ایچنده استوچیا بانقد سندن بشقه سی بانقه ایله دائما
 اخذ و اعطا ایتمیالر طرفندن تودیع اولنان ایچده ایچون فائض ویرمیوب
 بالاده ذکر سبقت ایتدیکی اوزره بالعکس بر مقدار اجرت
 حفظیه الورلر . فقط اوروپانک هر بر محکمه ایچده سی اولوبده استعمالی
 بلیان و یاخود مأموریت و مشغولیتی اقتضا سنجده وقتی اولیان
 اصحاب ثروتک مناسب فائضله ایچده سی الوب استعمال ایدن و خلقه
 امنیت بخش اوله حق درجه اعتباری بولنان پک چوق قومانیلر
 و صرافلر اولدیغی مثلاً بر طاق اداره صندوقاری واردر که فقرا
 مقوله سنک بیه جمع و ادخار ایده بیلدکلری مبالغ جزئییه بی دخی
 مناسب فائضله الوب امر تجارتده استعمال ایدرلر . بوجهتله عمله دن
 برایی هر هفته بش اون غروش ارتروب مذکور صندوقه ویردیکی
 حالده برقاج سنه طرفنده اییجه سرمایه صاحبی اوله رق کندی باشنده
 اجرای صنعه مقتدر اولور . اگر بو مثلاً صندوقار اولسه بالتصرف
 هر ای و یاخود هر هفته ارتریلان جزئی بر مبالغ اهمیت ویرلیرک
 اتلاف ایدیلر چکی و بناء علیه عمله طائفه سنک و فقرای سائر نک
 الی آخر الامر بش اون بیک غروش سرمایه تدارک کنه موفق
 اوله بیه جقلری درکاردر . مذکور صندوقار سایه سنه فقره مقوله سی
 ثمره تصرفلری اوله رق ارترمش اولد قلری مبالغ جزئییه دن هیچ

۵۰۲ نوع انسانك سطح ارضده صورت تكثر و انتشاري

حس ايتمهرك از بروقت ظرفنده ايجده سرمايه به مالك اولد قلندن
بشقه بويله كوچك كوچك سرمايه لر براره به كله راء ملك
سرمايه سي تزايد ايلر .

(قدری)

(نوع انسانك سطح ارضده صورت تكثر و انتشاري) (مابعد)

ياض جنس انساندن تولد و تناسل ايله تفرع و تكثر ايدن
ملك قديمهك صورت احوالرينه دائر اكتريسي ظنيات قيبانندن
اوله رق كتابرده مندرج معلوماتك خلاصه سي شو وجهله دركه
اسلاوون يعنى اسلاو طائفه سي اوروپانك جهت شرقيه سنده
بولنان قبائل قديمه دن منشعب اولوب بونلرك بر قسمنه هند مه اجراري
دخي قارشمش اولديغي طن اولنور بودخي اسلاو لسانيله هند و اساني
يبنده بعض مرتبه مناسبت كورلسنه مينيدر . سلاوونلرك بر
قسمي دخي واندال قوميدر كه بونلر اورپانك بحر بالطق طرفندن
خروج و اسپانيا الكاسندن مرور ايله افريقا قطعده سنده واقع
(قارطاز) ملكته قدر يايلاشلردر . (فنوا) و (فلاند) طائفه لري
دخي اسيا دن اوروپايه كچوب فنوا طاقى لاتين ملتني و فلاند
طاقى دخي فلاند سكنه سني تشكيل ايتمشدر . هون طائفه سي
دخي چينك جهت شماليه سندن ظهور ايدرك آنيلا نام سر كرده لري
ايله اوروپايه كيروب ايتاليا و جرمانيا اراضيسي طولاشدقدن

نوع انسانك سطح ارضده صورت تكثر و انتشاری ۵۰۳
مگره تاتارستانه عودت ایتدکاری صروده بونلردن بر طاقی
طونه نهری اطرافنده قریاج طاغلری کنارنده توطن ایدوب
قالملردر . ایوم هونغار و یاخود مجار دینلان ملت مذکور
هونلرک نسلاندنر . ترکلر دخی آسیا اراضی وسیعه سنده
میشر بر طائفه جسمه اولوب (بخارا) و (اوزبک) اهالیسیله (تاق)
(پاٹ) و (ملا) طائفه لرینه قاریشوب عراق عجم و عربده غزنوی
و سلجوقی و عثمانلو و قاجار فاملیارینی تشکیل ایدرک اناطولییه
قدر کلمشیلر و بر طرفدن دخی ایکنجی قسم اولان صاریلر یعنی
مغوللر ایله اختلاط ایله ایدرک کرکس و یاقوچ و نونقای
طائفه لری ایله براشوب طرف دیکردن دخی جرمانیالولر و اصل
موسقولولر ایله قارشملردر . قزاقلر اسلاوون فاملیاسیله تاتارلرک
اجتماعدن حاصل اولدیغی مثللو چرکس و کورجی و سائر
قوقاس طاغلری سکنه قدیمه سی دخی ترک و ارمنی قبیله لرندن
منشعبدر که بونلر بر قولدن ارمنی و تاتاره قاریشوب بر قولدن دخی
لاز طائفه سنی تشکیل ایدرک ترک ایله برلشورلر .
(قندهار) و (مالابار) و (قوروماندل) و (بنکاله) مملکتلری سکنه سی
هندلولر ایله تاق و ترک و افغان طائفه لرینک اختلاطلردن تناسل
ایتمشلدردر . (حبش) و (فنیسیان) و (بربر) و (مغربی) طائفه لری
بر طرفدن اسکی مصر لولرک و بر طرفدن دخی غوت و اسپانیا سکنه
قدیمه سی اولان و اندال قوللردن حاصل اولمشلدردر . فقط مؤخرأ
حجاز طرفدن خروج ایدن عربلر اول طرفلره هجوم ایله کادلا
اسیلا ایدرک ایوم اهالی قدیمه مذکورده دن اثر قالمامشدر .
روم و یونان ملت لرینک اصللری حقیقه بعضیلری (لیدی) حکمدارلغی

احضاد نوح بن اولان حضرت لوطه ایصال ایتش لر ایستده
 صحتی معلوم دکلدر . فقط اوروپا اهالی اعصایه سی هنوز حال
 وحشت و جهالتده ایکن مصر دن هجرتله کیدن بعضی قبائلک
 ارزاده توطن واقعاتلر دن صکره اوروپا لور طریق مدینه سلوک
 ایتشلردر . اوروپا سکندراسلید سنک قنغی جنس دن اولد یغی بروجده
 صحیح معلوم اولیوب انجیق سام بن نوحک اولادی شعبه سندن اولملری
 مملکتوندر . (هونوس) و (دوری بن) و (یونان) و (سرواده)
 و (اسپارطه) و (فریکیا) ملتری مصر و قرطاز و فنیسیان
 فامیلارینک هجرتلر دن تشکل ایتشلردر .

اوروپا دا خاندن غال نامیله برطاقم سکنته قدیمه دهاوار ایدیکه اندن
 فروع عدیده ظهور ایتشدر . ازجمله بلژ و سلت فامیلاری
 غال طائفه سندن حصوه کلوب بلجیق اراضی سنک ابکنجی پیرینه
 طاغلرینک انکارینی اعمار ایتشلردر . وندیک اهالی قدیمه سی دخی
 سلت فامیلیه اسی شعبه سندندر .

اسپانیازک سکنته قدیمه سی دخی فنیسیان و قارطاز و روم فامیلارینک
 شعبه لمتسندن اسپاتی نامنده ظهور ایدن برقیه دن حاصل
 اولوب صکره لری (غوت) و (ویزیغوت) و (واندال) طائفه لری
 هجوملریله منقرض اولمشلردر .

(واندالوس) و (توریق) فامیلاری دخی (ورتمبرغ) و (وباویرا)
 و (اوستریا) و (ایلریا) و (ستریا) اراضی سنک اهالی قدیمه سیدر .
 (ساقسون) و (لومبارد) و (دانوا) و (انکل) طائفه لری دخی
 اوروپانک جهت غربیه سنه یانمشدر .

(لومباردیا) و (اوستور غوط) و (هرول) فامیلاری دخی اسلاوون

نوع انسانك سطح ارضه صورت تكثير و انتشاري ۵۰۵

شعبه سندن اولان خروات طائفه سندن حصوله كلكهرك
ايناييه منتشر ارمشردر بلغارلر دخی تاتارستانده واقع
(وولقا) نهري كنارندن ظهور ايلدرك طونه نهري نك تراشيا
وبالتان طرفلرنده توطن ايتمشلردر.

عبرانيارك توطن اولدقلى اراضى برالشامك فرات نهري نه
طوغرو ممدود اولان محلارى اولوب صكره لرى بنى اسرائيلك
سختوت قاهره سيله منقرض اولمشلردر. كلدانيلر دخی نهري مذكورك
جهت شرقيه سنده واقع اراضى سكه سيدر. حضرت ابراهيم
عليه السلام دخی اوراده دنيايه كمشدر. حوالى مذكوره يه اليوم
کردستان وياخود مز و پوتامى دينور.

لبنان اهالى اراضى مذكوره نك دكر طرفنده واقع جبال
منسله نك اهالى اصليه سندنر. بدويلر دخی عبرانى و كلدانى
الكاسنه تيجارز ايتيوب يعنى نهري طرفنى كچميدرك يالكر صحراى حجازده
مناسر برطام قابل قديمه دركه جنس ونوعلرينك برجهتى عرب
و برطرفى ارام قبائلنه منسوبدر. عربلر شمدى يه قدر عادات
واخلاقلرى بوزلماش و سلاله لرينه دخی اجانب قارشماشدر.

ايمدى نوع انسانك سطح ارضه فصل منتشر اولوب نره لرده
توطن ايلدكلرى هر نكدر جغرافيا فنى دلالتيله تعيين
اوله ييلورايستهده يعنى افريقانك نهايت شماليه سنده واقع سيطه
بوغازندن مصره قدر ممدود اولان سواحلك سكته سى كذاك
مصردن بحر احمره كچوب باب المندبدن بدأ ايله اراضى حجازده
و مايندن بصره كورفزينه و اورادندخی باوجستان و كابل و قندهار
و هندستانك مالابار و بنكال كورفزي ايله هندستانك وسطه

واروب افغان و ترکستان واوزبك الکاسندن و آمویہ دره یولیه
 بحر خزره دونوب داغستان و جبال چرا کسه وروس و فنلاند
 و مجارواه و جرمانیا و اسلاوونال و غوت ووزیغوت و فرانس و اسپانیا
 و ساقسونیا ممالکده و ایرلانده و اسقوچیا اطه لرندہ بولسان
 اھالی بیاضلردن تشعب ایلدیکی بیلانورایسدهده بونلرک یکدیگر ایلہ
 ازدواجلرندن و دیگر جنسلر ایلہ اختلاطلرندن ناشی نوع بشر
 بیندہ حصواہ کلان اختلاف اشکال و اوانک صرہ سیلہ تعریف
 و تعیینی قابل اولمہ من . فقط بویجی براردها ایضاح ایچون
 شو قدر دینلہ ییلورکہ مبدأ انسانی عد اولنان محلدن بعد الطوفان
 حضرت نوحک سام و حام و یافث نام اوچ نفر اولادندن اوچ
 قول اوله رق اون التی فرع چیقوب اولکی قولک برنجی فرعی
 الامیان فرعیدرکہ آسیا قطعہ سنک الک قدیم سکندسی اولوب
 عراق عجمہ مستولی اولان مادر بونلردن ظهور ایتشدیر . کذلک
 لورستان و قہستان الکالرینک سکندہ قدیمہ سی اولان دیلم طائفہ سی
 دخی مادرک برشعبہ سیدر . اولکی قولک ایکنجی فرعی (آسور)
 فاملیا سیدر جزره ایلہ آسورستان دیدکلری محلاری شامل اولوب
 فرات و دجلہ نہرلرینک اراسندہ بولسان الککاک اھالی قدیمہ سیدر .
 اولکی قولک اوچنجی فرعی ارپاقساد درکہ بوکا ارخساد دخی
 دینور ارمنستان طرفندہ اولان قبایل قدیمہ نک اصلیدر . اولکی
 قولک دردنجی فرعی فال درکہ عبرانیلرک اصلیدر . بشنجی فرعی دخی
 یاقطسان طاقیدر آسیانک قطعہ غریبہ سنہ ییلان سیریا و ریکان
 قبیالہ لرینک اصلیدر . کذلک ارام لیدی و سیری طائفہ لریدخی
 بشنجی قسمندیر .

نوع انسانك سطح ارضده صورت تكتروانشاری ۵۰۷

الام	قہستان لورستان و عراق عجم الکالینک سکنہ قدیمہ سی
اسور	کلدانیلرک و کردلرک اصلی
ارمنیاد	جبل جودی سکنہ سنک و ارمنیلرک اصلی
فالر	ارام ولید و سیریا طائفہ لرینک اصلی
یاقطان	ترکمان طاقنک اصلی

کذلک نیطا و کنعان و عمود و عاد قبیلہ لری دخی ارام ایله دیلدن ظهور ایتیشلردر.

ایکنجی قولک برنجی فرعی نمروددر که کوسک ارغلی و کوش دخی حامک اوغلیدر عراق عرب دینلان اراضیده بولسان اکراد و حبش طائفہ لری بولک نسلانددر. ایکنجی قولک ایکنجی فرعی دخی مصرایمدر که نوبه یه قدر اقلیم مصرک سکنہ قدیمہ سنک اصلیدر. (بربر) فاملیاسی دخی بولردن تفرع ایتیشدر. اوچنجی قولک اوچنجی فرعی کنعان فاملیا سیدر که بحر لوط کنارنده واقع مؤاب امون سدوم اورم اسایی فاملیالرینک اصللریدر. ایکنجی قولک دردنجی فرعی قوط فاملیا سیدر که مغاربه ونومیدیا فاملیالرینک اساسی اولوب فاس الکاسندن طرابلسه قدر ممتد اولان جبال اطلسک کنارینه یایلان اهلینک اصلیدر.

کوش	نمرود و اکراد و حبش فاملیالرینی تشکیل ایتیشدر.
مصرایم	نوبه و بربر و قبط فاملیالرینک اساسیدر.
کنعان	مؤاب امون سدوم آمور فاملیالرینک اصلیدر.
قوط	مغاربه ونومیدیا اهلینک اصللریدر.

اوجنچي قولك برنجي فرعي كومر فاملياسيدر . اناطولى واوروپا نك
 سمت غريديسنة يايلان غال و پورتغال و طوتون فاملياسينك
 اساسيدر . اوجنچي قولك ايكنجى نوعى ماغوغ فاملياسيدر كه
 تانارلك و سندن و چين و خطا و جاپون فامليارينك اصليدر .
 اوجنچي قولك اوجنچي نوعى مادي فاملياسيدر كه خراسان الكاسنه
 يايلاش اولان ديلم و امثالي اهالي قديمه نك اصليدر اوجنچي قولك
 درديجي فرعي زاوان يا خود يا وان فاملياسيدر كه روم و جرمانيق
 فامليارينك اصليدر . اوجنچي قولك بشنچي فرعي توپال
 فاملياسيدر كه طاق و ارامنه فامليارينك اساسيدر . اوجنچي
 قولك التنجي فرعي تيراس فاملياسيدر كه تراجيا دينلان روم ايلي
 قطعه نك سكه قديمه سيدر اوجنچي قولك يدنجي فرعي ماشح
 فاملياسيدر كه بحر خزر حواليسندن دشت قيقاغه يايلان تاجيك
 واوزبك فامليارينك اساسيدر .

كومر	غال و طوتون و سلت فامليارينك اصليدر	} يافت
ماغوغ	بالجمله تانارلك اساسيدر	
مادي	خروسان و پارتة مستولى اولان مادي و ديلم و نبط	
	امثالي قبائل قديمه نك اصليدر	
	ياران اوروپاده بولنان روملك و ايتاليانلك و جرمانيلرك اصليدر	
	توپال طاق و ارامنه و حابعه فامليارينك اصليدر	
	تيراس تراسيا و مقدونيا لور اصليدر	
ماشح	خوزر و تاجيك و قالموق و امثالي قبائل قديمه نك اصليدر	

والجاسل دنیا یوزنده موجود اولان اجناس بنی ادم اشیبواوچ
قول اون الی فرعک ازدواج واجتماع اولندن باشلیوب هر ورستین
واعصار ایلله سطح ارضک اماکن معتدله سندن اطراف واکنای
عالمه مهاجر تاروقوعی صاری و سیاه و نحاسی و قرمز و زیتونی
رنکرده اقوام و ملل مختلفه ک ظهورینه سبب اولشدر

(خیرالله)

بقیده سی صکره

(خلاصه یولیتیه)

فرانسه

فرانسه مبعوثان ملت مجلسنک یو دفعه مدتی ختام پذیر اولمش
ایدو کندن بروجده معتاد محدوداً انتخاب اولنان اعضا ک اکثریتی
حکومت حاضره افکاری عایهنده بولسانلردن او اوب بو دخی فرانسه
امور مالیه سنک یولنده اولدیغندن طولانی اهالی ک حکومت
حاضره دن خوشنود اولدقلرندن نشأت ایتشدر بو کیفیت بالطبع
دولتجه موجب اندیشه و تلاش اوله رق شو خصوصک او کنی کسیدیر ک
اوزره بعضی تدابیره تسبب اولمش و از جمله داخلیه و کیلی طرفندن
اهالی یه اعلان اولشق اوزره ایالات والی و قائم مقاملارینه
خطاباً برر قطعه عموم مکتوبی یازیلوب بونک خلاصه ما آنده اگرچه
براز وقتند برون خزینه دولت بعضی مرتبه مصارف زائده دوجار
اولمش ایسده بونلر نابجا اولمیوب فرانسه ک اعلای شانی
واهالی سنک استیصال سعادت حالی ضمیمه و قوعبولمش

اولدیغندن اهالی بورا لرینی مضالعه ایله ایمپراطور حضرت تارینک
خلاف مر ضیسی حرکاتدن اجتناب ایملری مأمول ومنتظر ایدوکی
محرر بولمیشدر.

لهستان

لهستان اختلالی کمال اشتداد اوزره دوام ایتمکده در . لوازم
حر بیه نیک تدارکی ضمیمه مقدمه لهستانده تشکل ایتش اولان
حکومت ملیه بودفعه حکومت مشروطه اصوله تطبیقاً تنظیم
اولمش و حکومت مذکوره معرفتیه اصحاب املاکدن تحصیل
اولان ویرکومصارفات حر بیه درجه کفایه ده اولدیغندن
خارجدن براستقراض عقدینه دخی تشبث قلمشدر .

لهستان مسئله سی حقنده اوروپا دولتری طرفندن روسیه دولته
وقوعبولان تبلیغاته ویریلان جواب صدره شفا ویرر قیلدن
اولدیغنه واوروپاده اهالی نیک لهلولر حقنده میل و محبتلری کتدیکجه
تراید ایتکده ایدوکنه بنأ انکلتزه دولتی اولای برسنه مدته برمتارک
عقد اولمسی ثانیاً لهستانده بولان قلاع واستحکاماتک
روسیه عساکری یدنه قالمسی . ثانیاً در عقب لهلولره
مخصوص بر حکومت ملیه تشکیل قلمسی رابعاً داخل اختلال
بولان اشخاصدن هیچ بریسنک توقیف و محاکمه اولنماسی خصوصنک
بالاتفاق روسیه دولته تبلیغی تصور ایدوب فرانسه و اوستریا
دولتارینه بیان کیفیت ایلش و اوستریا دولتی مع زیاده بوکاموافق ایدوب
فرانسه نیک دخی بوانفاقه داخل اولاجنی ملحوظ ایسده ده هنوز
رأیی نه مرکزه اولدیغنی معلوم اولمامشدر .

(یونانستان)

یونان قرالی انتخاب اولان دایمقارقه پرنسی کلیوم یورکینک مسند مذکورک قبولی تعلیق ایلدیکی بعضی شرائطدن طولانی ظهور ایدن مشکلات دول ثلثه حامیهک حسن همتلریله بوکره برطرف اولمش اولغله مشارالیهک اغستوس اواخرینه طوغری یونانستانه ورودی مأمولدر قرال مشارالیهه معاش سنوی اوله رق یونانستان وارداتندن ۱,۲۰۰,۰۰۰ برمایون ایکوزیک فرائق ایله جزایر سبعة دن دخی سنوی یوز الی یک فرائق کتورر بعضی املاک ترک و تخصیص اوانوب بوندن بشقه روچیلد استقراضندن طولانی یونان دولتک دول حامیهه سنوی اعطا ایتدیکی اون ایکیشسر یک لیرادن قید حیات شرطیه قرال مشارالیهه دردربیک لیرا تخصیص اولمنسنه دول مشارالیههم طرفندن موافقت کوسرلشدر . الیوم یونانستانک هر طرفنده کماکان امنیتسزک باقی اولوب قرالک ورودندن صکره امن و اسایش حصولی ملحوظدر .

(ممالک مجتمعه امریقا)

کچن مایس افرنجینک اون التیسنده شمال اردوسی جزالیردن غرانت ایله جنوب بلور بیننده پامبرتون نام محلهه برمحاربه وقوع بوله رق جنوبلوردت یک ادم ایله یکرمی طقوز طوپ غایب ایتشاردر . جزال مومی الیه مؤخرأ ویقسیبورغ شهری اوزرینه هجوم ایتمش وجنوب بلور کمال شدتله مدافعهه قیام ایلدکلری جهتهه بش یک قدرتافاتی اولدیغی حالده ککرو چکلرکه مجبور اولمشدر .

جنوب اولريك مركز حكومت اتخاذ ايتش اولد قلری ريشه شوندى شهرى
 اوزرينه سوق اولمش اولان جسيم شمالو اردوسى جنوب اولره
 متعلق يول اوزرينده مصادف اولديغى برچوق كوپرى وتيمور يول
 خطلرينى هدم وتخریب ايتش اولديغى مثالو شمالو لر غيلسون
 كورفزی ليمانى دخی ضبط ايتلاردر . جمهور شمالی رئيسی مسيولينقولان
 يقينده اهلایدن مجدداً عسکر تحریراوانده جغنه دائر بر اعلان نامه نشر
 وجهه سی رنجی اولق اوزره بود فعه اون الای عسکر ترتیب ايتلشدر .
 ممالك شمالیه اهالیسی حربك منتج اولديغى مصائب واکداردن
 وحکومتك بو بابده اتخاذ ايتديکی بعض تدابير شدیده دن ناشی زیاده
 مضطرب و داکیر اولشلاردر . مقدمات وقوعبولان (شانسلور ويل)
 شهرى محاصره سنده شمال اولردن اون اوچبیک بشیوز آدم مقتول
 ومجروح اولوب درتبیك بشیوزى دخی اسیردوشديکی بود فعه
 رسماً تحقیق قلمشدر . جنوب اردوسى باش قوماندانى هوفر
 الافرانقه مايسك بشنده قالموت شهرینی کاملاً ضبط ايتش
 ومجروحلرینی میدان محاربده براغده رق موجود معیتى اولان
 عسکرله درون شهره دخول ايتلشدر .

(مکسیقا)

مکسیقاده بولنان فرانسه اردوسى پوآبله شهرى اوزرينه
 هجوم ايله بعض محللرینی دخی ضبط ايتش ار ايسده هنوز کاملاً
 اخذ اولنده مامش اولمغله شهر مذکورک کمال شدتله حصرو تضییقه
 دوام اولمقدهدر . محصور بولنانلر ذخائر ومهمات وباخصوص
 صويك فقدا نندن ناشی زیاده حال مضایقه ده اولوب برطرفدن
 دخی فرانسه اردوسنده التجا ايتکده اولملریله ارتق چوق وقت
 مقاومت ایده میدرك تسلیم اولملری ممولأ بولمشلدر .

(مواد مندرجه)

اعلان
وسائط تنويريه	.	.	.	حنيف افندى
كبو ترنامه بر	.	.	.	وله ايضا
مواد حكيمه تلماق	.	.	.	كامل پاشا
بانقه عثمانى	.	.	.	قدرى بك
انتشار نوع بشر	.	.	.	خيرالله افندى
خلاصه بولينيه	.	.	.	

جمعيت مهريله ممهور اوليان مجموعه فنون نسخده لرينه ساخته
نظريه باقيه رق طابع و بايع لرى مسئول طوتيله جققدر





(فہرست)

صفحہ مواد مندرجہ اسامیٰ محررین

ہیئت جمعیت	۲	جمعیت نظامیہ	۲
منیف افندی	۱۸	مقدمہ	۱۸
ولہ ایضاً	۲۱	مقایسہ علم و جہل	۲۱
محمد جیل پاشا و خلیل بک	۳۴	قدمای ملوک مصریہ تاریخ	۳۴
قدری بک	۳۷ - ۳۹	علائم سماویہ	۳۷ - ۳۹
منیف افندی	۴۳ - ۴۴	سرعت عمر	۴۳ - ۴۴
ولہ ایضاً	۴۴ - ۴۶	ظہور تصویر افکار	۴۴ - ۴۶
علی پاشا	۵۰	التفاتنامہ	۵۰
منیف افندی	۵۵	قرہ طاع	۵۵
ولہ ایضاً	۶۵	مقدمہ علم ژئولوژی	۶۵
ادھم پاشا	۶۸	مدخل علم ژئولوژی	۶۸
محمد جیل پاشا و خلیل بک	۷۵	تاریخ قدمای ملوک مصریہ	۷۵
قدری بک	۷۹ - ۸۰	علائم سماویہ (مابعد)	۷۹ - ۸۰
اوتخان افندی	۸۶	علم ثروت ملل	۸۶
منیف افندی	۹۴	تقریض ترجمہ تلاق	۹۴
ولہ ایضاً	۹۷ - ۹۸	قرہ طاع (مابعد)	۹۷ - ۹۸
ادھم پاشا	۱۰۵ - ۱۰۷	مدخل علم ژئولوژی (مابعد)	۱۰۵ - ۱۰۷
قدری بک	۱۱۱ - ۱۱۴	اروپا تاریخ و جغرافیاسی	۱۱۱ - ۱۱۴
منیف افندی	۱۱۹ - ۱۲۳	الغای قوائیم نقدیہ	۱۱۹ - ۱۲۳
حصیرجی زادہ	۱۲۷ - ۱۳۲	قائمہ نک لغوینہ تاریخ	۱۲۷ - ۱۳۲
منیف افندی	۱۳۴	عامیہ تشکر	۱۳۴
ادھم پاشا	۱۳۸	مدخل علم ژئولوژی (مابعد)	۱۳۸

۱۵۲	قدمای مالوک مصریہ تاریخ (مابعد)	محمد جلیل پاشا و خلیل بک
۱۵۸	اوروپا تاریخ و جغرافیاسی (مابعد)	قدری بک
۱۵۳	الغای قوانم نقدیہ (مابعد)	منیف افندی
۱۶۱	مواد حکمیہ تلماق	کامل پاشا
۱۷۶	اہمیت تربیہ صبیان	منیف افندی
۱۸۶	فوائد طرق	سعید افندی
۱۹۷	مواد حکمیہ تلماق (مابعد)	کامل پاشا
۲۰۵	مدخل علم زئولوژی (مابعد)	ادھم پاشا
۲۱۵	تاریخ چاو	منیف افندی
۲۲۲	تاریخ اوراق نقدیہ بروجہ عمومی	ولہ یضا
۲۳۲	فوائد طرق (مابعد)	سعید افندی
۲۳	صورت انتشار نوع بشر	خیراللہ افندی
۲۴۳	علم ثروت ملل	اوحانس افندی
۲۵۹	علائم سماویہ (مابعد)	قدری بک
۲۵۸	دارالفنونہ درس عام کشادی	منیف افندی
۲۶۱	خلاصہ پولیتیقہ (جادی الاخر)	...
۲۷۶	مخارج سبعہ عالم	منیف افندی
۲۸۵	مواد حکمیہ تلماق (مابعد)	کامل پاشا
۲۸۹	مدخل علم زئولوژی (مابعد)	ادھم پاشا
۲۹۵	صودہ بوغلا نازک صورت استخلاصی	قدری بک
۳۰۱	دارالفنونہ درس عام کشادی	منیف افندی
۳۰۲	خلاصہ پولیتیقہ (رجب)	...

چینده بولسان اهل اسلام	منیف افندی	۳۱۶
صوده بوغلا نلرک صورت استخلاصی (مابعد)	قدری بک	۳۲۰
دارالقون درساری	منیف افندی	۳۳۰
لزوم سعی و عمل	محمد شریف	۳۳۳
سرکیٰ عمومیٰ عثمانی	قدری بک	۳۳۷
فوائد شرکت	واحان افندی	۳۴۳
حدوث مجموعه عبر انبیاہ	منیف افندی	۳۵۳
خلاصہ پولیئقیہ (شعبان)	...	۳۵۵
سرکیٰ عمومیٰ عثمانیک وقوع کشادی	منیف افندی	۳۶۳
نظر ایله عملی بیننده اولان جهت وحدت	سعید افندی	۳۶۸
مدخل علم ژئولوژی (مابعد)	ادھم پاشا	۳۷۶
تاریخ سرکی بروجہ عمومی	قدری بک	۳۸۶
امید بروننده بولسان اهل اسلام	منیف افندی	۳۹۳
ظہور مرآت	زلہ ایضا	۳۹۹
خلاصہ پولیئقیہ (رمضان)	...	۴۰۰
ضمیمہ سرکیٰ عثمانی	منیف افندی	۴۰۸
مواد حکمیہ تلاق (مابعد)	کامل پاشا	۴۱۳
چاو	منیف افندی	۴۱۸
صویک ماہیت و انواع و خواصی	صفوت پاشا	۴۱۹
امید برونندن مکتوب مخصوص	منیف افندی	۴۲۵
سرکیٰ عمومیٰ عثمانی	قدری بک	۴۳۰
قدمای ملوک مصر بہ تاریخ (مابعد)	محمد جیل پاشا و خلیل بک	۴۳۴

...	خلاصہ پولیٹیکہ (شوال)	۴۴۲
منیف افندی	تاریخ تلغراف	۴۴۸
ادھم پاشا	مدخل علم ژئولوژی (مابعد)	۴۵۹
صفوت پاشا	صویک ماہیت و انواع و خواص (مابعد)	۴۶۳
قدری بك	علائم سماویہ (مابعد)	۴۷۰
ابوبكر افندی	امید برونیدن مکتوب مخصوص	۴۷۷
...	خلاصہ پولیٹیکہ (ذی القعدہ)	۴۸۰
	اعلان	۴۷۶
منیف افندی	وسائل تطویر	۴۷۸
منیف افندی	کبوتر نامہ بر	۴۸۵
کامل پاشا	مواد حکمیہ تلماق (تم)	۴۸۸
قدری بك	بانقہ عثمانی	۴۹۵
خیراھ افندی	صورت انتشار نوع بشر (مابعد)	۵۰۲
...	خلاصہ پولیٹیکہ (ذی الحجہ)	۵۰۹



(مجموعه فنونك برنجي سنه لکي خطا و صواب جدوليدر)

صواب	خطا	سـطـر	صحيقه
مأمـوريت	موريت	۱۴	۲
مکارمـعـاده	مکار	۶	۱۸
ديوانه لکمي	ديوانه لکي	۱۴	۲۷
يقلشـلـديغـي	يقلشـديغـي	۱۶	۲۵
بولـديغـي	بولنديغـي	۸	۶۵
شفاف	شفاق	۱	۸۱
منقل	متقل	۶	۸۱
غير قابل	قابل	۲۱	۸۱
سـسـلـنـه رـك	سـنـه رـك	۷	۸۵
افضـال	افضل	۱۵	۹۴
اولـديغـي	اولمـديغـي	۱۴	۱۰۰
حاكـمـلـره	حاكـلـر	۱۳	۱۰۱
نـشـر ضـيا	نـشـر و ضـا	۹	۱۰۸
جـسـمـيـه	جـسـمـيـه	۲۰	۱۱۵
اولـمـديغـمـري	اولـديغـمـري	۵	۱۳۴
تـزـيـد	تـزـيـل	۱۶	۲۳۴
دكـوب	دوكرلـو	۲۰	۲۳۵
ايسـوده	ايسـه	۲	۲۳۰
كـي	واـمـنـالـي	۱۸	۲۳۰

صواب	خطا	سطر	صفحه
نصفه	نصفه	۱۵	۲۳۱
حسن	حسن	۷	۲۳۲
قواندن	قوانده	۲۰	۲۳۶
اولغه	اولغه	۲۳	۲۴۰
نسیم	نسیم	۱۷	۲۵۱
ایسه هوانک کمال	ایسه کمال	۲۳	۲۵۵
اداره سنده بولان روما	اداره سنده روما	۱۱	۲۶۳
غاری بالدی	غاری بال دینک	۲۳	۲۶۴
ایچون اولدیغنه دائر	ایچون	۸	۲۶۵
قطعیده	قطعیه	۶	۲۶۷
لهلورک	لهلور	۹	۲۶۸
مقتضیاتنک	مقتضاتنک	۶	۲۸۴
الوزن	اولوزن	۸	۲۹۰
نفسه	نفسیه	۱	۳۱۸
اداب	ادات	۱۳	۳۱۹
کورلدیجه	اولدیجه	۱	۳۲۴
مرتبه سنی	ترتبه سنی	۴	۳۳۰
بر قومیا نه طرفندن	بر قومیا نیا	۱۵	۳۳۷
درت	اوج	۶	۳۳۹

صواب	خطا	سطر	صفحة
هجنسلى	هجنسلى	٦	٣٤٤
ايلسيه	ايلسه	٢٣	٣٤٤
استثنائيه	استثنايه	١٢	٣٤٦
حرف	صرف	١٤	٣٤٨
مادار	مادارا	٢١	٣٦٣
مضاعفه	مضاعه	٩	٣٧٩
بسيميك	نسيمك	٦	٣٨٠
اولنديغى	اولديغى	٧	٣٨٠
الذوبان	الذبان	١٤	٣٨١
اولنديغنه	اولديغنه	٦	٣٨٥
بالدفعاة	بالدفعت	٢٣	٣٩٠
خفي اولمديغى	خفي اولديغى	٤	٤١٠
ثقيه	نقايه	٨	٤١٠
برودت ايله تجمد	برودت	٢٢	٤١٩
وكدولرينه	وكدولرينه	٢١	٤٢٩
ايشيدلديكى	ايشلديكى	٦	٤٥٧
محال	محل	٨	٤٥٧
صو	صوبه	١١	٤٧٤
دول مشار اليه	دول اليه	٥	٤٧٤



برجی نو مرودن بشنجه به قدر اولان نسخه لک طبع اولی خطا
وصواب جدولیدر

صفحه	سطر	خطا	صواب
۲۰	۱۶	هر مند	هر مند
۲۷	۵	دیوانه لکی	دیوانه لکی
۳۰	۵	وبارو	وبارد
۳۷	۷	هودن	هوادن
۴۲	۱	اولد یغندر	اولد یغندر
۶۰	۴	کوپریلی محمد پاشا	کوپریلی نعمان پاشا
۶۲	۱۱	اخاص	اخمن
۷۱	۵	وسطوقلرینه	وسطوقلرینه
۷۸	۱۰	فتوم	فیوم
۸۲	۳	قابل	غیر قابل
۹۵	۸	تذهیب	تهذیب
۱۰۳	۲۱	مقاومه	مقاومه
۱۱۸	۱۰	وشهور	وشهور
۱۷۹	۲۱	ذاهب	ذهاب
۱۸۷	۲۰	شرقی شمالی	غربی شمالی
۲۰۷	۲۲	دجنوی	رجنوی
۲۱۲	۴	سیروسفائن	سیروسفائن

مجموعه فون مرماه عربی نهایتند چیتا ریلور

در سعادت ایچون بهاسی

غروش

۶۵ برسندلک

۳۵ التی ایلوق

۰۶ برنسخه

برسند لکنه ویا خودالتی ایلغنه مشتری اولوق اسنلند کده یکی جامع
جوارنده چیچک بازارنده واقع جمعیت علمیه عثمانیه مرکزینده مرجعت
اولنه . ایالانده مشتری اولوق استیانلر فیئات مذکوره اوزرینه مسافه نیک
قریت و بعد یئنه با قلیوب بری لاق ایچون التی والتی ایلوق ایچون اوج
غروش پوسته اجرتی ضمیمه الحقه سنی پوسته یه تودیعاً جمعیت علمیه عثمانیه
ریاستی طرفه کوندردکاری حالده اوقات معینه سنده محله ایصال
اولنور

ممالک اجنبیه ایچون مسافه سنده کوره لازم کلان پوسته اجرتی ضم اولنور
متفرق صایتمان محال

جمعیت مرکز

صحافلر کتخداسی حلبلی حاجی

حسین افندی

سلطان بایزیده کاغذچی

حافظ اسماعیل افندی

بک اوغلی جاده سنده صحاف

کولر . . . نومرو ۳۲۳

اسکدارده یازیچی عثمان افندی

بشکطه شده اجزاجی و یچین

مجموعه فون مرماه عثمانی مواد مناسب جمعیت مرکز

ارسال بیوریه

**TO RENEW CALL
422-3900**

[illegible]

HIGHSMITH 45-220

